



✠ Sexta maldicion. ✠

L *AEdetur quasi uinea, in primo flore
botrus eius, & quasi oliua, proyiciens
florem suum. Simbolo de la abundancia
fue siempre la oliua y parral cubier - p*

3

1a





3597 I
TEOLOGIA

17. VIII. 54.

Theol

3597

E
sup
t

Pr

A

PRÆADAMITÆ.

S I V E

EXERCITATIO

super Versibus duodecimo, decimo-
tertio, & decimoquarto, capitis
quinti Epistolæ D. Pauli
ad Romanos.

QVIBVS INDVCVNTVR

Primi Homines ante Adamum
conditi.

M. 125



ANNO SALVTIS,
M. D C. LV.

FRANCIA

1773

EXERCITIO

per vobis quibuslibet, locum

tenet & quodammodo, quod

quod in hoc, in hoc

in hoc

Quod in hoc

in hoc



ANNO 1773

IN D. C. E. V.

II.
M
t
III
tu
pu
M
IV.
un
V. p
ba
VI.
da
ni



E L E N C H V S C A P I T V M

quæ continentur in Exer-
citatione.

C A P V T I.

V Erba Apostoli. Imputationem peccati
cœpisse à transgressionē legis Dei,
quam Adamus violavit: delisse in
Christo. Antithesis inter Adamum & Chri-
stum. Pag. 7

I I. De lege Dei data Adamo. Item de variis
legibus humanis & divinis, quæ fuerunt an-
te legem Dei datam Moysi. 9

I I I. De quatuor hominum statibus: sub na-
tura: sub lege: sub gratia: sub gloria. Tem-
pus legis statuendum esse ab Adamo, non à
Mose. 13

I V. Peccatum fuisse imputatum ab Adamo
usque ad Moysen. 15

V. Probatur idem quod superiori capite pro-
batum est. 18

V I. Infantes peccavisse ad transgressionis A-
dami similitudinem. Et de variis similitudi-
nis acceptionibus. 19

VII. Infantes peccavisse ad transgressionis Adami similitudinem, secundum superiores omnes acceptiones similitudinis. 23

VIII. Anxietas interpretum in explicatione horum versuum. Statuere, primos homines creatos ante Adamum, neque officere doctrinæ Christianæ, neque historiæ Genesios: imo utramque elucidare. Congruere omnino cum historiis & monumentis Gentium. 25

IX. Textus Apostoli. Analysis versus duodecimi. De imputatione peccati, & de regno mortis. 30

X. Analysis versus decimi tertii. Legem hic intelligendam, datam Adamo. Afferitur vulgata lectio. 32

XI. Analysis versus decimi quarti. De regno mortis ab Adamo usque ad Moysen. Moysen hic sumi pro lege data Moysi. 34

XII. Duo tempora notari ab Apostolo. Vnum, à lege. Alterum, ante legem. Sive, quod idem est, Vnum ab Adamo; Alterum, ante Adamum. 36

XIII. Creati homines ante Adamum, non peccaverant ad similitudinem transgressionis Adami. Legendum hic, *peccaverant*, non *peccaverunt*. 38

XIV. Peccatum dari materiale & formale: non imputatum, & imputatum. Similitudinem transgressionis Adami positam in imputatione, non actu transgressionis ejus. 40

XV.

XV. Quæ sit vera similitudo transgressionis
Adami, per Oseam Prophetam. 43

XVI. Neminem potuisse unquam peccare actualiter sicut Adam peccavit. Infantes verius peccavisse ad similitudinem transgressionis Adami quam adultos. Legem Mosaicam expressam ad similitudinem legis Adamicæ. Legem Adamicam hoc loco intelligendam. 45

XVII. Peccata facta ante legem, neque imputata, neque ad similitudinem transgressionis Adami. Peccata facta post legem, imputata, & facta ad similitudinem transgressionis Adami. De peccato mortuo, & vivis hominibus ante legem & Adamum. 47

XVIII. Introducitur vivus homo absque lege, vel ante legem & Adamum, loquens secundum mentem D. Pauli. 49

XIX. Peccatum Adami fuisse retro imputatum primis hominibus ante Adamum conditis: & damnationem mortis ex illo peccato, retro regnavisse in illos. Qua de causa illud fieri debuerit. 54

XX. Peccata præcedentia, de quibus locutus est D. Paulus cap. 3. hujus epistolæ; eadem esse quæ facta ante legem & Adamum; quia legem & Adamum præcesserunt. 55

XXI. Quomodo censeri possit, peccatum Adami fuisse retro imputatum primis hominibus ante Adamum conditis: nec non da-

mnationem mortis ex illo peccato, retro re-
gnavisse in illos. 57

XXII. Analysis continua horum versuum
Apostoli. 59

XXIII. Adamum dici primum hominem,
qua ratione Christus secundus homo est. 62

XXIV. Adamum dici primum hominem,
qua ratione primus homo peccator est. Im-
putationem peccati Adamici non fluxisse
ex Adami traduce. 64

XXV. Explicatur D. Paulus Actorum capi-
te 17. Ex uno sanguine, non esse, ex uno
Adamo. 67

XXVI. Exercitationis epilogus. 69



EXER-



EXERCITATIO

Super Versibus, duodecimo, decimo-
tertio, & decimoquarto, capitis
quinti, Epistolæ D. Pauli
ad Romanos.

C A P V T I.

Verba Apostoli. Imputationem peccati cœpisse à
transgressionem legis Dei, quam Adamus violavit :
desiisse in Christo. Antithesis inter Adamum &
Christum.



*Paulus Apostolus, Epistola quam
scripsit ad Romanos, capite quinto,
versibus 12. 13. & 14. hac ait.*

XII. Sicut per unum hominem
peccatum intravit in Mundum, &
per peccatum mors : ita etiam in omnes homi-
nes mors pervasit, in quo omnes peccaverunt.

XIII. Nam usque ad legem peccatum erat
in Mundo. Peccatum vero non imputabatur,
non existente lege.

XIV. Regnavit autem mors ab Adamo us-
que ad Moysen : In eos etiam qui non peccave-
rant ad similitudinem transgressionis Adami ;
qui est typus futuri.

Vulgati Interpretes explicant illud, Usque ad

legem, decimitertii versus; de tractu illo temporis qui intercessit ab Adamo usque ad Mosem. Per quod tempus statuunt peccatum quidem fuisse in Mundo, sed non datum fuisse crimini; siue non fuisse imputatum, ut vulgo dicitur. Statuunt, inquam, peccatum cœpisse imputari à Mose, non autem ab Adamo.

Verum hoc (præfabor pacem tantorum Virorum) pugnare mihi videtur fronte aduersa, cum eo quod voluit dicere Apostolus: imò quod significanter expressit, quamvis leuiter attigisse videatur. Voluit enim illud, & hic est sensus perpetuus huius loci. Homines à Deo depulso propter unum hominem-peccatorem, rediisse in gratiam propter unum Hominem-Deum. Peccatum intravisse in Mundum, per unum hominem-peccatorem, qui legem Dei pratergressus est: absolutionem de peccato illo, qua Iustitia & Iustificatio appellatur, intravisse in Mundum, per unum Hominem-Deum, qui legi divina paruit, & piacularis factus est ob culpam illius hominis peccatoris. Hominem illum peccatorem typum fuisse, sed typum oppositum, huius hominis Dei. In hac tamen oppositionis comparatione voluit Apostolus, imputationem, ut ita dicam, fuisse gratiam huius hominis-Dei, transgressione huius hominis-peccatoris: potiore huius justificationem reatu illius: plenius & potentius huius obsequium illius pervicacia. Vbi perpetua viget antithesis inter illum & hunc. Ille est Adamus, hic est Iesus Christus. Ille est primus Adamus, hic est secundus Adamus.

Voluit item Apostolus, per temeratam illam primam legem Dei, ab illo primo homine Adamo, homines omnes inimicos & hostes Dei evasisse: per transgressionem illius legis omnes homines peccavisse: per contumaciam illius hominis, omnes homines peccatores effectos: per illud peccatum, quod est transgressio illius legis, mortem pervasisse in omnes homines, mortem regnavisse. Illud autem demonstravit Apostolus evidentissime: nec cœcutire possumus in tanta luce, nisi forte quia nimia est. Nimirum ut nobis constet, imputationem peccati cœpisse à transgressionem legis Adamo data, non autem à lege data Mosi. Cœpisse ab Adamo, desisse in Christo. Nulla enim hic antithesis inter Mosem & Christum. Typum, sive antitypum Christi unicum, constituit hoc capite Adamum D. Paulus.

CAPUT II.

De lege Dei data Adamo. Item de variis legibus humanis & divinis, quæ fuerunt ante legem Dei datam Mosi.

Lex Dei data Adamo illa fuit, cujus transgressio, ut prædixi, Adamum, & in illo omnes homines fecit hostes Deo: qua armavit Angelum ense fulmineo, ut illum, & in illo omnes homines Paradiso detruderet. Lex Dei illa fuit, quæ Adamum, & in illo omnes homines effecit peccatores, reos, contumaces: per quam peccatum intraivit in Mundum: per quam omnes homines peccaverunt: per quam mors pervasit in omnes homines. Et de illa lege intelligenda sunt verba hæc

Apostoli: Usque ad legem peccatum erat in Mundo. Quippe qua lex Adami, vel data Adamo, princeps fuit legum omnium. Qua lex legum, & per excellentiam LEX simpliciter dici debuit.

Reliqua leges sua nomina sortita sunt. Lex enim natura illa est, qua dicitur recta ratio: unde leges gentium orta sunt: à quibus itidem fluxerunt leges civiles, qua secundum varios Legumlatores varia sibi induerunt nomina. Tales olim fuerunt, vel duriores Lycurgi leges, vel molliores Solonis constitutiones, vel qua tulere strictiora jura Decemviri, vel qua edixere remissiora Pratores.

Imo & leges Dei varias indictas fuisse Iudæis, longe ante legem datam Mosi, constat ex Genesi ipsa, cap. 26. ubi Deus Isaacum affatur his verbis. Benedicentur in semine tuo omnes Gentes terræ, eo quod obedierit Abrahamus voci meæ, & custodierit præcepta & mandata mea, & ceremonias legesque servaverit. Quibus patet manifestissime, præcepta & mandata Mosaica non fuisse prima præceptorum & mandatorum Iudæis præscriptorum, ut creditur: Ceremonias Mosaicæ non fuisse primas Ceremoniarum Iudaicarum, ut creditur: Leges Mosaicæ non fuisse primas legum Iudaicarum, ut creditur. Sed longe ante Mosem præcepta & mandata alia statuta Iudæis; ceremonias alias institutas; & leges alias Dei populo huic sancto & electo decretas & sancitas fuisse. Iudæos autem hoc loco intelligo: non filios Abrahami tantum, qui vocantur semen Abrahæ: sed & patres omnes Abrahami ipsius, Adami posteros.

Verum inquires: Qua praecepta & mandata legimus praescripta unquam fuisse Iudaeis ante Mosem? Laudabo sanctificationem: Sabbati: mundorum & immundorum discretionem: abstinentiam à suffocatis: qua legimus mandata & praecepta fuisse Iudaeis longe ante Mosem. Quas inquires caeremonias legimus ante Mosem fuisse unquam in usu apud Iudaeos? Caeremonias laudabo illas, quibus sacrificiorum ritus constitit apud Iudaeos, longe ante Mosem. Quin & cultus Dei varios institutos: ab Adamo, usque ad Enos filium Sethi: ab Enos filio Sethi, usque ad Abrahamum: ab Abrahamo usque ad Mosem. Scriptum nimirum est Geneseos cap. 4. Sed & Seth natus est filius, quem vocavit Enos. Iste coepit invocare in nomine Domini. Certe invocabatur Dominus nomine aliquo, ab Adamo & Setho, ante Enos. Sed invocare coepit Enos Dominum nomine alio, quo Adamus & Sethus illum invocaverant. Additam vero legimus circumcisionem Abrahamo. Et revelatum nomen Jehovæ, Mosi; Iudaeis antea inauditum.

Quas vero legimus, inquires, sanctitas unquam fuisse leges Iudaeis, ante legem Mosi? Leges asseram audacter illas, quas hoc loco Geneseos servavisse dicitur Abrahamus. Imo, secundum quas notum est, longe ante Mosem, honoratos fuisse parentes à filiis suis: animadversum in homicidas: prohibita adulteria: interdicta latrocinia: imo & vetitam concupiscentiam, scelerum causam & fomentum. Qua omnia vulgus Theologorum putat initium habuisse à Mose tantum: quamvis certissi-

num sit, communia illa fuisse legum omnium divinarum & humanarum: instituta & observata longe ante Mosem. Vtpote qua emanaverint, non à Mose, ut vulgo creditur; sed à jure ipso naturali, gentium, & civili: imo à precepto ipso divino, longissime ante Mosem.

Lex sane Mosaiica jus suum, illudque precipuum, habuit apud Iudæos; sed suum successive tempus, distinctum ab aliis & primis legibus Iudaicis. Qualis mos est apud omnes populos, quorum posteriores leges priores antiquant. Imo proprie constitit lex Mosaiica in ceremoniis peculiari-
bus; in peculiari ratione sacrificiorum; & in peculiari jure Sacerdotii. Qua non erant in usu ante Mosem; & à Christo abrogata sunt.

Nullibi autem scriptum est, peccatum fuisse imputatum omni generi humano, propter leges illas violatas, sive naturales, sive gentium, aut civiles: propter temeratas leges illas Dei qua in desuetudinem abierunt: propter abdicatam circumcissionem, & inobservatum Mosem. Sed scriptum est disertissime & conceptissime; peccatum intravisse in Mundum, per legem perruptam ab Adamo: Imputatam fuisse transgressionem legis illius omnibus hominibus: & per transgressionem legis illius mortem pervasisse in omnes homines. Vnde innotescat, legem datam Adamo, tanquam generalissimam, & legem legum, Legem simpliciter dici & audire debuisse hoc loco.

CAPVT III.

De quatuor hominum statibus : sub natura : sub lege :
sub gratia : sub gloria. Tempus legis statuendum
esse ab Adamo , non à Mose.

Status hominum optime partiti sunt , qui illos
quadrifariam diuiserunt , posueruntque hoc
ordine : primum , sub natura : secundum , sub le-
ge : tertium , sub gratia : ultimum , qui erit sub
gloria. Allucinari mihi videntur qui numerant
tempus legis à Mose , quod statui debuit ab Ada-
mo. Tempus inquam legis illius de qua hic dedita
opera egit Apostolus. Locutus enim est de lege illa,
in cuius transgressione homines omnes peccave-
runt : & de illo homine qui legem illam perfregit,
in quo mors peruasit in omnes homines. Quæ o-
mnino conveniunt legi data Adamo , & Adamo
ipsi : nullo modo autem legi Mosaica , neque Mose
ipsi. Iudæi enim soli peccaverunt in transgressione
legis Mosaica. Iudæos solos affatus est Deus cum
legem illam Mosaicam promulgavit. Neque iuste
& juridice actum fuisset cum omnibus homini-
bus , si mors peruasisset ex transgressione illius le-
gis , in illos etiam homines quibus lex illa non data
fuisset : atque adeo qui nullo pacto , & nullo fœde-
re sancito , lege illa tenebantur.

Moses certe missus fuerat Iudæis solis ; non ut
in quo Iudæi peccarent : id est , non ut Iudæi peccä-
rent in Mose peccante : sed ut unicuique Iudæo sua
sibi legis illius Mosaica transgressio imputaretur.
Res non ita se habuit in Adamo. Peccave-

runt omnes homines in transgressione legis illius quam Adamus egressus est. Peccatum illud quod sibi soli peccavisse visus est Adamus, transit in omnes homines, qui peccaverunt in Adamo peccante. Ratio est; quia lex illa data Adamo, lata fuit omnibus hominibus. Et quo momento allocutus est Deus Adamum, cum legem illam suam ei dabat, allocutus est homines omnes. Ita ut iuste & iudice egerit Deus cum omnibus hominibus; quando mors in illos pervasit ex peccato Adami, & transgressione legis illius quam Adamus violavit. Quia lex illa putata fuit data omnibus hominibus; qui involuti & astricti fuerunt pacto & fœdere illo, quod Deus cum omnibus hominibus in Adamo, tanquam Syndico & defensore omnium hominum, pepigerat, & percusserat.

Quæ cum ita sint, atque adeo certa ut de illis dubitare religio sit: fateor me non intelligere, quæ ratione tempus illud legis quod quarimus, non debuerit assignari ab Adamo. Lex enim primum data Adamo, denotat evidenter, legem primum cœpisse ab Adamo. Imo legem illam de qua hic loquitur Apostolus; à qua fluxit imputatio peccati. Quæ imputatio cœpit esse ab Adamo, à quo & regnum legis cœpit esse.

Hujus autem rei veritatem quid attinet querere per alium interpretem quam per Apostolum hoc loco? Nullum scilicet fuit regnum mortis, quod non prius pependerit à regno peccati: nullum quin etiam regnum peccati, quod non prius pependerit à regno legis: legis inquam illius, à cujus transgressio-

gressio
Causa
mortis
mortis
hoc lo
sem.
legis a
eodem
ipso.
Adam
Adam
Christi
Mofai
Vipote
Ca
scriba
Qua
tempu
ad eu
Gloria

Peccatu
Sed
me
possit
illud
sem.
bus Ge
Inci
fuit in

gressione peccatum imputari, mors regnare cœpit. Causa igitur antecedens & primigenia peccati & mortis, constituenda est Lex eadem. Atqui regnum mortis cœpit esse ab Adamo per Apostolum ipsum hoc loco. Regnavit mors ab Adam usque ad Mo- sem. Cœperit ergo necesse est multo magis regnum legis ab Adamo ipso, per eundem Apostolum loco eodem. Regnavit lex data Iudæis in Mose, à Mose ipso. Regnavit lex data omnibus hominibus in Adamo, ab Adamo ipso. Regnavit inquam lex ab Adamo, usque ad Mosem: vel usque ad Iesum Christum. In quo scilicet lex omnis, Adamica & Mosaica, & tempus ipsum periit legis utriusque. Vtpote, à quo tempus Gratia caperit esse.

Conveniens ergo est ut desiniamus & circum- scribamus tempus Legis, ab Adamo ad Christum. Qua ratione desinemus & circumscribemus tempus Gratia, à Christo quando venit in carne, ad eundem Christum cum venerit in spiritu ad Gloriam: quæ erit in æternum.

CAPUT IV.

Peccatum fuisse imputatum ab Adamo usq; ad Mosem.

Sed neque illud assequi possum, quantumvis meditatione contendam: qua ratione probari possit, peccatum non fuisse imputatum per totum illud tempus quod fluxit ab Adamo usque ad Mo- sem. Contrarium enim colligitur ex locis omni- bus Geneleos.

Incipiam ab Adamo ipso. Quare ergo peccatum fuit imputatum Adamo ipsi? Quare imputatum omnibus

omnibus hominibus, qui in illo peccaverunt? Quare fugatus Adamus, & in Adamo fusi omnes homines Paradiso? Quare maledicta terra propter peccatum Adami, nisi terra, & toti mundo fuit imputatum? Quare timuit Cainus qui occiderat fratrem suum, cum dixit Deo: Major est iniquitas mea quam ut veniam merear? Quare major iniquitas, si non magis imputata? quare deneganda Caino venia, si non imputanda iniquitas? Quare dixit Lamech uxoribus suis: Quoniam occidi adolescentulum in livore meo; septuplum ultio dabitur de Caino: de Lamecho vero septuagesies septies? Quare ultio dabatur de peccato, quod non putabatur esse peccatum? Quare ultionis, nisi fuissent imputationis gradus? Quare legimus Deum flagellavisse Pharaonem plagis maximis, propter Sarai uxorem Abrahami: nisi reputavisset Deus adulterium & Regi & regno? Quare dixisset Deus de Sodomitis: Aggravatum est peccatum eorum? Quis fuit illa peccati aggravatio, nisi peccati imputatio? Et si tunc temporis nulla fuissent imputationes; quare iustitia decem Iustorum, si degissent Sodomis, reputata fuisset reliquis Sodomitis in iustitiam: quae illorum peccata, quae peccatorum clamores & aggravationes, id est imputationes, sustulisset? Quare per illud tempus imputata fides Abrahamo, per quam imputatio peccati auferenda erat? Remedium certe praesupponit morbum. Imputatio fidei praesupponit imputationem peccati. Quare percussisset Deus Onanum eo quod fecisset Rem detestabi-

stabilem? *Qua res illa detestabilis; si non imputanda, qua percussione vindicanda foret? Quare noluit Iuda polluere manus suas sanguine Iosephi fratris sui? Qua fuit illa pollutio quam timuit, si non est imputatio? Locuti sunt ad invicem fratres Iosephi, credentes non intelligi: remordebat eos quod in illum peccaverant. Idcirco, aiebant, venit super nos ista tribulatio. Et inferius Ruben; Nonne dicebam? Nolite peccare in puerum. En sanguis ejus exquiritur. Nimirum, exquisitio sanguinis, imputatio effusi erat. Quare Moses & ipse, ante legem suam latam, prapipiti cursu aufugit in desertum, propter occisum Aegyptium; nisi supplicium veritus est à Iudicibus Aegyptiis, qui ejus sanguine parentassent occiso Aegyptio? Quare ergo ab Adamo usque ad Mosem, instituta fuerunt sacrificia, qua fuerunt peccatorum expiationes; nisi fuerunt per illud tempus peccatorum imputationes? Ratio enim postulat, ut quod remittitur, non imputetur, quod imputatur, vindicetur.*

Quod si demum nobis licet, ut par est, iudicium ferre de reatibus & imputationibus peccati, per poenas qua sequuntur reatus & imputationes peccati: nullum certe peccatum fuit aque imputatum, à Mose usque ad nos, qualia fuere imputata ab Adamo usque ad Mosem. Non enim dicuntur cataracta caeli effusa, vel fornaces supera descendisse & crepitavisse, in perniciem hominum peccantium à Mose usque ad nos; qualia leguntur de diluvio, & de conflagratione Sodomitarum, ab Adamo usque ad Mosem.

CAPVT V.

Probatur idem quod superiori capite probatum est.

Verum, quid procul à me quaro quod *juxta* me est, quodque in hoc textu est? Quare dixit Apostolus, peccatum intravisse in mundum per Adamum; & per peccatum mortem? Ad quid enim intravit peccatum in mundum, nisi ut mundo imputaretur? Qua enim est irruptio illa peccati in mundum; si non est imputatio peccati, quæ ab Adamo involvebat mundum sub condemnationem mortis, ex peccato Adam? Quod vero expressius argumentum imputationis expressissima potuit adduci quam illud; quo censentur homines omnes inimici, & facti hostes Deo? Qua rursus major imputationis nota potuit inuri peccato illi, vel potuit exprimi ab Apostolo; quam pœna mortis quæ tale peccatum ultæ est? Qua enim est relatio mortis ad peccatum, eadem est ultionis ad imputationem. Apostolus autem asseruit ipsissimis verbis hoc loco; Mortem regnavisse ab Adamo usque ad Mosem. Regnavisse; per imputationem peccati. Contra enim rerum ordinem regnavisset mors, per illud tempus quod intercessit ab Adamo usque ad Mosem; nisi per illud etiam tempus imputatum fuisset peccatum. Quorsum enim pœna, ubi non est reatus? Quid porro reatus est, si non est imputatio? Sunt certe hac reciproca, pœna & reatus, mors & peccatum. Pœna præsupponit reatum; mors præsupponit peccatum. Regnavit mors ab Adamo. Recte concludetur, Ergo imputatum

tatum
Apostolus
damo u
se: nec
Adam
que ad
ca: pe
terprete
Hoc
ipso veri
Ago e
pænes
Sicut pe
fensam
in con
terpret
est reat
tatio ex
Interpr
mo, per
Mosem

Infantes
dine

A T
pro
dum. H
runt, pe
ad Mos
miquar

tatum fuit peccatum ab Adamo. At si voluisset Apostolus, peccatum non fuisse imputatum ab Adamo usque ad Moysen, sed coepisse imputari à Moysen: nec debuerat dicere, mortem regnavisse ab Adamo. Imo illud tantum; regnavisse à Moysen usque ad Iesum Christum, qui finis fuit legis Mosai- ca: per quod tantummodo tempus intelligunt In- terpretes peccatum fuisse imputatum.

Hoc autem me magis movet: quod interpretes ipsi vertentes verba hæc versus 18 huius capituli: Ἀρχὴ ἔστιν αἰὲς δι' ἐνὸς ἀνθρώπου ὁ θάνατος, ἕως πάντων ἀνθρώπων: ἐκ τῆς ἁμαρτίας: transtulerunt hoc modo. Sicut per unam offensam (intelligunt autem of- fensam Adami) reatus venit in omnes homines in condemnationem. Quare subaudiverunt In- terpretes reatum illum, qui non est in Græco? Quis est reatus ille ex offensa Adami, si non est impu- tatio ex offensa Adami? Patet ergo per ipsos etiam Interpretes: peccatum fuisse imputatum ab Ada- mo, per totum illud tempus quod ab illo usque ad Moysen interjectum est.

CAPVT VI.

Infantes peccavisse ad transgressionis Adami similitu- dinem. Et de variis similitudinis acceptionibus.

AT, quam facile abyssus abyssum invocat, tam proclive est, incommodum sequi incommo- dum. Hinc factum est quod Interpretes, qui nolue- runt peccatum fuisse imputatum ab Adamo usque ad Moysen; cum venerunt ad illam partem deci- mi quarti versus huius capituli, qua dicitur, Mor- tem

tem regnavisse, in eos etiam qui non peccaverant ad similitudinem transgressionis Adami: cogitaverunt dissimilitudinem inter peccata adultorum, & peccata infantium: inter peccata actualia, & peccata originalia: de quibus nec minimam fecit hic mentionem Apostolus: hic enim non erat his locus. Voluerunt scilicet Interpretes, Apostolum intellexisse hoc loci; Infantes non peccavisse ad similitudinem transgressionis Adami, quia non peccaverant actualiter quemadmodum Adamus peccaverat. In eos tamen mortem regnavisse sicut in adultos, qui peccaverant actualiter, quemadmodum (ut autumant) Adamus peccaverat: ac proinde (ut sibi volunt) ad transgressionis Adami similitudinem.

Verum quarerem: Qua ratione potuisset mors actualiter regnare in Infantes, quemadmodum mors eadem regnaverat in Adamum: nisi Infantes actualiter peccavissent quemadmodum Adamus peccaverat? Qua ratione, inquam, potuissent Infantes mori revera & actualiter, ad similitudinem mortis quæ infligebatur ex peccato Adami: neque peccavisse revera & actualiter, ad similitudinem transgressionis & peccati ipsius Adami? Prasertim, cum mors sit peccati opsonium, ut loquitur Apostolus capite 6. huius epistola; & sequatur naturam, quæ similitudo est, peccati sui.

Quarerem rursus: Qui fuissent illi adulti, vel qui fuissent illi infantes, ante Adamum geniti, qui peccavissent vel non peccavissent ad similitudinem peccati Adamici? Dixit enim disertissime

Aposto-

Apostolus
etiam
casus.
tempus
etia
detur:
princip
ab his
Sed
Apostol
potes pe
nem. I
disting
quam
Adam
Ergo n
dimen
transg
dami
infant
ce tran
nem p
transg
litudin
Pot
gressio
militu
putatio
quis pe
natura
creari
ri put

Apostolus: Mortem regnavisse ab Adamo, in eos etiam qui non peccaverant. Ἐπὶ τοῖς μὴ ἀμαρτήσαντες. Tò, peccaverant, denotat tempus precedens tempus illud primum, quo mors regnare cœpit. τὸ, etiam, denotat aliquid quod extra ordinem videtur: Mortem scilicet regnavisse, retro etiam à suo principio. Neque sane tam facile esset expedire se ab his incommodis, si pressius urgerentur.

Sed his omissis, ulterius progredior: proboque, Apostolum intellexisse; Infantes etiam Adami nepotes peccavisse ad ejus transgressionis similitudinem. Dixit enim, omnes homines: non aetatem distinxit: neque enim adultus magis est homo quam infans: dixit, inquam, omnes peccavisse in Adamo. At, si peccaverunt Infantes in Adamo: Ergo multo magis ad ejus transgressionis similitudinem. Censetur enim quasi in eandem Adami transgressionem impegisse, qui in transgressionem Adami peccavit. Imo quotquot fuerunt adulti ut infantes, insiti à cunis ipsis in Adamo, & in radice transgressionis Adamica: per hanc suam insitionem participes facti fuerunt radicis, id est ipsius transgressionis. Ergo multo magis participes similitudinis ejus.

Potuit rursus peccari ad similitudinem transgressionis Adami, vel similitudine spiritali, vel similitudine naturali. Similitudine spiritali, quæ imputatio est: qua spiritu & mente concipitur idem quis peccavisse quod alius peccavit. Similitudine naturali, quæ natura propagatio est: qua fortes creari fortibus, & peccatores peccatoribus generari putantur.

Simi-

Similitudo porro hæc naturalis, dicitur duobus modis. Primo sumitur pro imagine. Imo idem sunt similitudo & imago, Genes. i. Faciamus hominem ad imaginem & similitudinem nostram. Atq; ea significatione, Infantes referre patres suos, & similes patribus suis dicuntur. Hinc illa sunt apud Iureconsultos representationum sive imaginum jura, concessa infantibus ut adultis: imo nondum natis, ventres in possessionem missi. Sed de his satis. Sufficiat hic reposuisse, quod scriptum est Genesios 5, Adamum genuisse filium Sethum, ad imaginem & similitudinem suam, ut ad rem, & expressim significans similitudinem illam, quæ est inter Infantes filios, & adultos patres qui illos genuerunt.

Similitudo naturalis, secundo modo accepta, dicitur comparatio, sive proportio. Simile est, quid comparativum, quid proportionale.

Sic canibus catulos similes, sic matribus hædos Noram: sic parvis componere magna solebam.

Secundum hanc significationem, similes figura definiuntur à Geometris; quæ circum angulos æquales latera habent proportionalia. Vnde filios Infantes, similes patribus suis adultis, ita definire possumus: Qui circum eandem & æqualem formam hominis, functiones habent corporis & animi proportionales. Eadem quippe est & æqualis forma hominis in infantibus, quæ est in adultis. Functiones autem corporis & animi, si non sunt eadem & æquales in Infantibus, quæ sunt in adultis; deprehenduntur certe comparata, & proportionales cum adultis.

Infantes
diner
simil

CE
ne
spirital
putata
nec non
quod
qua im
Neque
infanti
mage

Pro
dem tr
turali
tudini
plo cor
damus
suam.
rum &
qua f
thus i
qui fun
imagi
buit vo
in Ada
sam ad
imagi

CAPVT VII.

Infantes peccavisse ad transgressionis Adami similitudinem, secundum superiores omnes acceptiones similitudinis.

Certum est, Infantes peccavisse ad similitudinem transgressionis Adami, similitudine illa spiritali, qua intelligitur transgressio Adami imputata omnibus hominibus, infantibus ut adultis: nec non finguntur omnes homines idem peccavisse quod Adamus peccavit; ratione similitudinis qua imputatione peccati Adamici exprimitur. Neque enim exortes fuerunt imputationis illius infantes; quia enim transgressionis Adamica nota magis puri quam adulti.

Probatur autem Infantes peccavisse ad eandem transgressionis similitudinem, similitudine naturali; secundum utramque acceptionem similitudinis ipsius naturalis. Probatur inquam exemplo eodem quod proposui Sethi Infantis, quem Adamus genuit ad imaginem & similitudinem suam. Id est, quem genuit ad imaginem organorum & functionum omnium corporis & animi, qua fuerunt in Adamo adulto. Habuit ergo Sethus infans intellectum ad imaginem intellectus qui fuit in Adamo adulto. Habuit rationem ad imaginem rationis qua fuit in Adamo adulto: habuit voluntatem ad imaginem voluntatis qua fuit in Adamo adulto; peccatricem scilicet, & propensam ad peccatum. Ergo intellexit Sethus infans ad imaginem intellectus Adami adulti. Ergo ratio-

cina-

cinatus est Sethus infans ad imaginem rationis quæ erat in Adamo adulto. Ergo voluit & peccavit Sethus infans, ad imaginem voluntatis & peccati, siue transgressionis Adami adulti. Atqui imago, ut dixi, eadem est quæ similitudo. Peccavit ergo Sethus infans, ad similitudinem transgressionis Adami adulti.

Hæc autem similitudo qualis sit, clarius dignoscetur per alteram similitudinis acceptionem, quatenus est proportio: Quia nempe Sethus infans genitus est ad similitudinem Adami adulti. Id est, proportionalis cum Adamo adulto: si ratio habeatur eadem totius infantis ad totum adultum, quæ partium illius infantis ad partes istius adulti. Habuit ergo Sethus omnia organa corporis similia & proportionalia; functiones omnes animi similes & proportionales, cum organis omnibus & functionibus omnibus, corporis & animi, quæ fuerunt in Adamo adulto. Intellexit ergo Sethus infans ad similitudinem intellectus Adami adulti: Id est, secundum illam proportionem quæ est inter infantem & adultum: inter intellectum infantis qui vagit, & intellectum qui viget in adulto. Ergo ratiocinatus est Sethus infans ad similitudinem rationis quæ erat in Adamo adulto: Id est, secundum illam proportionem quæ est inter rationem infantis balbutientis, & rationem quæ regnat in adulto. Ergo voluit & peccavit Sethus infans, ad similitudinem voluntatis & peccati, siue transgressionis Adami adulti: Id est, secundum illam proportionem quæ est inter voluntatem tene-

ram,

ram, e
lunt
robust
Qui
dere ea
gredi
ctione
adult
prie pec
torum,
portion
peccati
& que
tudine
adult
ad sim
gressio
inferiu
actual
militu

Anxiet
suum
mun
histo
grue
tium

NE
q
ctantes
banu

ram, & peccatum infantis nondum renati; voluntatem nodis & cortice duratam, & peccatum robustum quod est & luxuriat in adultis.

Quibus omnibus colligitur, peccatum procedere eadem similitudine & proportionem, qua progrediuntur corpora, qua evadunt organa & functiones omnes corporis & animi, ab infantia ad adultam aetatem. Patet inquam infantes dici proprie peccare ad similitudinem transgressionis adultorum, secundum illam similitudinem, siue proportionem peccati, non secundum actum ipsum peccati. Quem scilicet actum non possunt infantes: & quem si possent, jam non peccarent ad similitudinem, sed ad veritatem ipsam transgressionis adultorum. Peccavisse ergo censendum est infantes ad similitudinem siue proportionem illam transgressionis Adami adulti. Demonstrabitur autem inferius nullam dari similitudinem peccatorum actualium, secundum illam acceptionem qua similitudo intelligi hic debuit.

CAPUT VIII.

Anxietas Interpretum in explicatione horum versuum. Statuere primos homines creatos ante Adamum, neque officere doctrinae Christianae, neque historiae Geneseos: imo utramque elucidare. Congruere omnino cum historiis & monumentis Gentium.

Nequē vero mirum prorsus mihi videtur, quod Interpretes Versus illos Apostoli tractantes, feliciter minus elucidaverunt. Agebantur enim undique in explicatione hujus
 b loci,

loci, usque ad Legem. Vel enim Lex illa intelligenda erat de lege data Mosi, vel de lege data Adamo. Si lex illa intelligebatur de lege data Mosi: asserendum erat, peccatum fuisse in mundo ante Mosem & usque ad Mosem; peccatum vero per illud tempus non fuisse imputatum. Si lex illa intelligebatur de lege data Adamo: statuendum erat, peccatum fuisse in mundo ante Adamum, & usque ad Adamum: peccatum vero ante Adamum non fuisse imputatum. Ponendi ergo erant alii homines ante Adamum, qui quidem peccavissent, sed qui non peccavissent imputative; quia ante legem peccata non imputabantur. Inter utrumque incommodum positi Interpretes, dubitabant, neque plane sciebant quo se verterent. Quia vero minus grave apparebat asserere, peccata non fuisse imputata ante Mosem & usque ad Mosem; quam statuere alios homines fuisse vel creatos vel genitos ante Adamum: posthabuerunt illi secundum incommodum primo. Rejecerunt Interpretes fabulosos illos homines, qui Adamum praecessisse credendi erant: & sibi alios acci-verunt qui non peccavissent imputative ante Mosem.

Verum, si licet per Dominos & Magistros meos, Doctores orthodoxos; penes quos jus est summum inquirendi & statuendi de Theologicis, & quorum iudicio, me, meaque omnia, obsequenti & ceca religione devoceo: experiar num facilius accommodetur his versibus explicatio, si dicimus, illud usque ad Legem, intelligendum esse de Lege data Adamo.

Non

Non inficior, quin primo obtutu statuere primos homines ante Adamum conditos, præter communem Theologorum omnium sententiam, conturbare videatur conscientias, non in tranquillo illas collocare. Exhorrescent scilicet & refugient, non dicam dictu, sed cogitatu, quotquot sunt religiosa vetustati addicti. Neque rursus illud me latuit, quam male multatus fuerit ille apud veteres, qui demonstrabat, homines esse Antipodas, & hemispharia ad diametros nostri Orbis opposita. Metuendum nempe mihi fuisset temporibus illis antiquis & rigidis; neque feliciter mihi cessisset nova tempora cogitanti, quam infeliciter cesserat novo illi Cosmographo, novos Mundos indaganti. At certe, nunc non est ut & olim fuit. Melioribus natus seculis & auspiciis, Deum veneror ut talem avertat invidiam: & tam benigne accipiantur quæ cogitavi super his, quam sincere, & ingenuè, & exercitationis causa hic à me exhibentur.

Primum ergo, & præfiscine dicam: eo me lubentius animum appulisse ad investigandos alios homines ante Adamum creatos; quod putavi nullum hinc posse oriri incommodum fidei quæ est ex Evangelio. Idem enim fore concepi fatum positionis huius apud Theologos, quale est celeberrima quæstionis de motu terræ apud Astronomos. Si ve enim cælos credimus circumagi, si ve terram existimamus subverti; succedunt nihilo minus vice perpetua, & dies nocti, & diei nox: revolvuntur itidem statim & præscriptis temporibus, tempestates quæque anni: segetes florent vere, quæ æstate ma-

tura sunt; spumant vina autumno, qua hieme defacantur. Pari eventu, siue credimus Adamum fuisse creatum solum, & primum omnium hominum; siue ponimus alios homines ante Adamum fuisse genitos: stabit semper suo loco, & suis mysteriis religio omnis Christiana. Summa enim & fundamentum redemptionis nostrae, qua Religio Christiana est, in eo consistit; ut credamus homines omnes damnatos in Adamo, innocentes probatos in Christo. Quemadmodum autem non necesse erat, Iesum Christum fuisse ultimum omnium hominum, qui aulea Mundi tolleretur, ut Mundum & homines omnes absolveret: ita neque necesse erat Adamum fuisse primum omnium hominum, qui Mundi proscentia iniret, ut Mundum & omnes homines condemnaret. Manent ergo suis locis, primus Adamus & secundus Adamus: remanet semper inter Adamum & Christum, typus ille sanctus circa quem redemptio nostra, & doctrina omnis Christiana recipiuntur; etsi dicimus primos homines fuisse creatos ante Adamum.

Imo certe, ut perfectior constituatur antitypus inter Adamum & Christum; commodius multo erit asserere, Adamum non fuisse primum omnium hominum, qua ratione Christus non fuit ultimus omnium hominum. Commodius inquam erit asserere, imputationem ex peccato Adami (secundum quam culpa Adamica rei facti sumus) retroactam fuisse in illos homines qui Adamum praecesserunt; qua ratione imputatio absolutionis qua est in Christo (secundum quam labe peccati Adamici dilui-

diluimur) retroacta est in illos homines qui Christum praeceperunt. Minus ergo perfecte constitueretur Adamus antitypus Christi, si poneretur primus omnium hominum: neque eadem converteretur reciprocatio imputationis ex peccato Adami, cum imputatione absolutionis in Christo; nisi retroageretur peccatum Adami in primavos homines ante Adamum, quemadmodum retroacta est absolutio Christi de peccato illo in primavos homines ante Christum.

Opinione, ut saepe fit, & vulgato magis consensu, quam exquisita veritate credi videtur, Adamum fuisse primum omnium hominum qui in luminis oras prodierunt. Illud enim neque dicunt usquam, neque intelligunt sacra & canonica pagina. Imo è contra, colligitur ex isdem, quod probare in promptu erit; alios homines Adamum antecessisse.

Adde, quod expositione hac, qua statuit primos homines ante Adamum creatos, clarior multo apparet historia Geneseos. Conciliatur eadem cum se ipsa. Conciliatur item miris modis cum monumentis omnibus profanis, sive antiquis sive recentioribus; Chaldaeis puta, Aegyptiis, Scythis, & Sinensibus. Conciliatur vetustissima rerum creatio, qua exponitur capite primo Geneseos, cum hominibus Mexicanis, quos non ita diu Columbus penetravit. Conciliatur eadem cum hominibus illis Australibus & Septentrionalibus, qui nondum cogniti sunt. Quos omnes sicut & illos prima & vetustissima creationis rerum, qua enarratur cap. I.

Geneseos; probabile est creatos fuisse cum terra ipsa in terris omnibus, neque ab Adamo propagatos.

Per hanc rursus positionem, conciliatur fides cum recta ratione, quæ non patitur ut statuamus Mundum natum his initiis, à quibus, secundum Hesiodi computum, vix dimidia corvi unius ætas confecta est. Conciliantur demum hoc posito, quæ videntur contraria versibus his Apostoli, de peccato originis, in quo recumbit doctrina omnis Christiana; quod est maxime instituti nostri. Differam in aliud tempus probationes illas, quæ pro hac hypothese peti possunt, tum ex historia Geneseos, tum ex historiis Gentium, tum & nupere lustratis terrarum populis. Quod vero instat, peragam, & totus insistam Versibus his Apostoli, quos hinc explicare incipiam.

CAPUT IX.

Textus Apostoli. Analysis versus duodecimi. De imputatione peccati, & de regno mortis.

Versus XII. Sicut per unum hominem peccatum intravit in Mundum, & per peccatum mors: ita etiam in omnes homines mors pervasit, in quo omnes peccaverunt.

XIII. Nam usque ad legem peccatum erat in Mundo. Peccatum vero non imputabatur, non existente lege.

XIV. Regnavit autem mors ab Adamo usque ad Moysen: In eos etiam qui non peccaverant ad similitudinem transgressionis Adami.

HI VERSVS explicari mihi videntur commodissime hoc modo. Sicut

Sicut per unum hominem. Per Adamum qui transgressus est legem Dei: sive per transgressionem legis quam Adamus violavit.

Peccatum intravit in mundum. Ortum & natum est peccatum, originem accepit; sive quod idem est, intravit in mundum, à transgressionem legis quam Deus dederat Adamo. Peccavit enim Adamus ex quo violavit interdictam arborem, & ex quo transgressus est legem quam Deus illi dederat.

Et per peccatum mors. Intravit mors in mundum per peccatum, qua ratione peccatum intravit in mundum, per violatam legem ab uno illo homine Adamo.

Ita etiam mors in omnes homines pervasit, in quo omnes peccaverunt. Pervasit mors in omnes homines, per eundem hominem per quem omnes peccaverunt. Qua vero proxime dixerat Apostolus, Intravit peccatum in mundum, & per peccatum mors: erant satis ad demonstrandum introitum peccati & mortis in mundum; ad demonstrandam item relationem qua est inter peccatum & mortem; ut posito peccato, mors necessario poneretur & sequeretur. Verum, ut plenius significaret introitum illum, & totam relationem adimpleret, convertere voluit propositionem Apostolus: ut quemadmodum posito peccato, ponitur & sequitur mors; ita etiam reciproce, posita morte inferretur necessario peccatum.

CAPVT X.

Analysis versus decimi tertii. Legem hic intelligendam, datam Adamo. Afferitur vulgata lectio.

Sequitur versus XIII. Nam usque ad legem peccatum erat in mundo. Usque ad legem: intellige legem Dei datam uni illi homini Adamo: per ea quæ jam dicta sunt, & quæ dicentur inferius. Usque ad legem inquam illam, peccatum erat in mundo. Adde vero, vel subaudi: Et per peccatum, mors etiam erat in mundo. Voluit scilicet Apostolus, peccatum & mortem fuisse in mundo, usque ad legem Dei; siue usque ad transgressionem legis illius diuinæ, quam unus homo ille Adamus violauit: Nullum jus tamen habuisse in mundo, ut illius dominium & possessionem inuaderent, & in illo tyrannidem occuparent. Rationem reddidit hanc: quia Peccatum non imputabatur non existente lege. Quod idem est atque si dixisset Apostolus: Ante legem Dei, siue usque ad legem illam Dei quam violauit homo ille Adamus, peccatum & mors erant in mundo: nullum jus tamen in eo usurparerant, nulla eis erat in possessione mundi legitima collocatio, nullum ejus legitimum dominium. Ratio est, quia ante illud tempus lex nulla data erat à Deo. Lex enim Dei sola illa fuit, cujus transgressio peccati imputationem effecit, & mortis regnum constituit: quæ reatum induxit peccato, & mortem instituit pœnam istius reatus: quæ peccatum fecit imputatum, mortem ulciscentem & regnantem.

Le-

Legendum vero est hoc loco: Peccatum non imputabatur; quamvis recentiores versiones habeant, Peccatum non imputatur. Vetus enim & vulgata versio legit expressim, Imputabatur. Et verisimiliter oportuit veteres Græcos codices ita conceptos fuisse, Ἀμαρτία δὲ οὐ ἐκλογεῖτο μὴ ὄντι νόμῳ. Incuria vero Notariorum, qui primum pedem literæ μ, adverbii μὴ, continua serie scripserant cum verbo ἐκλογεῖτο: reliquum vero literæ ejusdem μ, longiuscule, & disjunctum à primo pede: accidisse ut ἐκλογεῖτο, primum corruptius, deinde ἐκλογεῖται repositum fuerit: quamvis vere scribendum fuisset ἐκλογεῖτο: quod postulat brevior & genuina magis huius loci sententia.

Virumque certe ut idem significans, potuit legi impune; & utrumque semper erit hoc loco subaudiendum, siue ἐκλογεῖται siue ἐκλογεῖτο scribatur. Posito uno alterum consequetur. Scribatur enim primo; Imputatur. Posita hac præmissa: Peccatum non imputatur non existente lege: elicienda semper erit hæc conclusio. Ergo ante legem, vel usque ad legem, peccatum non imputabatur. Scribatur rursus, Imputabatur: ut fiat hic sensus: Ante legem, vel usque ad legem, peccatum erat in mundo; sed peccatum tunc temporis non imputabatur. Ratio erit subaudienda, quam suppressit Apostolus, orator elegans: Quia peccatum non imputatur non existente lege. Verius ergo, ut brevius & elegantius, legendum est hoc loco, Imputabatur, non Imputatur,

CAPVT XI.

Analysis versus decimiquarti. De regno mortis ab Adamo usque ad Mosem. Mosem hic sumi pro lege data Mosi.

Addit Apostolus versu decimoquarto. Sed regnavit mors ab Adamo, usque ad Mosem. Regnavit mors: per imputationem peccati. Regnare incepit mors per imputationem peccati: qua ratione imputari capit peccatum, per transgressionem legis Dei. Ante legem Dei, & antequam Adamus temerasset legem Dei; peccatum erat in mundo, sed non imputabatur. Ante Adamum, & ante legem Dei, mors erat in mundo, sed non regnabat. Superiori versu, & hoc, ut patet, promiscue sumuntur, & idem sunt quoad tempus, Lex & Adamus. Lex enim Dei data fuit primum, & primo omnium hominum Adamo: & mors regnavit ab Adamo, ratione illa tantum qua lex Dei violata est ab Adamo.

Vsque ad Mosem. Regnavit mors ab Adamo: id est, à momento illo quo Adamus transgressus est legem Dei: usque ad Mosem: id est usque ad legem Dei datam Mosi; & quamdiu lex illa Dei data Mosi vixit. Moses enim sumitur hoc loci, pro lege data Mosi: quemadmodum sumptus est Adamus, pro lege data Adamo. Ita quando in divinis scriptis, Deus vocat populum suum Iudaeum, filium suum Iacob, sive Israël: intelligit Deus Iudaeos, non filios carnis, sed filios promissionis. Et Iacob sumitur locis illis, pro promissionibus

quas

quas D
apud m
pro legi
gare est
legibus
dixera
Voluit
Adam
sem, si
dix lex
advent
utruq
mo, &
Le.
prima
huma
& per
& per
tum i
mines.
genera
Christi
peccati
vect
Christi
ne ver
Christi
transg
nem pe
stulit
imput

quas Deus fecerat patribus Iudaorum. Ita passim apud humaniores auctores, Decemviri sumuntur pro legibus duodecim tabularum. Sic in jure vulgare est, Ait Prætor. Vbi prætor sumitur pro legibus remissioris juris, quas Prætores olim edixerant. Pari ratione Moses, est lex Mosaica. Voluit autem Apostolus, mortem regnasse ab Adamo, sive à lege Adamica; usque ad Moysen, sive usque ad legem Mosaicam. Imo quamdiu lex Mosaica obtinuit. Vel clarius, usque ad adventum Domini nostri Iesu Christi: cujus mors utriusque legis fuit consummatio, & data Adamo, & data Mosi.

Lex data Adamo, tanquam generalissima, & prima legum divinarum, indicta omni generi humano; illa fuit, cujus transgressione peccatum, & per peccatum mors, intraverunt in mundum, & per vaserunt in omnes homines: qua peccatum imputari, mors regnare cœpit in omnes homines. Lex data Mosi, appendix fuit legis illius generalissimæ, ad particularem usum Iudaorum. Christus autem moriens sustulit imputationem peccati, à violata prima illa lege in mundum introductam; & legem Moysi, quam Iudaus & ipse Christus observaverat, antiquavit. Qua ratione vero, sublata causa tollitur effectum, eadem Christus legi in genere obtemperans; & morte sua transgressionem legis expians; tollens imputationem peccati quæ erat per transgressionem legis, sustulit regnum mortis quod erat per illam peccati imputationem. Ita ut à morte Christi tantum

deserit regnum illud mortis, quod inceperat à peccato Adami.

CAPVT XII.

Duo tempora notari ab Apostolo. Vnum, à lege. Alterum, ante legem. Sive quod idem est. Vnum, ab Adamo. Alterum, ante Adamum.

Patet ex prædictis, Apostolum posuisse hoc loci duo tempora. Vnum, quo peccatum & mors primitus intraverunt in mundum, & pervaserunt in omnes homines: quo peccatum primitus imputari, mors regnare cœpit. Alterum, quo quidem peccatum & mors erant in mundo, sed non imputabantur, non regnabant: nullo jure pervaserant in omnes homines; non vivebant. Peccatum tunc temporis erat mortuum: mors erat mortua: & nullus erat sepius christi aculeus.

Tempus primum exprimitur his verbis. Per unum hominem peccatum intravit in mundum. Mors in illo pervasit in omnes homines. Item; Regnavit mors ab Adamo. Tempus secundum notatur per hæc verba. Usque ad legem peccatum erat in mundo: peccatum vero non imputabatur non existente lege. Atque adeo non imputato peccato, non regnabat mors.

Tempus autem illud primum, quo peccatum primitus imputari, mors regnare cœpit; fuisse illud quod incepit ab Adamo, à lege, & transgressione legis illius quam Adamus violavit, sive à peccato Adami; patet ex verbis ipsis Apostoli, &

luca

luce meridiana clarius patet. Peccatum enim Adami illud, fuit omnium peccatorum, ut ita dicam, imputatissimum: imputatum omni generi humano. Peccatum illud, primum omnium vixit: & recte dictum est originale; quia primum omnium intravit in mundum per Adamum. Verba illa, intravit in mundum; quasi nascens peccatum, & Adamum quasi parturientem significant. Sed quo inficcientem jugules: Imputatum fuit peccatum ab Adamo, quia regnavit mors ab Adamo. Peccatum Adami illud primum omnium regnavit; quia mortem intenteravit omnibus hominibus. Ius gladii & mortis inferenda, summa est animadversionis, & nota meri imperii. Hac de causa usus est Apostolus verbo hoc, regnavit; ubi dixit, Regnavit mors ab Adamo. Et significavit, peccatum & mortem imputari coepisse, vixisse, & regnavisse ab Adamo; si ve à momento illo quo Adamus legem Dei pratergressus est.

Iam vero investigemus tempus illud, quo peccatum, & mors erant in mundo; sed non imputabantur, non vivebant, non regnabant. Certe, querendum illud erit ante legem: quod voluit Apostolus verbis conceptissimis. Usque ad legem peccatum erat in mundo: peccatum vero non imputabatur non existente lege. Usque ad legem: intellige legem Dei datam Adamo: qua lex Mundi, & Lex, simpliciter & sola dici potuit: utpote per cujus transgressionem solam peccatum potuit imputari & mors regnare toti mundo. Nequaquam vero intelligenda hic est lex data

Mosi. Vt enim supra & fuse demonstratum est, imputabatur peccatum ante legem datam Mosi; & ex imputatione peccati, regnabat mors ante illam.

Quarendi ergo erunt alii homines ante Adamum, non ante Mosem; quorum neque peccata fuissent imputata; neque mors regnans: cum ab Adamo, non à Mose, imputari peccatum, mors regnare cœperit.

CAPVT XIII.

Creati homines ante Adamum non peccaverant ad similitudinem transgressionis Adami. Legendum hic, peccaverant, non peccaverunt.

ADjuvat investigationem hanc quod proxime sequitur. Regnavit mors ab Adamo, &c. in eos etiam qui non peccaverant ad transgressionis Adami similitudinem. Notanda vero sunt curiose verba illa: In eos etiam qui non peccaverant. ἐν τοῖς μὴ ἀμάρτησαντες. τὸ ἀμάρτησαντες, τὸ peccaverant; denotat tempus pracedens, Græcis ἀόριστον, Latinis indeterminatum: pracedens inquam definitum illud tempus ab Adamo, à quo peccatum intravit in mundum. Denotat homines qui peccaverant ante Adamum, sed non ad transgressionis Adami similitudinem. Peccaverant quidem primi illi homines ante Adamum conditi, sed nullius in legem Dei admissæ fraudis rei erant: ad similitudinem Adami, qui primam fraudem legi Dei fecit. Nulla enim erat promulgata lex Dei ante Adamum:

at-

atque adeo non existente lege Dei, nullum erat illorum hominum peccatum; quia non erat imputatum, quale fuit peccatum Adami.

Vulgata versio legit hoc loco, Peccaverunt, non Peccaverant. Ut fieret vulgatus ille sensus: mortem regnavisse ab Adamo in Adami posteros; qui in illo, & ab illo, peccaverunt: sive peccavissent ad transgressionis Adami similitudinem, sive non peccavissent ad illam similitudinem. Quod si ita esset, nihil hic novi portavisset Apostolus. Quis enim nescit mortem regnavisse ab Adamo, in omnes Adami posteros qui in illo peccaverunt?

Verum inquiunt interpretes: nihil hic vulgare vel jejunum attulit Apostolus; quando dixit mortem regnavisse ab Adamo, usque ad Mosem, etiam in eos qui non peccaverunt ad transgressionis Adami similitudinem. Quippe qui intellexerit mortem regnavisse in Infantes, qui non peccaverunt ad transgressionis Adami similitudinem; quia non peccaverunt actualiter, quemadmodum Adamus peccavit.

Refutavi hac pluribus supra: & nullam hic crambem recoquere in animo est. Sed ne in illis deinceps vel minimus supersit scrupus, probandum est: Peccavisse actualiter quæ Adamus peccavit, non fuisse peccare ad hanc peccati sive transgressionis Adami similitudinem, de qua hic egit Apostolus. Evincendum insuper & hoc: Infantes Adami posteros, peccavisse actualiter ad hanc veram transgressionis Adami similitudinem.

CAPVT XIV.

Peccatum dari materiale & formale: non imputatum & imputatum. Similitudinem transgressionis Adami positam in imputatione, non actu, transgressionis ejus.

Vtrumque autem brevi methodo absolvam, si licet uti verbis Scholæ, distinguendo peccatum in materiale & formale. Peccatum materiale voco illud, quod manat à natura nostra, à materia, à carne, & sensibus nostris. Peccatum formale illud, quod manavit à lege, cujus transgressionem peccatum formam imputationis accepit.

Latini nomen peccati mutuati sunt à pecore. Quoties enim homo delirat à recta ratione illa qua hominem constituit; quoties impulsu materia sua quam habet communem cum brutis, quid agit dignum pecore & indignum homine; toties cadere videtur à specie sua, & incidere in speciem pecoris sive bruti. Quicquid enim sit ab homine, vel incuria numinis, vel ira, vel libidine, vel aliquo alto appetitu; commune ei est cum pecudibus quas natura finxit ad terram pronas, neque ad cælum converfas. Communis est homini cum brutis, rapacitas, sitis effera sanguinis; communes incepta nuptiæ, libidinosæ illa nefandarum venerum prurigines, & cetera de genere hoc, quæ leges Gentium naturali suo illo recta rationis ductu coercuerunt: caverunt scilicet, ut quæ possent homines, starent in suo gradu, in sua specie, nec declinarent in bruta.

Deus

Deus
ne. V
clinante
& form
quodam
ceps. L
observa
illam,
& ad gr
naverat
Adamu
generis h
rialiter,
Dei, ve
liter im
pliciter
peccans
capite 7
niente,
nem vi
formale
runt om
constat,
quond
carvit:
nem pec
sionis. A
quia an
Vbi non
epistola
nutem e

Deus autem quid egerat sublimius cum homine. Voluerat ut homo qui pronis sensibus, & inclinante materia vergebat in brutum; vi spiritus & forma sua elevaretur in Deum: ut essentia quodammodo, sicut imaginis divina, fieret particeps. Legem ergo illi dederat qua id posset, si eam observaret: & ei imputaretur si violando legem illam, non ascenderet ad sublimem illum statum, & ad gradum illum gloriæ quem Deus illi adnoverat. Ex quo igitur legem illam transgressus est Adamus, eo nomine quo gerebat personam totius generis humani: peccatum quod per se & materialiter, absque lege Dei, non imputabatur, à lege Dei, vel à transgressione legis illius, coepit formaliter imputari. Peccatum quod erat peccans simpliciter & materialiter ante legem, factum fuit peccans κατὰ τὴν ἐξουσίαν, ut loquitur Apostolus, capite 7. hujus epistolæ, vers. 13. forma superveniente, vel adventu legis; sive per imputationem violatæ legis. Et hoc est verum peccatum formale quod peccavit Adamus, quod peccaverunt omnes homines in Adamo. Unde manifesto constat, potuisse ante Adamum peccari actualiter quoad materiam, quemadmodum Adamus peccavit: non autem quoad formam & imputationem peccati: quæ est vera similitudo transgressionis Adami, de qua hic agitur. Ratio est, quia ante legem non imputabatur peccatum. Vbi non est lex, inquit Apostolus capit. 4. hujus epistolæ, neque prævaricatio est. Prævaricatio autem eadem est, quæ transgressio legis: illa ipsa

pro-

proprie qua peccatum imputationis labe infecit.

Quod ut compingatur in oculos: pecudes actualiter & materialiter eadem faciunt, qua transgrediuntur homines; incessant, rapiunt, occidunt: nec erit tamen usquam adeo supinus qui dicat, pecudes peccare ad similitudinem transgressionis hominum: quia pecudes qua hac peccant, sequuntur tantum suam naturam, & suam materiam; neque legum transgrediuntur ullam, quia nulla eis data est cujus transgressionem formetur in eis & imputetur peccatum. Peccavisse igitur actualiter quemadmodum Adamus peccavit, non fuit peccavisse ad similitudinem illam transgressionis Adami, de qua hic loquitur Apostolus.

Hinc probare erit facile, Infantes peccavisse actualiter, ut ita dicam, ad illam similitudinem. Nam si non peccaverunt infantes ut adulti peccant, quoad materiam, quia non habent actu aque vegetam: peccaverunt certe & actualiter quoad formam, & quoad imputationem peccati. Actualiter enim imputatum fuit peccatum Adami infantibus ut adultis; & actualiter mortui sunt infantes ut adulti, propter illud peccatum Adami, quod eis imputatum fuit. Quae est vera similitudo transgressionis Adami, de qua hic agitur. Peccavisse igitur Infantes actualiter censendum est, ad transgressionis Adami similitudinem illam quam intellexit hoc loco Apostolus.

Que sit v
Osean

Sed o
man
ti Adan
su 7. Q
ubi expl
care ad j
Adami.

Obijun

paatum

dederat

ut Adan

idem ej

dei sicu

peccave

nis Ada

paatum

dem sim

paatum

gressi sum

ludais pe

ram lud

ne, qua

quod in

ram; s

hominib

Pater

Dei fuisse

CAPVT XV.

Quæ sit vera similitudo transgressionis Adami, per Oseam Prophetam.

Sed omiſſis diſtinctionibus Logicis; videamus maniſeſtiſſime quæ fuerit ſimilitudo illa peccati Adamici, per Oſeam Prophetam, capite 6 verſu 7. Qui locus unicus occurrit in bibliis ſacris, ubi explicatur præciſe & lucide, quid fuerit peccare ad ſimilitudinem peccati ſive transgreſſionis Adami.

Objurgans Deus eo loci Iudaos, quod rupiſſent pactum ejus, ſive quod egreſſi eſſent legem quam dederat Moſi Dominus, hac ait. Ipi autem ſicut Adam transgreſſi ſunt pactum meum. Quod idem eſt atque ſi dixiſſet Deus; Peccaverunt Iudæi ſicut Adamus peccavit: vel quod perinde eſt, peccaverunt Iudæi ad ſimilitudinem transgreſſionis Adami. Quare? Quia transgreſſi ſunt Iudæi pactum meum, ſive legem meam; ſicut, vel eadem ſimilitudine, qua transgreſſus eſt Adamus pactum meum, ſive legem meam. Quia transgreſſi ſunt Iudæi pactum meum, quod in Moſe cum Iudæis pepigeram; ſive legem meam quam dederam Iudæis in Moſe: ſicut, vel eadem ſimilitudine, qua transgreſſus eſt Adamus pactum meum, quod in Adamo cum omnibus hominibus pepigeram; ſive legem meam quam dederam omnibus hominibus in Adamo.

Patet hinc perſpicue, longe ante Moſem pactum Dei fuiſſe conventum cum Adamo; ſive legem Dei

Dei primam indictam fuisse Adamo. Quod pactum, siue quam legem Dei, primus omnium hominum rescindens & evertens Adamus; quicumque homines transgressi sunt alia pacta; siue alias leges Dei: dicti sunt homines illi peccavisse sicut Adamus peccavit: vel quod idem est, dicti sunt peccavisse ad similitudinem transgressionis Adami.

Concluditur hinc tandem: peccavisse ad similitudinem transgressionis Adami; fuisse, transgredi pactum, transgredi legem Dei; sicut Adam transgressus est pactum, transgressus est legem Dei. Ergo non peccavisse ad similitudinem transgressionis Adami, fuisse, nullum pactum Dei rupisse, nullam Dei legem perfregisse: quales illi homines non peccaverant ad similitudinem transgressionis Adami, de quibus hoc loco D. Paulus: quibuscum Deus nihil pepigerat: quibus nullam legem Deus indixerat: qui peccaverant ante legem Dei: qui nullo jure; qui nullo pacto divino tenebantur: qui non peccaverant imputative, quia ante legem peccata non imputabantur. Ante legem inquam illam quam Deus dedit Adamo: à quo peccatum capit imputari, quia lex ab illo capit esse.

Neminer
Adam
militu
Leges
gis Ad
genda

Nota.

lium, ve
care act
promptu
vanuit
damus
rit ulli
fructum
Atqui,
peccav
mnes co
damus c
disse fru
dam illu
actualit
credant
damo,
mici. Cre
nunquan
istius pec
sed simit
violata

CAPVT XVI.

Neminem potuisse unquam peccare actualiter sicut Adam peccavit. Infantes verius peccavisse ad similitudinem transgressionis Adami quam adultos. Legem Mosaicam expressam ad similitudinem legis Adamicæ. Legem Adamicam hoc loco intelligendam.

NOtanda porro sunt ex hoc loco Osea Prophe-
ta. Primum. Neminem unquam mortali-
um, vel adultum, potuisse, proprie loquendo, pec-
care actualiter sicut Adam peccavit. Ratio in
promptu est: quia arbor scientia boni & mali e-
vanuit ex oculis omnium hominum, ex quo A-
damus Paradiso ejectus est. Ita ut impossibile fue-
rit ulli unquam mortalium vel adulto, carpere
fructum illum vetitum quem Adamus comedit.
Atqui, non alia ratione credendi sunt homines
peccavisse in Adamo quam illa, qua censentur o-
mnes comedis- se fructum illum vetitum quem A-
damus comedit. Ergo si non credendi sunt come-
disse fructum illum vetitum actualiter, sicut A-
dam illum comedit; neque censendi sunt peccavisse
actualiter sicut Adam peccavit. Restat igitur ut
credantur omnes homines qui peccaverunt in A-
damo, peccavisse ad similitudinem peccati Ada-
mici. Credantur inquam Gentiles, quibus lex Dei
nunquam innotuit, peccavisse per imputationem
istius peccati; qua censentur peccavisse, non actu,
sed similitudine manducati fructus prohibiti, &
violata legis ab Adamo. Credantur porro Iu-
dæi

dei quibus lex Dei nota fuit; peccavisse secundum eandem similitudinem, dupliciter: Primo, quatenus transgressio Adami imputata eis fuit, aequae ut Gentilibus: Secundo, quatenus & ipsi transgressi sunt legem Dei quam noverunt; sicut Adamus pater eorum primus, transgressus est legem Dei quam & ipse noverat. Et hoc est proprie quod voluit Oseas hoc loco, Iudaeos peccavisse sicut Adamus pater eorum primus peccaverat.

Labitur hinc rursus in cineres quod ad hunc locum D. Pauli attulerunt Interpretes, ubi voluerunt adultos peccavisse ad similitudinem transgressionis Adami, quia peccaverant actualiter quemadmodum Adamus peccaverat. Ex eo enim quo censentur adulti peccavisse actu peccatum Adami, non amplius censeretur potuerunt peccavisse ad similitudinem peccati illius: quia plus est peccare actu, quam ad similitudinem; ratione illa, qua actus qui est veritas rei, plus est quam similitudo quae est imago rei. Imo infantes verius censendi essent, secundum Interpretes, peccavisse ad similitudinem peccati Adamici, quam adulti. Certissimum enim est infantes peccavisse in Adamo. At nullo alio pacto potuit quis peccare in Adamo; quam vel actu, quo peccavit Adamus, & peccaverunt adulti secundum Interpretes; vel ad similitudinem istius peccati. Atqui infantes non peccaverunt actu peccatum Adami, secundum Interpretes. Peccaverint ergo necesse est, secundum Interpretes, ad peccati illius similitudinem.

Notandum insuper est, eandem esse rationem legis

legis ad le
navit a
peccatum
mici: co
cato bu
fuisse leg
que adeo
que origi
militudin
pressam.

Notam
diendam
gem vero
de pecca
mines, lu
qui egit
Ergo &
Mosaica

Peccata fac
ta ad fi
facta pe
nem tr
& vivit

N Ota
aliam
distinction
tudinem
Apostolu
imputata

legis ad legem, quæ peccati ad peccatum quod manavit à transgressione sua legis. Ac proinde, si peccatum Iudaorum est similitudo peccati Adamici: consequi hinc, legem Mosaicam, quæ peccato Iudaorum causam præbuit, similitudinem fuisse legis illius quæ peccatum Adam fecit. Atque adeo legem Mosaicam, neque primariam neque originalem dicendam; sed secundariam ad similitudinem primariæ & originalis Adamicæ expressam.

Notandum ultimo est: legem Mosaicam subaudiendam esse, ubi agitur de peccato Iudaorum: legem vero Adamicam intelligendam, ubi agitur de peccato illo originali quod transiit in omnes homines, Iudaos & Gentiles, ex peccato Adam. Atqui egit hoc loco Apostolus de peccato illo originali. Ergo & intellexit hoc loco legem Adamicam, non Mosaicam.

CAPUT XVII.

Peccata facta ante legem, neque imputata, neque facta ad similitudinem transgressionis Adam. Peccata facta post legem, imputata, & facta ad similitudinem transgressionis Adam. De peccato mortuo, & vivis hominibus ante legem & Adamum.

Notandum præterea est diligentissime; nullam aliam his versibus, & toto hoc capite, sive distinctionem, sive differentiam, sive dissimilitudinem peccatorum, vel posuisse vel intellexisse Apostolum; præter illam quæ est inter peccata imputata, & peccata non imputata; inter peccata

cata facta post legem, & peccata facta ante legem. Peccata facta post legem, imputata: peccata facta ante legem, non imputata. Peccata facta post legem datam Adamo, imputata: peccata facta ante legem datam Adam, non imputata. Peccata imputata post legem datam Adamo, facta ad similitudinem peccati Adamici, à quo lex cœpit esse. Homines ergo qui non peccaverant ad similitudinem peccati Adamici, eos fuisse qui peccaverant ante legem & Adamum: sed quorum peccata non imputata fuerant, quia ante legem peccata non imputabantur.

Peccata eorum erant mortua ante legem. Quod voluit Apostolus infra capite 7. hujus epistola, versu 9. Absque lege (vel ante legem, quod idem est) peccatum erat mortuum. Id est, non vivebat ante legem peccatum: nondum natum erat: nondum originem acceperat: nondum intraverat in mundum: nondum exierat in oras luminis: nondum erat dictum originale. Ergo neque factum erat ad similitudinem peccati Adamici: quia peccatum illud Adamicum factum fuit à lege data Adamo, & post legem ei datam: quia vixit peccatum ab Adamo: quia intravit in mundum per Adamum: quia originem accepit, & dictum est Originale, ab Adamo. A quo deinceps Adamo quicumque peccaverunt homines, dicti sunt peccavisse ad similitudinem peccati Adamici: peccati scilicet vivi, & originalis, quod fuit à lege, & post legem: non autem ad similitudinem peccati mortui, quod erat absque lege, & ante legem.

Ego

Ego v
junxit Ap
mortuus
dum enin
nondum
mines ab
lus, qui
prætergre
mines, ap
ratione m
ciavit, ap

Introd
loquent
tum hau
mus præ
tum hic
trag, &
neque di

Introd
quondam
legem. Et
ta fuerit

Introducit
& Adam

Introdu
li, hom
mines Ad
lum bifro
gem vider

Ego vero vivus absque lege quondam. Sub-
 iunxit Apostolus loco eodem. Id est; Ego vero non
 mortuus absque lege, vel ante legem. Quemadmo-
 dum enim peccatum vocaverat mortuum, quod
 nondum natum erat: simili argumento vivos ho-
 mines absque lege & ante legem vocavit Aposto-
 lus, qui non moriebantur propter imputationem
 pratergressa legis. Dixit Apostolus vivos illos ho-
 mines, apud quos peccatum erat mortuum: qua
 ratione mortuos homines ille idem alias pronun-
 ciavit, apud quos peccatum vixit.

Introduxit autem hoc loco D. Paulus hominem
 loquentem absque lege, & ante legem: constitu-
 tum haud dubie sub statu illo naturæ, quem dixi-
 mus præcessisse statum legis. Nam de se solo locu-
 tum hic Apostolum, nec verisimile est; cum lex u-
 traque, & Adami & Moysis fuerit longe ante illum:
 neque dici possit vixisse illum unquam absque lege:

Introduxit inquam hominem loquentem,
 quondam, πότε, indefinite, absque lege, & ante
 legem. Ergo ante Adamum, cum definite lex da-
 ta fuerit Adamo.

CAPUT XVIII.

Introducitur vivus homo absque lege, vel ante legem
 & Adamum, loquens secundum mentem D. Pauli.

Introducamus & nos ad exemplar D. Pau-
 li, hominem eundem Præ-Adamitam, ho-
 mines Adami posteros affantem. Fingamusque il-
 lum bisfrontem, qui antecedentia Adamum & le-
 gem viderit tempora; quique sequentia Adamum

Et legem non verit secula. Qui viderit utriusque status homines: Et sub statu natura creatos, Et sub statu legis positos.

O vos! dicet ille, sub statu legis constituti: vos ego alloquor. Attendite Et videte; qua differentia fuerit inter me creatum ante legem, Et vos à lege sive post legem progenitos. Vivebam ego quondam sub statu illo natura, qui à vestris presentitus, sed neque dum cognitus fuit. Vivebam inquam sub statu illo, absque lege Dei. Et vivebam vita illa naturali tantum, qua mihi communis erat cum ceteris animantibus. Vivebam absque cognitione veri illius Dei, qui creavit cælum Et terram. Et vivebam absque ulla cognitione voluntatis ejus.

Quicquid Dei notum mihi poterat esse, manifestum mihi erat lumine illo innato, Et recta ratione illa qua mihi à natura indita erat. a Invisibilia Dei illius intellecta Et conspecta mihi erant, à creatione mundi, Et per ea qua facta erant. Presumebam Deum illum esse, indagine illa naturali qua non nisi in uno principio creatore conquiescit: sed Deum illum non noveram. Incognitus mihi erat tunc temporis Deus ille; qualis idem erat incognitus tempore D. Pauli Atheniensibus. b Deus ille qui se toti natura, atque adeo hominibus manifestum dederat, per potentiam suam, Et per mirabilia creationis: absconderat à me faciem suam, Et nomen suum; nec se mihi confessus erat, qualem

a Cap. I. Epist. ad Rom.

b Actor. cap. 17.

lem se deinceps Adamo confessus est. Homini nempe illi quem ad hoc peculiariter formavit, ut se illi communicaret, & notam in illo faceret voluntatem & legem suam omnibus hominibus. Cognitio prima veri illius Dei: cognitio prima voluntatis & legis ejus, ab Adamo fuit. Quo momento notum se dedit Deus homini illi; ex eo notam fecit homini illi legem suam. Et lex Dei cœpit esse ab homine illo Adamo, cui primo omnium hominum Deus se approbavit, & quem primum allocutus est.

Peccabam ego absque lege, & ante legem illam Dei: sed non peccabam in Deum; quia nulla adhuc mihi lex Dei nota erat, qua vetuisset peccatum. Remordebatur me intrinsecus peccatum meum; quia me, dignitate & excellentia creationis meae, supra omnia animalia positum, infra bestias ipsas traducebat. Pudebat scilicet me peccati mei, ante legem Dei; quam non noveram, quia nondum erat: eodem modo quo pudebat Socratem & Catonem peccati sui, post legem illam Dei; sed quam neque ipsi noverunt. ^a Accusabatur & condemnabatur peccatum illud meum, natura ipsa, & me ipso iudice: qua ratione & ipse mihi ipse eram quodammodo lex à natura.

Imo & illud: pigebat me peccati mei quondam: quia præter legem illam naturalem, qua mecum nata erat, leges itidem alia præscriptæ mihi erant ante legem illam Dei, decretis hominum, jure gentium & civili. Quales deinceps & post legem illam Dei, præscriptæ itidem leges fuerunt, Gentili-

bus illis quos vocatis hominibus; quibus, sicut
 & nobis, ante legem creatis, lex eadem illa Dei
 fuit incognita: quales inquam leges præsriptæ il-
 lis fuerunt, vel à Lycurgo, vel à Solone, vel à
 Decemviris. Nefas quippe mihi erat peccavisse
 in leges illas decretis hominum & iudicium meo-
 rum mihi præsriptas: quale nefas erat vel Thra-
 cibus, vel Atheniensibus, vel Romanis, pecca-
 visse in leges illas suas, à Legumlatoribus illis suis
 promulgatas.

Remordebat ergo me peccatum meum, natura
 ipsa & me ipso iudice. Imo coercerant peccatum
 illud meum Iudices ad hos constituti, legibus illis
 suis gentium & civilibus. Sed peccatum illud
 meum mihi non imputabatur à Deo iudice, quia
 Deus legislator mihi ignotus erat. Sciebam quid
 esset peccare in leges hominum: nesciebam quid
 esset peccare in legem Dei. Sciebam quid esset pec-
 catum, hominibus illud prohibentibus: nesciebam
 quid esset peccatum, Deo illud prohibente. Pecca-
 bam in legem naturæ, & in leges illas hominum,
 gentium puta & civiles, quæ à natura orta erant:
 sed non peccabam in legem illam Dei, cuius trans-
 gressio mihi imputaretur à Deo, sicut imputata
 fuit Adamo: & cuius imputationis nota fuit illi
 & posteris ejus, mori morte: morte inquam re-
 gnante & duplici. Non idcirco quod peccabam,
 moriebar morte; sicut Adamus deinceps mortuus
 est, quando legem Dei transgressus est. Non mo-
 riebar ego ante legem illam Dei, morte illa regnan-
 te & duplici, quæ secuta est transgressionem legis
 illius

illius di-
 Mors me-
 erat natu-
 duplex, u-
 te morie-

Hac
 ante lege-
 legis conf-
 gentis, re-
 lud quod

catum, su-
 caturum id-
 esse impu-
 erat mori-

non vir-
 quod per-
 te, sub na-
 tum idem

cepit, in-
 Mors quæ
 sub natu-
 vel ante

& peccat-
 tationis d-
 plex ante
 duplex, e-

mo, prop-
 Quibus
 dum est;
 tudinem
 fuerit mo-

illius divina, & imputationem peccati Adamici. Mors mea, ante legem illam, mihi pure & unice erat naturalis; non regnans, non imputata, non duplex, ut morte morerer. Moriebar, sed non morte moriebar.

Hac ita mecum gerebantur sub statu natura, ante legem & Adamum. Vobis autem sub statu legis constitutis; & ab Adamo, vel post Adamum genitis, res aliter longe se habuit. Peccatum enim illud quod mihi erat simpliciter & naturaliter peccatum, sub natura, ante legem & Adamum: peccatum idem illud à lege & Adamo, vobis coepit esse imputatum & duplex. Peccatum quod mihi erat mortuum, quod non originem acceperat, quod non vivebat: quod cum patrabam, vivebam: si ve quod perinde est, propter quod non moriebar morte, sub natura, ante legem & Adamum: peccatum idem illud, à lege & Adamo, originem accepit, intravit in mundum, & vixit in vobis. Mors qua mihi naturaliter tantum continebat, sub natura, ante legem, ante transgressionem legis, vel ante peccatum Adami: mors eadem illa, à lege & peccato Adami, coepit regnare in vos, & imputationis causa vobis infligi. Mors mihi erat simplex ante legem & Adamum: mors vobis fuit duplex, ex quo coepit esse regnans, à lege & Adamo, propter peccatum Adami.

Quibus omnibus, clarius patet Sole ipso cum sudum est; quid fuerit non solum peccare ad similitudinem transgressionis Adamicae: sed etiam, quid fuerit mori ad similitudinem mortis Adamicae.

CAPVT XIX.

Peccatum Adami fuisse retro imputatum primis hominibus ante Adamum conditis: & damnationem mortis ex illo peccato, retro regnavisse in illos. Qua de causa illud fieri debuerit.

Tale vero fuisse peccatum Adami dixit Apostolus hoc loco, ut retro imputatum fuerit, & mors, siue damnatio mortis, ex illa peccati imputatione in illos etiam homines retro regnaverit, qui vixerant sub statu natura, non sub statu legis: qui peccaverant ante legem, atque adeo ante Adamum.

Quod nimirum oportuerat, ratione mysterii ad salutem, non ad perniciem eorundem hominum instituti. Oportuerat enim primos illos homines, qui peccaverant impune erga Deum ante legem, quia nullius legis divina violata rei erant, reos fieri in reatu Adami, ut participes fierent salutis & gloria qua est in Christo. Oportuerat primos illos homines peccavisse in Adamo, ut sanctificarentur in Christo. Quod ut fusiùs eloquar. Oportuerat, ut hominibus illis, ratione & virtute mysterii, censeretur retro imputatum peccatum Adami; & censeretur mors siue damnatio mortis, ex illa imputatione peccati in illos retro regnavisse; priusquam mors Christi, qua peccati Adamici fuit expiatio, quaque gloriam salutis operatur, retro eis imputaretur: & priusquam salus qua in Christo est, quaque vita ipsa est immortalis & aeterna, retro regnaret in eosdem, ex illa mortis Christi im-

imputati
esset Ies
damus.
Adami
mi Ada
vivere
putation
De quib
fenti nisi

Peccata p
cap. 3
legem
celler

P
mi,
ra, qu
epistola
musa
Christu
ipsum;
tereund
w ason
praece
quitur
nim pecc
cata pra
Apostola
legem p
commo

imputatione. Oportuerat ut quibus imputandus esset Iesus Christus, iisdem prius imputaretur Adamus. Ut quibus imputanda foret mors secundi Adami, iisdem prius imputaretur peccatum primi Adami. Ac demum, qua virtute mysterii vivere eis daretur in Christo; eadem ratione imputationis, censerentur prius mortui in Adamo. De quibus verissime potuit illud usurpari; Periissent nisi periissent.

CAPUT XX.

Peccata præcedentia, de quibus locutus est D. Paulus cap. 3. hujus epistolæ; eadem esse quæ facta ante legem & Adamum; quia legem & Adamum præcesserunt.

Peccata illa quæ præcesserunt peccatum Adami, illa eadem fuere, nisi me fallit conjectura, quæ vocavit Apostolus supra, capite 3. hujus epistolæ, Peccata præcedentia: *πρὸ νόμου ἀμαρτήματα*; cum ait, Deum proposuisse Iesum Christum placamentum per fidem in sanguine ipsius; ad demonstrationem justitiæ suæ, prætereundo peccata quæ præcesserunt. *ἵνα τὸ πᾶν ὑποτάξῃ τῷ νόμῳ καὶ τῇ ἀνομίᾳ τῶν ἀνθρώπων*. Quæ præcesserunt: supple, legem. De quibus peccatis loquitur his nostris versibus Apostolus. Edixit enim peccata fuisse ante legem. At certe, quæ peccata præcedentia sive antecedentia, intellexisset Apostolus loco illo capitis tertii, præter illa quæ legem præcesserunt sive antecesserunt? Ideo dicta commodissime Antecedentia, quia facta ante le-

gem. Qua scilicet peccata ab initio nulla & irrita, quia facta ante legem & Adamum, ex post facto Adami convaluerant: quibusque aspersa fuerat labes imputationis ex peccato Adami, quam sanguis Christi ablueret. Vel secundum mentem & verba Apostoli: qua peccata antecedentia Iesus Christus placamentum ad hoc propositus prateriret & aboleret.

Mihi vero nihil agere videntur, qui volunt, Apostolum intellexisse hoc loco; Iesum Christum placamentum ad hoc propositum fuisse à Deo, ut prateriret peccata antecedentia legem Mosaicam. Tanquam ad hoc propositus videretur Iesus Christus, ut prateriret & deleteret peccata facta in legem tantum à Mose promulgatam; ut solum extingueret legem Mosaicam, in quam Iudaei soli peccavissent: non autem ut maxime prateriret, & praecipue extingueret peccata facta in legem datam Adamo: atque in primis refingeret legem illam, in quam non solum Iudaei, sed homines omnes peccavissent. Certe nulla hic res fuit Apostolo cum Mose: tota illi fuit cum Adamo: qua ratione Christus dictus est, non secundus Moses, sed secundus Adamus. Neque intellexit Mosem, vel locutus est de Mose hoc loco Apostolus, nisi quatenus Iudaorum princeps ille, in cuius legis transgressione Iudaei soli peccaverunt, pependit, originem accepit, & derivatus est ab Adamo; non solum primo Iudaorum parente, sed & omnium hominum principe mystico: nimirum, in quo, vel in cuius transgressione homines omnes peccaverunt.

Patet

Patet
debuisset
antecedentia
fuisse quae
putata
retro in
stus pla
peccata
gratia, a

Quomod
impu
ditis
to, i

A
te
intellig
transg
sione il
huic qu
quomo
solvet.

Qu
nem ill
censetur
labefact
& cogit
neque a
mi? ill
in Ad

Patet ergo, locum illum capitis tertii, referri debuisse ad hos versus capitis quinti. Et peccata antecedentia de quibus illic egit Apostolus, eadem fuisse qua hic intellexit facta ante legem: non imputata per se illorum auctoribus, sed illis mystice retro imputata ex peccato Adami: ut Iesus Christus placamentum ad hoc propositus, prateriret peccata illa; & gremio illo suo, absolutionis & gratia, auctores illorum susciperet.

CAPVT XXI.

Quomodo censeri possit, peccatum Adami fuisse retro imputatum primis hominibus ante Adamum conditis: nec non damnationem mortis ex illo peccato, retro regnavisse in illos.

AT inquires. Quomodo censeri & cogitari potest, homines illos qui Adamum precessisse intelligendi sunt, peccavisse ad similitudinem transgressionis Adami; & mortem ex transgressionem illa retro regnavisse in illos? Satisfaciam huic quomodo, per alias quaestiones factas in quomodo. Et solverit illam qui unam harum solvet.

Quaero è contra. Quomodo per transgressionem illam Adami, per peccatum illud originale, censetur & cogitatur natura omnis corrupta, & labefactata omnis creatio? Quomodo censentur & cogitantur peccavisse, non dicam Infantes, sed neque dum etiam nati homines in peccato Adami? Illud enim; Omnes homines peccaverunt in Adamo: denotat, collective omnes homi-

nes in specie, & speciem totam peccavisse in Adamo: homines ergo omnium temporum & statum. Scripta sunt de morte, eadem qua de peccato. Mortem in Adamo pervasisse in omnes homines. Id est; mortem, ex quo Adamum perculit, pervasisse in omne genus humanum. Ergo in omnem speciem, & in homines omnium temporum. At quomodo censendi & cogitandi sunt decollati in uno hoc homine omnes homines, neque dum etiam nati? Nimirum intelligendi sunt primi illi homines ante Adamum conditi, peccavisse in Adamo, & damnationem mortis subiisse in Adamo; ratione eadem qua neque dum etiam nati peccavisse in illo putantur, & mortui in illo existimantur.

Quero itidem. Quomodo censetur & cogitatur peccatum Adami imputatum Gentilibus illis hominibus, qui nati sunt ab Adamo; si ve post Adamum? Quomodo censetur mors regnavisse in illos ex peccato Adami? Quero, inquam, quomodo censeantur Gentiles illi post Adamum geniti; peccavisse ad similitudinem transgressionis Adami; & quomodo putentur mortui ad similitudinem mortis Adamica? Gentiles inquam illi, quos ex Pra-Adamitarum hypothese, non ab Adamo, sed ab ante Adamum creatis hominibus, oriundos statuo: ad quos neque fando unquam pervenit, vel Deus Adami, vel lex Dei data Adamo, peccatum vel mors Adami; quin neque Adamus ipse: & quorum idcirco in his imputationibus Adamicis, par omnino & eadem causa est cum Gentilibus.

bus ante Adamum conditis; quibus utique, neque Deus ille Adami, neque Adamus ipse unquam innotuit. Demonstrabitur autem paulo inferius, non ideo fuisse imputatum peccatum Adami, Gentilibus illis post Adamum genitis, quatenus illos Adamus genuit. Probabitur enim, non imputari quod manat ex traduce, sed imputari proprie, quod non materialiter generatur.

CAPVT XXII.

Analysis continua horum versuum Apostoli.

His ita explicatis, ut magis elucescant; eliciamus & contexamus hinc continuam, quam in partes secuimus, horum versuum analysisin: qua talis erit.

Versus XII. Sicut per temeratam legem Dei ab uno homine, peccatum intravit in mundum, & per peccatum mors: ita mors opsonium peccati & proprium peccati inseparabile, pervasit in omnes homines, in hoc peccato, vel homine, in quo omnes peccaverunt. Quemadmodum per illam legis Dei transgressionem, peccatum imputatum fuit omnibus hominibus: ita mors, per illam peccati imputationem, regnavit in omnes homines.

Versus XIII. Certe, antequam lex Dei esset, antequam lex Dei esset violata; & usque ad legem Dei, usque ad legem Dei violatam, peccatum erat in mundo, & legem Dei precedebat. Sed illud peccatum non erat proprie peccatum; quia peccatum, proprie est transgressio legis Dei: at non existente lege Dei, nullum esse censebatur peccatum.

non putabatur, quia non imputabatur. Peccatum tunc temporis censebatur tantum, vitium inhaerentis & innata corruptionis in homine; in carne, in materia & natura hominis corruptioni obnoxia. Mors vero putabatur tantum effectus naturalis corruptionis illius: nondum enim decreta erat contra peccatum, quia lex nulla à Deo lata erat, qua imputationis notam peccato inuississet, & peccatum proprie dictum constituisset. Sed à momento illo quo lex Dei fuit, quo lex Dei violari coepit; peccatum quod non antea putabatur, exin coepit imputari: mors qua antea privatio tantum erat, exin coepit esse quid positivum, quid vivens, quid regnans. Mors eadem illa qua falce instructa erat, ut secundum ordinem naturae omnes homines demeteret: gladio armata est, ut secundum institutum legis, merum imperium in omnes homines ageret.

Verum inquires; quod est illud momentum, à quo lex Dei fuit, à quo lex Dei violata fuit: à quo peccatum imputari, mors regnare coepit?

Versus XIV. Regnavit mors ab Adamo. Regnavit mors ab illa transgressione legis Dei, quam Adamus perfregit. Regnavit mors ab Adamo, quia imputari coepit peccatum ab Adamo. Regnavit mors ab Adamo, & pervasit in omnes homines, ut peccatum Adami, & peccata omnium hominum qui in illo peccaverant, damnatione animadverteret.

Constat de principio; videamus finem istius regni. Regnavit mors ab Adamo, usque ad Mo-

sem.

sem. V.
Mosis ob
legis Mo
ad adu
sti: qui
consum
nulla ej
Impu
tantum
mnation
los, qui
ad mere
imputat
retro p
gressio
non-in
Adam
Ille
situs fi
erat pr
Quema
peccatu
travit
etiam p
peccato
soluion
nes mo
omnes p
vita per
peccati
quema

fem. Vel usque ad legem Mosis, & quamdiu lex Mosis obtinuit. Regnavit mors usque ad mortem legis Moisaica: vel quod idem & clarius est; usque ad adventum & mortem Domini nostri Iesu Christi: qui legis fuit consummatio, peccati & mortis consumptio. Nulla enim est imputatio peccati, nulla est damnatio mortis iis qui sunt in Christo.

Imputatio autem illa transgressionis Adami tantum valuerat; ut mors qua ex ejus condemnatione sequebatur, regnaret non solum in illos, qui deinceps & post Adamum peccaverunt, ad morem transgressionis illius, ad morem peccati imputati: sed etiam retro regnaret in eos qui retro peccaverant; non ad similitudinem transgressionis Adamicae, sed ad similitudinem peccati non-imputati, quod erat ante legem illam quam Adamus violavit.

Ille vero Adamus typus erat, sed typus oppositus futuri Adami; id est, Iesu Christi. Ille erat primus Adamus: hic secundus Adamus. Quemadmodum per illum primum Adamum, peccatum quod erat ex transgressionem legis Dei, intravit in mundum, & per peccatum mors; ita etiam per hunc secundum Adamum absolutio de peccato illo intravit in mundum, ac per illam absolutionem vita. Quemadmodum in omnes homines mors pervasit, in illo primo Adamo in quo omnes peccaverunt: ita etiam in omnes homines vita pervasit, in hoc secundo Adamo, in quo omnes peccati Adamici in fontes evaserunt. Ac demum: quemadmodum mors qua obtinuit à peccato prima

Adami, regnavit in illos homines qui non peccaverant ad similitudinem peccati imputati; sed qui peccaverant ad similitudinem peccatorum antecedentium; id est, non imputatorum; qualia erant peccata facta ante legem: Eadem ratione, vita qua obtinuit per gratiam absolutionis illam, quam generi humano comparavit secundus Adamus, regnavit in eisdem. Sive, quod perinde est; prateriit & delevit Christus, placamentum ad hoc à Deo propositus, peccata illa antecedentia, infecta reatu & imputatione peccati Adamici. Qua est absoluta comparatio inter utrumque Adamum, primum & secundum.

CAPUT XXIII.

Adamum dici primum hominem, qua ratione Christus secundus homo est.

Objicitur, *Adamum vulgo dici primum hominem. Sed facile erit responsum, si dicimus, Adamum esse primum hominem, qua ratione Christus dicitur & est secundus homo. Relative nimirum & typice dicuntur invicem Adamus & Christus; ille primus homo, hic secundus homo. Notandum porro illud est curiosius quod alias retigi, & identidem inculcandum mihi est. Adamum & Christum propositos esse hominibus, tanquam duos oppositos imputationum terminos: unum, damnationis propter crimen: alterum, purgationis de crimine: ambos, qui homines omnes imputationibus suis involverint: homines, inquam, prateritos & futuros: & qui retro longissi-*

longissime ante illos creati erant, & qui post illos longissime progeniti sunt & progignentur.

Quod ut sensibilibus comparatione intelligatur: concipiamus omnes homines, quotquot creati sunt à principio temporum, & procreabuntur usque ad finem seculorum, similes esse a sculo illi Virgiliana,

-- Quæ tantum vertice ad auras

Aërias, quantum radice ad Tartara tendit.

Comparemus radices arboris illius, quæ ad terram & Tartara ipsa defiguntur; hominibus illis ante Adamum creatis, à principio temporum: quorum notitia sepulta, & seculorum ignorantia abscondita est. Comparemus comas illius a sculi ad cælum usque luxuriantes; hominibus illis qui nati sunt à Christo, vel à tempore Christi, & qui nascentur usque ad finem seculorum. Comparemus denique truncum illius arboris; hominibus illis qui intercesserunt ab Adamo ad Christum. Trunco vero illi concipiamus duos surculos immisos, qui in truncum ipsum coaluerunt, inter radices & ramos a sculi: primum, Adamum: secundum, Christum. Ponamus Adamum primum surculum, trunco illi primo insitum, qui succo suo peccati & mortis arborem totam infecerit, ab imis radicibus ad summa usque ramorum fastigia. Ponamus Christum secundum surculum, trunco eidem illi & deinceps inolecentem; qui arborem illam medicaverit, eamque à radice ad verticem spiritu suo iustitiæ & vitæ imbuerit. Ponamus, inquam, plan-

tas.

tus duas illas trunco illi immixtas, inter radices & ramos arboris: quales posuimus Adamum & Christum, inter homines illos qui à principio creati sunt, & eos qui ad finem usque porro gignentur. Condiscamus hinc tandem, quod quemadmodum non necesse fuit, Adamum secundum & ultimum, fuisse ultimum omnium hominum, ut prateritos tantum homines sub iustitia sua comprehenderet. Ita neque necesse fuit Adamum antecedentem & primum, fuisse primum omnium hominum, ut futuros tantum homines sub peccato suo concluderet. Condiscamus, inquam, Adamum dici primum hominem, quia ratione dicitur Christus secundus homo.

CAPVT XXIV.

Adamum dici primum hominem, qua ratione primus homo peccator est. Imputationem peccati Adami non fluxisse ex Adami traduce.

IMo inquires; non dicitur Adamus, ratione illa tantum, primus homo: sed & dicitur absolute, primus & pater omnium hominum. Respondeo; Adamum dici itidem posse primum & patrem omnium hominum, quatenus homines omnes in illo peccaverunt; & quatenus primus & pater omnium peccatorum est. Simili ratione dicitur Abrahamus pater omnium credentium: imo pater Adami ipsius, quatenus Adamus credidit, & quatenus ex fide iustificatus est. Ita Christus vocatus est primitiæ resurrectionis; & primus omnium hominum qui resurrexerunt; quamvis

vis alii resurrexerint longe ante Christum, scriptura sacra teste. Dicitur Abrahamus pater omnium credentium; quoniam fides imputatur omnibus credentibus ex fide Abrahami. Vocatus est Christus, primitia resurrectionis, & primus omnium qui resurrexerunt, quoniam resurgitur in Christo & per Christum. Simili argumento, nuncupatur Adamus primus & pater omnium hominum, quia primus homo peccator, quia pater omnium hominum qui peccaverunt, quia peccata fuere imputata omnibus hominibus ex peccato Adami, quia omnes homines peccaverunt in Adamo.

Neque vero necesse fuit, omnes homines duxisse originem ab Adamo, ut censerentur omnes peccavisse in Adamo, vel ut eis peccatum Adami imputaretur. Vitium certe naturale & materiale peccati, derivatur ex traduce; siue ex vitio natura humana, & materia ejusdem ex qua Adamus & ipse formatus est. Sed vitium imputationis, siue imputatio ipsa peccati Adamici, quæ pure est intellectualis, emanavit à transgressione legis quam Adamus violavit, nulla adhibita generatione naturali: quatenus intelligitur transgressio Adami mystice effusa in illa omnia quæ imputationi Adamicæ subiacebant.

Ita quando ira Domini sævit in sexaginta mille Iudaos propter peccatum Davidis: putandumne ergo fuit, Iudaos illos oriundos ex Davide, ut eis peccatum Davidis imputaretur? Neutiquam. Imò illis peccatum Davidis imputatum fuit, quatenus

David

David princeps eorum & caput erat; quo nomine referebat populum omnem Iudaicum; & qua ratione populi dicuntur plecti propter deliramenta suorum Regum. Ita quando fideles omnes, Iudaei & gentiles, dicuntur filii Abraham; anne ideo censendum est, gentiles natos esse ex semine Abrahami, ut illis imputetur fides qua est ex Abrahamo? Vel rursus: anne ideo censenda est imputata fides Abrahami Iudaeis ipsis, quatenus Iudaei sunt semen Abrahami, & quatenus ab illo naturali generatione prognati sunt? Nihil minus. Sed dicuntur ratione spiritali, & mystica, Iudaei & gentiles, filii Abrahami: quatenus Abrahamus, quoad fidem, vices sustinuit omnium fidelium Iudaorum & gentilium: & qua ratione sola dictus est indefinite, pater credentium. Hinc nimirum est, quod tam subtiliter D. Paulus disputavit capite 9 ad Romanos: non omnes Iudeos ex semine Abrahami, reputandos in filios Abrahami: sed illos tantum qui sunt filii Abrahami, secundum promissionem & fidem: id est, secundum spiritalem Abrahami generationem. Idem prorsus statuendum est de imputatione qua est ex gratia Christi. Nullos enim natos habuit Christus, natos inquam secundum carnem, quibus imputaret suam gratiam. Plures certe propagavit spiritales filios, super quos purgatio & gratia eius spiritaliter & mystice effusa est; non materialiter, non carnaliter, neque ex traduce.

¶ Sed & imputationem illam ex peccato Adami non fluxisse in omnes homines ex Adami semine, de-

demonstr
tius,
tum. Te
tum Ad
accepit
Mundu
Sufficit
induisse
minum.
sori reru
Dei, ce
bus hom
mo ille
ferebat
homin
Imputa
mnibus
turis:
ta fuit
& futu
quo vic
mnibus
futuris

Explica
guine

No
la
Deum

demonstratur clarissime per exemplum Mundi totius, cui peccatum Adami fuit aque imputatum. Terra enim maledicta fuit propter peccatum Adami: & totus orbis labem imputationis accepit ex peccato illo. Nullus autem dixerit, Mundum oriundum vel natum esse ex Adamo. Sufficit nempe credidisse, Adamum mysticam induisse personam mundi totius & omnium hominum. Cui Adamo tanquam Syndico & defensori rerum omnium creaturarum, significata lex Dei, censeretur significata toti mundo & omnibus hominibus. Quam legem Dei si violaret homo ille, nomine illo quod praeferbat, & quo referebat creationem universam, imputaretur illi homini, & omnibus hominibus, & toti mundo; Imputaretur inquam peccatum illius hominis omnibus hominibus, praeiis, praesentibus, & futuris: qua ratione fides ex Abrahamo, imputata fuit fidelibus omnibus, praeiis, praesentibus, & futuris: qua ratione itidem Christi obsequium; quo vicem Adami pensavit, imputatum fuit omnibus hominibus, praeiis, praesentibus, & futuris.

CAPVT XXV.

Explicatur D. Paulus Actuum capite 17. Ex uno sanguine, non esse, ex uno Adamo.

Non movet me quod introducitur D. Paulus in Areopago dicens, Actuum capite 17, Deum fecisse totam hominum gentem ex uno

uno * sanguine. Non enim concluditur hinc, ut vulgo receptum est, homines omnes oriundos ex Adamo. Imo illud tantum, Deum compegisse omnes homines, ex una eademque materia, ex una eademque terra, ex uno eodemque pulvere, ex una eademque carne, ex uno eodemque sanguine. Quæ locutio vulgaris est in sacris literis. Ecce & me sicut & te fecit Deus: & de eodem luto ego quoque formatus sum: aiebat Elin ad Iob. Tale illud est Domini nostri D. Petrum alloquentis. Simon Barjona, caro & sanguis hæc non retextit tibi. Nec praterendum est quod hoc loco Acto- rum, signate distinxit Apostolus materiam à pro- genie hominum. Materiam fecit ex sanguine: pro- geniem duxit à Deo. Vbi dixit, Fecit ex uno san- guine totam hominum gentem. Deinde conclu- sit, Progenies ergo Dei cum simus. Non dixit, Progenies Adami cum simus. Quippe qui allo- quebatur, non Iudaos, sed Athenienses gentiles: & respiciebat, non particularem illam creationem Adami, qua Deus Iudaos in Adamo sibi peculiā- riter finxit & efformavit filios: sed generalem il- lam, qua Deus naturam ipsam, & omnes homi- nes ad sui imaginem creavit: & secundum quam imaginem dicuntur indistincte omnes homines progenies Dei.

C A-

* Vulgata editio vertit, ex uno simpliciter. sed in au- tographo Græco legitur expressim, ἐξ ἑνὸς αἵμα- τος, ex uno sanguine.

CAPVT XXVI.

Exercitationis epilogus.

EXegi qua habebam super his versibus Apostoli, de imputatione peccati, & de regno mortis, ab Adamo: nec non de hominibus illis qui non peccauerant ad similitudinem transgressionis Adami; quos peccavisse ante Adamum posui. In quibus tria sunt qua benignus lector perpendat velim.

Primum est. Commodius multo responderi posse objectionibus illis, quas intentat in hanc nostram positionem vulgata opinio; quam responderi queat intricatis illis incommodis, qua mea hac positio attulit contra vulgatam opinionem.


Secundum est. Nullum prorsus oriri incommodum (quod mihi saltem visum fuerit) ex positione hac: imo è contra commoda multa ex illa percipi. Lucem magnam afferri, cum Evangelio, & versibus his D. Apostoli; tum etiam historia Geneseos. Conciliari Genesim & Evangelium, cum Astronomia veterum, Historia & Philosophia gentium vel antiquissimarum. Itaque si venerint Chaldaei ipsi, vetustissimi illi Astronomi, penes quos erant rationes cursus siderum, à multis retro centenis annorum millibus (ut aiunt) composita & confecta: si venerint antiquissimi Ægyptiorum Chronologi, cum antiquissimis Regum suorum dynastiis: si venerit Aristoteles ipse: si venerint cum Aristotele Sinenses, philosophi & chronologi fortasse

sean eximii: vel si qui olim reperientur sagaces apud Australes & Septentrionales incognitos: quibus, sicut & Sinensibus, Ægyptiis, & Chaldeis, sua sibi sint epocha, à pluribus annorum myriadibus tradita & cognita: Accipiant ultro illi omnes expositione hac historiam Geneseos, & fiant lubentius Christiani.

Tertium est quod unice benignum meum lectorem oratum volo. Ut quacunque hic congeffi, scripta putet Exercitationis gratia. Nihil enim ausim asserere de his qua videntur parum convenire cum recepta opinione totius Ecclesiæ. Cujus præceptis, atque illud iterum edico, totum me sine fraude & devotissime addico.

Deo duce & auspice.

S Y S T E M A
THEOLOGICVM,
E X
PRÆADAMITARVM
HYPOTHESI.
PARS PRIMA.



ANNO SALVTIS;
M. DC. LV.

SYSTEMA
THEOLOGICVM
P. I.
TR. ADAMITARVM



ANNO SALVTIS
MDCCLX

P. I.



criter
gissim
cipum
tionibu
Ethio
ex nup
tum &
novill
tavos
fuisse
Illu
cum p
storia
ubi oc
nempe
pam a
poenar
bus su
quam
nihil
non sap
mo om
versus
cimur
mano

P R O O E M I V M.

Conditi orbis epocham non du-
cendam esse ab illo principio
quod vulgo figitur in Adamo;
naturalis est suspicio, omnibus in-
fita cognitione rerum vel medio-
criter imbutis. Videtur enim altius & à lon-
gissime retroactis seculis petendum illud prin-
cipum: tum ex antiquissimis Chaldæorum ra-
tionibus: tum ex vetustissimis Ægyptiorum,
Æthiopum, & Scytharum monumentis: tum
ex nupere detectis terrenæ machinæ partibus:
tum & ex regionibus illis incognitis, ad quas
novissime percrebuit navigando pervenisse Ba-
tavos: & quarum homines verisimile est non
fuisse ab Adamo propagatos.

Illa eadem & mihi olim inciderat suspicio;
cum puer adhuc vel audirem, vel legerem hi-
storiam Geneseos. Vbi Cainus foras egreditur:
ubi occidit fratrem suum, cum essent in agro;
nempe illud, more latronum, caute; ne à quo-
piam arbitro proderetur: Vbi timet, ubi fugit,
pœnam fratricidii: ubi denique longe à patri-
bus suis uxorem ducit, & civitatem ædificat. Sed
quamvis hæc animò meo insideret dubitatio;
nihil tamen de illa audebam proferre, quod
non saperet réceptam opinionem de Adamo pri-
mo omnium hominum creato: donec incidi in
versus, duodecimum, decimum tertium, & de-
cimum quartum, cap. 5. Epistolæ D. Pauli ad Ro-
manos: quos abhinc viginti plus minus annis,

P R O O E M I V M.

& mente & manibus verso. Ac veluti qui per glaciem incedit, suspendit gressus suos, ubi astrictam minus, vel fauciam, diffidit: ubi vero concretam, & acrius induratum sentit, fortius figit pedem: timui primo, ne vel plantas mihi secaret dubia hæc disputatio, vel in profundam hæresim devolveret, si quando illi diutius insisterbam. Verum ubi tandem per hos versus Apostoli scire licuit, peccatum fuisse in mundo antequam imputaretur hominibus: ubi deinceps novisse datum est, illudque inconcusse, peccatum cœpisse imputari ab Adamo; ausus sum animo, & totam hanc disputationem usque adeo solidam expertus sum, ut præter illam trepido minus pede vectus sim. Reperi homines trans & ultra imputationem illam peccati quæ originem traxit ab Adamo; qui quidem peccaverant, sed quibus peccatum non imputatum fuerat, ad similitudinem Adami, cui primo omnium hominum peccatum imputatum fuit; atque ita imputatum, ut illi, & in illo omnibus hominibus, reputatum in crimen, & versum fuerit in mortem.

At, quæ rerum natura est bene compactarum, tanta mihi apparuit hinc positionis hujus firmitudo; ut quo plures illam verti ad quæstiones Theologicas, illasque majores & intricatiores; hoc solidior, major, & purior mihi affulserit Religio Christiana:

— *Qualisque videri
Cœlicolis, & quanta solet.*

Cu-

P R O O E M I V M.

Cujus rei experimenta quædam edidi in Exercitatione illa, quam ad elucidationem Versuum illorum Apostoli speciatim institui. Neque enim pro ratione opellulæ omnia potui. Exponere nunc in animo est, continua Exercitationis causa & gratia, Systema ipsum Theologicum, quo doctrina omnis Evangelii, ex Præ-Adamitarum hypothefi, fufius explicetur: & appareat, Positionem hanc, ne dicam Fidei quæ in Christo est, quoquo pacto officere: quin illam etiam tricus quampluribus, quibus implicatur, extricare; nec non oculis, & mentibus, ubique fere illustriorem exhibere. Quod nullo hiatu promitto. An vero expedire & exequi valeam, judicium esto Lectoris benevoli.

Non sum vero animi dubius, quin plurimi conspecto Operis hujus apice & lemmate, neque pellecto Opere ipso; voces continuo & manus intentent in hanc hypothefin, quia nova est: stylosque ocus stringant, ut quod non ceperint, carpant. Quibus omnibus jam nunc respondeo: *Quicquid scripserint, me nihil responsurum.* At si qui erunt sedatiores & cordatiores; quales & quamplurimos fore confido; qui sibi temperabunt: Et si quid illos in scriptione mea diligenter examinata offenderit; more humano & Christiano admonere me dignabuntur: Illis ego totum me adprobabo: & honore summo cumulatis plene satisfacere conabor. Hoc vero præcipue, & verbis conceptissimis recipio. Si quis causa cognita me errare demonstrave-

P R O O E M I V M.

rit. Hoc est : me in aliquo vel minimo ad-
fari historię Geneseos, aut quibuscumque locis a-
liis Scripturę sacrę & orthodoxę, quę contine-
tur in utroque fœdere : vel diversum abire,
quantum latus unguis est, à quovis capite fidei
Christianę. Primum, habeo illi gratiam ma-
ximam quod me docuerit. Deinde vero, no-
men meum non pudebit apponere; imò glorio-
sissime mihi versurum putabo, si illud totum &
quadratis literis implevero, in ejurando tali er-
rore meo : Quem abominor, si quis meus talis
est. Quamvis enim mihi ipsi sim amicissimus,
magis tamen mihi est amica Veritas. Quod u-
nice profiteor. Nomen autem meum nunc re-
ticeo, verecundia, non mali facti conscientia.
Vereor enim, ne tam nobile & tam illustre ar-
gumentum culpa ingenii, & tenuitate oratio-
nis detrivero, neve omnino infra sit, quicquid
super hac sublimi materia elaborare & concin-
nare studuero. Sed reputent qui me norunt,
quibus & quantis erroribus actus fuerim, abhinc
triginta annis; & quę me fata per illud tempus
traxerint & retraxerint. Ita ut meditando ma-
gis quam legendo, & literis ut par erat serio in-
cumbendo, Opus hoc tandem inconditum &
male dolatum extuderim. Oro itaque Lecto-
rem meum hanc veniam : ut hoc quaecumque
rudimentum boni consulat, & benigno animo
accipiat.

ARGVMENTA CAPITV M SYSTEMATIS.

LIBRI PRIM I

C A B V T I.

Versus Apostoli. Specialiter in illis tractatur de peccato originali. Lex eo loci intelligenda est Adamica, non Mosaica. De peccato naturali & legali, imputato & non imputato. De morte itidem naturali & legali. Leges humanae institutae sunt ut dirigant rectam rationem. Intra homines sunt. Lex divina supra homines est. Pag. 1

II. Peccata hominum naturalia; vitia ipsa sunt naturae humanae: quorum causa non sunt petendae ex peccato Adami. Peccatum legale imputatum hominibus ex peccato Adami, adventitium est. Spiritualiter concipitur, nec propagatur naturaliter. 6

III. Mors naturalis hominum, creatur ex natura ipsa mortali hominum: nec causatur ex condemnatione mortis decretae in Adamum. Quae mors legalis est. Et spiritualiter, non naturaliter intelligitur. II

IV. Homines creati sunt in principio ad imaginem Dei: & valde boni. De imagine Dei quae prima creationis est. Et de imagine Dei quae secunda creationis est. Homines creati sunt in principio recti: Sed ex materia prava: & quae facile in se ipsam redire posset. 16

V. De materia hominum corruptioni obnoxia. De creatione hominum recta. De reditu hominum ad ingenium naturae, & materiae suae corruptioni deditae. 20

VI. Homines rectos creatos, & in pravam naturae suae reflexos, Deus creatione secunda in melius restituit. Et ab hominibus ad Deos evehit. De productioe & sacrificio. De immutabili & mutabili: immortali & mortali &c. De spiritu qui ex Deo est; & de spiritu mundi. 25

ARGVM. CAPIT. SYSTEM.

- VII. De uno Deo: & de uno spiritu qui ex Deo est. De
viriis siue diis, siue spiritibus. 27
- VIII. Homines spiritibus pravis emoti, ceciderunt è sta-
tu suo recti quo creati erant, in praxum naturæ suæ.
Restituti in melius per Spiritum recreationis, qui unus
ex Deo est, norunt Deum quem ignorat caro & san-
guis: Sanctitatem assequuntur, quam non poterant crea-
tione sua prima adipisci: & mortem suam naturalem
immortalitate supernaturali redimunt. 33
- IX. Recreatio hominum, gratia & donum Dei est. Non
omnibus datur hominibus recreari. Sed electis tantum.
Electio in rebus naturalibus est. Electio divina in ele-
ctis Dei est. Qui sint Electi. Et qui dicantur Reperi. 38
- X. Electio divina dupliciter consideratur: in Deo, & in My-
sterio. Illa ab æterno est. Hac mysticis temporum occa-
sionibus dispensatur. Illa homines omnes indistincte ad-
mittit. Hac Iudeos primo elegit; & in Iudeis Gentes
terrarum omnes assumpsit. 44

ARGVMENTA CAPITVM

LIBRI SECVNDI.

CAPVT I.

- D**E electione Iudeorum. Electio Iudeorum incepit ab A-
damo primo Iudeorum patre. Iudei primogeniti, quia
primo electi. Electi autem non suo merito, sed mero
Dei eligentis & volentis beneficio. Formati ex eadem
terra communi qua ceteri homines creati sunt. Deus ma-
trimonio conjunctus Ecclesie Israëlitidi. Iudeorum pa-
ter. Iudei Dii habiti, qua filii Dei. Deus Iudeorum
mater. Amicus Iudeorum. Iudei amici Dei. 49
- II. Deus Iudeorum rex. Iudei populus Dei. Deus Iu-
deorum dominus. Iudei servi Dei. Iudei dicti sancti.
Dicti iusti. Iudei electi in populum sempiternum. Se-
parati de universis populis terre, in sortem & heredita-
tem Domini. 58
- III. Iudeis electis Terra data est electa. Terra sancta,
quia terra sanctorum. Et terra promissionis, quia pro-
missa.

ARGVM. CAPIT. SYSTEM.

- missa juramento patribus Iudeorum. Descriptio Terræ sanctæ. Electa terra illa, non sua natura, sed Dei benedicens & eligentis placito. Iudeorum terra. Et quam Iudæi soli habitarent. 65
- IV. Ierusalem civitas sancta terræ sanctæ. Templum in Ierusalem positum. Et in monte Sion bicipiti. Colles æterni. Civitas David. Civitas magni Regis. De Regibus Iudeorum. Explicatur Samuel de Iure Regis. 71
- V. Electi gentiles in Iudæis, electione mystica. Filii Dei habiti, quia adoptati in Iudæis. Et insiti in Iudæis. 75
- VI. Gentiles genere & origine diversi a Iudæis; quia adoptati & insiti in illis. Gentiles athei, quia sine Deo. Homines simpliciter appellantur. Et filii hominum. Insipientes, stulti, iniqui. 80
- VII. Gentiles dicti peccatores. 85
- VIII. Gentiles dicti infantes, parvi, & pauperes. 89
- . Gentiles dicti filii iræ. Inimici & hostes Dei. Bestia, & bestia habiti a Iudæis: imo bestia immunda. Oppositionis comparatio inter Iudæos & Gentiles. 96
- X. Iudæi formati à Deo in Adamo. Gentiles creati à Deo. Et creati à verbo Dei sicuti cetera animantes; nec non eadem die qua cetera animantes. Iudæi peculiariter formati manibus Dei. Deus Iudeorum plastes dictus. Adam primus pater Iudeorum. Iudæi filii Adam vocantur. 101
- XI. Iudæi vocantur à Mose, filii Adam. Explicatur caput 32. Deuteronomii. Explicantur Isaias & Oseas super Adam patre primo Iudeorum. Gentiles dicti alienigenæ. Iudæi species hominum distincta à specie gentilium. Gentiles terrigenæ. Explicatur psalm. 49. Abraham habuit servos vernaculos, & emptitios, qui non erant ex stirpe sua: id est, Adamica. Filii hominum, qui? Filius hominis, quis? Differentia inter fratres Iudeorum, & gentiles alienigenas. 105

ARGVMENTA CAPITVM

LIBRI TERTII.

CAPVT I.

Probatur ex Genesi origo gentilium diversa ab origine Iudeorum. Gentiles creati fuerunt creatione illa qua enarratur capite 1. Geneseos. Creati animalia omnia, & creati omnes homines, masculus & femina, sexta creationis die: sicut & planta & arbores & volatilia, suis diebus; per universum terrarum orbem. Quare die illa non fuerit creatus unus homo & solus, in terris omnibus, à quo omnes homines nascerentur. 116

II. Formatus fuit Adamus seorsim à primis hominibus, formatione illa qua enarratur capite 2 Geneseos. Adamus primus & pater Iudeorum, non omnium hominum. Diversa omnino formatio Adami, à creatione primorum hominum. Eva non potuit edificari eadem die qua Adam formatus est. 121

III. De mirabili formatione Adami. De mirabilibus Isaaci & Christi conceptionibus. Adamus typus Christi factus fuit in omnibus similis Christo, excepta iustitia Christi. Eva sponsa Adami, figura & ipsa Ecclesia sponsa Christi. 126

IV. Cain Agricola. Abel pastor & custos ovium. Cam, occiso Abelo, timet. Fugit pœnam fratricidii. Fugit, more reorum omnium, ad orientalem plagam Edeni. Vxo-rem ducit, generat filium, & in plaga eadem orientali civitatem edificat. Adam genuisse dicitur filios & filias, à Setho nato usque ad mortem Adami ipsius. Non scriptum est genuisse illos vel illas, ab Abelo occiso usque ad Sethum natum. 132

V. Probantur, ex monumentis gentilium, gentiles genere diversi à Iudæis, & à genere Iudeorum Adamico. Disputatio de aternitate mundi in duas classes ab antiquis distributa. De tempore. De annorum fasciculis quos sibi fecerent Chaldei. De annis periodicis. De anno verteris & magno. Anni significati per serpentes. De spelunca a-

ARGVMENTVM CAPIT. SYSTEM.

- vi à Claudiano descripta. De seculorum seculo. 138
- VI. Ignorant homines primas suas historias & origines. De Chaldaeis. De stupendo annorum numero, quem posuissè dicuntur Chaldaei, in componendis tabulis suis Astronomicis. De Aegyptiis. Et de annorum myriadibus per quas regnauissè dicuntur Aegyptiorum reges, Dii, Heroes, & Homines. 148
- VII. De Regibus Aegyptiis hominibus. Laudatur Plato in Timæo super bellatoribus insula Atlantica. Filii huius seculi prudentiores filiis lucis. De prodigiosa Sinensium periodo secundum Scaligerum. 154
- VIII. Probatur antiquissima mundi creatio, ex progressu Astronomia, Astrologia, Theologia, & Magia gentilium. Tractatur hoc capite de constructione Sphaerae. 160
- IX. De antiquitate Astronomia. 165
- X. De antiquitate Astrologiae. 167
- XI. De antiquitate Theologiae & Magia gentilium. 174

ARGVMENTA CAPITVM

LIBRI QVARTI.

CAPVT I.

- A**Damus, quantumvis perfectus formatus, non potuit momento illo quo formatus est, callere Sphaeram, Astronomiam & Astrologiam. Sed illarum cognitionem progressu temporis assequi potuit. De Bibliis sacris. Sunt pleraque apographa, non autographa. 181
- II. Deus se obscure notum dedit hominibus. Deus in nebula. De Bibliis apographis. Fuere scriptores ante Moysen. Non omnia potuit scribere Genesis. Non scripsit historiam primorum hominum, sed primorum Iudeorum. Arca non fuit prima navium. Vinea plantata à Noë, non fuit prima vinearum plantatarum. Quà ratione Melchisedec intelligi debeat, sine patre, sine matre, sine genealogia, &c. 191
- III. Erratur, quoties generalius accipitur quod specialius debuit

ARGV. CAPIT. SYSTEM.

- debut intelligi. Tenebra in morte Domini, facta fuerunt super totam terram Iudeorum: non super uniuersum terrarum orbem: Stella quæ apparuit Magis, facta fuit in aëre; non stella in cælo. 198
- IV. In miraculo Ezechie ægrotantis, non retrocessit Sol in cælo, sed in horologio Achar. 202
- V. Qua ratione in miraculo Iosua, Sol steterit in Gabaon. Longa dies illa non debuit extendi extra regionem Gabaonitidem. 208
- VI. Vbi sit miraculum de non attritis Iudeorum vestimentis in deserto: Et de calceamentis eorum vetustate non consumptis. 213
- VII. Diluvium Noacicum non fuisse effusum super uniuersum terrarum orbem, sed super terrarum Iudeorum. Ut Iudeos perderet, non ut omnes homines obrueret. 216
- VIII. Probatur idem quod in superiori capite, per columbam à Noë emissam, & per aquarum naturalem decursum. 221
- IX. Probatur idem, per historiam filiorum & nepotum Noë. Per Eusebium in Chronico. Particulares fuere catachysmi. Egyptus nunquam diluvio obruta. Referruntur; Strabo, de Turdetanis Hispanis. Scaliger & Servinus de Trojanis. Solinus de Indis. Sanchoniato, Iombal. 225
- X. De aeterno ante æternum. De aeterno ab æterno. 234
- XI. De aeterno ultra æternum. De aeterno usque in æternum. Regnum Messie qua ratione æternum. 237
- XII. Æternum significari solet in sacris literis, per durationem Solis & Luna Mundi. De Aëre. De temporibus æternis. D. Paulus explicatus. Æternum indeterminatum est. 241
- XIII. De etatibus animantium descriptis ab Hesodo & Ausonio. Quare ignorata historia primorum hominum. Ex Platone. Ex mutatione epocharum. Terrarum Aborigines ignorantur. 246
- XIV. Falluntur qui origines omnium hominum deducunt à Noaci nepotibus. Refellitur Grotius de origine gentium Americanarum. 251

MOri debuerunt homines, qui immortales evadere debuerunt. Moriuntur homines in Christo. Debuerunt prius peccare & condemnari in Adamo. Moriuntur homines in Christo spiritualiter, & ratione mysterii. De fictionibus & mysteriis juris. De mysteriis divinis; quae fuere vel fictiones, vel parabola, vel similitudines mysticae. Morimur spiritualiter ad similitudinem mortis Christi. Peccavimus spiritualiter ad similitudinem peccati Adamici.

256

II. De peccato originali. Est inherens. Est imputatum. Quid sit imputare. Imputatur quod communione quadam junctum est cum eo cui imputatur. De communibus & conjunctionibus rerum, physicis, politicis, & mysticis. Christus mysteriorum omnium finis. Referrī debuit Adamus ad Christum: non vice versa Christus ad Adamum. Imputari debuit Adamus hominibus, quae ratione Christus imputatur hominibus: spiritualiter & mystice.

260

III. De duobus imputationum mysticarum primoribus, Adamo & Christo. Medius inter illos intercessit Abrahamus. Itur à peccato Adami, ad justitiam Christi, per fidem Abrahami. Poena inflicta ex imputationibus mysticis, mystice & spiritualiter intelligenda sunt. Nullus, neque Adamus ipse, mortuus est pro peccato Adami. Solus Christus pro peccato illo mortuus est. Intelliguntur homines omnes mortui in Christo spiritualiter & mystice.

266

IV. Non potest concipi alieni delicti imputatio, nisi quadam juris fictione. Imputatum est peccatum Adami omnibus hominibus, ratione mere spiritali, non propagatione naturali. Confundunt naturam & reatum Theologi, quae separatim considerari debuerunt in peccato originali. Natura prior est reatu. Reatus non corrumpit na-

turam:

ARGVM. CAPIT. SYSTEM.

turam : imo è contra , natura corrupta effecit reatum.
Quod probatur exemplo Adami ipsius , quando peccavit.

273

V. Qui volunt , imputationem peccati Adami derivatam fuisse ex traduce Adami ; ex illo putant , quod autumant , Adamum genuisse omnes homines. Apostolus distinxit , nec sociavit peccatum naturaliter inherens , cum eo quod imputatum est. Distinxit , nec sociavit mortem naturalem cum ea qua ex condemnatione legis influita est. Mors ex peccato Adami , incepit ab Adamo , desit in Mose & Christo. Peccatum naturale , & mors naturalis fuerunt ante Adamum. Et erunt post Moysen & Christum , in finem usque seculorum.

280

VI. Qua ratione peccatum Adami salutem , non perditionem hominum fecit. Non imputatur à Christo mortuo peccatum alienum hominibus ; sed sua quisque peccata patitur.

288

VII. Quare Adamus qui tanquam caput peccavit , non tanquam caput pœnas dedit peccati sui. Peccatum Adami inobedientia fuit. Peccatum naturale , & legale , duplex fuit repagulum obiectum hominibus , quibus Paradiso interdicerentur. Solvit legale repagulum Christus moriens. Solvet naturale Christus idem resurgens , & nos plene sanctificans.

296

VIII. Omnes homines peccaverunt ad similitudinem peccati Adami. Infantes peccaverunt ad eandem similitudinem.

303

IX. Qua ratione retroacta fuerit imputatio peccati Adami , in antecessores Adami. Mystério scilicet ad salutem antecessorum eorundem comparato. Qua ratione poterint salvi fieri antecessores Adami illi.

310

F I N I S.




T H

Verfus
pee
Ad
O
te i
fitu
hom



mines
13.
mundo
lex non
14. S
sem : e
tudine
turi.



SYSTEMATIS THEOLOGICI

PARS PRIMA.

LIBER PRIMVS.

CAPVT I.

Versus Apostoli. Specialiter in illis tractatur de peccato originali. Lex eo loci intelligenda est Adamica, non Mosaica. De peccato naturali & legali, imputato & non imputato. De morte itidem naturali & legali. Leges humanae institutae sunt ut dirigant rectam rationem. Intra homines sunt. Lex divina supra homines est.

REponam versus ipsos Apostoli capite 5 ad Romanos, quia sunt Systematis huius statumina.

12. Sicut per unum hominem peccatum intrauit in mundum, & per peccatum mors: & ita in omnes homines mors pervasit, in quo omnes peccaverunt.

13. Usque ad legem enim peccatum erat in mundo; peccatum autem non imputabatur cum lex non esset.

14. Sed regnavit mors ab Adamo usque ad Mosem: etiam in eos qui non peccaverant ad similitudinem transgressionis Adam, qui est typus futuri.

A

PRIN-

PRINCIPIO notandum est, locum hunc singularem & unicum esse, quo tractatio peculiaris instituitur peccati originalis vulgo dicti, quod ab Adamo in omnes homines imputatione pertransiit: neque alium signari in tota sacrarum literarum mole, & quantus liber est utriusque fœderis, quo perspicue, & ex professo, disputetur de peccato illo Adamico. Comprobatur proinde hinc, Adamum intelligendum esse, per illum hominem de quo hic loquitur Apostolus; per quem peccatum intravit in mundum, & per peccatum mors: per quem itidem mors pervasit in omnes homines, ut in illo omnes peccaverunt. At, quo argumento locutus est Apostolus de peccato Adami illo, quod reatum meruit omnibus hominibus; consequens est ut legem etiam illam hoc loco intellexerit, cujus transgressio peccatum Adami fecit; quamque Adamicam nuncupo: nec non ut lex ipsa eadem intelligatur Adamica; quam datam omnibus hominibus in Adamo censendum est, ratione eadem, qua violavisse illam homines omnes in Adamo reputandi sunt. Eliminabimus ergo hinc legem Mosaicam, cui nullus erat locus in negotio peccati originalis, & Adamici: quia enim neque data fuerat Adamo, neque omnibus hominibus in Adamo: cujus utique transgressio imputari nequiverat Adamo, neque omnibus hominibus in Adamo. Et certe Mosaiica lex Iudæis tantum lata & promulgata fuerat, neque vero cæteris hominibus: cujus utique transgressio Iudæis tantum imputari debuit, neque item cæteris Gentibus quæ non erant de tribu & familia Iudaica, quæque nullo pacto, & nullo fœdere sancito, lege illa tenebantur. *Annuntiavit verbum suum Iacob, & iudicia sua Israel. Non fecit*

fecit taliter omni nationi, & judicia sua non manifestavit eis, canebat Propheta Rex psalmo 148. Tum quæ plurima ejus generis leguntur apud auctores sacros, quos ut brevis fiam prætereo. Si vero legem Adamicam, non Mosaicam, intellexit hoc loco Apostolus: Peccatum erat in mundo usque ad legem Adamicam, per eundem Apostolum. Ergo & ante legem Adamicam. Et incidant in meam hypothesin necesse est homines illi qui peccaverant ante legem Adamicam, vel ante Adamum, quod idem est.

Præterea; liquido igne liquidius patet, Apostolum statuisse his versibus duo genera peccatorum, tempore & qualitate distincta. Tempore distincta, ubi posuit peccatum ante legem, & peccatum post legem. Qualitate distincta, ubi voluit peccatum legem antecedens, non fuisse imputatum; peccatum legem pone sequens, fuisse imputatum. Ait Paulus, *usque ad legem peccatum erat in mundo, peccatum vero non imputabatur* (sive non imputatur, ut quidam vertunt) *non existente lege.* At si peccatum erat in mundo usque ad legem, erat & ante legem: Et peccatum illud quod legem violavit, post legem procul dubio fuit. Vides hic peccata tempore distincta, ante & post legem instituta. Rursus, si peccatum non imputatur non existente lege, quis peccatum illud dicat imputatum, quod ante legem fuit, vel quod ante legem patratum est? Sin parte alia, transgressio legis illa fuit, quæ imputationem peccato inussit, peccatum dicemus imputatum illud quod legem fregit, atque adeo post legem fuit. Vides hic peccata qualitate distincta. peccatum ante legem, non imputatum: peccatum post legem, imputatum.

4 SYSTEMATIS THEOLOG.

Peccatum ante legem non imputatum, vocare liceat *Naturale* : quatenus à nulla prohibitione legis pependit, sed à puris & pravis naturæ humanæ appetitionibus ortum habuit. Peccatum post legem imputatum, vocare detur *Legale* : quatenus à mera legis transgressione originem duxit. Mortem rursus concedatur dicere illam *Naturalem*, quæ ex mea hypothefi peccatum naturale consequuta est. Mortem vero illam *Legalem*, quæ peccatum legale ultra est.

Quod ut clarius elucescat, sciendum est primo. Naturam humanam dupliciter considerari: rectam, & pravam. Rectam, quæ habuit Ideam recti & perfecti, quatenus homo rectus & perfectus creari potuit. Pravam, quæ deflexus fuit à rectitudine perfecti illius : Quod peccatum naturale esse aio. Notandum est secundo. Legem institutam fuisse, non ut perfectionem hominum constitueret, sed ut ad perfectionem illam corruptos & pravos homines reduceret. Non ut perfectum illud faceret, sed ut perfectum illud doceret & præscriberet : Et quos turpitudinis pudor non deterreret ab inhonesto, formido pœnæ intra honesti regulas coerceret. Perfectio hominum recta ratione, & lege dirigitur, Recta ratio, naturalis & nobiscum nata est. Lex, adventitia & nobis præscripta est. At illa ante nata est, quam hæc scripta esset : neque opinione, sed natura constituta est. Lex nos docet quod naturæ & rectæ rationis nostræ corruptione dedidicimus : neque enim sciremus quid esset peccatum, nisi lex nos illud docuisset. Atque hinc est quod Lex simpliciter dicta, vocatur *Pædagogus* Apostolo : tum leges omnes, documenta, mandata, & præscripta nominantur, apud utrosque auctores, sacros & prophanos.

Pec-

Peccabant homines peccato naturali tantum, ante legem & usque ad legem; quoties deflectebant à perfectione illa, ad quam natura creationis suæ nati erant; nec non quoties aberrabant à recta ratione illa, quæ illos ad perfectum suum dirigebat. Peccaverunt homines dupliciter post legem, & postquam lex illis data est. Peccaverunt enim primo, contra perfectum illud naturæ suæ rectæ: peccaverunt secundo, contra præceptum & præscriptum legis, quæ illos ad perfectum, & rectum suum revocabat. Et hoc est peccatum quod legale esse aio: quodque D. Paulus Rom. 7. voluit *fuisse peccans per mandatum* ἡδὲ ὑπερβολῶν: id est, fuisse peccans per legem, ultra quam fuerat peccans per naturam.

Quodcumque autem positum fuerit peccatum, naturale, vel legale, sua mors semper, vel naturalis vel legalis consequuta est. Et peccati cuiusvis, sive illud natura, sive illud lege condias, individuum opsonium mors est. Mors naturalis, quam corruptio naturalis generat; antecedentem naturam corruptam, vel pede cito, vel pede claudo, nunquam deserit. Mors legalis, quam transgressio legis facit, ultrix addita post legirupam fedet. Ac veluti peccato naturali peccatum legale inditur: mors legalis morti naturali apponitur. Tum quo argumento peccatum legale peccato naturali inditum, reatum generat qui mente concipitur: mors legalis morti naturali apposita, mortem civilem parit, quæ fictione & spiritu intelligitur.

Caverunt humanæ leges, ne homines extra fines recti & perfecti sui vagarentur; sed ut intra illos cohiberentur: Voluit divina lex, non illud tantum, ut starent homines loco suo recti &

6 SYSTEMATIS THEOLOG.

perfecti, sed ut supra rectum & perfectum suum
 eveherentur. Caverunt humanæ leges, ne ho-
 mines, ut cæteræ animantes, ad pastum abjice-
 rentur: Voluit divina lex, ut homines ad con-
 spectum & gloriam Dei immortalem sursum ra-
 perentur. Humanæ leges intra homines fue-
 runt: Divina lex supra homines fuit. Humanæ
 leges naturam hominum continuerunt: Divina
 lex naturam hominum mutare constituit. Hu-
 manæ leges in natura insitæ, naturam curant, &
 naturam redolent: Divina lex supra naturam
 posita, nil nisi divinum & mysticum spirat: Na-
 turam curat, ut illam purificet: imo ut huma-
 nam in divinam vertat.

Missas hic faciemus humanas leges, & de illa
 nobis sermo erit quam Deus dedit Adamo. Et
 enimvero, quoniam per legis illius dispensatio-
 nem, non naturalem, sed mysticam, supra homi-
 nes evadimus, & in Deos quasi transformamur:
Quæ finis est Theologici & Christiani hujus Sy-
stematis: Peccatum itidem legale tractabimus
illud, quod legem Dei rupit. Legem inquam Dei
primam illam, quam Adamus hominum primus
violavit: Quamque homines omnes in Adamo
violavisse putati sunt.

CAPUT II.

Peccata hominum naturalia, vitia ipsa sunt na-
turæ humanæ. quorum causæ non sunt petendæ
ex peccato Adami. Peccatum legale, imputatum
hominibus ex peccato Adami, adventitium est.
Spiritualiter concipitur, nec propagatur natura-
liter.

Sunt qui putant, & bella, & pestes, & febres, &
 totas corruptionum naturalium cohortes,
 terris

terris incubuisse, ex imputatione peccati illius Adamici, quod primum omnium legem Dei infregit. Acriter nempe illud contendunt, ex non animadversa distinctione peccati naturalis & legalis. Peccatum enim naturale, quod naturæ ipsius pravam & vitium est, consequuntur naturaliter bella, pestes, & febres, & quæcunque de genere hoc conturbant & male urunt homines. Facile hoc vero illi perspiciunt, qui nubem in veteratæ præoccupationis, quæ visus eorum hebetat, sibi eripi tantisper patientur. Quis enim nescit bella ex his orta, quos vel inhians prædæ famēs, vel effera vindictæ cupiditas, vel sacra regni ambitio, arma capefcere incitat? Nempe ut naturales appetitiones & innatas libidines expleant. Tum pestes & febres quis nasci & inflammari non expertus est, vel ex naturali corruptione aeris, vel ex ipsa naturali corporis nostri corruptione? Notitiæ & veritatis hujus tot habemus testes, quot politicos & medicos: quorum auctoritates pene innumeras, parum refert hoc loci comprehendere.

Duplex igitur peccatum statuemus in Adamo, naturale, & legale. Naturale, quod naturaliter Adamo inhæsit, ex vitio naturæ suæ, & materiæ peccatricis qua formatus est: Legale, quod accidit & imputatum fuit Adamo, ex violata lege Dei. Naturale, quod affecit sensum, materiam, & naturam Adami corpoream: Legale, mysticum & spiritale, quod infregit legem mysticam & spiritalem, quæ non nisi ratione & spiritu concipi potuit. Quis enim reputet arborem scientiæ boni & mali? quis in animum inducat suum, manducationem scientiæ, manducationem boni & mali, nisi illa modo intellectuali & mystica ratione concipiat? Duplex itidem

dem peccatum considerabimus in omnibus hominibus, quale & duplex in Adamo statuimus: naturale, & legale. Naturale, quod sua sibi natura peccatrici hominibus omnibus innatum, visceribus eorum naturaliter & radicitus infixum est. *Quod prodiit ex adipe eorum*: ut eleganter locutus est psalmus 73. Legale, quod accidit & imputatum est omnibus hominibus ex transgressione legis Dei quam Adamus violavit. Naturale, quod affecit sensum, materiam, & naturam omnium hominum corpoream: Legale, quod pervasit in omnes homines ex peccato legali Adami, spiritualiter & ratione mysterii.

Concipimus autem pervasionem illam mysticam & spiritalem peccati legalis in omnes homines, ex peccato Adami alieno, ratione imputationis: qua intelligimus imputatum fuisse omnibus hominibus quod Adamus solus peccavit.

Imputatio ex alieno delicto, mera est juris fictio extra Theologos: apud Theologos mera est ratio mysterii. Quod exemplo accomodatissimo aperiam. Iuratus rex Iudæorum Sedecias fidem fefellerat Regi Assyriorum. Imputata fuit fraus illa Regis Iudæorum Iudæis omnibus; qui pejerasse reputati sunt in perjurio sui Regis; fictione illa juris Gentium, qua putantur populi delinquere in delictis suorum Regum. Iniverat Deus pactum cum Adamo, & in illo cum omnibus hominibus, tanquam in syndico, defensore, & principe omnium hominum. Pactum illud rupit Adamus: & adscripta fuit fraus Adami omnibus hominibus, ratione illa divini mysterii, qua putati sunt homines omnes deliquisse in delicto syndici, defensoris, & principis sui.

Non

Non ergo is sum qui putem, imputationem peccati Adamici labefactavisse naturam hominum: neque rursus illis assentior, qui nihil concedunt imputationibus. Suum sibi locum relinquo naturalibus, & mysticis. Naturalia naturaliter accipienda existimo: mystica mystice intelligenda censeo. Corruptio contracta ex materia omnium hominum corruptioni addicta, illa est quæ labefecit naturam omnium hominum. Imputatio mystica peccati Adamici illa est, quæ mystica condemnationis macula homines omnes infecit. Affero imputationes, sine quibus tota funditus ruerent mysteria Christiana: sed illas intra limites suos mysticos coerceo, ne vagentur extra mysterium, extra intellectum & spiritum. Non ergo ex eo quod imputatum fuit peccatum Adami hominibus, crediderim homines morbis obnoxios, & omnibus quæcumque illos circumveniunt incommodis: sed ex vitio naturæ suæ putridæ & putidæ. Vitium innatum hominibus, solida fuit & naturalis hominum calamitas. Et secundum Ezechielem cap. 28, *Productus est ignis de medio eorum qui illos exederet. Quo* nihil verius. Natura enim sua est, quæ incendia facit in hominum cordibus. Quod ut clarius exemplis demonstretur; Inauditum est, Adamum ipsam, crimen & caput (ut aiunt) malorum tantorum, vel minimo corporis morbo tentatum fuisse, totis triginta & nongentis annis quibus vixisse notum est: nisi fortè credimus illi qui retulit ex auctore nescio quo, Adamum mortuum arthritide qua laborabat, & quam à patribus suis tanquam hæreditario jure accepisse obtendit. Num vero ægrotavit Cainus postquam occidit fratrem suum? Imo enim vero pancratice

valuit: aufugit in orientem Edeni, collegit ibi manum facinororum hominum; cum quibus rapinas exercuit: Vxorem duxit, filium genuit, & civitatem ædificavit. Illa itidem querela est perpetua apud auctores sacros, Electorum Deum veluti incusantium, quod omnem quasi potestatem suam ostendat ut reprobos bonis cumulet: omnia illis congruere commoda, præter spem & optata etiam evenire: tum voluptates illorum & gaudia nullas contaminare agritudines. Quin & Poëta elegantissimus Deos suos plane increpat, quod Domina ejus illos contestata pejerasset. At vero nihilo secius faciem illi eandem esse post perjurium, quæ fuisset ante perjurium: perjuram tam longos habere capillos, quam longos habuisset nondum perjura; eundem illi manere oris ruborem roseum, eandem pedis exigui formam aptissimam, eosdem argutos & radiantes oculos, postquam Deos læsisset, quos habuisset fide erga illos incontaminata. Imo, simul obligaverat perfidum votis caput, pulchrior multo enitebat. Et certe, plures captos ab hostibus reputavit civiliter mortuos fictio Romani juris, quos tamen bene valuisse naturaliter nihil prohibuit. Constat ergo, neque fictiones juris, neque rationes mysteriorum, vel hilum naturæ officere potuisse: neque imputationem peccati Adamici, quæ pure mystica & spiritalis est, causam fuisse pestium, febrium, & aliarum agritudinum quas natura movet hominibus, sed illa accidisse & accidere hominibus, ex materia prava, & figmento creationis suæ corruptioni deditæ.

CAPVT III.

Mors naturalis hominum, creatur ex natura ipsa mortali hominum: nec causatur ex condemnatione mortis decretæ in Adamum, quæ mors legalis est. Et spiritaliter, non naturaliter, intelligitur.

AT, qui mos est incommodorum omnium, ut aliud ex alio incidat: non desunt qui asseverent, homines nunquam morituros si Adamus nunquam peccavisset. Quasi vero immortalitas, quæ vita æterna est, & quam sola perficere potuit recreatio, quæ secunda creatio est; utpote penes quam solam immortalitatis potestas degat; comparari potuerit hominibus, vi & virtute creationis primæ, quæ natura sua corruptioni & morti obnoxia est: neque morituri naturaliter fuissent homines, qui naturaliter corruptibiles (ut cum Schola loquar) atque adeo mortales creati fuerant.

Imo, inquit, hoc edixerat Deus Adamo. *De ligno scientiæ boni & mali ne comedas. Ex quocumque enim die comederis ex eo, morte morieris.* Ergo insistant: si mors data fuit pœna Adamo quo die peccaret in legem Dei, mortuus nunquam fuisset Adamus, si nunquam in legem Dei peccavisset. Negatur vero & pernegatur consequens. Quamvis enim decreto legis moriantur qui occidunt; non ideo tamen immortales sunt qui non occidunt. Plenos & puros sanguinis eadem versat mortis fatalitas. Differentia, hæc est inter utrorumque mortem: quod puri & vitæ integri, naturaliter tantum & simplicitate moriuntur: scelerosi vero & nocentes, qui moriuntur ex decreto legis, dupliciter mori censentur: naturaliter, & legaliter: morte naturali,

& illa quæ, ex condemnatione legis, legalis & civilis appellata est. Certe, si quis sententia iudicis laqueo effocatus, si quis capite truncatus, si quis in equuleo positus, vita interfectus sit: censetur primo ille morte naturali mortuus, utpote causis pure naturalibus; quales sunt, intercludi, vel incidi vias spiritus. Deinde, ex eo quod addita est naturæ; condemnatio ex lege, censetur idem ille, propter notam mortis, secundo & morte civili mortuus.

Idem accidisse Adamo putandum est, damnato ex lege Dei, quod aliis hominibus damnatis ex legibus hominum. Debit Adamus mori naturaliter, & causa pure naturali, ex quo materia corruptibili & mortali compactus est. Mortuus est Adamus idem morte legali, ex condemnatione legis, quo momento legem Dei attentavit. Mors naturalis Adami, peccatum naturale Adami, & vitium ipsum corruptionis, ex materia ejus corruptibili innatum, consequuta est. Mortem legalem Adami peccatum legale effecit: Causa mystica effectus mystici, qui sola spiritus & mysterii ratione concipi potuit.

Demonstrabitur hoc evidenter per Adamum ipsum. Edixerat Deus Adamo: *In quocumque die comederis, morte morieris.* Mortuus ergo intelligitur Adamus, illo ipso die, imo illo ipso momento quo peccavit in legem Dei. Atqui, neque naturaliter neque corporaliter mortuus est Adamus, momento & die illo: constat enim, vixisse annos circiter nongentos, postquam peccavit. Mortuum ergo intelligemus Adamum, die & momento illo quo peccavit; morte legali, spiritali, & quæ sola mente concipi potuit. Mortuus est Adamus morte legali & spiritali, quando legem

gem Dei transgressus est. Mortuus est Adamus morte naturali & corporali, quando exegit triginta & nongentos vitæ suæ annos, & hora illa composita qua naturaliter hæsit vitæ suæ terminus.

Sed & morte mortuum Adamum, & mortem spiritalem additam morti ejus naturali, facilius intelligemus; si percurrimus condemnationes alias, tum in Adamum ipsum, tum in Evam, tum in Serpentem, post & propter Adami transgressionem, à Deo sancitas. Hæc fuit Adamo pœna decreta post peccatum: *In laboribus comes des ex Terra cunctis diebus vitæ tuæ.* Atqui tulerat Deus Adamum ante peccatum in Paradisum, ut operaretur culturæ Paradisi. Ergo ut verteret & exerceret terram Paradisi, ante peccatum, & in laboribus ex ea comederet. sicut terram vertit & exercuit, & in laboribus ex ea vixit post peccatum. Nota hic labores ante & post peccatum. Labores ante peccatum, secundum naturam agricolationis, naturales: labores post peccatum, ex condemnatione mysticos, & qui mente sola concipi potuerunt.

Tale illud est quod Evæ pronunciavit Dominus: *Multiplicabo ærumnas tuas, & conceptus tuos in dolore paries: & sub viri potestate eris, & ipse tibi dominabitur.* Multiplicavit scilicet Dominus ærumnas fœminæ, quando ex condemnatione spiritales & mysticos dolores addidit naturalibus illis quibus naturaliter fœmina rumpitur cum parturit. Multiplicavit Dominus subjectionem fœminæ sub dominio viri, quando addidit condemnationem ex lege, legi illi naturali, quâ naturaliter sexus nobilior dominatur sequiori.

Sed in primis audire est operæ pretium quid

decreverit Deus in Serpentem, & quam pœnam illi constituerit, propter tentatam manducatione fructus prohibiti Fœminam *Quia fecisti hoc*, ait Dominus Serpenti, *super pectus tuum gradieris, & terram comedes cunctis diebus vitæ tuæ*. Atqui, hoc erat inditum Serpenti à natura creationis suæ, ut reperet & serperet: quod est Serpenti, gradi super pectus suum, & terram comedere: creavit enim Deus ante peccatum, imo quinto creationis die, reptilia omni-gena, è quorum numero Serpens fuit, & certe præcipuus. Repsisse igitur Serpentem intelligemus dupliciter: ante peccatum, & post peccatum. Repsisse ante peccatum, natura creationis suæ, naturaliter: repsisse post peccatum, ex decreto Dei, & condemnatione illa quæ spiritu constitit.

Simili prorsus ratione mortuum Adamum intelligemus dupliciter. Naturaliter, quando ex instituto formationis suæ quæ fuit ante legem, ultimum diem suum naturaliter obiit. Legaliter & modo spiritali, post legem: decreto legis, & condemnatione illa quæ spiritu cogitatur.

Duplicem utique putabimus mortem in omnibus hominibus, qualem & duplicem in Adamo concepimus. Naturalem, quæ naturaliter omnibus hominibus contigit, ex innata sua sibi natura corruptibili & mortali: legalem, quæ mystice homines omnes perculit, momento illo quo in Adamum decreta est. Naturalem, qua naturaliter moriebantur homines omnes ante legem: legalem, quæ in illos spiritaliter pervasit post legem, ex transgressione legis. Naturalem, quæ peccatum naturale hominum consequuta est: legalem quam effecit peccatum legale hominum, ex peccato legali Adami: Causa mystica effectus mystici, qui sola spiritus & myste-

rū ratione concipitur. Et certe, sicuti lex proferpendi, decreta in Serpentes ex peccato Adami, nihil addidit naturæ reptili Serpentum, præter condemnationem meram & spiritalem: ita neque lex moriendi, decreta in homines ex peccato Adami, quicquam addidit naturæ mortali hominum, præter condemnationem mortis illam, quæ mente & mysterio reputatur. *Memorare*, aiebat David Psalmo 89, *quæ mea substantia*. Et paulo post: *Quis est homo qui vivat, & non videbit mortem?* Quæ de morte naturali intellexit Propheta Rex: cujus causas petiit ex substantia & materia ipsa hominum, non ex peccato Adami. Adde his quæ D. Paulus scripsit Rom. 8. *Quod sapit caro, mors est.* nec non, c. 6. ejusdem epistolæ. *Opsonium peccati mors*. Quo loco peccatum naturale, & mortem naturalem intellexit: quatenus mors naturalis peccato naturali intrita est: condimentum scilicet & opsonium quod sapit caro, quæ natura & materia peccati est.

Ex distinctione porro illa peccati naturalis & legalis, nec non mortis naturalis & legalis, facilis exsurgit interpretatio loci illius Numer. cap. 27. ubi filiæ Salphaad Mosem his verbis aggressæ sunt. *Pater noster mortuus est in deserto, nec fuit in seditione quæ concitata est contra Dominum sub Core: sed in peccato suo mortuus est, &c.* Patrem suum mortuum aiebant illæ, non judicio illo quo absorptus fuerat Core, qui in Dominum rebellaverat: sed peccato & vitio naturæ suæ, quæ peccati & corruptionis semen erat: tum fato naturæ illo, quo mors rerum omnium corruptioni obnoxiarum ultima linea est. Non illum haustum aiebant legitimo supplicio illo, quo conjuratis Core omnibus tellus

ima fatiscerat: sed rebellionis puram vitam ob-
 isse in deserto, lege illa naturali qua debentur
 morti omnes homines, quaque simpliciter mors
 naturalis peccatum naturale manet.

CAPUT IV.

*Homines creati sunt in principio ad imaginem Dei;
 & valde boni. De imagine Dei quæ primæ
 creationis est. Et de imagine Dei quæ secundæ
 creationis est. Homines creati sunt in principio
 recti: sed ex materia prava: & quæ facile in
 se ipsam redire possent.*

QUod vero creationem hominum pravam,
 & corruptam, nomine dixi; congruere
 parum videtur cum eo quod scriptum est
 Geneseos 1, Deum creavisse hominem ad sui
 imaginem: nec non valde bona fuisse omnia
 quæ Deus creavisset. Vnde concludunt (& re-
 cte) interpretes, hominem ad Dei imaginem
 effectum, rectum & perfectum fuisse creatum.
 Et si valde bona fuerunt omnia quæ Deus crea-
 vit; hominem proinde, omnium creatorum ex-
 cellentissimum, summe bonum fuisse creatum.

Ad hæc ut respondeam; Principio concedi
 mihi velim: aliam esse imaginem Dei quæ im-
 pressa est creationi primæ: aliam quæ recrea-
 tionis, vel creationi secundæ indita est. Expressit
 Deus in creatione prima imaginem prototypi,
 sive artis illius suæ mirabilis, qua Mundum &
 quæcumq; in eo sunt, summis rationibus finxit,
 temperavit, & libavit. Expressit Deus in recrea-
 tione, quæ secunda creatio est, imaginem naturæ
 suæ ipsius, qua Mundum dilectione & caritate
 sua communicavit. Exhibuit Deus, in creatione
 prima, opus suum exterius: sed aperuit viscera

ipsa.

ipsa caritatis suæ in secunda creatione. Creatio prima expressit imaginem Dei, quam dixisse liceat extimam: secunda creatio illam, quæ intima est. Nihil præterea in rerum natura extitit, quod Deus non participaverit imagine illa prototypi, & artis suæ mirabilis, quam expressit in omnibus creatis. Sed non omnia participare voluit imagine illa naturæ, dilectionis, & caritatis suæ: quam dignius expressit in hominibus, vel recreatis vel recreandis. Quæcumque porro materialia & corporea creata sunt; lege sua sibi naturæ, corruptibilia & mortalia creata sunt. Quæcumque vero ex materialibus & corporeis recreantur; secundæ illius creationis lege, incorruptibilia & immortalia evadunt.

Vt taceam materialia & corporea reliqua; certum est homines fuisse creatos in principio ad imaginem Dei creatoris illam, quam dixisse liceat, *imaginem creationis*: imo creatos fuisse ad imaginem creationis illam, quæ supra imagines creationis omnes, quibus cætera animalia efficta sunt, excellentissima est: quæque Deum creatorem expressius & nobilius exhibuit. Sed fatendum est, homines fuisse creatos primo ad imaginem Dei extimam, quæ longiore intervallo Deo proxima intelligenda est, respectu imaginis illius intimæ, quæ imago recreationis est. Verum est, homines fuisse creatos in principio perfectos, rectos, & summe bonos; quatenus homines vi & virtute creationis suæ primæ, perfecti, recti & summe boni creari potuerunt. Sed neminem fallere debuit, homines fuisse creatos in principio, ex materia corruptibili, & quæ facile à perfecto ad imperfectum, à recto in pravum, & à bono in malum converteretur. Quod nos experimento valido
&

& comprobato homines ipsi primo creati docuerunt, quo tempore perfectos creatos, tum natura figmenti sui, tum negligentia sua, alio illos detorsit.

Quoties ergo animum meum subit hæc cogitatio; homines ad imaginem Dei creatoris, & ad imaginem prototypi optimi primo creatos, perfectos, rectos, & summe bonos; vitio illo, quod natura iniecit, à perfectis ad imperfectos, à rectis in pravyos, & à bonis in malos degeneravisse: Toties concipio Horologium ab eximio artifice novissime expolitum, dentatarum rotularum partibus, secundum proportionem, curiose distinctum; nec non æquatis horarum momentis attemperate libratum: cum pyxide vel imaginibus ad vivum expressis exquisitè picta, vel emblemate vermiculato ingeniose composita; quantum auro & electro valuit artifex. Horologium quippe illud omnibus sui partibus absolutum, tamdiu perfectione sua stare putandum est, quamdiu non corrumpitur, vel natura materiæ suæ corruptibilis, vel incuria domini in cuius potestate est. Simile fatum imputo hominibus, qui primum creati à Deo perfecti, recti & summe boni: vitio materiæ & acris quæ illos incendebat naturæ suæ impetigine, non manserunt in vestigio creationis suæ; qui perfectione sua abierunt, & à recto in pravum reflexi sunt.

— *Sic omnia fatis*

In peius ruere, & retro sublapsa referri.

Comparaverim etiam lubens homines creatos in principio ad imaginem Dei, summe bonos; ædibus illis Comici, factis probe & amussitata opera, expolitis & paratis sedulo in firmitatem: in quam deinde immigravit nequam homo,

homo, & indiligens, & immundus, & instrenuus, qui curavit male bonas ædes. Venit siquidem tempestas, quæ confregit tegulas imbricesque, venit imber qui lavit parietes: perpluerunt tigna, putrefecit aer operam fabri. Tum demum ruere parietes, & cum fundamento perierunt ædes totæ. Atque haud fabri culpa, ut expressim notavit Comicus; sed vecordis illius hominis qui illas habitavit ignavia: qui noluit alias tegulas pro fractis reddere, & per quem nequior factus est usus ædium.

Etenim tales creatos fuisse primos homines reputabimus, quales animo concipimus ædes novas illas fuisse constructas: creatos inquam, ad imaginem Dei, incorruptos, bonos, & rectos: summa cum ratione, summa cum virtute, & summa cum fide: neque quicquam addi potuisse ad perfectionem primæ illius creationis hominum. Verum postquam illi ipsi homines immigraverunt in se ipsos, & in ingenium suum: quæ sua fuit natura, quod suum fuit lutum, quæ sua fuit caro, quæ sua fuit materia terrestris & corruptibilis; quæ à peccata non temperat: continuo venit ignavia quæ perdidit operam creatoris, quæ deturbavit hominibus omnem rationis, virtutis, & fidei modum, quæque demutavit perfectionem creationis suæ. Atque haud creatoris culpa, quod sedulo notandum est: sed ignavia ipsorum hominum, per quam nequiores facti sunt; & boni creati se ipsos curaverunt male. Ignavia inquam illa, tempestas fuit hominibus, quæ illis grandinem imbremque attulit, quæ detexit illorum verecundiam, & per quam negligentes fuerunt se obtegere. Permanaverunt ergo usque in pectus hominum desideria prava, permadefecerunt

cor

cor illorum cogitationes malignæ; simulque homines, & ratio, & virtus, & fides, deseruerunt; & vitiis tum demum suis putruerunt. *Discessit ab illis quod bonum erat ex creatione sua, & mansit malignum materie illorum additum*, ut loquitur Esdras libro 4. cap. 3.

CAPVT V.

De materia hominum corruptioni obnoxia. De creatione hominum recta. De reditu hominum ad ingenium naturæ, & materie sue corruptioni deditæ.

TRia ergo consideranda veniunt in creatione prima hominum. Primum est, materia qua homines creati & concreti sunt. Secundum, creatio ipsa hominum. Tertium, transitus & recursus hominum ad ingenium illud suum, à sua sibi materia inditum.

Materiam qua homines in principio coagulati sunt, fuisse corruptioni deditam, res ipsa comprobavit: quando stare nesciverunt creatione sua perfecta, & à recto in pravum conversi sunt. Vocata hac propter Caro, quæ materia hominum est, per se & simpliciter immunda, polluta, corruptio, & merum inquinamentum, apud omnes auctores sacros. Atque hæc in præsentia de materia hominum corruptioni obnoxia dixisse sufficiat: quippe qui tantis super hoc cingamur testimoniorum nimbis, ut illis obruemur si effunderentur.

Veniamus ad creationem ipsam hominum. Creavit Deus homines in principio ad sui imaginem summe bonos & perfectos: sed statu illo tantum boni & perfecti, qua sunt & creati sunt homines. Creavit illos perfectos, & à quibus
perfe-

perfectorum hominum nihil alienum esset: sed qui virtute & vi creationis suæ saperent tantum quod intra homines perfectos esset, non quod supra est. Quod hominum esset, non quod Dei est. De quo ut sine controversia inter omnes conveniat, nihil video quod obstet & repugnet.

Descendamus ad conversionem illam hominum in pravam, qua deflexerunt à perfectione creationis suæ, & retrocesserunt ad ingenium materiæ suæ corruptibilis, quaque perituri erant figmenti sui ominibus. Ac primum inspiciamus quid egerit Deus postquam creavit homines perfectos, illosque in terris constituit, rebus omnibus ad illorum usum perfecte itidem instructis. Cognoscere illud erit per ea quæ referuntur cap. 25. D. Matthæi: de Patrefamilias, qui peregre proficiscens, reliquit bona sua utenda servis suis. Peregre profectus est Deus postquam creavit homines perfectos. Id est, reliquit homines in manu consilii sui, in sui ipsius potestate & libero arbitrio, ut suo modo viverent. *Dimisit illos ingredi voluntates & vias suas*, ut scriptum est Actorum 14.

Videamus autem quid contra egerint homines facti sui arbitrii, & ut ita dicam, facti sui juris. Fecerunt quod illis in proclivi erat. Acclivis erat malis eorum animus; atque illos urebat peccati scabies. Non habuerunt vitæ suæ modum, sed animo suo morem gerentes, & cupiditatibus suis devincti, imminuerunt perfectionem creationis suæ. In vitium libertas excidit: Profluitque frænis non admotis natura hominum libera. Furiavit eos, & cæcos egit caro sua. Idonei neque inviti in malas partes adducti sunt; & deteriores facti licentia, recurrerunt
ad

ad naturam materiæ suæ ad malum propensæ. *Transferunt à perfectione sua, in affectum cordis sui*, ut loquitur Psalmus 78. Creati fuerant recti adversum ingenium suum; & inflexi fuerant natura sua prava, pravi, in rectum. Reflexi sunt, contortione & vi creationis suæ rectæ recti, sponte & natura sua prava, pravi, in pravum. Retrahebat homines rectos vitium naturæ & materiæ suæ corruptibilis à recto in pravum. Non obnisi sunt contra, ut par erat rectis creatis. Sibi ipsis indulserunt: neque fuerunt usque adeo sibi imperiosi, ut responsarent cupiditatibus suis, atque illis obfirmate resisterent. Non belligeraverunt cum geniiis suis. Remiserunt pedes & manus: tum vero ut tulit naturæ carneæ corruptela, rapuit illos suus alveus in præceps: & sibi facile imperaverunt ut corrumperentur. Non illis tantillum pensi adfuit, quam vitæ rectitudinem insisterent. Potius melius, prodesset obesset; nihil viderunt, nisi quod animo collibitum fuit suo: & sibi peccatorum omnium gratiam fecerunt. Ruerunt homines per suum nefas; atque ut loquar cum Ieremia capite 28, *Conversi sunt habenis liberi, ad ingenium suum, tanquam equi impetu currentes ad prælium.*

Redierunt vero homines ad suam naturam hac propterea de causa; quod in prima creatione emendatum & correctum fuerat tantum, neque penitus excisum vitium in natura, sive in figmento hominum; quod non omnino sublatum, recurrere usque valuit. Abiit autem in hominibus arbitrio suo mancipatis, quod bonum erat ex emendatione vitii, sive ex perfectione creationis: remansit vero quod malum erat ex vitio luti & figmenti sui. Defecit rectitudo hominum,

minum, & bene creatos dedecoravit peccatum suum. Vitium autem relictum, neque penitus excisum, in creatione prima hominum, fermentum fuit in illorum pectoribus, creatione potentius, quo toti intumuerunt, & depravati sunt. Adde, quod fortiora sunt quibus interius agitur, quam quibus exterius afficimur. Perfectio creationis hominum à Deo promanaverat: atque adeo tanquam alienum quid à carne & materia hominum, imo illi ex adverso contrarium, extrinsecus acciderat hominibus. Vitium è contra, luti & figmenti sui, tanquam proprium quid & naturale hominibus, interius illis adhaeserat. Redierunt ergo homines ad naturam suam, quia fecerunt ingenium suum: quia intus monstratum erat: tum quia fortius illos agitavit vitium figmenti sui interius, quam afficere potuit extrinsecus petita creationis perfectio. Imo, quia caro & materies hominum, terra fuit reprobata: noverca boni seminis, mater autem mali graminis: noverca virtutum omnium quas perfectione creationis seminaverat Deus in cordibus hominum: mater autem vitiorum omnium quæ naturaliter in illis germinant, tanquam in nativo suo solo. Quæque tanquam herba irrigua succrescunt uberrime. Odit autem noverca averfatrix privignos suos: mater vero indulgentissima fovet & amplectitur filios suos. Accidit hinc, quod averfata est natura & caro hominum, lectum illud & spectatum semen perfectionis qua creati erant: tum etiam quod natura eadem rediit in se ipsam qua porta illi data est. Atque adeo, quod hominibus male facere, nimio levius fuerit onus, quam bene. Horruit vero hinc pectus hominum, rubis & sentibus vitiorum omnium, luti & figmenti sui.

Rever-

Reversio illa hominum à perfectione creationis, ad vitium naturæ & carnis suæ, peccatum illud est naturale quod statuimus. Sive illud naturale vocamus, quia naturaliter nobis inhæret: vel ut loquitur D. Paulus, *quia in nobis habitat: quia nobis adjacet: quia lex est in membris hominum captivans homines in lege peccati, quæ in membris illorum est.* Vbi nota, legem peccati naturalis membris hominum infixi: vel legem naturalem peccati, carni & materiæ ipsi hominum inhærentem. Quo sensu intelligendum est caput 7 ad Romanos. Sive illud peccatum naturale dicimus, quia deflexus fuit à natura & lege perfectionis illius, qua homines in principio creati sunt. Qua ratione, & magis proprie, peccatum dici potuit.

Perfectionis hujus vestigia quædam restare in cordibus hominum: imo homines naturali & tacita illius percelli conscientia, argumento est; quod peccatum & vitium omne naturaliter averſantur, quicumque meliore & perfectiore luto formati sunt: qui studio virtutis perfectionem illam à qua deflexerunt, & ad quam se creatos sentiunt, odore consequi & venari videntur. Quo sensu intelligendus præcipue est D. Paulus, locis illis quibus voluit, *homines se ipsos naturaliter incusare, & sibi ipsis legem esse.*

CAPVT VI.

*Homines rectos creatos, & in prauum naturæ suæ reflexos, Deus creatione secunda in melius restituit. Et ab hominibus ad Deos euehit. De pro-
ducticio & facticio. De immutabili & mutabi-
li: immortalī & mortali, &c. De spiritu qui
ex Deo est; & de spiritu mundi.*

Homines autem à perfectione creationis suæ in lutum suum reuolutos, & peccato collutulatos, Deus neque despexit neque deseruit. Neque rursus illos eatenus restitui passus est in integrum statum illum perfectionis suæ veteris: quatenus homines perfecti in principio creati sunt. Sed illos recreare, illorumque perfectionem supra hominum perfectionem euehere decrevit. Præcipitati fuerant homines à splendore perfectionis suæ, ad illuuiem suam, quod idem brutorum inquinamentum est. Homines iussit Deus à brutis ad Deos (ut ita dicam) secunda & nova creatione transcendere: A corruptione ad incorruptionem, à morte ad vitam immortalem prætervehi: Et quod exquisitissimum Dei fuit erga homines beneficium; à pravis, malis, & impurissimo cœno mersis, ad perfectionem sanctitatis & gloriæ suæ extolli: ad quam spiritu recreationis, curru velut igneo raperentur. Imo si consilium & decretum Dei recta reputamus via: novissimum fuisse reperiemus in mente ejus, creare homines corruptibiles & mortales; antiquius, recreare illos incorruptibiles & immortales. Divinum erat creatio: excellentius, & ut ita dicam, divinius quid erat recreatio. Intervallum scilicet proportionis illo, quo incor-

B

rptum

ruptum corrupto, & immortale mortali interest.

Verum enimvero, ut rem omnem, quanta est doctrina Christiana, à primordio repetam: Sciendum est, duo occurrere notatu digna in creatione & compositione rerum; quæ non demonstrantur per causas; sed designantur in sacris literis, & patent per effectus suos. Vnum, quod nullo intercedente medio à Deo emanavit: alterum, quod medio intercedente à Deo creatum est. Vnum, productivum: alterum, factivum. Vnum, spiritale: alterum, animale, materiale, carnale & corporeum. Vnum, permanens, stabile, & æternum: alterum, mutabile & vanitati obnoxium, quod *ἡμεῖς τῆς γενέσεως*. Vnum, incorruptibile, quod purificat: alterum, corruptibile, quod inquinat. Vnum, quod olet vitam: alterum, quod redolet mortem. Vnum, quod patiens est cœlestis illius fulguris, quo Deus coruscet, quodque splendet in ejus conspectu, tanquam aurum in ignibus: alterum, quod Deus urit splendore suo; quodque ad ejus radios, tabescendo abit in spumam, in fumum, in cineres. Vnum, quod Deus diligit: alterum, quod fastidit. Vnum, quod eligit: alterum, quod reprobet. Vnum, quod D. Paulus, Corinthior. i. capite 2, vocavit *Spiritum qui ex Deo est*: alterum, quod Apostolus idem vocavit, loco eodem, *Spiritum hujus Mundi*. Duo hæc contrariis legibus, & æternis dissidiis inter se pugnantia, ex quo Deus omnia miscuit, cum dedit omnibus vitam & halitum.

Spiritum qui ex Deo est, spiritum recreationis dicemus illum, qui nullo interjecto medio emanat & producit à Deo: qui mere spiritalis, stabilis, incorruptibilis, & æternus est: qui patitur

scitur:
& eligi
tionis
tus est
miscu
posito
carna
carna
vanit
morte
los De
Deu

creata
Mund
item i
bus S
ta &
crear
Imo
& sibi
filio &
mare
imme
cœles
Die il
qua a
factit
ruptio
proba

De un
va

Spiri
De

scitur igne visionis Dei, quem Deus unice diligit & eligit. Spiritum hujus Mundi, spiritum creationis constituemus illum, quo Mundus animatus est, & qui toti se ejus machinæ in creatione miscuit. Spiritus ergo ille est, qui medio interposito creatus à Deo, qui animalis, materialis, carnalis, & corporeus est, quatenus materialia, carnalia, & corporea vivificat: qui mutabilis & vanitati obnoxius, qui corruptibilis est: qui mortem redolet, qui stupet & liquescit ante oculos Dei: quem Deus fastidit & reprobat.

Deus quo tempore creavit Mundum, afflavit creata & viventia Mundi omnia Spiritu illo Mundi & creationis per quem vivunt. Sed non item infudit Mundi creatis & viventibus omnibus Spiritum illum recreationis, per quem creata & viventia obsoleta renovantur, corrupta recreantur, mortua in vitam æternam resurgunt. Imo illo tantum numerum certum Electorum, & sibi certo cognitum, communicavit; eo consilio & decreto, ut quæcunque ex electis informaret Spiritus ille; in gratiam, & potentia illius, immortalitate donarentur, & patientia fierent cœlestis illius ignis qui probaturus est omnia; Die illa qua omne vitium Mundi excoquetur; qua amovebuntur & consummentur, qua peribunt factitia omnia, mutabilia vana, mortalia & corruptioni mancipata, quæ Deus fastidit & reprobat.

CAPUT VII.

De uno Deo: & de uno spiritu qui ex Deo est. De variis sive diis, sive spiritibus.

Spiritus recreationis idem qui spiritus qui ex Deo est, & spiritus Christi, per quem recrea-

tio est; unus est, impatiens consortis & numeri. Spiritus creationis plures esse, tum in cœlo tum in terra, demonstravit Apostolus, Corinthiorum 1. cap. 8. quos eo loci vocavit *Deos & Dominos*. Verba D. Pauli hæc sunt. *Nullus Deus nisi unus. Nam etsi sunt qui dicuntur Dii, sive in cœlo, sive in terra: siquidem sunt Dii multi & Domini multi: nobis tamen unus Deus est.* Deos & Dominos illos in cœlo & in terra, vocavit Apostolus idem Romanorum 8, *ἡ ἀπὸ τοῦ οὐρανοῦ καὶ τῆς γῆς, altitudinem & profunditatem*: quos ibi recenset inter creationis spiritus: subjunxit enim, *ἔτε πνεύματα ἐρεβ*. Et certe, qua ratione Paulus idem, Epistola ad Ephesios, constituit nequitiae Spiritus in cœlestibus, non incommode putaveris nequitiae Spiritus dari in terrestribus. Quia enim scriptum legas Samuelis 1. cap. 28. *Magam vidisse Deos*, id est Spiritus, *de terra ascendentes*; Spirituum illorum præcipuus ille est, quem sacri Codices vulgo indigitant, Diabolum, Satanam, Belial, Mammona, Principem potestatis aeris, seculi & mundi hujus. Cuique datos fuisse Spiritus satellites & Angelos, sacri itidem utriusque foederis libri passim testantur. Spirituum illorum principem, nec non Spiritus omnes Angelos illi submissos, creatos fuisse in principio ad imaginem Dei creatoris, bonos & rectos, nec non creatione mutabili & corruptibili conflatos, docuit nos Iuda Apostolus, Epistola sua catholica. *Quo* loci disertè ait, *Spiritus illos non servavisse Principatum suum, sed domicilium suum dereliquisse*. Habuisse ergo illos præsumendum est, principatum bonum quem non servaverunt, & domicilium rectum quod dereliquerunt. Hinc illud est Iobi 4. *Ecce qui serviunt*

viunt ei, non sunt stabiles: Et in Angelis suis reperit pravitatem.

Spiritus illi omnes ut afflaverunt quæcunque creationis legibus subiecta fuerant, & in illis operati sunt, ut loquitur Apostolus Ephesior. 2, credibile est, omnia Mundi creata degeneravisse à perfectione boni & recti creationis suæ, quo momento spiritus illi principatu & domicilio suo recto ceciderunt. Atque hinc factum esse, quod primæ creationis homines, Dei creatoris sui obliti, nec non spiritibus illis creationis corruptæ incitati, aberraverint à rectitudine creationis primæ, & evanuerint in cogitationibus suis. Hinc certe illa fuit obscurati sui cordis insipientia; qua Deum creatorem suum non putaverunt; qua Spiritibus impuris se dederunt; qua illos coluerunt; qua servierunt creaturæ potius quam Creatori, qua denique mutaverunt gloriam Dei incorruptibilis in similitudinem imaginis hominis corruptibilis, & volucrum, & quadrupedum, & serpentum. Rom. 1.

Sacerdotes & Philosophi è Gentibus, qui Deum patrem, & creatorem ignoraverunt: varios observaverunt Spiritus & Deos, quos Reges & duces variorum ordinum constituerunt: quosque vel in cœlo, vel in sideribus, vel in igne, vel in aëre, vel in aquis, vel in terris, imo & sub terris collocaverunt: & quorum imagines variis sacrorum & incantationum ritibus evocari potuisse non negaverunt. Consideraverunt scilicet cognationem quandam, compassionemque Spirituum illorum, cum rebus omnibus creatis, quas sympathia & similitudine sua afficerent. Animalia & vegetabilia quæque, ab arboribus ad metalla & lapides, spiritibus illis tangi & duci voluerunt. Imo cuncta precari, hymnos-

que concinere ad Ordinis sui duces. Itaque, aiebant illi, Solis equa movetur ad Solem : ac si quis posset audire pulsationem ab ea in aëre circuitu factam, sonum quendam erga Regem suum compositum animadverteret, qualemcunque potest planta conficere. Lotus ad planetam eundem explicat & implicat folia sua, gradatim, ut gradatim ascendit & descendit Sol : quem planta illa motu foliorum, tanquam labiorum, videtur honorare. De Selenetropiis vero quæ vertuntur ad Lunam, eadem illi iactavere, quæ de Heliotropiis quæ vertuntur ad Solem. Noti sunt Gallorum plausus & cantus ad Solis adventum ; quos vocaverim planctus, cum Sol decedit vel absconditur. Canes Lunam allatrant, & Syrio inflammari ad rabiem efferuntur. Quid præterea dicam de lapide Helitide, qui radiis suis aureis Solares radios imitatur ? Nec non de lapide Selenite, qui figura Lunæ corniculari similis est, & sui mutatione Lunarem sequitur motum ? Quid denique de lapide Helioseleno, qui Solis & Lunæ congressus exhibere videtur ? Taceo metalla septem, quibus singulis, singuli septem planetæ assignantur. Tum quercus Iovi sacras, lauros Apollini, oleas Minervæ, populos Herculi : equos Neptuno, fues Cereri, hircos Baccho, oves nigras Iunoni inferæ, Serpentes Epidaurio : & quæcunque de genere hoc, adeo sunt multa, de lassare valerent enumerantem.

Hominem omnium animantium mage compositum censuerunt Mystæ illi antiqui : atque idcirco Microcosmum dictum, quia rerum omnium creaturarum naturam participaret. Hominum itaque alios Saturno caperari, alios Iove hilarescere : alios Marte irasci ; hos Sole rutilare,

lare, illos Venere lascivire: unos Mercurio fallere, alteros Luna deficere. Sed & alios, ut pecora Arcadica, rudere; alios canibus similes, hos porcis, leonibus illos rapacibus, columbis unos, alteros serpentibus. Imo homines verfos in bestias ipsas, in arbores, in lapides, tradiderunt fabulæ: Secundum puta varias aptitudines, similitudines, & participationum sympathias, quas hominibus esse cum rebus omnibus creatis proditum est. Sed & Pythones in ventribus hominum confessos: nec non hominibus datos, his Spiritus mendacii, illis Spiritus soporis, aliis vertiginis, sacræ nos docuerunt paginæ. Tum Spiritus veteratores, seductores & illusores, homines in tentationem inducere, manifestum ex eo est, quod Dominus ipse discipulos suos hortatus sit, *ne cuius Spiritui crederent*. Imo & illos increpuit, *quia nesciunt quo Spiritu ducerentur*. At focrum D. Petri, *Spiritu febrili* vexatam, Euangelio teste comprobatum est.

Homines ergo post creationem suam à Deo relictos, ut sui arbitrii evaderent: tum variis Spiritibus, Diis, & Dominis, qui illos incitarent, permisos: quis mirabitur tam multiplices, & tam variis rerum creatarum formis, sibi constituisse & coluisse Deos? si reputaverit cognationes & compassionem pene innumeras, quas homines cum Spiritibus, Diis, & Dominis illis, nec non cum rebus omnibus creatis, superis & inferis, habuisse compertum est.

Spiritus & Deos illos, à rectitudine & perfectione creationis in mutabile suum revolutos, abominatus est Deus abominatione illa, qua rectissimo & optimo prava & mala cordi esse non possunt. Deos hacpropter legas illos Codicibus

bus facris nominari, Spiritus nequam, & nequitias: Spiritus erroris: Spiritus malos, & pessimos. Quale illud est Iudicium 9. *Misit Deus Spiritum pessimum inter Abimelech, & habitatores Sichem.* Deos praterea vanos & mendaces, improba: Idola fallacia, abominationes, immundicias, pollutiones, prostibula, stercora. Imo sopores, & furores Domini. Tale illud Samuelis 1. cap. 26. *Irruerat sopor Domini super Saul & suos.* Sopor vero Domini idem est hoc loco, qui Spiritus nequam à Domino, superiori capite 16 ejusdem libri, ubi legas, Spiritum Dei recessisse à Saulo, & exagitantem illum *Spiritum nequam à Domino.* Tale itidem illud & Samuelis 2. cap. 24. *Addidit furor Domini irasci contra Israel.* Quod liber primus Paralipomenon de eadem re loquens expressit his verbis. *Consurrexerunt Sathan contra Israel.* Vbi Satan idem est qui furor Domini, sive à Domino.

Quin & Spiritus, Deos & Dominos illos, lege creationis suæ mutabilis & corruptibilis, mortales esse, imo & morti æternæ damnatos, libri ipsi sacri testes sunt idonei. Apud quos facinorosi & nequam homines, vocati sunt *filii Belial.* Filii Heli dicti sunt *filii Belial*, Samuelis 1. cap. 2: nec non Nabal homo nequam, Filius Belial infamatus est, libro eodem cap. 25. At idem filius Belial, vocatus est *Filius mortis*, Samuelis 2. cap. 12. Et libro eodem cap. 23 torrentes mortis, vocati sunt *torrentes Belial*: ubi David in cantico suo hæc ait. *Circumderunt me contritiones mortis: torrentes Belial terruerunt me.* Quibus locis Belial non solum mortalis, sed mors ipsa dicitur: Vtpote qui Spirituum omnium princeps, nec non Spiritus ipsi

ipsi omnes administri ejus, mortales, & morti ex qua non refurgitur in vitam, adjudicati sint. Quis vero non credat Spiritus illos morti æternæ destinatos? Si Deus ipse professus sit, extremo illos rerum corruptibilium judicio damnandos, & in ignem æternum cum reprobis præcipitandos?

CAPVT VIII.

Homines Spiritibus prauis emoti, ceciderint è statu suo recti quo creati erant, in prauum naturæ suæ. Restituti in melius per Spiritum recreationis, qui unus ex Deo est, norunt Deum quem ignorat caro & sanguis: Sanctitatem assequuntur, quam non poterant creatione sua prima adipisci. Et mortem suam naturalem immortalitate supernaturali redimunt.

L Abem omnem peccatorum quæ pessundidissent homines, hinc maxime deducit Apostolus, capite 1 Epistolæ ad Romanos, quod Deum creatorem missum fecissent, & sese Diis illis & Dominis Spiritibus impuris permisissent; Hinc nimirum occæcatas illorum mentes, nec non suis sibi traditos desiderijs, turpibus & nefandis contra naturam exarsisse cupidinibus. Tum quas meruissent erroris sui mercedes, in semet ipsis recepisse. Tantam vero inde fenestram patefecisse ad nequitiam & turpitudinem, ut per illam tandem ad omne peccatum abiissent. Et sicuti Deum nosse posthabuissent suæ libidini: tradidisse vicissim illos Deum in sensum reprobum, ut facerent homines quæ indigna essent hominibus. Hinc scilicet iniquos factos, malos, fornicatores, avaros, nequitia deditos, inuidia & sanguinis

plenos, litigatores, fraudulentos, malignos, suffrones, detrectatores, Deo odibiles, contumeliosos, superbos, elatos, scelerum inventores, parentibus non obedientes, insipientes, incompositos, sine affectu, absque fœdere & sine misericordia.

Homines certe Spiritibus illis emoti, nec non concitatione eadem suis sibi appetitionibus impulsī, pro affectione & compassione quæ his cum illis est: Homines inquam sua peccatorum mole oppressi, & lutulento cœno merfi, desperavissent de salute sua, neque plantas evellere inde potuissent, ni Deus illos auxilio levavisset, & potentes manus suas, quæ miseros inde elicerent, de cœlo tetendisset. At non illa mens Deo fuit, quæ pluribus hominibus, qui infortunio gravatos præsentibus malis eripiunt, nec deinde solliciti sunt ut res illorum lapsæ in melius referantur. Auctius & melius fecit Deus hominibus. Emerfos luto suo flumine vivo primum abluit: candidatos deinde & albatos mento levavit: illosque tandem ab infamia volubri ad cœli sui gloriam excepit: nec non participes fecit cognitionis, sanctitatis, & immortalitatis divinæ, quæ in felicissimo ejus conspectu est. Illud autem vi & virtute Spiritus illius qui ex Deo est, quique Spiritus ipse Dei est, secunda & nova creatione perfecit: puro putō ejus placito, benigna mente, benigno erga homines animo, & mero beneficio. Quod donum Dei, & pura puta ejus gratia, proinde insignitur.

Consistant ergo hic quicunque se bene nosse cupiunt, & grato in Deum redhostire saragunt animo. Gustent & videant quam dulcis & suavis Dominus; Recolant quantis beneficiis, non homi-

hominum merito, homines promeritis sit. Cogitatione defigant, se animales esse, & *animales non percipere illa quæ sunt Dei, neque intelligere posse quæ spiritaliter examinantur.* 1 Corinthiorum 2. 14. Sapientiam animalem, *Diabolicam* dici, D. Iacobo cap. 3. & sapientiæ divinæ ex adverso oppositam. *Carnem & sanguinem mysteria Dei non reterege, sed Deum qui in cælis est.* Matthæi 16. Considerent proinde secum in animo, quantaquanta sit illorum imbecillitas in Deo cognoscendo. *Se nebulas esse turbinibus exagitatas*, qui, ut loquitur D. Petrus, *omni vento doctrina circumferuntur, neque uni Deo affiguntur.* Non posse illos ex sese accipere *Spiritum veritatis, quia non vident eum, neque sciunt eum.* Ioannis Euangelio, cap. 16. Quin neque se ipsos nosse: *ignorare quæ sit via Spiritus, & quæ ratione impacta fuerint ossa sua in matrum suarum uteris.* Ecclesiastæ 11. *At si non intelligant vias suas, qua ratione intelligant vias Domini?* Proverbiorum 20. *Investigabiles idcirco dici divitias Dei,* Apostolo, *quia homo animalis non capit illas.* Imo quia neque illas propter exsuperantiam splendoris & altitudinis capere potest. Se ipsos ergo reputent, ex se ipsis orbos auxilii, opumque, ad Deum assequendum: cæcos & tenebricosos in cognitione ejus: quibus propterea secundum suum meritum, & dictum D. Petri 2. 2, *Caligo tenebrarum reservaretur.* Occasionem vero hinc arripiant benedicendi Deo, usque adeo bono & facili, qui ad vortum & obviam ierit hominibus eum nescientibus, qui se illis ultro obtulerit & noscendum præbuerit. Imo qui illos vias suas docuerit, & sicut amicus amicum solet, quam familiariter affatus est.

Meditentur rursus, quam prava sit affectio cordis eorum. *Homines omnes, sicut & Mundum totum, in maligno positos*, D. Ioannis 1. cap. 5. *Materiæ suæ, & fecibus suis defixos*, Sophoniæ 1. Peccatum potare sicut pisces aquam potant. Sensus & cogitationes hominum in malum pronas esse *ab adolescentia*, Geneseos 8. hoc est, indole & natura sua innata. At qua ratione Æthiops non mutat pellem suam, neque Pardus varietatem, quia illis innatæ sunt: Ieremiæ 8. ita neque homines benefacere posse, cum malum didicerint, & malum illis innatum sit. Naturæ suæ opera malos esse, & suapte malitia. Voluntatem carnis, voluntati Dei contrariam; atque idcirco sapientiam carnis inimicitiam Deo esse. Legi divinæ non subjici, *neque posse subjici*, edicente Apostolo cap. 8 ad Romanos. Duros se esse, & cervicem suam nervum ferreum; qui rectum & perfectum creationis suæ detractaverit, & severiori legis divinæ iugo submitti non potuerit. Recordentur parte alia, Deum non solum bonum & rectum esse; quales homines in principio creati fuerant boni & recti: sed, quod supra homines excelsissimum est, sanctissimum: cui averfa ad nauseam, & inimica sint prava, maligna, & peccata omnia. Benignitatem igitur & liberalitatem Dei extollant, qui nihilo secius ita se cum hominibus comparaverit, ut ad illos pravos, malignos, & peccatores accedere non piguerit; particulamque illis sanctitatis suæ, iustitiæ & pacis osculo, afflare non dedignatus sit.

In hanc demum cogitationem veniant, *Hominem putredinem esse, & filium hominis vermem*, Iobi 25. Tum quam vane constituerit Deus homines. Fœnum omnes esse, & tanquam flores

agri

agri deflorescere. Imo fœni ad instar, cujus simulacrum habent, de mane usque ad vesperam succidi. Homines, homunciones, non homines, qui toti nihil sunt, habitare domos luteas, quæ terrenum habeant fundamentum; quæque consumantur velut à tineâ. Substantiam illorum vanam, stipulam esse, quæ ignito deflatur spiritu: illosque tandem, ex peccato naturæ suæ corruptibilis, mortem necessario consequi: vel, quod idem est, ananæo & morte, quod necessitatis poculum est, creationis suæ fato, dari omnibus quod bibant. Naturam præterea illorum, ut ita dicam, stupeam ante Deum, qui ignis consumens est, & cujus ante oculos compages humana labat, miraculo transformari in Dei ipsius naturam igneam: cujus virtute, contemplatione ejus gloriosissima, pascantur. Et quod palmarium hominibus est, mortalitatem eorum immortalitate commutari, ut in æternum gloria illa satientur.

Reputent ergo illud sedulo & semper apud se: creatos se quidem in principio rectos & perfectos: sed rectitudine & perfectione illa tantum, quæ peripheria hominum continebatur: Atque ingenio usque adeo corruptibili; ut à summitate circuli sui, & perfecti, ad centrum corrupti & imperfecti præcipitati sint. Quod si recti & perfecti creati, rectitudinem & perfectionem suam non tenuerunt: quanto minus pravi & imperfecti potuere illi attingere ea quæ supra rectitudinem & perfectionem suam posita fuerunt? Supra, inquam, toto intervallo quo terra cœlo, creatio creatore, homo Deo distat. Imo data illis fuerit scala qua cœlum scandent, vel alarum perniciousitas qua ad Deum transvolarent. Quo suo intellectu, vel qua sua men-

tis acie potuere illi cognitionem Dei consequi; cujus negata omnino hominibus via est; quique nullam, vel minimam, sui ipsius notitiam habent? *Qua naturæ suæ indole sanctitatem Dei adipisci, qui malum & ipsum quod nolunt, invitati faciunt?* Rom. 7. *Qua meriti confidentia, vel qua Virtutis suæ conscientia, immortalitatem divinam præripere; cujus causas tam procul habent, ut neque momento, neque momenti, si fas est dicere, ramento, depactos vitæ suæ terminos prolatare possint?* Se igitur virium innatarum inopes, & nullo modo potes fateantur, ad beneficia tanta conquirenda, & tanta rerum intercapidine à se dissita. Eoque Deum submissius & sanctius venerentur, quo benignius & liberalius inopiæ & debilitati eorum indulserit.

CAPUT IX.

Recreatio hominum, gratia & donum Dei est. Non omnibus datur hominibus recreari. Sed electis tantum. Electio in rebus naturalibus est. Electio divina in electis Dei est. Qui sint Electi. Et qui dicantur Reprobi.

FIxum igitur ratumque sit, cognitionem, sanctitatem, & immortalitatem divinam, quibus salus hominum constat, & beatitudo cœlestis perficitur; comparari nusquam potuisse hominibus, vi & virtute creationis primæ, qua homines perfecti conditi sunt: utpote quæ supra humanam perfectionem posita sint. Verum illa hominibus dono dari, mera Dei liberalitate & beneficentia: nec non eos ad possessionem bonorum tantorum abripi, potentia & spiritu recreationis, quæ secunda hominum creatio est.

At

At quamvis Deus, ut ante dixi, non sufflaverit spiritum recreationis illum rebus omnibus creatis, sed eum speciatim hominibus indiderit: neque totam idcirco speciem hominum donavit spiritu illo, cujus virtute detur omnibus Deum nosse sicuti est: cujus efficacitate liceat omnibus esse sanctis, quemadmodum Deus est sanctus: cujus denique potentia, vitam omnes æternam, quæ immortalitas divina est, adipiscantur. Imo spiritum illum impertivit Deus Electis tantum hominibus, quos è loco & ordine hominum, ad locum & ordinem supra homines excelsissimum evexit, quos divinis suis dotibus, cognitione & sanctitate sua celebravit, & quos sibi tandem immortales, & quasi Deos cooptavit. Ita ut verissime, & ad hanc rem accommodatissime usurpari possit; Deum, qui omnium rerum Dominus est, perpauco- rum tamen, & Electorum hominum esse Deum.

Electio in rebus omnibus creatis est. Electio- ra sunt animata inanimatorum. Animatorum rursus, sensitiva vegetativis, rationalia sensitivis præstant. Sed in lapidibus & metallis, exquisitior est lapis lapide, & metallum metallo pretio- sius. Terra item datur electa, & terra datur reproba. Delectus est in floribus, tum colore tum odore, electioribus. Electior est cedrus arbutu, vitis labrusca, & mites arborum fructus silve- stribus dulciores sunt. Animantium, leones, for- titudine præcellunt, cervi celeritate antideunt, agni mansuetudine eximii sunt. Volucrum, luscinia cantu, aquila volatu ceteras vincit. Tum pecudum & avium carnibus, sapidiora alia aliis condiuntur edulia. Quid porro dicam de ho- minibus? Alii aliis sunt genoroso honesto com-
men-

mendaciores; alii aliis sublimiores, pulchriores, nobiliores, honoribus & divitiis fortunatiores: alii aliis tum virtutis studio, tum ingenii perspicacitate, tum rerum notitia excellentiores. Electio itidem in vita & duratione rerum est. Quædam repente exoriuntur, & repentino occidunt. Cornix justam senescentem vitam hominum novies implere dicitur: cervus cornicis annos quater egreditur: corvus ter in vitam cervi superexit: Phoenix ætatem corvi novies multiplicat: & si credimus antiquissimis ante Hesiodi tempora fabularum traditionibus; Hamadryades vita sua longissima Phœnicis ævum decies prævertunt. Adde his vitam, si placeat, vel durationem cœli & terræ, tum æviternum conjugium illud, quo cœlum in gremium terræ descendit, & quo terra perpetuis in cœlum germinibus repullulat: tum à sempiterno manantem stellarum in cœlis ordinem: tum Solis & Lunæ motus indefessos, quibus indefinenter rapiuntur, & quibus ipsa temporum æviterinitas signatur.

In his vero creatis omnibus Electio divina non est. Electio inquam illa qua Deus non omnes sibi elegit homines: quæ non est de genere & sanguine creationis primæ: quæ genus omne creatorum transcendit, & toto cœlo supra est: quæque recreationis, id est secundæ, non primæ creationis, Electio est. Certe si quid est in creatione prima vel exquisitum, vel pretiosum, vel delectum, vel delicatum, vel forte, vel sublime, vel pulchrum, vel nobile, vel fortunatum, vel sapientia reconditum, vel duratione & vita sempiternum: illud est in recreatione vel creatione secunda, longissime exquisitum ultra exquisitum, longissime pretiosum ultra pretio-

tiolum, longissime delectum ultra delectum, longissime delicatum ultra delicatum, longissime forte ultra forte, longissime sublime ultra sublime, longissime pulchrum ultra pulchrum, longissime nobile ultra nobile, longissime fortunatum ultra fortunatum, longissime sapiens ultra sapiens, longissime sempiternum ultra sempiternum.

Sed de his Baruc audiendus est, capite 3 libri sui. *Vbi sunt, inquit, Principes gentium, & qui dominantur super bestias, quæ sunt super terram: qui argentum thesaurizant, & aurum, quo confidunt homines? Exterminati sunt. Filii Agar exquisierunt scientiam quæ de terra est, fabulatores & exquisitores intelligentiæ. Ibi fuerunt Gigantes nominati illi, qui ab initio fuerunt statura magna, scientes bellum. Non hos elegit Dominus.* Ait ille, Electionem divinam non degisse penes Reges & principes gentium: penes doctos & sapientia humana pollentes: penes divites & nobiles: penes fortes & heroas, clara & nominata bellorum fulmina. Quia, inquit, perierunt, & exterminati sunt. Quia legem illam naturæ & creationis primæ, qua homines ad mortem omnes nati & creati sunt, impleverunt: nec compotes evaserunt vitæ illius æternæ, quæ Electionis divinæ potentia, & secundæ creationis virtute constitit.

Dicitur Deus homines illos eligere & sibi assumere, quos denuo fingere, & secundo creare instituit: quibus se notum dedit & confessus est: quos sanctitate sua donavit: quos immortalitatis suæ, quæ vita æterna est, participes fecit: quosque proinde ab hominibus ad Deos evehit. Dicitur porro deus idem homines illos reprobare & ejicere, quos creare tantum nec

recrea-

recreare dignatus est: quorum cordibus non splenduit: quos tabo & inquinamento carnis suæ turpatos vivere sivit: quos morte donabiles morte non redemit: quos denique nihil supra homines sapere voluit.

Non eligere, *reprobare*, & *ejicere* dicitur. Quod vulgare est apud auctores sacros. Admissus Samuel ad ædes Isai, ut, quem non noverat ex filiis ejus unum, in Regem Israel ungeret: quamprimum vidit Eliab primogenitum filiorum Isai, cujus ore regium decus eminebat, electum ilicet à deo credidit. Sed admodum deus Samuelem. *Non respicias, inquit, vultum Eliab, quoniam abjeci eum.* Samuelis I. cap. 16? *Abjeci eum*, eo loci, vere & reapse est, non elegi eum. Manifestius evadet hoc per Euangelium D. Matthæi, cap. 24. de judicio ipso Electorum & Reprobatorum, quod fiet in die Domini. *Tunc*, ait Evangelista, *unus assumetur, & unus relinquetur. Relinquetur*, eo loci, manifesto idem est, quod *reprobabitur & ejicietur*. Hæc orabat Salomon Regum I. capite 8. *Sit Deus noster nobiscum, non derelinquens nos, neque proiciens: sed inclinet corda nostra ad se.* Vbi nota primo, *derelinquere & projicere* eadem fuisse Regi sapientissimo. Nota secundo, *Deum inclinare corda hominum*: quæ vicissim cum non inclinat, *obdurare* dicitur: nec non *odisse* cum non diligit. In quam bonam partem accipiendum illud est; *Dilexi Jacob, odio autem habui Esau.* Eximius demum locus est apud Ieremiam Prophetam, ubi Deum introducit exitium Iudæis minitantes. *Dorsum*, inquit Dominus, *& non faciem ostendam eis, in die perditionis eorum.* Ibi, dorsum vertere Iudæis, occurfare Iudæis fuit. Iudæos relinquere, deserere, & fugere;

re; Iudæos fuit deturbare, sternere, pessumdare.

Rejetti ergo & reprobi homines, Deo sunt proprie, derelicti, vel quod idem est, non electi, nec assumpti. Qui mos loquendi Iureconsultis non ignotus est: apud quos *accrefcere*, *non decrefcere* est, & quibus *jus accrefcendi*, *jus* proprie est *non decrefcendi*. Simili apud Theologos, converso licet argumento; quicquid accrescit Electis felicitatis & gloriæ ex recreatione sua, præter & ultra prærogativam creationis suæ; decrefcere dicitur reliquis hominibus, quibus tantum licet esse hominibus; sed quibus nihil concessum est præter & ultra homines.

Causam vero eximiam Electionis hujus reddidit D. Paulus, exquisito Romanorum loco illo, quo res omnes creatas in manibus dei posuit, ut lutum est in manibus Figuli: nec non eandem potestatem in res omnes creatas deo tribuit, quam habet Figulus in lutum; cum ex eadem massa, aliud quidem vas in honorem, aliud vero in contumeliam facit. Atqui, si bene calculum ponas, nunquam ita magnifice dei bonitate & clementia dicemus, quin superet beneficentia & benignitas ejus, erga opera sua omnia; five illa creationis honore tantum impertiverit, five & illa recreationis gloria dignatus sit. Imo nihil est tam vile in rerum natura, quod non in honorem, & in honorem magnum creatum sit, qua ratione in honorem Dei creatum est. Ac veluti Figulus contumeliose non agit cum luto illo, quod non ad honorem & ornamentum abacorum effingit: nisi ratione comparationis illa, qua vas forsitan ad usum non dicam contumeliosum, sed minus honestum, rota exiit. Deus item, nullam vel
iaju-

injuriam vel contumeliam decrevit rebus illis creatis, quas minus honorabiles effinxit: nisi contumelia putetur illa, quæ verius honoris privatio est. Honor est, verbi gratia, inanimato, creatum esse à Deo: sed eidem contumelia putatur, non creatum esse in honorem animati. Honor est vegetativo, animatum esse: sed eidem contumelia putatur, animatum non esse in honorem sensitivi. Honor est sensitivo, animale esse: sed eidem contumelia putatur, animale non esse in honorem rationalis. Honor est homini rationali, ceteris ratione sua præstitisse animantibus: sed eidem contumelia putatur, Electum non fuisse in honorem secundæ creationis illum, quo intellectus ratione, & homo homine, excelssissimo gloriæ intervallo interest. At vero, ô homo, tu quises qui de Deo quereris, & cum illo expostulas, qui te creationis honore dignatus est; si te præterea ad recreationis gloriam non elegerit? Numquid dicet figmentum ei qui se finxit, Quid me fecisti sic?

CAPUT X.

Electio divina dupliciter consideratur: in Deo, & in Mysterio. Illa ab æterno est. Hæc mysticis temporum occasionibus dispensatur. Illa homines omnes indistincte admittit. Hæc Iudeos primo elegit, & in Iudeis Gentes terrarum omnes assumpsit.

Electio divina illa quæ recreatione conficitur, & quæ proprie hominum transitus est ab hominibus ad Deos, dupliciter consideratur: vel in deo, vel in mysterio. Electio in deo ab æterno est: edicente Apostolo cap. i
epi-

epistolæ ad Ephesos: quo loci Electos statuit
ante ipsam Mundi constitutionem. Vbi porro nul-
 lus habetur respectus, vel ad gentem, vel ad
 personas: secundum illud D. Pauli, asserentis
 cap. 3 ad Colossenses; *Apud Deum non esse Gen-
 tilem, neque Iudæum, neque circumcisionem, ne-
 que præputium, neque Barbarum neque Scytham,
 neque servum neque liberum. Quo refer & illud*
*Romanorum 2, Non esse acceptionem persona-
 rum apud Deum.*

Electio in mysterio, mystica seculorum dis-
 pensatione peragitur; respectu mystico habito
 ad gentem, vel acceptione mystica persona-
 rum habita; qua hominibus peculiariter ele-
 ctis Electionem suam mysticam deus primo
 impertivit; & à quibus Electionem eandem
 illam, tanquam à suo fonte, in ceteros dein-
 cept gentium omnium homines derivari &
 effundi voluit. Mysterio & consilio nobis inco-
 gnito, quod deus apud se condidit, & *signavit*
in thesauris suis; ut loquitur Moyses in cantico
 suo. Cujus propterea vias investigabiles insiste-
 re posse, temere ne præsumamus: & de illo
 nihil proferamus, quod Scripturas sacras non
 sapiat, quantum in illis sapere concessum erit
 hominibus.

Illud autem pro certo & indubitato paginis
 sanctis traditum est: Deum præ ceteris genti-
 bus, & ceteris gentium omnium hominibus,
 elegisse gentem Iudaicam, & Iudæos homi-
 nes, quos primum, & ante omnes gentium
 omnium homines, Electione sua donarer. E-
 lectione inquam illa, quæ vera dei cognitio-
 ne, quæ sanctitate divina, quæ recreatione, &
 resurrectione in vitam, quæ vita æterna consti-
 tit. Cujus rei testimoniis scatent libri omnes
 quot-

quotquot sunt utriusque fœderis: & quorum locos præcipuos in processu hujus Systematis, suis locis, & quemque suo ordine (si deusnaverit) non perfunctorie attingam. Effusos quinetiam ex fonte illo Electionis mysticæ, quæ manavit à Iudæis & gente Iudaica, electionum rivos mysticos, super gentes omnes & gentium omnium homines, Codicibus itidem sacris manifestum est. Quod evidentissimis in promptu erit expedire argumentis, ubi de Electione gentium tractare locus erit.

Electio illa quæ in Deo ab æterno est, Christo constat: quatenus Christus spiritus pure ex deo est: Spiritus emanans, stabilis, incorruptibilis & æternus: per quem indistincte Iudæi & gentiles electi, recreantur & resurgunt. Electio in mysterio, quæ mystica temporum partitione revelatur, Christo eodem perficitur: quatenus spiritus ille, homo & caro factus est: quatenus inquam homo Iudæus, ex semine electo Iudæorum, à quibus mystica Electio procedit, natus est: quatenus item à Iudæis ejectus, damnatus, & crucifixus, Iudæos vicissim abiecit, & sibi Gentes non electas ascivit: quatenus porro Iudæos & gentes plene assumet, cum venerit in spiritu: quatenus denique ubi tempus erit, utrosque, Iudæos & Gentiles, sanctitate perfecta recreatos, resurrectione donabit, & vita æterna coronabit. Iudæos deus & gentiles indistincte elegit, nulla Iudæorum & gentilium acceptione habita, Electione illa quæ ab æterno est. Potiores Deus Iudæos gentibus habuit, Electione illa quæ mysticis seculorum occasionibus impertitur. Imo gentiles in Iudæis primo electis, sibi deinceps elegit deus electione mystica: quatenus extraneos in Iudæorum gen-

tem

tem & familiam adoptavit, vel quatenus Oleastros in Iudæorum Oleam inſevit: quæ D. Pauli comparatio eſt, Romanorum cap. 11.

Iudæos Deus & gentiles ſibi elegit illos Electione æterna, quos ſine delectu gentis donavit ſpiritu Chriſti: vel quibus infudit ab æterno ſpiritu illum qui ex Deo eſt: ſpiritu emanantem, ſtabilem, incorruptibilem, & æternum, cujus virtute recreentur & gloria immortalitatis decorentur. Infunditur autem ſpiritus Chriſti animabus electorum, ratione eadem, qua facultas vegetativa arboribus & plantis innascur: qua facultas ſenſitiva, animarum vegetativæ inferitur: qua denique facultas rationalis, vegetativis & ſenſitivis inditur & additur hominum facultatibus. Animarum rurfus ſpiritualior illa eſt, quæ pluribus conſtat ſive componitur facultatibus. Verbi gratia. Anima bruti ſpiritualior eſt anima plantæ, quia brutum ſuperat plantam facultate ſenſitiva. Anima hominis ſpiritualior eſt anima bruti, quia homo ſuperat brutum facultate rationali. Spiritualiffima proinde eſt anima electorum, ſupra animas reliquorum hominum, quia electi ſuperant reliquos homines ſpiritu Chriſti, ſpiritu recreationis, & ſpiritu illo qui ex deo eſt. Quem idcirco Prophetæ Rex vocavit *ſpiritum principalem*. Pſalmo 51. Cujus ſcilicet virtute electi dicuntur per excellentiam *Spirituales*. Imo corpore ipſo ſpirituales, per reſurrectionem in vitam ſpiritualem & æternam.

Diſpar omnino ratio eſt compoſitionis materiæ, & compoſitionis Spiritus. Craſſior nimirum exſurgit materia illa, cui multa ſuperingeruntur materialia. Deſæcior vero & purior evadit ſpiritus ille, qui pluribus componitur

nitur Spiritibus. Ac veluti in Arithmeticis, minutiam multiplicare, minutiam est minuere & subtiliorem efficere: subtilior evadit Spiritus ille, qui pluribus multiplicatur & diluitur Spiritibus. Multiplicatur vero, imo subtrahitur, & additur Spiritus Christi in Electis: qualis multiplicatus fuit Elisæo, qualis item subtrahitur fuit Mosi, & additus septuaginta viris de senioribus Israel: Numerorum 11. Sed hæc non sunt hujus loci. Crediderim certe, spiritum Christi, qui Electis infunditur, fermentum illud fuisse tribus satis farinæ absconditum; de quo D. Matthæi Evangelium est, cap. 14. *Fermentum*, inquam, quia crescit & multiplicatur in Electis. *Absconditum tribus satis farinæ*; quia immiscetur tribus illis animæ facultatibus, quæ sunt in homine; rationali, sensitivæ, & vegetativæ.

Spiritus Christi qui ab æterno Electione æterna in Electis est, sine delectu Gentium: virtus & potentia in illis est recreationis, resurrectionis, & vitæ æternæ. Virtus illa exeritur, nec non potentia illa in actum reducitur, Electione mystica, & mysticis seculorum dispensationibus; quibus Iudæi primum electi sunt, posthabitis & neglectis Gentibus; quibus vicissim, ejectis & neglectis Iudæis, Gentes in Iudæorum locum succedunt; quibus deinceps Iudæi & Gentiles concorporales, in Electionem unam coalescent; quibus denique recreatio utrorumque perficietur: ut tandem in consummatione seculorum, utrosque resurrectione & vitæ æternæ donet Deus, sine delectu Iudæorum & Gentium. Qui erit reditus ab Electione mystica, ad Electionem æternam. Introitus, & Mysteriorum omnium consummatio.

Meta

Me
circ
ctione
tiit, &
sunt e
plena
putat
Genti
te, o
Genti
mum
de Gen

T

De ele
ab
gen
men
ficia
cete
conf
Iud
mat

G

Principi

Meta ergo Systematis hujus, quæ terenda & circumvertenda mihi erit, constituetur in Electione mystica illa, quæ Iudæis primo competit, & in cujus deinceps partem Gentes vocatæ sunt expunctis Iudæis; ut in unam denique & plenam, Iudæi & Gentiles, salutem coeant. Disputatio inquam tota hæc erit, de Iudæis, & de Gentilibus. De Iudæis, qui, nemine discrepante, originem suam duxerunt ab Adamo: Et de Gentilibus, quos, ex mea hypothefi, ante Adamum conditos statui. De Iudæis Adamitis: Et de Gentilibus Præ-Adamitis.

SYSTEMATIS THEOLOGICI

LIBER SECVNDVS.

CAPVT I.

De electione Iudæorum. Electio Iudæorum incepit ab Adamo primo Iudæorum patre. Iudæi primo-geniti, quia primo electi. Electi autem non suo merito, sed mero Dei eligentis & volentis beneficio. Formati ex eadem terra communi, qua ceteri homines creati sunt. Deus matrimonio conjunctus Ecclesiæ Israelitidi. Iudæorum pater. Iudæi Dii habiti, qua filii Dei. Deus Iudæorum mater. Amicus Iudæorum. Iudæi amici Dei.



Entiles non oriundus esse ex stirpe & profapia Iudæorum; imo genere diversos, dignoscere erit, ex illis quæ de Electione Iudæorum & Gentium dicemus. De utraque vero seorsim. Principium erit ab Electione Iudæorum.

C

Ele-

Electio Iudæorum super omnia rerum creata, extollitur Deuter. cap. 10. ubi Moyses Iudaico populo hæc commemorat. *En Domini tui cælum est, & cælum cæli; terra & omnia quæ in ea sunt. Et tamen patribus tuis conglutinator est Dominus. Elegitque semen eorum post eos.* Convenit de hac re Deuteronomio cum epistola ad Hebræos; ubi hæc legas scripta, capite 2. *Christum nusquam apprehendisse Angelos: sed semen Abrahamæ apprehendisse.* Electionis enimvero mysticæ fundamenta locavi in Christo, quatenus ex semine Abrahamæ & Iudæus factus est. Typus autem Christi ponitur Adamus, seminis Abrahamæ & Iudaici princeps. Typus, inquam, prototypum suum antecedens, ordine & tempore. Qua ratione mysterium Adami peccantis, præjudicium fuit de mysterio illo, quo Christus pro peccato Adami mortuus est; & quo electio mystica peragitur. Repetenda ergo erit Electionis origo mysticæ, secundum ordinem, & dispensationem temporum, ab Adamo primo Iudæorum parente. Et quo argumento salus à Iudæis est; salutis illius origo ab Adamo Iudæorum patre erit. Ab Adamo inquam eodem ipso, à quo & perditio fuit. Quam nimirum salutem omnibus hominibus propositam in Adamo, nunquam accepissent homines, nisi Adamus illam perdidisset. Recreatio certe, quæ secunda creatio, salus hominum, & eorundem Electio est, originem sumpsit à lege data Adamo; & à morte illa quæ ex transgressionem legis illius creata est. Morte inquam Christi, quæ primæ creationis extinctio est; quæque ab Adamo ipso invaluit. Sed de his alias perculatius.

At quo mysterio, Electionis origo fluxit ab Adamo

Adam
est ad
nepot
ptere
prius
lauda
prius
quip
hæli
est E
Deus
hoc m
tionem
ban
Deus
eorum
mi
im
que
re,
rum
& p
Et q
Iuda
dæo
illos
rivati
Abra
patri
quia
nedix
El
sta d
sem
rum
culia

Adamo in omnes homines, propagata eadem est ab eodem, tanquam à stirpe sua, in filios & nepotes suos, Iudæorum ramos omnes. Propterea enim Iudæorum semen elegit Deus, quia prius eorum patribus conglutinator est; supra laudato Deut. cap. 10. Sive quod idem est, quia prius Iudæorum patres elegit Deus. Glutinum quippe illud quo Deus Iudæorum patribus adhæsit, eorundem Electio fuit. Scriptum quidem est Exodi 3. *Deus Abraham, Deus Isaac, & Deus Iacob. Hoc nomen mihi est in æternum, & hoc memoriale meum in generatione & generationem.* Adverte tamen ad illa quæ dicebat Laban Iacobo, Genesios 31. *Deus Abraham, & Deus Nachor iudicet inter nos, & Deus patris eorum.* Vbi nota, Deum, non tantum Abrahami Deum fuisse; sed & Nachor fratris Abraham; imo & Thare patris Abraham & Nachor: Deumque itidem reputandum patrum omnium Thare, usque ad Adamum. Electio igitur Iudæorum, ab Adamo, tanquam à primo patre suo, & primo Iudæorum principe, revocanda erit. Et quamvis proprie Iudæi dicantur prognati ex Iuda, natu quarto ex duodecim filiis Iacob: Iudæos tamen, late sumpto nomine, dicemus & illos, quicumque ab Adamo usque ad Iudam derivati sunt. Elegit ergo Deus Iudæos, semen Abrahami & Adami: quia Abrahamo & Adamo, patribus eorum, conglutinator est. Nimirum, quia Iudæos formavit in Adamo, & Iudæis benedixit in Abrahamo.

Electiois hujus mysticæ, & Iudaicæ, pacta deprehenduntur, ab Adamo usque ad Mo- sem ante & post diluvium, patribus Iudæorum multoties & multifariam repetita. Sed peculiari magis fœdere Iudæis ipsis sancita in

Mose. Tale illud est Deuteronomii 7. Vbi Moses populum Iudaicum alloquens; *Te*, inquit, *elegit Dominus Deus tuus, ut sis ei Populus peculiaris, de cunctis populis qui sunt super terram.* Populum vero illum, Primogenitum suum vocavit Deus ipse, Exodi 4. *Primogenitus meus Israel.* Nec non, *Primitias frugum Domini.* Jeremias capite 2. Vtrumque ratione illa, qua primogenita omnia, & primitiæ omnes, Electionis jure ad Deum pertinent. Tum quia Judæi, primi omnium hominum, Electionis gratia & mysterio donati sunt. Quo sensu Isaias accipiendus est capite 49. *Dominus ab utero vocavit me.* Nec non Propheta rex Psalmo 22. *Tu es qui extraxisti me de ventre. Spes mea ab uberibus matris mee. In te projectus sum ab utero. De ventre matris mee Deus meus es tu.* Vocavit scilicet Deus & elegit Israellem suum ab utero Electionis mysticæ. Id est, Judæos habuit Electione prima, tanquam naturales Electionis suæ mysticæ filios: neque illos loco Gentilium tenendos censuit qui non ab utero vocati, neque Electi, neque tanquam naturales filii habiti: sed qui Electione secunda, in Electionem mysticam adoptati, adoptionis tantum filii reputati sunt. Hinc nimirum est quod Apostolus Romanorum 2. *Salutem, honorem, & gloriam* (quæ Electio est) *Judæo primum tribuit, deinde Græco:* id est Gentili: Græcus enim eo loci Gentilis politior est.

Donatos fuisse Judæos Electione illa prima, non suo merito, sed pura Dei gratia & misericordia, patet hinc; quod Electio hæc mystica, ab Electione illa æterna nata est, qua Judæi ab æterno electi sunt: hoc est, cum nondum nati essent, cum neque aliquid boni aut mali egissent. *Non ex operibus eorum*, ut loquitur D. Paulus,

lus, sed mero dei vocantis & eligentis beneficio. Electionem illam æternam intellexit Isaïas cap. 63. *Tu, inquit, Domine, pater noster es, & Abraham nescivit nos, & Israel ignoravit nos.* Abraham vero & Israel sumuntur indistincte hoc loco, pro patribus Judæorum. Significavit autem Propheta, Deum patrem fuisse Judæorum nondum natis patribus Judæorum ipsis, quo tempore nesciebat Judæos Abrahamus, & Israel ignorabat illos. *Elegit te Dominus, quia dilexit te.* Deut. 7. *Non propter iustitiam Iudæorum elegit illos.* De quo vide cap. 9. Deut. ejusdem. *Salvum me fecit, quia voluit me.* Psal. 18. *Ipse fecit nos, & non ipsi nos,* canebat David Judæorum rex, Psalmo 100.

Si ad materiam spectes, qua Judæi facti sunt, nihil erit quare illos propterea Electionis primatu dignos censeas. Constat enim, carne eadem, & sanguine eodem dilutos, quo Gentiles coaluerunt: nec non eodem luto subactos, quo ceteri homines compacti sunt. *Sicut lutum in manu Figuli, sic vos domus Israel in manu mea:* dicebat deus, Ieremiæ 18. Alludebat vero Propheta ad lutum ipsum quo Adamus primus pater Judæorum formatus erat. Lutum, inquam, *commune & immundum.* quod notandum est. Docemur hoc capite 3. Genes. Quo deus dicitur *ejecisse Adamum de Paradiso voluptatis*, quæ Terra erat electissima: *Vt operaretur Terram de qua formatus erat.* Terram scilicet non electam, terram communem & immundam, de qua Adamus formatus est, & de qua ceteri homines creati sunt. Commune enim, non electum, & immundum, idem sunt Actorum 10: nec non locis aliis quam pluribus utriusque Testamenti. Ratione porro illa qua Adamus luto communi & immun-

do formatus est, dicitur Deus invenisse Israel-
lem, *in loco horroris, & vastæ solitudinis*; Deu-
teronomii 32.

Iudæos item natos esse naturaliter immun-
dos, sicut ceteri homines naturaliter immundi
nati sunt & nascuntur: testis est Ezechiel capi-
te 16, ubi deus sponfam suam Israelitidem, id
est Iudæos, & Israellem ipsum, his verbis ag-
greditur. *Radix tua & generatio tua de terra
Chanaan. Pater tuus Amorrhæus, & mater tua
Cethæa. Et quando nata es, in die ortus tui non
est præcisus umbilicus, & aqua non es lota in sa-
lutem, nec sale salita, nec involuta pannis. Non
pepercit super te oculus ut faceret tibi unum de his
misertus tui. Sed projecta es super faciem terræ, in
abjectione animæ tuæ, in die qua nata es. Trans-
iens autem per te, vidi te conculcari in sanguine
tuo. Et paulo post. Expandi amictum meum super
te, & operui ignominiam tuam. Et iuravi tibi,
& ingressus sum pactum tecum, ait Dominus, &
facta es mihi, & lavi te aqua, & enundaui san-
guinem tuum ex te, & unxi te oleo. Quo textu ce-
lebrissimo patet, Iudæos ex eadem radice pro-
ductos, atque ex eadem terra communi compo-
sitos, qua gentiles omnes producti & compositi
sunt. Amorrhæi namque & Cethæi, pro quibus-
vis gentilibus hoc loco usurpantur: nec non ter-
ra Chanaan, pro terra nondum electa, pro terra
communi & immunda sumitur. Intellexit in-
quam Deus, Iudæos, patre & matre terra non e-
lecta genitis, genitos & ipsos non electos: natos
immundos, & sanguine creationis primæ turpa-
tos: nudos & expositos. Benignitate autem dei
transientis qui illorum misertus est, lavatos, a-
mictos, & in foedus electionis mysticæ assum-
ptos.*

Nul-

Nullo potiore significato potuit exprimi dilectio Dei erga Iudæos: vel potius amor ille sanctus quo deus electione sua mystica Iudæis adhæsit: quam matrimonio illo mystico: quo Deus expandisse dicitur amicum suum super sponsam suam Israelitidem. Neque enim dari potuit amoris copula sanctior & arctior illa, qua duo Amantes matrimonii glutino, animarum quoque mixturam faciunt, ut duo unum fiant. Hinc suaves illæ colloctiones Amantium veluti compari-um, quibus amatorium suum libellum asperfit Salomon: ubi Deus sponsus, sponsam suam Iudaicam amatorie compellat: atque ubi vicissim sponsa Iudaica Deum sponsum suum veneratione & amore incensa obtestatur. Hinc & illa ornamenta & dona mystica, quibus Deus sponsam suam Iudaicam celebravit, ut illam è luto formationis suæ ad splendorem divinæ gloriæ elevarer. Ezechielis cap. 16. *Vestivi te, ait Dominus, discoloribus, & calceavi te ianthino, & cinxi te bysso, & indui te subtilibus, & ornavi te ornamento; Et dedi armillas in manibus tuis, & torquem circa collum tuum; Et dedi inaurem super os tuum, & circulos auribus tuis, & Coronam decoris in capite tuo. Et ornata es auro & argento: Et vestita es bysso, & polymito, & multicoloribus. Similam, & mel, & oleum comedisti, & decora facta es vehementer nimis; & profecisti in regnum.*

Pietatem rursus patriam erga Iudæos testificatus est Deus, quando illos sibi in filios elegit, & illorum pater factus est. Imo electionem suam ambitione donavit, quando illos sibi assumpsit in filios honorabiles. *Filius honorabilis mihi Ephraim.* Ierem. 31. Quos & nomine suo vocavit Deos. *Vocavi te, ô Israhel, nomine meo.* Isai. 43. Solenni scilicet more illo, quo filii nomine patrum suo-

rum appellantur. De quo & Psalmus exstat 82. *Ego dixi, Dii estis, & filii Excelsi omnes.* Quæ de Judæis Christus ipse interpretatus est, divi Joannis Euangelio, cap. 10. Lapidabant eo loci Christum Judæi quod se deum fecisset. Judæos increpans Christus hæc illis objiciebat. *Nonne scriptum est in lege vestra, Ego dixi, Dii estis? Si illos dixit Deos, ad quos sermo Dei factus est, & non potest solvi scriptura: Quem pater sanctificavit, & misit in mundum, vos dicitis quia blasphematur, quia dixi, Filius Dei sum? Quæ sic facilius & rotundius tornare liceat. Si vos, ô Judæi, deos dixit scriptura, ad quos verbum dei pervenit: Quidni dicar ego filius dei, qui ipse verbum dei sum? Adnecte his quæ scripta sunt in capite Psalmi ejusdem. Deus stetit in Synagoga Deorum. In medio autem Deos judicat. Quæ de Judæis intelligenda sunt. Synagoga enim illa in cujus medio stetisse dicitur hic deus, Templum Dei fuit: locus ille solii Dei, & locus vestigiorum pedum ejus, ubi habitavit in medio filiorum Israel. Ezechielis 43. In quo templo synagoga & ecclesia Judæorum celebrabatur. Dii igitur Judæi erant; & synagoga deorum, synagoga Judæorum erat. Deus item Judæos judicabat, qui deos judicavisse in synagoga illa dicitur hoc loco. Minitabatur porro Deus psalmo hoc, diis illis & Judæis, morituros illos sicut homines: id est, sicut gentiles. *Vos autem sicut homines moriemini.* Homines eo loci gentiles sunt, ut infra docebitur. Rationem autem reddidit hanc David idem in principio hujus Psalmi, quare Judæis mori incumberet, sicut gentilibus. Quia, inquit, Judæi iniquitatem judicarent, & facies peccatorum sumerent. Hoc est, quia Judæi legis Dei oblii, iniquitates gentilium imitentur: quia*

quia se
dæis s
rent. P
monstr
hoc, ra
tantur
gerere
cellon
Fili
Judæi
portar
erudi
Quos
oculi s
stavis
ficut
carita
dulce
porta
va s
mor,
Ila. c
Q
gi De
dæis,
amic
suas,
puer
& ven
tiæ n
est am
quo D
discip
Iraç
Di
dæi

quia se in facies gentilium verterent, & se à Iudæis sanctis in gentiles peccatores transformerent. Peccatores enim gentiles sunt, ut infra demonstrabitur. Dii vero dicti sunt Iudæi, Psalmo hoc, ratione illa qua filii Dei sunt: & qua filii non tantum nomina, sed personas patrum suorum gerere dicuntur. *Ego dixi, Dii estis, & filii Excelsi omnes.*

Filii autem Deo dilecti & carissimi fuerunt Iudæi. Quos dicitur Deus *portavisse sicut homo portare solet puerum suum.* Deuter. 1. Nec non *erudivisse sicut homo filium suum erudit.* Deuter. 8. Quos *circumduxisse, & custodivisse quasi pupillam oculi sui.* Deut. 32. Quod latine fuit, *tulisse & gestavisse in oculis.* Neque illos solum dilexit Deus, sicut pater diligit filios suos: sed & viscera ipsa caritatis suæ Iudæis aperuit, more matrum quæ dulces natos suos ad pectus premunt. Quos & *portavisse dicitur in utero suo, & gestavisse in vulva sua.* At si natorum suorum mater esset immemor, Iudæorum tamen non oblivisceretur Deus. Isai. capite 49.

Quid præterea dicam de amicitia illa qua iungi Deus Iudæis voluit? *Conglutinatus est Deus Iudæis, & amavit illos.* Deuter. 10. *Semen Abraham amici mei.* Isaiæ 4. Israellem quinetiam, delicias suas, vocavit Dominus, *Puerum suum vernam, puerum delicatulum.* Jerem. 3. Quod ut simplicius & verius significem, adhæsit Deus Israeli amicitiae nexu illo, quo *anima Ionathæ congrutinata est animæ David,* Samuelis 1. cap. 18. nec non quo Dominus ipse Iesus Christus Ioanni dilecto discipulo suo bene voluit. Appellatus propterea Israel, *amantissimus Domini,* Deuter. 32.

Dicitur itidem Deus Iudæorum Pastor: & Iudæi dicuntur Oves pascuæ ejus. *Nos populus pascuæ*

pascua Domini, & oves manus ejus. Psalmo 95. Quod certe eximium fuit Electionis symbolum. Novit enim oves suas bonus pastor, & numerum earum recenset. Novit etiam Electos, & numerum eorum recenset deus. Duxit item Deus & consolatus est Iudæos virga & baculo suo; quos in loco pascuæ collocavit, & super quas refectio- nis educavit. Psalmo 23. Nullum denique, vel amoris, vel pietatis patriæ, vel caritatis mater- næ, vel amicitia, vel pastoriciæ sollicitudinis exemplum est, quod Deus non moverit in amo- re, in pietate, in caritate, in amicitia, & sollicitu- dine, qua Iudæos elegit, dilexit, pavit, curavit & persecutus est.

CAPVT II.

Deus Iudæorum rex. Iudæi populus Dei. Deus Iudæorum dominus. Iudæi servi Dei. Iudæi dicti sancti. Dicti Iusti. Iudæi electi in populum sem- piternum. Separati de uniuersis populis terræ, in sortem & hereditatem Domini.

Affectus ille quo Rex bonus in populo suo commouetur, ceteros hominum om- nium affectus complectitur. Rex et- enim bonus, pater, & pastor, & amicus po- puli sui est. Imo caput populi sui, ratione ea- dem qua Vir caput mulieris est. Atque illo re- spectu Ierusalem, per quam populus Iudaicus significatur, quæque Civitas magni Regis dicta est; Regina & Princeps, & sponsa incedit Re- gis illius, apud auctores sacros. Rex itaque po- puli Iudaici Deus est; & populus Iudaicus, po- pulus Dei est sui Regis. Neque vero Rex tan- tum, sed Deus est Iudæorum Deus: quatenus Iudæi Electi, uncti sunt & ipsi in Reges: & qua-
tenus

tenus Deus est supra Reges, sicut Reges sunt supra suos greges.

Dominus autem factus est Iudæorum Deus, non solum Electione, & animo; sed fœdere & pacto, multoties sancito & repetito: de quibus alias, & fufius dicemus. Tale illud est Deuteronomii 26. *Dominum elegisti hodie, ut fit tibi Deus; Et dominus elegit te hodie ut sis ei populus peculiaris.* Tum capite 27. *Factus es hodie populus domini Dei tui.* Deus ergo, qua supra Reges est, & qua Deus non solum bonus, sed optimus, commotus est in populo Iudaico, affectibus omnibus, amoris, pietatis, & sollicitudinis supra affectus omnes quibus boni Reges commoventur in populis suis.

Dilectio illa, qua Dominus Iudæos sibi elegit in populum, cum imperio, & dominio fuit, quatenus Rex eorum & Deus idem factus est. Quatenus inquam Regum imperium & dominium est in suos populos: Reges vero in ipsos imperium, & dominium, Dei est. Quo nomine & jure audit Deus *Rex regum, & dominus dominantium.* Imperium sed enim & dominium Dei in Iudæos, majestatis & potestatis fuit, ad illorum securitatem & salutem; non tyrannidis, ad illorum contritionem & interitum. *Noli timere,* dicebat Deus Abrahamo, Geneseos 15. *Ego sum protector tuus, & merces tua magna nimis.* Adde & Deuteronomii illud capite 33. *Beatus es tu Israel. Quis similis tui, popule, qui salvaris in Domino, qui scutum auxilii tui, & gladius gloriæ tuæ?*

Summum ergo imperium & dominium Dei est in Iudæos populum suum. Quare & nomine uno, *Dominus Deus Iudæorum*, nuncupatur: & vicissim Iudæi, *populus Dei, populus peculiaris*, & *peculium ipsum Domini* appellantur.

Populus, respectu Dei, jure imperii & Regiæ potestatis. Peculium, respectu domini, & jure domini. Qua itidem significatione Judæi, fors & hæreditas Domini indigitantur. *Hæreditas mea Israel.* Isai 19. Ad cujus partem servi veniunt: & qua ratione Judæi servi Dei sunt. *Semen Israel servi mei.* Paralipomenon 1. cap. 16. Et, *Dixi tibi Israel, Servus meus es tu.* Isai 41. Tum psalmo 123. *Ecce sicut oculi servorum in manibus dominorum suorum; sicut oculi ancillæ in manibus dominae suæ: ita oculi nostri ad Dominum Deum nostrum.* Vbi nota, Deum esse dominum & dominam Judæorum, sicut illorum suprapater & mater fuit. Adeo vero tritum est, Judæos dici populum Dei, peculium, sortem, & hæreditatem domini: tum possessionem, servos, vineam: nec non vasa & suppellectilem Domini, & quæcunque in hæreditatem & dominium cadunt: Hæc omnia, inquam, libris omnibus sacris ita crebro occurrunt, ut operam ludere esset si in illis recensendis diutius immorarer.

Judæis obnoxius fuit Deus, & ut loquitur Deuteronomium cap. 7. *unctus est illis Dominus;* elegit & dilexit illos: ut vicissim eligerent Deum Judæi, ut Deo obnoxii essent, ut Deo jungerentur, & Deum penitus diligereat. *Diliges dominum Deum tuum, ex toto corde tuo, & ex tota anima tua, & ex tota fortitudine tua.* Deuteron. 6. Imo quæ relatio, quæ compassio, quod vinculum necessitudinis fuit arctissimum, inter Deum & Judæos: Exaltavit Deus Judæos in nomen, in laudem, & gloriâ; ut à nominatis, à laudatis, & gloriandis celebraretur. Rectos decet collaudatio. Psalmo 33. *Sicut adheret lumbare ad lumbos viri, sic agglutinari mihi omnem domum Israel,*

rael, ut esset mihi in populum, & in nomen, & in laudem, & in gloriam. Jerem. 13.

Sed in primis elegit Deus & vocavit Judæos ad sanctitatem, ut à sanctis sanctificaretur. *Estote sancti ut ego sum sanctus.* Deuteron. 12. *Eritis mihi sancti, quia sanctus sum ego Dominus.* Levitici 20. item Exodi 19. *Vos eritis mihi in regnum sacerdotale, & gens sancta.* Quin & Judæos passim legas unctos & electos, in Reges, in Sacerdotes, & Prophetas: quæ sunt exquisitissima, & electissima sanctitatis nomina.

Ratione illa qua Judæi ad sanctitatem electi sunt, dicuntur vulgò *gens sancta*, & *populus sanctus*, in bibliis sacris. Imo & simpliciter *sancti*. Quo sensu D. Paulus intelligendus est Ephesiorum 3, ubi de se ipso loquens hæc ait, *Mihi autem Sanctorum minimo.* Id est, mihi Judæorum minimo. Neque enim is erat Paulus, humilitatis Christianæ typus eximius, qui ratione habita ad sanctitatem suam, sanctum se propterea gloriaretur. Intellectu eodem legendum illud est Actorum 16. *Ut gentes sortem accipiant inter Sanctos.* Id est, ut gentes participes fiant benedictionis & electionis Iudæorum. Sancti enim eo loci Iudæi sunt. Explicavit sortem illam, & Sanctos illos D. Petrus, epistola sua 2. cap. 1. in principio. *Petrus*, inquit, *Apostolus his qui coequallem nobiscum sortiti sunt fidem in Christo.* Petrus autem scribebat ad gentiles universos qui æqualem cum Iudæis sortiti erant fidem, benedictionem, & electionem in Christo. Quapropter & Epistolæ D. Petri catholicæ dictæ sunt. Adjunge his quæ D. Paulus ad gentiles Colossenses scripsit, cap. 1. *Gratias agentes Deo, qui dignos nos facit in partem sortis Sanctorum, in lumine.* Annumeravit se in gentilibus gentilem Apo-

stolus, quando scripsit, *qui dignos nos fecit. In lumine*, D. Paulo, idem fuit quod *in Christo* D. Petro. Elucidantur porro hæc per D. Ioannem Iudæum & ipsum, Epistola sua 1. catholica, sive ad gentiles universos scripta, capite 1. *ut & vos societatem habeatis nobiscum beatitudinis. Nobiscum*, id est, cum Iudæis. Sancti ergo, Iudæi sunt. Et gens non sancta, gentiles sunt. Psalmo 33. *Iudica me Deus, & iudica causam meam, de gente non sancta*. Id est, non Iudaica, & gentili.

Propter sanctitatem illam qua Iudæi Sancti dicti sunt, erudit populum suum Deus; nec non propter illam, *Annuntiavit verbum suum Iacob, Iustitias & iudicia sua Israel*. Psalmo 147. Atque illo respectu quo Iudæi ad Iustitiam Dei vocati sunt, dicti fuere *Generatio iusta*, psalmo 145. *Dominus in generatione iusta est*. Id est, Dominus in gente, & generatione Iudaica est. Dicti etiam Iudæi, *iusti* simpliciter. Qua significatio accipe verba illa uxoris Pontii Pilati, monentis eum ut inhiheret manus suas à Christo. *Nihil tibi & iusto illi*. Id est, Iudæo illi. Eo refer & illa Lucæ 20. *Et observantes (Iudæi) miserunt insidiatores qui se Iustos simularent, ut caperent eum in sermone, &c. Qui se Iustos simularent*. Id est, qui se Iudæos simularent. Vtpote quibus Iudæis (secundum mentem sacerdotum & scribarum) Christus Iudæus facilius aperiret suam sententiam, de non solvendo tributo Cæsari. Quin & historiæ Iudæorum, *libri Iustorum* dictæ sunt, Iosue 10. ubi de miraculo Solis & Lunæ, qui steterant in celo. *Nonne scriptum est in libro Iustorum?* id est, in libro qui de Iudæorum factis inscriptus erat.

Illud itidem fuit quod Iudæos Deus intimos habuit: quod legem illis suam, & oracula sua credi-

credidit: quod ad arcana Dei admissi: *quod populus sapiens & intelligens* dicti sunt, Deuteronomii 4. *neque esset gens alia sic inclita, ut haberet ceremonias, iustaque iudicia, & universam legem*, cap. eod. *Quid est omnis caro, ut audiat vocem Dei viventis, qui de medio ignis loquitur, sicut nos audivimus, & possit vivere?* exclamabat Moses Deuteronomii 5. Vbi nota prærogativam Iudæorum electorum, & secundæ creationis hominum; quæ non concessa est carni, id est, primæ creationi: quia enim tabescit caro, & prima creatio, ad auditum & conspectum Dei. Audi Mosem eundem cap. eod. *Ecce ostendit nobis Dominus Deus noster maiestatem & magnitudinem suam. Vocem ejus audivimus de medio ignis. Et probavimus hodie, quod, loquente Deo cum homine, vivet homo.* Expleri nequibat Propheta sanctus, meditando rudimenta & primitias re-creationis Iudaicæ; quæ illorum futura esset plena Electio: cujus virtute verba Dei ignita hauriebant oculis & auribus: quaque splendebant neque ardebant cœlesti fulgure. *Interroga de diebus antiquis qui fuerunt ante te; ex die quo creavit Deus hominem super terram, à summo cœlo usque ad imum ejus: si facta est aliquando hujusmodi res, aut unquam cognitum est, ut audiret populus vocem Dei loquentis de medio ignis, sicut tu audivisti & vixisti.* Deuteronomii 4.

Hinc illud est, quod eximii & primi apud Deum habiti, quod dicti sunt Iudæi *Populus Deo appropinquans*, psalmo 14: quod gens magna insigniti: *neque esset alia natio tam grandis, quæ haberet Deos sibi appropinquantes*, cap. eod. 4 Deuteronomii. Hac propter legas, portavisse illos Deum super alas Aquilarum, Exordi 9: nec non crebro, liberavisse, & assumpsisse illos, in manu
foris

forti & brachio extento. Quæ est gens ut populus tuus Israel, propter quem fecisti magnalia, & horribilia super terram, ut redimeres eum? Samuelis 2. cap. 7. Illud denique fuit, quod constituerat Deus Iudæos in caput, & non in caudam populorum. Deuter. 28.

Neque vero ad tempus, ut sunt imperiorum & populorum fata, apud omnes gentes: sed in æternum elegit Deus Iudæos in populum. Firmavisti tibi populum tuum Israel, populum sempiternum: prophetabat David Samuelis 2, cap. 7. Tum quæ plurima ejusdem argumenti leguntur apud Prophetas: quæque alias & suo loco tractanda mihi erunt.

Quod denique spectatissimum fuit Electionis specimen: noluit Deus Iudæos confusione & mixtura gentium contaminari: Sed illos separavit in hæreditatem de universis populis terræ: Regum 1 capite 8. Separavi vos a cæteris populis, ut essetis mei. Levitici 20. Hinc nimirum est quod Deus Iudæos, tanquam possessionem, agrum, & vineam suam, sepivisse, circumvallavisse & pariete maceræ cinxisse prædicatur. Hinc est quod Ecclesia & sponsa Judaica, Hortus conclusus, & Fons signatus dicta est in Cantico: ne scilicet in trivio posita, calcaretur & turbaretur à prætereuntibus: neve Austri floribus, neve Aprili liquidissimis aquis immitterentur. Nam quia gentes consortes non erant Electionis illius mysticæ, qua Iudæos Deus elegerat: noluit item Deus Iudæos societatem inire cum gentibus, corpore nec animo, matrimonio nec religione; jure civitatis, nec cultu divinitatis. Non inibis cum gentibus fœdus, nec sociabis cum eis conjugia. Deuter. 7. Filiam tuam non dabis filio ejus, nec filiam ejus accipies filio tuo. ibidem. Nempe il-

lud;

Iud: ne gentibus immiscerentur Iudæi, idolorum cultum docentibus.

CAPVT III.

Iudæis electis Terra data est electa. Terra sancta, quia terra Sanctorum. Et terra promissionis, quia promissa juramento patribus Iudæorum. Descriptio Terræ sanctæ. Electa terra illa, non sua natura, sed Dei benedictis & eligentis placito. Iudæorum terra. Et quam Iudæi soli habitarent.

I Vdæis electis terram dedit Deus *electam*, quæ & *sancta* dicta est, quia sanctorum terra fuit. Terram dari *electam* & *benedictam*; terram itidem dari *reprobam* & *maledictam*; testis est Epistola ad Hebræos, capite 6. Terra, inquit, *sæpe venientem super se bibens imbrem, & germinans herbam opportunam illis à quibus colitur, accipit benedictionem à Deo. Proferens autem spinas, & tribulos, reprobata est, & maledictioni proxima; cuius consummatio in combustionem.* Quod Euangelium D. Matthæi expressit his verbis, capite 13. *Deus non amat terram illam quæ est in via, (id est, communem, conculcatam, & immundam) neque petrosam, neque spinis obsitam, sed amat bonam terram, in qua seminet filius hominis bonum semen.* Neque vero sum nescius, allegorice dicta hæc fuisse de cordibus Electorum. Sed neque illud nesciendum est, Deum expressisse hoc loci ad literam, terram sanctam, in qua Iudæi sanctificati (qui hic intelliguntur per bonum semen) feminabuntur per Jesum Christum. Quam seminationem pluribus suo loco explicare dabitur.

Terram Chanaan quam Iudæi habitaverunt,
ter-

terram fuisse electam illam, benedictam, & dilectam Domino, demonstratur capite 8. Deuteronomii; ubi Moyses vocavit illam Terram rivorum, aquarum, & fontium: in cuius campis erumperent fluviorum abyssi. Terram frumenti, ordei, & vinearum: in qua fierent malograna, & oliveta nascerentur. Terram olei, ac mellis: ubi absque penuria comederent panem suum Iudæi, & rerum abundantia perfruerentur. Terram quam Ezechiel capite 20 vocavit Egregiam inter omnes terras, & præcipuam terrarum omnium. Quamque idcirco terram Excelsam prædicavit Deuteronomium capite 32. Constituit Israellem Deus super terram excelsam, ut comederet fructus agrorum; ut sugeret mel de petra, oleumque de saxo durissimo; butyrum de armento, & lac de ovibus, cum adipe agnorum & arietum filiorum Basan; cum medulla tritici, & sanguinem uvæ biberet meracissimum. Vocata est Chanaan, Terra excelsa, non propter situm suum: Convallis enim est, juxta illud Numerorum 14. Amalecites & Chananeus habitant in vallibus. Quod superiori & 13. capite dixerat: juxta mare & circa fluentia Jordanis. Quare & foveam appellavit terram illam Esdras libro 4. capite 5. Ex omni, inquit, Terra orbis elegisti foveam unam. Id est, Chanaan, quæ vallis est. Excelsa ergo vocata fuit propter fertilitatem suam, & excellentiam bonitatis, qua supra alias terras elata erat.

Dicta etiam fuit terra Chanaan, Terra promissionis: quia peculiari pacto Deus illam patribus Iudæorum promiserat. Scriptum est Genes. 12, Deum apparuisse Abrahamo cum venisset in terram Chanaan, ad quam illum manu apprehensum duxerat, & dixisse illi, *Semini tuo dabo terram*


terram hanc. Tum capite 15. In illo die pepigit fœdus cum Abrahamo Dominus, dicens, Semini tuo dabo terram hanc. Repetitum fuit promissum hoc Isaac, filio Abrahami, capite 26 Geneseos, his verbis. Quiesce, aiebat Dominus Isaac, in terra quam dixero tibi. (Terra illa erat Chanaan.) Tibi enim & semini tuo dabo universas regiones has, complens iuramentum quod spondi patri tuo. Tertio & illud sancitum est in Iacob, Isaaci filio, cum in eadem terra dormiens, & videns scalam in somnis, Terram in qua dormis, dixit illi Deus, tibi dabo & semini tuo. Hinc psalmus ille 104. Recordamini in sempiternum pacti ejus sermonis quem præcepit Deus in mille generationes, quem pepigit cum Abrahamo, & iuramenti ejus cum Isaac, & constituit illud Iacob in perpetuum, & Israël in pactum sempiternum, dicens, Tibi dabo terram Chanaan, funiculum hereditatis vestræ. Iuramentum illud manifestius exhibuit Deus ipse Exodi 4. Pepigi fœdus cum Iudæis, ut darem illis terram super quam levavi manum meam, ut darem illam Abraham, Isaac, & Iacob. Dicta vero est Chanaan psalmo 104 Funiculus hereditatis Iudæorum, significatu eodem, quo populus Iudaicus Deo benedicebat psalmo 16, Quia fines cecidissent illi in præclaris.

Terram illam promissionis, iuramenti, vel sacramenti; quæ vulgo & improprie dicta est Chanaan, quia Chanaan regio tantum vel provincia illius fuit: Terram inquam illam descriperat Deus Abrahamo capite 15 Geneseos, his verbis. Dabo tibi terram hanc, à fluvio Egypti usque ad fluvium magnum Euphratem. Et de illa dicebat Deus Iacobo in visione scalæ, dilataberis in ea ad Orientem & Occidentem, ad Septemtrionem & Meridiem: Plagæ autem illæ defi-

designatæ sunt in longitudinem & latitudinem, Exodi 23, his limitibus. *Ponam terminos tuos à mari rubro, usque ad mare Palæstinorum: & à deserto usque ad fluvium.* Quo refer & illud Psalmi 89. *Ponam in mari manum ejus: & in fluminibus dexteram ejus.* In mari. Intellige utroque, mari rubro, & mari Palæstinorum, juxta Exodum dudum laudatam; *Ponam terminos tuos à mari rubro usque ad mare Palæstinorum.* Intellige etiam per mare hoc rubrum, non finum Arabicum, qui & vulgo mare rubrum dicitur: sed totum illum Oceani tractum qui circumlegitur à sinu Arabico ad finum Persicum. Quod mare est, sive rubrum, sive Erythræum, & proprie magis Idumæum, ab Esau sive Edom: cujus posterii Idumæi, maris illius oras incoluerunt. Edom Ebraice, qui & Græce Erythræus, Latine ruber est: à quo mare hoc rubrum nomen accepit, non à colore, sed à Principe tralatitium. Additur Psalmo 89. *In fluminibus ponam dexteram ejus.* Flumina illa intellige, Nilum & Euphratem, secundum Genesim supra laudatam, cap. 15. *Dabo tibi terram hanc, à fluvio Ægypti, usque ad fluvium magnum Euphratem.* Nilus per excellentiam fluvius Ægypti est. Quamvis enim in conterminis terræ sanctæ & Ægypti, detur torrens qui *fluvius Ægypti*, & *rivus Nili* nomine dicitur: Intellige tamen hic Nilum ipsum, ut fiant limites terræ sanctæ magni & augusti; à fluvio maximo ad fluvium magnum, à Nilo ad Euphratem. Nilum vero accipe hic, non qua Africam secatur, sed oram maris Alexandrini in quod Nilus influxit. Ora vero hæc maris Alexandrini dicitur Nilus; quia mare hoc ipsum mutari dicitur in Nilum, & accipere colorem & saporem ipsius Nili, qua fluvius

hic

TERRÆ SANCTÆ DELINEATIO.



hic pe
Hinc
Et
Defen
ni, p
lat
vius
exon
dus
fueru
Nilu
rem,
ergo
brum
Med
ph
tus
fior
duo
terra
anim
I
Jud
non
run
tura
Doc
ron
Eg
auc
calo
in
que
luc
que
tes

hic per septem sua ostia in mare illud irruit.
Hinc Lucanus sub finem libri 1.

Qua mare Lagæi mutatur gurgite Nili.

Desertum vero ducitur ab ora maris Alexandrini, per oram perpetuam sinus Arabici, qui & late sumpto apud Hebræos fluvii nomine, *fluvius Ægypti* dici potuit, qua se in mare rubrum exonerat. Atque illud fuit quod voluit Exodus 23. *Ponam terminos tuos à deserto usque ad fluvium.* Id est, ab ora maris Alexandrini (qui Nilus est) & ora sinus Arabici, usque ad Euphratem, qui hic simpliciter dicitur fluvius. Fines ergo hi sunt positi à Deo terræ sanctæ. Mare rubrum, qui Oceanus est; & mare Palæstinorum Mediterraneum, è regione una: Nilus & Euphrates ab altera. Ceterum, hic vere fuit hortus Judæorum conclusus: neque enim conclusior dari potuit illo, quem duo maria, & fluvii duo magni circumambiunt. Subjiciam tabulam terræ sanctæ chorographicam, ut res ipsa non animo tantum, sed oculis oboriatur.

In primis vero animadvertere est, quod sicut Judæi communi luto compositi, electi fuere non suo merito, sed Dei gratia: Ita & Judæorum terra, bona & electa facta est, non sua natura, sed Dei benedictis & eligentis placito. Docuit nos illud Moses ipse capite 11 Deuteronomii. *Terra, inquit, illa non est sicut terra Ægypti, ubi jacto semine, in hortorum morem aquæ ducuntur irriguæ: sed montosa est & campestris, de cælo expectans pluviam, quam Deus tuus semper invist, & oculi illius in ea sunt, à principio anni usque ad finem ejus.* Fertilis ergo terra illa fuit, non suo ingenio & sua natura; sicut terra Ægypti, quæ natura & situ fertilissima terrarum apud gentes habitata est: sed quia Deus ei benedixit, quia
tri-

tribuit illi pluviam in tempore suo, & *aperuit ei thesaurum suum bonum*, ut loquitur Deuteronomium cap. 29, vel cap. 33. *quia Cælum caligavit rore super illam*: atque ut verbo absolvam, quia plurimus in illam Deus descendit.

Terram electam illam *provid erat Deus Iudæis electis*, Ezechielis 20. *Vt illam habitaret Israel confidenter & solus*, Deuteronomii 33. *Solus*, id est, mixtura gentium incontaminatus. Quæ refer ad jus illud Electionis præcipuum, de quo superiori capite egimus: quo nempe separavit sibi Deus Iudæos, in populum & gentem peculiarem, de populis & terrarum omnium gentibus: quosque electos, tanquam in partem suam & funiculum hæreditatis suæ, in Terra itidem electa constituit Deus, ut illam soli, & separati ab aliis populis habitarent.

CAPVT IV.

Ierusalem civitas sancta terra sancta. Templum in Ierusalem positum. Et in monte Sion bicipiti. Colles æterni. Civitas David. Civitas magni Regis. De Regibus Iudæorum. Explicatur Samuel de jure Regis.

Ierusalem, quæ præcipua fuit civitatum terræ sanctæ, cum magnitudine, tum electione: caput suum inter illas extulit, & *Princeps provinciarum* dicta est, Ieremiæ Threnorum 1. Vtpote quam ad hoc Deus peculiariter elegerat ex omnibus provinciis & civitatibus Israel. Dicta erat *Iebus*, id est, *conculcatio*, cum inter civitates gentium numerabatur: Electa vero & Iudæorum civitas facta, *Ierusalem*, id est, *visio pacis*, à Deo appellata est. *Deus enim illam nominavit*. Baruc. 5. *Fundamenta ejus in montibus*

tibus sanctis, & de illa, gloriosa dicta sunt. psalmo 87. Urbs propterea fidelis vocata est, urbs sancta, & electa; nec non titulis eximiis insignita, quibus super illa impleri sacros Codices vulgare & notum est.

Templum vero in illa positum sanctitatis electissimæ elogio decoratum est. *Elegi & sanctificavi locum istum. Ut sit nomen meum ibi in sempiternum; & permaneant oculi mei, & cor meum ibi cunctis diebus.* Paralipomenon 2. capite 7. Templum illud fundatum erat in monte Sion. *Montem vero Sion fundavit Deus in æternum.* Psalmo 48. *Hinc Colles illi æterni,* Deuteronomii 33, nec non Genesios 49. Qui verisimili conjectura duo sunt in monte Sion bicipiti. Super quos Templum Dei extructum, & juxta Templum Dei, Civitas David, five Regis, ædificata esset. Quapropter & Ierusalem fundata dicitur in montibus sanctis, psal. 87, dudum laudato.

Vocatum est Templum Domini, *Requies Domini, & scabellum pedum suorum. Locus solii Dei, & locus vestigiorum pedum ejus, ubi habitet in medio filiorum Israel.* Ezechielis 43. Quocirca & mons Sion, *Civitas Dei* dictus est, quia Deus illum habitaret. *Magnus Dominus & laudabilis nimis in Civitate sua, in Monte sancto suo.* Hic Deus est, Deus noster, in seculum seculi. Psal. 48. Imo, *Magnificus solummodo Deus in Sion,* exclamavit Isaias in excessu mentis suæ, capite 3. *Solummodo.* Id est præcipue, per excellentiam, & super alios locos magnificus. Quo sensu & mons ille, *mons pinguis & coagulatus* dictus est, psalmo 63. Cætera quippe terræ Chanaan & Ierusalem, fluerent lacte Electionis & sanctitatis Domini; Mons vero Sion, cremor lacteus, lac ipsum

ipsum foret coactum & coagulatum; caseus pinguis, è lacte electionis & sanctitatis Domini expressus. Sed & *Civitas solennitatis Iudæorum*, dictus est mons ille Isai. 33. quia in illum confluebant Judæi omnes, ut vota sua ibi & solenniter Deo redderent; nec non ut solennes ibi lætities & epulas celebrarent. Juxta Dei ipsius edictum Deuteronomii 12. *In Sion lætabimini coram Deo vestro, vos & domus vestra, in quibus benedixerit vobis Dominus. Ibi epulabimini coram domino Deo vestro, vos, filii, filię, & Levitę. Ibi erit requies Domini, & requies vestra.*

Junguntur vero plerumque templum, & Jerusalem, ut Regum 2. cap. 21. *In templo hoc & Ierusalem ponam nomen meum in sempiternum.* Tum Joël 2. *In monte Sion & in Ierusalem erit salvatio. Qui invocaverit ibi Dominum, salvus erit.* Audienda vero deprecatio Salomonis, qua Deum obtestabatur super Jerusalem & templo. Reg. 1. cap. 8. *Quocumque aiebat, miseris populum tuum, orabunt te contra viam Civitatis quam elegisti, & contra domum quam edificavi nomini tuo, & exaudies in cælo orationem eorum.* Plura dicam de Terra electa & sancta, de Jerusalem, & de Templo Dei, ubi tractabo de reditu Judæorum; quæ plena illorum erit Electio.

Jugo montis Sion alteri infidebat Arx Regia, quæ *Civitas David* dicta erat: quamque Dominus ipse *Civitatem magni Regis* vocavit. De illo autem David, & de illo magno Rege grandis olim nobis sermo erit. Nonnulla interim sunt dicenda de Regibus Judæorum, qui super solio excelso civitatis David sederunt: quorum origo hæc fuit. Diximus supra, Dominum, Deum fuisse & Regem Judæorum. Deum, qui illos celestibus juvaret auxiliis. Regem, qui pro illis staret

in

in acie, scutum protenderet, gladium stringeret, & Judaici nominis hostes profigaret. Quia vero invalescente Judæorum pervicacia, non raro eveniebat ut averteretur ab illis Deus; & peregre proficiscens, ut loquitur Evangelium, absenti-vus diutius foret: tum vero Judæi sine Rege & defensore, hostium suorum patebant incur-sionibus, qui illos diriperent, & crudelem in mo-dum ad internecionem delerent. Metuentes il-li ne quid tale experirentur mortuo Samuele Judice suo, qui jam senuerat; & filiis ejus quos & *Judices Israël posuerat*, non ambulantibus in viis ejus: petierunt sibi Regem, *qui judicaret eos more cæterarum gentium; qui egrederetur ante illos, & bella sua pugnaret pro illis.* Quod ni-mirum male Samuelem habuit. Neque vero pe-titionem Judæorum neglexit Dominus. *Audi vo-cem eorum in omnibus quæ loquuntur tibi. Non enim te, sed me abjecerunt.* Samuelis I, cap. 8. Quæ sic resolve. Factus eram pacto, ait Do-minus, Judæorum Deus, idem & rex. Judicem vero te, ô Samuel, & filios tuos, potestate illa Regia quæ mihi in Judæos est, super eos constitueram. Quia ergo judicem te, & filios tuos renuerunt: non te judicem à me super eos constitutum, sed me qui te constitueram, abjecerunt. *Et sicut me dereliquerunt, sic faciunt etiam tibi.* At-que adeo quod in te peccant, prius & gravius in me peccaverunt. Hinc enim plane mentem suam aperuerunt, quam parum mihi credant, & quam non satis confidenter in me Rege suo spes suas sitas habeant. At quoniam ita fert increduli & obdurati sui cordis insipientia: *Audi vocem eorum, & constitue super eos Regem.* Illud certe interea receperat Deus in deserto, positurum super Judæos Regem, quando ter-

ram ingressi essent quam daret eis, illamque possiderent. Edixeratque ut constituerent sibi Regem, *quem Deus ipse elegeret de numero fratrum suorum*; Deuteronomii 17. Imo & Reges promiserat Deus Iudæis, quo tempore Abrahamo, & Iudæis in Abrahamo, benedicebat. *Egredietur ex te Reges*. Nec non Iacobo prophetante atque omnibus Iudæis in filiis suis benedicente, *Non recedet sceptrum à Iuda*. Dedit ergo Iudæis Regem deus. Super enim dominationes omnes Regiam amat. Nulla quippe est quæ tantum instar Dei habeat, quam potestas Regia. *Verumtamen*, edicebat deus Samueli: *Contestare eos, & prædico eis jus Regis*. Jus vero Regis illud; quod jus mere regium erat; quodque apud Reges Asiaticos maxime obtinebat, penes quos summum & merum imperium fuit: Jus inquam Regis illud Samuelici eo pertinebat. Vt Iudæis rex suus dominus esset: & vicissim Iudæi subditi & servi essent regi & domino suo. Cui obedi- rent etiam dyscolo. Cui subiecti essent, non solum propter iram, sed etiam propter conscientiam. Et contra quem si rebellarent, non contra Regem suum, sed contra Deum ipsum rebellarent. Neque illis permissa licentia rebellandi contra Regem dyscolum; sed clamandi ad Deum à facie Regis sui. Neve Regis sui tactio illis esset. Imo illi parcerent tanquam rei Deo sacræ. Regem esse supra homines, ut supra Regem Deus est. Regemque regnare super populum suum, ratione illa qua supra populum suum est. Atque adeo ultorem Deum solum Registyranni existere. Et regem Aquilam esse, cui legum humanarum retia non tenderentur. Vn- ctione demum divina Regem perfundi, ut supra homines, & medius inter Deum & homines con-

confisteret. Vnctionis porro hujus electissimæ tanta religio per animos Iudæorum pervaserat, ut Reges suos tanquam Deos haberent, & adorarent. Religione illa David perterritus, inhibuit manus suas à Saule Rege suo, tyranno licet & reprobo, & sibi hosti infensissimo. *Neque enim Deus finat*, aiebat ille, *ut manum meam mittam in Dominum meum, quia christus* (sive unctus) *Dei est*. Excanduit vero David idem in filium Amalecitæ advenæ, qui se jactaverat de occiso à se Saule Iudæorum Rege. *Quare*, inquit, *non timuisti mittere manum tuam, ut occideres Christum Domini?* Quem postquam jussisset ante oculos suos confodi, hæc superingessit. *Sanguis tuus super caput tuum. Os enim tuum locutum est adversum te, dicens, Ego interfeci Christum Domini.* Inde illud celebre interdictum. *Christos meos ne tangite.* Id est, unctos & Reges meos ne tangite. *Suos* autem vocavit Reges Deus: quia ditionis divinæ, non humanæ sunt. Hinc solum regum Israel, *Solum Domini* dictum est, Paralipomenon 1 capite 29. *Stetitque Salomon super solium Domini in Regem, pro patre suo David.* Sub Regibus fuerunt Iudæi Electi, bonis vel malis; prout tulerunt commoda vel difficilia Electionis suæ tempora: nec enim Electionis Iudaicæ tenor sine nube fuit. Sed de illis pluribus alias in tempore.

CAPUT V.

Electi gentiles in Iudæis, electione mystica. Filii Dei habiti, quia adoptati in Iudæis. Et insiti in Iudæis.

Postquam egimus de Electione Iudæorum, consentaneum est ut ordine dicamus de

Electio gentium, quæ à Judæis est. Edicente illud conceptissimis verbis domino ipso Jesu Christo Samaritanæ mulieri, Euangelii D. Joannis capite 4. *Salus ex Judæis est.* Salus autem Electio est. Electio ergo ex Judæis est. Quod vero edixit Deus filius gentili mulieri; illud ipsum retro longissime Deus pater patribus Judæorum promiserat. Abrahamo primum, capite 12 Geneseos. *Benedicentur in te universæ cognationes terræ.* Tum capite sequenti 18. *Benedicendus esse in Abrahamo nationes omnes terræ,* Angelus qui Dominus ipse erat, testatus est. Illud idem promissum dedit Deus Isaac, his verbis: *Benedicentur in semine tuo omnes gentes terræ.* Gen. ejusdem 26. Tum Jacobo, c. 28. *Benedicentur in te, & semine tuo, cunctæ tribus terræ.* Constat ergo, in patribus Judæorum, nec non in semine eorum, & Judæis ipsis, benedicendas omnes *Cognationes*, omnes *Nationes*, omnes *Gentes*, & cunctas *Tribus* terræ. Cognationes vero, nationes, gentes & tribus illas; Gentes simpliciter, vel gentiles dicemus illos, qui sunt extra cognationem, extra nationem, extra gentem Judaicam, sive extra tribus Judaicas.

Benedictio illa qua benedicti sunt gentiles in Judæis, Electio Dei est in mysterio; quæ Judæis primo competiit, quæque derivatione & participatione, à Judæis in gentes effusa est. Itaque si primi sint Judæi apud Deum, Electione mystica; hæreant gentes secundæ apud illum, Electione eadem. At nullo conjunctiore titulo adhæserunt Deo Judæi quam illo, quo filii Electionis mysticæ geniti sunt. Genitura illa Judæorum mystica, natura quædam fuit mystica, qua Judæi naturales tanquam filii habiti sunt. Quocirca & dicitur Deus *portavisse illos in utero suo,*

Et gestarisse in vulva sua: Hui. 46. Ad quam partem, vel ad quem gradum naturæ, quia gentiles neque vocati, neque electi sunt; Adoptio illis concessa fuit, *quæ imitatio naturæ est*: per quam adoptati in Iudæorum familiam, Iudæorum filii habiti sunt; non secundum carnem & naturam, sed secundum adoptionem illam quæ Electione mystica perficitur. Electione inquam eadem, qua Iudæi, filii Dei sunt gradu naturæ primo: quaque gentiles adoptati in Iudæis, filii etiam Dei dicuntur: sed quia secundo adoptionis gradu veniunt, qua adoptivi tantum dicuntur & reputantur filii. Quo sensu intelligendus est D. Paulus Ephesiorum 1. ubi ait, *Deum prædestinavisse*, sive elegisse, *Gentiles in adoptionem filiorum Dei*, id est Iudæorum.

Adoptati sunt gentiles adoptione illa mystica in Iudæorum familiam; quo tempore filii Abrahami facti sunt. Et filii Abrahami facti sunt quo tempore mutatum fuit nomen Abrahamo, & Abraham ex Abramo appellatus est: atque adeo quo tempore Abrahamus pater gentilium constitutus est. *Appellaberis Abraham*, dixit Deus Abramo Genesios 17. *quia patrem multarum gentium constitui te*. Pater autem gentilium factus est Abrahamus, adoptionis jure eodem, quo gentiles filii Abrahami, & filii Iudæorum in Abrahamo, facti sunt. Adoptionem illam intellexit Ioannes Baptista, loco illo quo Iudæos increpans, Deum asseruit *potuisse ex lapidibus ipsis suscitare filios Abrahamo*. Nam qui potis est vivificare lapides: qui potis est *vocare non entia tanquam entia*, ut ad hanc rem locutus est D. Paulus, Romanorum 4, id est, qui potis est vocare homines ex lapidibus, & lapides ipsos vertere in homines: lapides autem

qui toto viventium genere differunt ab hominibus, Deus, inquam, qui illa potis est, quæ præter & supra naturam sunt, potis idem fuit adoptare filios Abrahamo, quod naturam fuit imitari.

Adoptio, aiebat ille, sancta res est, quæ beneficium naturæ imitatur. Sed quanto veritas sanctior est imitatione, tanto natura sanctior est adoptione. Natura & adoptio faciunt filios: natura veros, adoptio fictitios. Adoptio homines transfert ex una familia in aliam, & ex uno nomine in aliud. Gentem mutat; quod fictionis & imitationis est: Genus vero non mutat; quod naturæ & veritatis est. At neque generis conditionem mutat adoptio. Verbi gratia, filios facit; sed non facit ex libertis ingenuos, vel ex servis liberos. Hæc ita geruntur in adoptione civili. Res aliter se habet in adoptione mystica: cujus virtute, natura gentilium vertitur in naturam ipsam Iudæorum. Imitatio naturæ quæ in adoptione civili est, natura ipsa est in adoptione mystica. Et veritas, cujus imaginem fictio juris præfert, mysterio adoptionis, re ipsa generatur. Genus ergo ut gentem mutant gentiles, adoptione & translatione sua in Iudæorum gentem & familiam. Et qua genus suum mutant, generis itidem sui conditionem mutant. Fiunt enim gentiles, adoptione illa, non tantum filii; sed è servis liberi & ingenui evadunt. Efficacia quippe tota adoptionis hujus, in libertate posita est: & proclamant ad libertatem suam, quicumque ad libertatem filiorum Dei, id est Iudæorum, adoptionis jure illo accedunt.

Mysterium illud, virtus & potentia spiritus Christi est, quo gentiles mutantur in Iudæos spirituales

ritales.
dum
promi
adopti
la est,
sunt:
veri I
dum
spiritu
sunt I
mnes
est, no
qui fil
Roma
veros
facit
quæ
dant
gent
ne, a
C
Iuda
sacr
dai
que
bore
emp
qua
ex-c
tion
tion
& e
olef
I
ris
tor

ritales, & in veros filios Abrahami: non secundum naturam carnis, sed secundum naturam promissionis & spiritus: quæ vera gentilium adoptio & Electio est. Imo promissio, Electio illa est, per quam solam Iudæi ipsi sunt id quod sunt: per quam solam Iudæi ipsi, filii Abrahami, veri Israëlita, & veri Iudæi sunt: non secundum carnem, sed secundum promissionem & spiritum. *Non enim omnes qui ex Israel sunt, ii sunt Israëlita; neque qui semen sunt Abrahæ, omnes filii. Sed in Isaac vocabitur tibi semen. Id est, non qui filii carnis, hi filii Dei, sive Iudæi; sed qui filii sunt promissionis, æstimantur in semine.* Romanorum 9. Promissio inquam illa est, quæ veros Israelitas, & veros filios Dei, id est Iudæos, facit. Quin & sine illa Iudæi ipsi familia sua, quæ familia Dei est, & patre suo Abrahamo cadant: desinant esse id quod sunt: à Iudæis in gentes abeant; & contraria generis sui mutatione, à filiis Dei in filios hominum degenerent.

Conversionem generis gentilitii in genus Iudaicum, significantius expressit Scriptura sacra, ubi voluit gentiles non solum in Iudæis adoptatos, sed etiam in Iudæis insitos. Ut quemadmodum arbor insita, coalescit cum arbore cui inseritur: sive per fissuram, sive per emplastrum insitio fiat: quemadmodum, inquam, insitione arbor mutatur in arborem, & ex duabus una confurgit: Gentiles item insitione sua cum Iudæis coalescant; nec non insitionis illius virtute, in Iudæos ipsos mutantur; & ex duobus populis, in unum populum Dei inolescant.

Diffimilis præterea insitionum ratio est, arboris in arbore insitæ; & gentilium in Iudæis insitorum. Non enim arbor infertilis in arbore fertili,

tili, vel agrestis miti & ingenuæ inferitur. Gentiles autem frutices, & sanctitatis infertiles, in Judæis sanctis, & sanctimoniarum operum feracibus insiti sunt: nec non agrestes mitibus & ingenuis immittuntur. Quod Apostolus nos docuit Romanorum capite 11. Vbi comparavit gentilem oleastro: Judæum vero cui gentilis immittitur, oleæ bonæ & ingenuæ. Oleastrum itidem illum fecit D. Paulus loco eodem, socium succi & pinguedinis, quæ in radice est oleæ mitis & ingenuæ. Itaque sanctificatus gentilis, sive oleaster in oleam versus, miretur novos operum suorum fructus; dulces & non suos succos.

CAPUT VI.

Gentiles genere & origine diversi à Judæis, quæ adoptati & insiti in illis. Gentiles athei, quia sine Deo. Homines simpliciter appellantur. Et filii hominum. Insuper, stulti, iniqui, &c.

Gentiles origine & genere diversos à Judæis inducere erit, tum ex illorum adoptione, tum ex eorundem in Judæis insitione. Adoptio enim extranearum familiarum est. Arborum autem diversi generis, hæc in illa inferitur. Neque vero me latet, adgnatos, & proxime consanguineos, adoptari potuisse in filios. Sed notandum est, D. Paulum Ephesiorum 2 Gentiles, in Judæorum gentem & familiam adscitos, constituisse peregrinos, extraneos, alienos, & longe semotos, à Judæorum familia: Quam eo loci πολιτείαν vocavit Apostolus; nec non respectu eodem gentiles ibidem dixit, *Cives & συμπολίτας Sanctorum*, id est, Judæorum: Sed quæ πολιτεία, familia intel-

ligen-

ligenda est; qua ratione Judæi & gentiles, domestici & filii Dei sunt.

Notum itidem habeo : arbores ejusdem generis, mites in mitibus, & ingenuas in ingentis potuisse inferi. Verum illud advertendum est, duplicem dari insitionem D. Paulo Romanorum 11. Secundum naturam, & contra naturam. Exemplum dedit Apostolus eo loci insitionis secundum naturam, cum dedit illam, qua Judæi inferentur olim in sua Olea. Et *secundum naturam* vocavit illam, quia Judæi, secundum naturam sui generis, Olea ingenua in Olea ingenua, inferentur. Exemplum rursus insitionis contra naturam edidit idem illud, quo gentiles in Judæis insiti sunt. Et *contra naturam*, insitionem vocavit illam, quia gentiles, diversi origine à Judæis, contra naturam sui generis, Oleaster in Olea ingenua insiti sunt. Natura ergo, quæ origo & genus est gentilium, diversa nec eadem est cum natura, origine, & genere Judæorum.

Atqui nulla distinctiore vel congrua magis differentia, potuere notari gentiles, origine & genere diversi à Judæis; quam ex hypothesi illa, quæ statuit originem gentilium, sive primorum hominum, à principio illo quod determinari non potuit ab Adamo; illosque censuit ab innumerabilibus ante Adamum conditos seculis: Quæque rursus Judæos, respectu gentilium neotericos, in Adamo patre eorum primo formatos posuit: A quo usque ad nos, secundum vulgare computum, quinque tantum annorum millia, sexcenti & decem & septem numerantur anni.

Imo, inquires; si adoptio quæ naturam imitatur, juniores tantum in senioremm admittit fami-

miliam, ut sunt filii juniores patribus suis: Quod monstrum adoptionis illud est, quo Iudæi juniores, gentiles antiquissimos adoptaverunt sibi in filios? Et rursus, si respectu eodem ætatis habito, arbor adoptare dicitur furculum, in qua furculus inferitur: si planta, inquam, tenera & novella, valenti & annoso ramo immittitur; quis novus inferendi modus ille est, quo gentiles annosissimi insiti sunt in Iudæis novellis, & si ad gentium originem spectes, hornotinis? Respondeo, gentiles creatione & natura sua, Iudæis quidem seniores; sed iisdem Electione mystica juniores constitutos. At enim vero, ratione illa tantum Electionis mysticæ, non creationis & naturæ, positos gentiles in Iudæis adoptatos, & in illis insitos. Cujus rei luculentam figuram nobis exhibuit Genesis in Esau: qui natura, Iacobo major natu; Electione, minor fuit.

Gentiles, qui ex mea hypothesi primæ creationis homines positi sunt, vocavit Apostolus Ephesiorum 2. *Atheos, & sine Deo*: ratione oppositionis illa, qua Deus ille verus, creator cœli & terræ, non erat gentilium deus, qualis Iudæorum erat; quaque gentiles, Deum illum non habuerunt Deum, qualem Iudæi habuerunt. Atque illud propterea, quia se Deus genti Iudaicæ, & soli, notum dederat; reliquis porro gentibus non item. Quocirca & dicti sunt Iudæi, *populus Dei*. Hinc & illos amice compellabat Deus Ezechielis 34 *Vos greges mei, vos greges pascuæ meæ, vos homines mei estis.*

Homines Dei, Iudæi sunt. Sciant vero gentes, quoniam Homines sunt: e dicebat David psalmo 19, Dicti sunt gentiles, *Homines*, simpliciter; non

non *Homines Dei*: ratione illa qua homines primo & simpliciter creati, Deum (ut ante dixi) creatione sua sapere non potuerunt; Deus enim supra homines est. Atque adeo, quia Deum sapere & attingere non potuerunt, sine Deo utique fuerunt; neque homines Dei dici meruerunt. Quare & homines (ut plurimum) simpliciter dicti, gentiles sunt, apud auctores sacros. Tale illud est psalmo 66, *Imposuisti homines super capita nostra*. Hoc est, misisti nos sub jugum gentium. Quæ de Iudæis victis à gentibus intelligenda sunt. Quo refer & illud Ierem. 49. *Dedisti Israel in gentibus, contemptibilem inter homines*. ubi *Gentes*, & *Homines*, iidem sunt. Hortabatur Iudæos Isaias capite 51. *Nolite timere opprobria hominum*. id est, gentilium. Tum capite 6. de Iudæis restituendis & fugandis gentibus loquens: *Longe, ait ille, Deus faciet homines, & multiplicabitur quæ derelicta fuerat in medio terræ*. *Homines* eo loci, gentiles sunt, quos Deus ex terra Iudæorum expelleret, ut in illam Iudæi restituerentur. At qua ratione gentiles, *Homines* simpliciter dicti sunt, *Filii hominum* vocati etiam fuerunt. Cujus rei tot ferre habemus testes, quot capita utriusque fœderis: Quorum idcirco locos pene innumeros referre, hoc loco parum refert. Dicti vero sunt gentiles, *Filii hominum*; ratione oppositionis eadem qua Iudæi, *Filii Dei* vocati sunt.

Qui dicti sunt gentiles athei, & sine Deo; vocati sunt impii, insipientes, corrupti, & abominabiles in iniquitatibus. Psalmo 9. *Increpaſti gentes, & peribit impius*: Id est, gentilis. Tum psalmo 14, qui & 53 est. *Dixit insipiens in corde suo, Non est Deus*. Quæ de gentili atheo in-

telligenda sunt. *Corrupti sunt, & abominabiles facti sunt in iniquitatibus. non est qui faciat bonum. Deus de cælo prospexit super filios hominum, ut videat si est intelligens, aut requirens Deum. Omnes declinauerunt. Simul inutiles facti sunt. Non est qui faciat bonum. Non usque ad unum.* Pictura hæc fuit graphica gentilium, qua sunt & dicuntur simpliciter homines, & filii hominum: quaque natura sua nihil sunt ad Deum intelligendum & assequendum. Gentiles autem intellexit psalmo illo Propheta Rex, ut patet per sequentem versum. *Nonnescient omnes qui operantur iniquitatem, qui devorant plebem meam ut cibum panis? Quæ non nisi de gentilibus Iudæos deglutientibus potuere accipi.* Scio, D. Paulum psalmum hunc laudavisse Romanorum 3. ut ostenderet, Iudæos & gentiles omnes, sub peccato involutos. Sed notandum est, D. Apostolum capite illo accepisse Iudæos, non quatenus Electi erant, sed quatenus simpliciter homines, iidem erant cum gentilibus, & materiæ ejusdem vitio, peccato eodem inquinabantur.

Vocavit psalmus hic gentilem, *insipientem*; quem psalmus 92 vocavit *stultum*. *Vir insipiens non cognoscet, & stultus non intelliget hæc.* Quare & minabatur Deus Iudæis, *provocaturum illos in gente stulta*, Deuteronomii 32. *Quæ gens stulta*, gentiles sunt pro una gente sumpti, & opposita genti Judaicæ, quæ *gens sapiens* dicta est. Vocantur etiam hoc loco gentiles, *iniqui, & abominabiles in iniquitatibus.* Quos Samuelis 2. capite 7. vocatos legas, *Filios iniquitatis. Non addent filii iniquitatis ut affligant Iudæos sicut prius.* Scriptum est idem illud Paralipomenon 1. capite 17. his verbis. *Non atterent eos filii iniquitatis, sicut à princ-*
pio.

pio. Quibus significatur, Judæos jugum gentium olim excussuros. Filii enim iniquitatis locis illis gentiles sunt. Sensu eodem intellige Aëtorum illud capite 24: ubi Paulus hæc de se ad Iudæos. *Spem habens, inquit, in Deum; quam & ipsi expectant, resurrectionem iustorum & iniquorum.* Per Iustos, intellige Iudæos, de quibus supra. Per iniquos, gentiles. Hoc enim volebat gentilium Apostolus, Gentes participes futuras benedictionum Iudaicarum, secundum fidem Iudæorum; participes etiam futuras resurrectionis Iudæorum, secundum spem Phariseorum. Vtpote quam resurrectionem Pharisei expectabant: quamque D. Paulus communem futuram Iudæorum & gentilium, ex doctrina Euangelii prædicabat. Iudæos autem Electione sua stantes, contrario quo gentiles argumento, vocatos audias, non impios, sed veri Dei cultores; non insipientes & stultos, sed sapientes, sanctos, non corruptos; Iustos, non abominabiles in iniquitatibus apud omnes auctores sacros.

CAPUT VII.

Gentiles dicti Peccatores.

TRitum est gentiles vocari etiam *Peccatores*, libris utriusque fœderis. Nimirum ratione oppositionis eadem, qua Iudæi sancti, & iusti vocati sunt. Voluerat hoc unum Deus, ut averterentur Iudæi à consortio & moribus gentilium. *Beatum* idcirco dicebat illum David, psalmo 1, *qui non abierat in consilium impiorum, & in via peccatorum non steterat; sed cuius voluntas in lege Domini esset.* Hoc est, beatum canebat Iudæum illum, qui

non abiecat ad gentiles; qui steterat loco Electionis & sanctitatis Iudaicæ; qui Iudæus erat, non secundum carnem, sed secundum spiritum, & totus erat in meditatione divinæ legis. Iudæus enim hoc loci est, qui legi divinæ addicitur: Gentiles autem per impios & peccatores intelliguntur. Peccatores ubique fere, apud eundem Prophetam Regem, gentiles sunt. Psalm. 37. *Observat peccator justum.* Nec non paulo post. *Considerat peccator justum, & quærit morti dare illum.* Id est, insidiatur gentilis Iudæo. peccator enim, gentilis; Iustus Iudæus est: Imo & psalmum totum hunc de Iudæis & gentilibus accipe: Antithesis enim perpetua est inter Iudæum & gentilem.

Insignis locus est psalmo 85 de calice misti, quem Deus, Iudæos ulturus, dabit in fine seculi bibere gentibus; & de quo Apocalypsis capite 14, & 18. *Bibent*, ait Psalter *fecem ejus omnes peccatores terræ.* Quæ de gentilibus intelligenda esse demonstrabo suo loco, & pluribus locis scripturæ sacræ. Psalmus itidem cantatur 109, de extrema refectione & maledictione populi Iudaici: ubi hæc inter cetera legas. *Constitu super eum peccatorem.* Hoc est, constitue gentilem super Iudæum, & desinant Iudæi in caudam, qui in caput positi erant.

Expressius notavit gentiles novum Testamentum per peccatores. In primis D. Paulus Galatarum 2, ubi hæc ad D. Petrum. *Nos*, inquit, *natura Iudæi, & non ex gentibus peccatores.* De se vero & D. Petro loquebatur, qui natura & origine erant Iudæi, non gentiles. Eo refer quæ dicebat Dominus Luc. 6. Iudæos alloquens. *Si bene facitis iis qui vobis bene faciunt, quæ vobis gratia erit? siquidem & peccatores hoc faciunt.* Peccatores

eo loci gentiles sunt. Gentilitium siquidem & humanum est, benefacere beneficientibus nobis. Imo & ceterarum animantium commune, par pari referre, quod naturale hostimentum est. *Cognoscit bos possessorem suum, & asinus præsepe domini sui.* Isai. 1. Naturale ergo est, gratiam referre, & beneficium pro beneficio. Supernaturale vero, beneficium pro maleficio rependere. Atqui ad supernaturale hoc vocabat Iudæos suos Dominus. Adde his sequentia D. Lucæ ejusdem, capite eodem. *Si mutuum dederitis his à quibus speratis recipere, quæ gratia vobis erit? Nam & peccatores peccatoribus sænerantur, ut recipiant æqualia. Veruntamen diligite inimicos &c.* Quod idem est atque si dixisset dominus, gentiles gentilibus amicis suis usuræ & fœnori dant, at vos ô Iudæi, mei homines, neque gentilibus inimicis vestris date fœnori, sed mutuo date illis, sine usura & spe lucri. Imo communia vestra sint omnia gentilium tanquam amicorum. Quod vestri officii erit; Electis quippe & sanctis Domino; quibus utique indecorum & turpe esset, gentilium neque Electorum, neque sanctorum, facta æmulari.

Reputabant Iudæi Christum, gentilem, non Iudæum, eo quod cœcum die Sabbati sanavisset. Ioannis Euang. capite 9. *Non est, aiebant illi, hic homo à Deo, qui Sabbatum non curat, sed peccator.* Quod perinde erat dixisse, Non est hic homo Iudæus, sed gentilis. Homo enim à Deo, sive homo Dei, Iudæus est, de quo supra. Peccator vero, gentilis est. Notum itidem, Iudæos numerare solitos Christum inter voraces & helluones gentiles, eo quod amicus esset *Publicanorum & Peccatorum*, nec non apud illos intraret, atque eorum epulis accumberet:

beret: tum quia publicanos & peccatores reciperet. Vtrumque autem nefas Iudæis, & intrare apud gentiles, & recipere illos. Publicani vero & peccatores junguntur pluribus locis Evangelii: quia Publicani, sive redemptores vectigalium, quæ Iudæi pendebant Romanis, gentiles, vel è gentibus peccatores erant.

Expendendum præterea est responsum quod Dominus ipse dabat Iudæis, discipulos suos interrogantibus, Quare cum publicanis & peccatoribus decumberet & comederet? *Non veni, inquit, vocare Iustos, sed peccatores ad penitentiam.* Quod est: non veni vocare Iudæos, sed gentiles. Prophetabat scilicet Christus vocationem futuram peccatorum sive gentilium, qui vocem ejus audituri essent: Rejectionem vero Iustorum, sive Iudæorum, (de quibus supra,) qui in illum non crederent. Eiusdem notæ est quod legitur Matth. 26. *Tradetur filius hominis in manus peccatorum.* Quod Evangelista idem capite 20 dixerat, *Tradetur in manus hominum.* Traditus enim est filius hominis in manus, sive hominum, sive peccatorum, sive gentilium; qui iidem sunt: ut à Romanis gentilibus, non à Iudæis, morte damnaretur, & cruci affigeretur.

Elicitur porro ex notatione hac *Peccatorum*, sensus eximius loci illius ad Galatas, capite 2. ubi hæc legas. *Quodsi quærentes justificari in Christo, inventi sumus & ipsi peccatores; nunquid Christus peccati minister est? &c.* Quæ sic resolve & intellige. Quodsi nos Iudæi quærentes justificari in Christo, (agebatur enim hic de Iudæis, quibus non ita cordi erat more gentilium vivere) si nos Iudæi, inquit, quærentes justificari in Christo gentilium Deo, in-

inveni sumus & ipsi gentiles, & è Judæis sanctis degeneramus in gentiles peccatores: Numquid Christus causa erit, quod contra Dei vetitum, è Judæis in gentes abierimus? Quod legem Dei abdicantes, diverterimus ad consilium impiorum, & in via peccatorum ambulaverimus? Absit, ait Apostolus, ut quid tale statuamus. Non enim peccati gentilitii minister est Christus; sed fidei, quam gentiles, qui in Christum credunt, habent in Christo. Destruit Christus peccatum gentilium: sed idem fidei gentilitiæ minister est; & fidem illam suscitatur, quam revelavit gentilibus; jam tum nomine tenus peccatoribus; fide autem sua electis, & ad sanctitatem Judæorum vocatis. Quid tum ergo, si habeamur gentiles, dummodo inhæreat nobis fides gentilium, & justificemur in Christo gentilium Deo?

CAPUT VIII.

Gentiles dicti infantes, parvi, & pauperes. ¶

Considerate attendendum est quod legitur Proverbiorum 8. ubi Christus sapientia patris, gentiles, quos olim homo futurus vocaturus erat, his verbis aggreditur. *Vox mea ad filios hominum. Intelligite parvuli astutiam, & insipientes animadvertite.* Sapientia vero clamabat hæc, stans in compitis & triviis; gentiles triviales, communes, atque adeo immundos alloquens: quique aperte hoc loco designantur per *filios hominum*, nec non per *insipientes*. Quos & *parvulos* hic etiam dici liquet. Eosdem nimirum parvulos intellexit vox eadem de cœlo audita, quæ Judæos & gentiles in unam gentem & ecclesiam coactos, hortatione

tione hac incendit, Apocalypseos capite 19. *Laudem dicite Deo nostro omnes servi ejus, & qui timetis eum, parvuli & magni.* Hoc est, laudate Dominum Iudæi & gentiles, quales olim eritis concorpores & unanimes. Vel, ut vertit & retulit D. Paulus Romanorum 15, *Iubilate gentes cum populo ejus.* Sed de conspiratione illa Iudæorum & gentium in laudando Domino, pluribus suo loco agemus.

Gentiles dici parvulos, manifestum est psalmo 64. *Sagittæ parvulorum factæ sunt plagæ eorum.* Hoc est, confixi sunt gentiles suo ipsorum telo quod in Iudæos direxerant. Vel secundum psalmum 35. *Captio quam gentiles Iudæis absconderant apprehendit illos, & laqueum cecidere in ipsum.* Exclamat sapientia, Proverbiorum capite 1. *Usque quo parvuli diligitis infantiam, & stulti ea quæ sibi sunt noxia cupient, & imprudentes odio habebunt scientiam?* Parvuli eo loci, stulti, & imprudentes, gentiles sunt, qui more infantium balbutiunt, qui sibi noxia cupiunt, & scientiam quæ Dei est averfantur. Parvulos Salomon eosdem habuit nequam & improbos homines, capite 7 ejusdem libri, ubi hæc ait. *De fenestra domus meæ per cancellos prospexi, & video parvulos: considero vecordem juvenem, qui transit per plateam, juxta angulum, gradiens in obscuro, ad vesperascente die, &c.* Parvulos accipe hic, non infantia conterminos; sed vecordes, voluptatis robustæ, & improbos homines, qui meretricibus se applicant: quod sequentia ostendunt.

Pusilli autem & parvi dicti sunt gentiles, respectu Iudæorum, qui vocati sunt *gens magna, neque alia esset Natio tam grandis*, Deuteronomii 4. *Tum cæteris gentibus excelsior*, Deuteronomii

nomii 26. Magni vero, grandes, & excelsi dicti sunt Iudæi, non ratione staturæ suæ. *Locustæ enim videbantur comparati Chananæis*, quos exploratores lustraverant: quique Numerorum 13, *filii Enac*, de genere erant Giganteo, *proceræ staturæ homines*, & monstra hominum, respectu ad Iudæos homunculos habito. Magni ergo Iudæi quatenus electi, & Deo dilecti erant; & quatenus ratione illa ceteris populis & nationibus præcellebant. Gentiles è contra, neque electi, neque Deo dilecti, opposito argumento; *humiles, parvi, & pusilli*. Illo confer quæ scripta sunt Apocalypseo capite 24. *Et vidi mortuos magnos, & pusillos*. Quæ non refer vel ad ætates, vel ad staturas eorum qui resurgent: sed ad resurrectionem futuram Iudæorum & gentilium, quam D. Paulus vocaverat Actorum 24. *resurrectionem iustorum & iniquorum*: de qua superius. Rationem reddidit hanc Salomon, quare gentiles parvi & pusilli dicerentur, libro illo quem aiunt inscripisse Sapientiam, capite 12. *Quia, inquit, in erroris via errarent, Deos æstimantes quæ in animalibus sunt supervacua. Infantium insensatorum more viventes. Propter quod, tanquam pueris insensatis, iudicium inderisum Deus illis dedisset.*

Sensu illo accipe quæ profitebatur Dominus in Euangelio D. Matth. cap. 11. *Confiteor tibi pater, quia abscondisti hæc à sapientibus & prudentibus: & revelavisti ea parvulis*. Hoc est, quia Euangelium quod notum non fecisti Iudæis, revelavisti illud gentilibus. Sapientes enim & prudentes Iudæi sunt; juxta illud Deuter. 4. *En populus sapiens & intelligens*. Parvuli autem, gentiles intelliguntur. Venerat siquidem Christus, non Iudæis quos rejiciebat, quia

in.

in illum non credebant; sed gentilibus, quos homo factus vocabat, & sibi assumebat. Ad vocationem & assumptionem illam gentiles invitaverat Sapientia eadem, Proverbiorum 9, his verbis. *Si quis est parvulus, veniat ad me. Et insipientibus locuta est: Venite, comedite panem meum, & bibite vinum quod miscui vobis. Relinquitte infantiam, & vivite, & ambulate per vias prudentiæ.* Invitavit nimirum Christus gentiles, quos eo loci per *insipientes* & *parvulos* denotavit; ad participationem Evangelii, ad manducationem corporis sui, & potum sanguinis sui; quibus infantia & insipientia hominum ejuratur, vita æterna ingeneratur, & prudentia quæ Dei est acquiritur.

Indignabantur Principes Judæorum, quod pueri in templo Jesum dicerent *filium David*; id est, Regem; & clamarent illi *Hosanna*. Alludens vero Jesus à pueris ad gentiles, qui parvuli & infantes dicebantur; hæc Judæis respondit. *Vtique nunquam legistis, quia ex ore infantium & lactentium perfecisti laudem?* Nempe illud volebat Dominus. Vos, ô Judæi, me rejicitis & infamatis. At gentiles, ut scriptum est, me accipient, & laudem meam perficient. Per *infantes* enim & *lactentes*, gentiles intellexit, qui *pueri* & *parvuli* dicti sunt.

Figurate etiam accipienda sunt D. Lucæ illa capite 18. Evangelii sui. *Sinite pueros venire ad me, & nolite vetare eos. Talium enim est regnum cælorum.* Quod est, Sinite gentiles venire ad me; illi enim vocem meam audient, & nomini meo credent. At *talium*, id est, eorum qui me audient, & mihi credent, *Regnum cælorum est.* Infantum certe & puerorum, quæ & primæ creationis simplicitas est, non illa est simpliciter per quam

quam intratur in regnum cœlorum, vel per quam electio & salus est, sed gratia Euangelii, & quæ gentilium fides est in Christo. Quod ut clarius concipias, animo hauri quæ sequuntur. *Quicumque*, ait Christus, *non acceperit regnum Dei sicut puer, non intrabit in illud.* Quæ sic verte & resolve. Quicumque non acceperit doctrinam Euangelii sicut puer, id est, sicut gentilis; qui mihi credet, & gratiæ meæ humiliter confidet, non sicut Judæus, qui Mosi credit, & operibus legis Mosaicæ gloriose addictus est; ille non erit particeps salutis & gloriæ quæ est in regno Dei.

Altercabantur discipuli Jesu, Iudæi & ipsi, quis major esset in regno cœlorum. Matth. 18, *Et advocans Iesus parvulum, statuit eum in medio eorum, & dixit. Amen dico vobis, nisi conversi fueritis, & efficiamini sicut parvuli, non intrabitis in regnum cœlorum. Quicumque ergo humiliaverit se sicut parvulus iste, hic erit major in regno cœlorum.* Certum est, parabolam fuisse quicquid fere ageret aut loqueretur Christus. Parabolice ergo & figurate significavit hoc loco Iudæis, inani gloria turgidis, quia magni & gens magna dicebantur: nisi detumesceret illorum jecur, & gentilitiæ humilitatis more in parvulos & ipsi converterentur; nullum illis fore aditum ad regnum cœlorum. Parvulos autem manifeste gentiles intellexit hoc loci Dominus, ubi dixit verbis mox sequentibus. *Qui scandalizaverit unum de parvulis istis qui in me credunt, &c.* Quod neque de infantibus neque de pueris, ætate infantibus & pueris, accipi potuit: utpote quorum fides balbutiens esset: sed de gentilibus adultis, qui in Christum crederent, ut adulti & rationis maturæ homines

in

in illum credunt. Iudæi porro scandalizare soliti erant gentiles: quos nimirum viles, humiles, minimi pretii, & despiciatos habebant.

Gentiles præterea typos fuisse humilitatis Christianæ, quæ per infantes & pueros repræsentatur; Iudæos autem inanis gloriæ fabulas; palam est ex parabola & illa, qua Phariseus gloriosus magnifice in Templum se inferebat, sua in Deum jactans merita. Luc. 18. *Domine, aiebat, gratias ago tibi, quia non sum sicut ceteri hominum, raptores, injusti, adulteri; velut etiam hic Publicanus. Ieiunio bis in Sabbato: decimas do omnium quæ possideo. At Publicanus à longe stans, volebat nec oculos ad cælum levare: sed percutiebat pectus suum, dicens: Deus propitius esto mihi peccatori.* Phariseus eo loci non dubio Iudæus erat. Quocirca aiebat: *Non sum sicut ceteri hominum*: id est gentilium. Publicanus autem gentilis erat. Aiebat enim, *propitius esto mihi peccatori*: id est gentili. Tum qui exigebant Iudæorum vectigalia publicani, gentiles erant, ut monuimus supra. Humilitas certe gentilitia, quæ vitium erat abjectionis & vilitatis ante Euangelium, evasit in virtutem Christianam sub Euangelio. Gloria ex adverso illa, qua se in gentem magnam efferebant Iudæi ante Euangelium, versa est in fumum inanis superbiæ sub Euangelio. Atque hinc factum est, quod gentiles humiles, in Iudæos vere magnos exaltati sunt. Iudæi è contra gloriosi, abierunt in gentiles humiles & abjectos. *Dico vobis*, aiebat Dominus: *descendit publicanus justificatus in domum suam.* Luc. eodem. Justificatus, id est, iustus & Iudæus, è gentili factus. Phariseus è contra non exauditus, desiit esse iustus & Iudæus; & in gentilem discessit. Quo refer

D. Matth.

D. Matth. illud nuper laudatum, capice 18. *Quicumque humiliaverit se sicut parvulus (& gentilis) hic erit major in regno cælorum.*

Notandum insuper est curiose D. Pauli & illud, Romanorum 2. *Tu, ô Judæe! confidis te ipsum esse ducem cæcorum, lumen eorum qui sunt in tenebris, eruditorem insipientium, magistrum infantium.* Per cæcos, per eos qui sunt in tenebris, per insipientes, & per infantes, certum est intelligi hoc loco gentiles: quorum Judæi se duces, præeuntes, eruditores, & magistros præsumebant; Prærogativa illa, qua se *in lucem gentium* datos existimabant. Isai. 42. Totum scilicet Romanorum caput hoc, in Judæos (ut legere erit) qui gentiles parvi pendebant, & nihili faciebant, institutum est. *Magister ille infantium,* Divo Paulo, idem est qui *Doctor parvulorum,* Isai. capite 33. *Ubi est, inquit ille, literatus, ubi legis verba ponderans, ubi doctor parvulorum?* Literatus, & legis verba ponderans, doctor Judæus est; qui & parvulorum, id est gentilium doctor dicitur hoc loco: quatenus advenas, & profelytos suos gentiles, legem suam docebant Judæi: quatenus, inquam, se in lucem gentium datos ventilabant, & lumen eorum qui erant in tenebris: id est gentilium, qui & ipsi tenebricosi, & quibus Deus habitabat in nebula, neque sese manifestum dabat.

Qui Græcis Νῆμῆς est, Latinis infans dicitur: qui fari nescit: quique pro stulto & ignaro vulgo usurpatur. Stultus enim & ignarus nihil habet, quod dicat. Gentiles stultos & ignaros prædicabant Judæi, quia nescirent legem suam: neque illud loqui putabant quod non loqueretur legem Dei. *Domine labia mea aperies, & os meum annuntiabit laudem tuam.* Mutum se illicet

cet Propheta Rex credidisset, si quicquam locutus esset præter laudem Dei, iustitiam & legem ejus. quod præcipuum erat Iudæorum electorum officium. Quorum idcirco labia *circumcisa* dicebantur. Gentiles autem labii erant *incircumcisi*. Proinde vere *inimici* & infantes habebantur.

Dicti sunt gentiles parvi, ratione & illa qua pauperes habebantur; neque illis, sicut Iudæis, aperuisset Deus thesauros electionis suæ & gratiæ. Parvus & tenuis, pauper idem est. Servius ad illud Virgilii, *Setosi caput hoc apri tibi, Delia, parvus Et ramosa Micon vivacis cornua cervi* &c. Parvus Micon: id est pauper. Per pauperes designantur maxime gentiles apud auctores utriusque fœderis. Pauper & mendicus non erat apud Iudæos, vetante illud lege. Et qui intra portas Iudæorum mendicabant, advenæ, id est gentiles erant. Neque vero tam anxie pauperes commendabat Christus Apostolis suis, qua inopes erant: inopes enim & ipsi Apostoli quo pacto inopes adjuvassent? sed qua gentiles per pauperes intelligebat, quos adventu illo suo Christus vocabat ad participationem electionis & gratiæ quæ à Iudæis est, & quibus ostium Evangelii sui aperiebat.

CAPUT IX.

Gentiles dicti filii iræ. Inimici & hostes Dei. Bestiæ, & bestiæ habiti à Iudæis: imò bestiæ immundæ. Oppositionis comparatio inter Iudæos & gentiles.

Ephesios Gentiles vocavit, *filios iræ*, D. Paulus, Ephesiorum 2. Et se gentilibus permiscuit, gentilium Apostolus, quando dixit,

dixit, *Et nos eramus natura filii iræ.* Gentiles natura sunt filii iræ: five illos creationis primæ filios concipimus, quam Deus fastidit: five eosdem reputamus Judæis oppositos, qui natura electionis mysticæ, *filii dilectionis* habentur.

Vocantur etiam gentiles, *inimici, & hostes Dei*: quatenus prima creatio quæ caro est, inimica Deo est: vel quatenus gentiles naturali animorum averfatione Judæis infensi sunt. *Pereant omnes inimici tui*, canebat Debora, quæ gentiles, Dei & Judæorum hostes, deleverat. Sed de gentilibus Deo inimicis, & Judæorum hostibus, ubi locus erit, pluribus agam.

Ceterum, quod summum fuit gentilium dedecus, comparati sunt passim bestiis apud auctores sacros: & bestię, infra homines, reputati sunt; ratione illa oppositionis omnium maxima, qua Judæi supra homines, dii nominati sunt. Hæc de gentilibus qui Israellem impetiverant querebatur psalmus 22. *Circumdederunt me vituli multi. Tauri pingues obsederunt me, aperuerunt super me os suum, sicut Leo rapiens & rugiens.* Tum psalmo 57. *Eripe animam meam de medio catulorum Leonum. Filii hominum, dentes eorum arma & sagittæ.* Imo & *Bestias* nomine dixit gentiles psalmus 74. *Ne tradas bestiis animas confitentes tibi.* Id est, ne tradas Judæos qui te Deum suum confitentur, gentilibus Judæorum hostibus, qui te neque norunt, neque confitentur. Quo refer & Baruc Prophetæ illud, capite 3. *Ubi sunt Principes gentium, & qui dominantur super bestias terræ?* Principes ibi dicuntur gentium, qui dominantur super bestias: id est, super gentiles, greges, & populos suos.

Celebris de hac re locus est apud Isaiam capite 43. *Honorabilis & gloriosus factus es in oculis meis*, dicebat Deus populo Iudaico: *Ego dilexi te, & dabo homines pro te, & populos pro anima tua*. Quod est; Expiabo & redimam te morte hominum, & populorum, id est gentilium; quos in vicem bestiarum pro te immolabo. Nil vero majus concedi potuit Iudæis, honore illo & gloria illa; quo honorabiles & gloriosi fierent ante oculos Dei. Annumerantur quinetiam gentiles inter bestias & animantia terram calcantia, Isaiæ ejusdem capite 42. *Hæc ait Dominus creans cælos, dans flatum populo qui est super terram, & spiritum calcantibus eam*. Populus eo loci calcans terram, indistincte sumitur pro hominibus & bestiis. Qua ratione gentiles, *populus non populus*, dicti sunt, Deuteronomii 32. *Provocabo vos in gente quæ non est gens, & in populo qui non est populus*. Quibus verbis gentiles intellexit Deuteronomium, nec non homines creationis primæ illos, qui proprie magis greges, ferarum more, componunt: præcise minus civitates, & societates hominum legitimas constituunt.

Iudæi non æstimabant homines ex ratione, sed ex intellectu. Intellectu inquam illo quo Dei veri notitia elicitur, & qui supra rationem est. Intellectu quinetiam eodem illo, qui manifestatione divinæ legis populo Iudaico datus erat; quique spiritus Christi immissione, Christianis revelatus est. Hinc illud est celebre promissum Israeli factum psalmo 32, *Intellectum tibi dabo, & instruem te in via qua gradieris*. Tum feriatim ibidem, præceptum datum Iudæis iisdem. *Nolite fieri sicut mulus & equus, quibus non est intellectus*. Et certe, intellectus divinus ille

ille est, qui tota specie differre facit homines à brutis. Neque enim ratio illud potuit. *Quam* si excellentiorem habent homines mulo & equo; communem ramen aliquatenus habent cum mulo & equo. Nempe illud tam alte federat Iudæorum mentibus, ut gentiles non putarent homines, quia illos putarent intellectus Dei omnino expertes.

Deputatos sed enim cernere erit gentiles inter bestias immundas, Matth. 15. *Non est bonum sumere panem filiorum, & mittere canibus.* aiebat Dominus mulieri Chananææ & gentili. Quo loci, *Filii*, Iudæi sunt. Gentiles, *Canes* dicuntur. Eo respiciens Dominus idem, edicebat discipulis suis Iudæis, apud eundem Matth. capite 7. *Nolite dare sanctum canibus; neque mittere margaritas vestras ante porcos.* Id est, nolite quæ Sanctorum & Iudæorum sunt, dare gentilibus; quos Euangelista vocat hic *Canes*, & *Porcos*. Debuerunt scilicet Apostoli Iudæis ante omnes prædicare Euangelium; & priusquam ad gentes converterentur. Exquisitum denique est quod monebat Dominus Luc. 12. *Deus*, inquit, *curat passeret & corvos.* Quæ de Iudæis & de gentilibus dicta sunt, quos Deus haberet & curaret nullo discrimine. De Iudæis, qui hic designantur per *Passeres mundos*: & de gentilibus, qui per *Corvos immundos* significantur.

Immundi habebantur gentiles à Iudæis, Actorum 10: ubi hæc D. Petrus. *Vos scitis quomodo abominandum sit viro Iudeo, conjungi aut accedere ad alienigenam.* (qui gentilis est.) *Sed mihi ostendit Deus, neminem communem aut immundum dicere hominem.* Hoc nimirum edixerat Angelus Petro, ibidem. *Quod Deus purificavit,*

tu commune ne dixeris. Antequam ergo Deus purificaret gentiles; id est ante Christum mortuum, communes & immundi erant gentiles: sed à Christo mortuo, & ex quo purificavit Deus gentiles, neminem communem aut immundum dicere licuit hominem.

Verum ut quæcunque hic congeffi de Judæis & de gentilibus, synopsi comprehendam: nec non ut exhibeantur gentiles genere & natura diverfi à Judæis. Inducamus in animum nostrum gentiles undequaque, & ex adverso, Judæis oppositos. Judæos Electione, & formatione sua, Deorum loco positos: gentiles, creatione sua homines simpliciter æstimatos. Judæos, filios Dei: gentiles, filios hominum. Judæos, sanctos: gentiles, iniquos & impios. Judæos, justos: gentiles, peccatores. Judæos, sapientes, & intelligentes: gentiles, stultos & insipientes. Judæos magnos & excelsos: gentiles, parvulos & homunciones. Judæos, divites: gentiles, pauperes. Judæos, filios dilectionis: gentiles, filios iræ. Judæos, amicos: gentiles, inimicos. Judæos, mundos habitos: gentiles, immundos, & bestias immundas infamatos.

At si quandoque legimus Judæos & ipsos Homines simpliciter dici: nec non *filios hominum, iniquos, impios, peccatores, insipientes, parvos & nihili homines, filios iræ, inimicos, immundos, bestias*: & ceteris elogiorum carbonibus impleri, quibus gentiles inducuntur: accipienda illa sunt de Judæis qui transfugerant ad mores gentiliū; Qui, ut loquitur psalmus primus, *abierant in consilio impiorum*; qui *in via peccatorum, non in lege Dei, steterant.* De Judæis qui se dicebant *Judei*, & non erant, sed *Synagoga Satanae.* Quales vocantur cap. 2. Apocalypseos.

CAPVT X.

Iudæi formati à Deo in Adamo. Gentiles creati à Deo. Et creati verbo Dei sicuti ceteræ animantes; nec non eadem die qua ceteræ animantes. Iudæi peculiariter formati manibus Dei. Deus Iudæorum plastes dictus. Adam primus pater Iudæorum. Iudæi filii Adam vocantur.

I Vdæi filii Dei sunt, electione & formatione. Electione, quæ mystica generatio fuit. Formatione, quæ ad naturam propius accessit. Formavit Deus Judæos in Adamo, quemadmodum apprehendit illos in Abrahamo, & manu duxit in Chanaan. De quo Isaias capite 41. *Et tu Israel serve meus, semen Abraham amici mei. In quo apprehendi te ab extremis terræ, & à longinquis ejus vocavi te.* Introduxit Deus Judæos ad terram sanctam in Abrahamo; mysterio promissionis illo, quo terram illam dedit Judæorum primo Abrahamo, & promisit cum juramento illam semini ejus. Quo respectu, Abrahamus primus Judæorum pater, quoad promissiones, jure habetur. Formavit Deus Judæos in Adamo, ratione illa qua Adamum primum Judæorum patrem formavit: eumque, quoad formationem, auctorem & parentem primum Judæorum esse voluit. Quare & *plastes Iudæorum* dictus est Deus, Isai. 45. *Hæc dicit Dominus, sanctus Israel, plastes ejus.* Plastes fuit Deus, Israel; quatenus plastes fuit patris primi Israel: Adami scilicet, quem formavit de limo terræ. Quapropter & prædicatur Deus, Deuteronomii 26, *Fecisse Iudæos excelsiores omnibus gentibus quas creaverat.* Creaverat nempe Deus gentiles primo, & primæ creationis homines.

Formavit deinceps Iudæos, promissionis & secundæ creationis filios.

Consideratione dignum est, quod primæ creationis homines, (qui ex mea hypothese gentiles sunt) sicut & mundus totus, creati fuere *Verbo*. Notavit illud expressim caput primum Geneseos; quod primæ creationis caput est: *Et dixit Deus, faciamus hominem ad imaginem nostri*. Dixit, *faciamus*. Et verbo fecit. At non verbo, sed manu, & lutum manibus subigendo, effinxit Deus Adamum, capite 2 Geneseos: Quod caput peculiariter institutum est super formatione Adam, & formatione Iudæorum in Adamo. Quorum scilicet historiam scripturus Moses, incepit illam ab limo Adam, patris primi Iudæorum: ut solenne est historicis omnibus, qui gentis suæ historias literis tradunt, à primis illius auctoribus ordiri illas.

Et formavit Dominus Deus Adam de limo terræ: ait Genesis capite 2. Non creavit Adamum verbo: sed manu formavit illum de limo terræ. Fuit limus ille quo Adamus formatus est, in manu Domini Dei, *sicut lutum est in manu figuli*, ut ad hanc rem locutus est Jeremias. Quæcirca & scriptum legas apud Isaiam cap. 45 dudum laudato, *ventura interrogate super filios meos, & super opus manuum mearum mandate mihi*. Vbi, filii Dei, & opus manuum Dei, manifesto Iudæi sunt. Scio, scriptum esse apud eundem Isaiam capite 48. *Manus mea fundavit terram, & dextera mea mensa est cælos*. Nec non capite 19. *Opus manuum mearum Assyrius*. Sed notandum est, manus Dei ubi leguntur creationi adhibitæ, usurpatas locis illis secundum vim linguæ Hebraicæ, pro virtute & potentia illa Dei, quæ verbum ipsum Dei est. Atque illo respectu

ver-

verbum Dei, qui filius Dei; quique virtus, vires, & magna Domini potentia solus est; non solum *manus*, sed *brachium Domini*, vocatum est: quod alias pensiculatus examinandum mihi erit. Verum ubi manus Dei, plasticæ, & tanquam figulo adhibentur: tunc vere & proprie sumuntur pro manibus ipsis, quibus figulus lutum perdeplit, & plasma effingit. Qua ratione igitur dictus est dominus *Judæorum plastes*, Isai. 45. dicti sunt Judæi significatione eadem vere & proprie, *opus manuum Domini*; apud eundem capite eodem.

Numeratur certe Adamus primus, & pater Judæorum, in genealogia Christi, quæ deducitur à Christo ad Adamum, capite 3 Evangelii secundum Lucam. Vbi adverte sedulo, Adamum, auctorem, primum patrem, & stirpem Judæorum, *Filium Dei* insignitum. Scriptum enim est sub finem capituli illius 3. *Qui fuit filius Henos, qui fuit filius Serh, qui fuit filius Adam, qui fuit filius Dei.* Adam ergo filius Dei fuit. Formatione scilicet, & ratione illa qua de limo terræ formatus, opus manuum Dei fuit. Quæ itidem formationis ratione, Judæi omnes Adamitæ, id est Adami filii, formati à Deo, & opus manuum Dei in Adamo, filii etiam Dei intelliguntur. At certe, quidni Judæos Adamitas dicam, si dicuntur iidem Jacobitæ, Isaacidæ, Abrahamitæ? Argumento nimirum eodem, quo Adamus Abrahami ipsius, Isaaci, & Iacobi pater fuit.

Vocantur Judæi nominatim, filii Adam, psalmo 58. *Si vere utique justitiam loquimini, recta judicate, filii Adam. Etenim in corde vestro iniquitates operamini. In terra injustitias manus vestræ concinnant.* Increpat hoc loco Judæos

Propheta Rex, quos secundum textum Hebraicum *filios Adam* vocat. Quia iustitiam loquebantur, & legem Dei ore tenus profitentes, prava iudicabant: nec non corde & affectu iniquitates gentilium operabantur. Quod opprobrium Judæis ingestum sæpe legas. Tale illud est Isai. 49. *Appropinquat populus iste, & labiis suis glorificat me. Cor autem ejus longe est à me, & rimuerunt me mandato hominum & doctrinis.* Id est, coluerunt me juxta ritus, mandata, & doctrinas gentilium. Secundum probum obiectum Judæis hoc psalmo est, *Quod manus eorum injustitias concinnarent in terra.* Quæ terra intelligenda est, electa, sancta, & terra sanctorum, id est Iudæorum, Isai. 26. Magnum crimen erat Iudæis, concinnavisse injustitias; sed multo majus, concinnavisse illas in terra Domini, electa & sancta: *quam replevisse iniquitate*, ut loquitur Ezechiel cap. 8, irritavisse Deum fuit. Hinc & illud improprium Ecclesiæ Iudaicæ, Jerem. 3. *Polluisti terram in fornicationibus & malitiis tuis.* Quod alibi idem dixit, *Contaminavisti terram.*

Intelligentur ergo hic Iudæi per filios Adam, qui iustitiam ore loquerentur, prava autem iudicarent, nec non corde iniquitates operarentur, & injustitias in terra sancta & electa concinnarent. Quod erat Judæis, gentilium more vivere. Atque ut filios Adam, id est Iudæos, deterret David à talibus & gentilium factis: exhibuit eis gentiles quales essent, & quas poenas pro scelerebus suis expectarent, psalmo eodem, & verbis proxime sequentibus. *Alienati sunt*, inquit, *peccatores à vulva, erraverunt ab utero, locuti sunt falsa*, &c. quæ lege eo loci. Peccatores *alienatos à vulva*, & errantes dixit *ab utero*; eadem

eadem mente qua D. Paulus Ephesiorum 2 gentiles statuit, *Natura filios iræ*. Idem enim est, à natura, quod à vulva, & ab utero. Additur hic, *locuti sunt falsa*. Quæ gentilibus solis competere potuerunt: loquebantur enim psalmo hoc filii Adam, id est Iudæi, *justitiam*. & *vere*. Si *vere* utique *justitiam loquimini, filii Adam*. Imo veritas Iudæis concessa est, juxta illud Micheæ, capite 20. *Dabis veritatem Iacob*. Veritas illa, Lex, & justitia Dei fuit. Quocirca & dicti sunt Iudæi penes quos Lex Dei erat, *Genus justa*, & *custodiens veritatem*. Gentiles è contra intellige hic, per peccatores qui *falsa locuti erant*. secundum illud psalmi 5, *Non est in ore Gentilium veritas*. Atque ibidem, *Filii hominum, ut quid diligitis vanitatem, & queritis mendacium?* Tum psalmo 62. *Vani filii hominum, & mendaces in statueris*. Vani & mendaces junguntur. Atque ubi D. Paulus scripsit Romanorum 1, *Creationem omnem subjectam esse vanitati*, intellige creationem primam, quæ per se vana, & mendax, & volucris somno similis est. Quapropter & gentiles creationis primæ homines, natura eadem, *vanos, mendacesque improba finxit*. Filii ergo Adam, Iudæi, qui vere justitiam loquebantur. Peccatores, gentiles qui falsa locuti erant.

CAPUT XI.

Iudæi vocantur à Mose, filii Adam. Explicatur caput 32 Deuteronomii. Explicantur Isaias & Oseas, super Adam patre primo Iudæorum. Gentiles dicti alienigenæ. Iudæi species hominum distincta à specie gentilium. Gentiles terrigenæ. Explicatur psalm. 49. Abraham habuit servos vernaculos, & emptitios, qui non erant ex stirpe sua: id est, Adamica. Filii hominum,

qui? Filius hominis, quis? Differentia inter fratres Iudæorum, & gentiles alienigenas.

In signis locus est Deuteronomii 32, quod & Mosi canticum: quo Iudæi prophetice restituti in terram suam, separantur ab universis populis & gentilibus. Populi autem & gentiles divisi à Iudæis (quos scilicet Iudæi medii inter illos positi olim diriment) constituuntur juxta Iudæos, & terræ Iudaicæ hinc & inde contermini. *Quando, ait Moses, dividebat altissimus gentes. Quando separabat filios Adam. Constituit terminos populorum juxta numerum filiorum Israel. Separavit ibi Moses Iudæos, quos vocat filios Adam, ab aliis gentibus: juxta illud Salomonis Deum pro salute Iudæorum deprecantis: Separavisti illos tibi in hereditatem, de universis populis terræ. Divisit gentes Moses, ratione illa qua gentiles inter Iudæos interjecit. Constituit populorum terminos juxta numerum filiorum Israel: vel quod perinde est, juxta duodecim tribus Iudaicas: intellectu eodem quo scriptum legitur Isai. 14. Adjungetur advena ad eos, & adhærebit domui Iacob. Domui Iacob, id est duodecim tribubus Iudaicis: qui numerus est filiorum Israel. Tum capite 54. Ecce accola veniet qui non erat mecum: Advena quondam tuus adjungetur tibi. Adjungentur & adhærebunt gentiles Iudæis; juxta Iudæos, & juxta Iudæorum terminos constituentur: sed non illis miscebuntur. Quod nota. Nempe illud authentice decretum & promissum fuerat, Deuteron. 33. Habitabit Israel, confidenter, & solus. Solus, id est, mixtura gentium incontaminatus. Quod nondum fuit, sed futurum esse demonstrabitur suo loco.*

Rationem addidit Moses hanc, separationis
Iu-

Iudæorum à gentilibus, canticò hoc eodem, & verbis individue sequentibus. *Pars autem Domini populus ejus. Iacob funiculus hæreditatis ejus.* Id est, quamvis benedicat dominus in die illa gentilibus omnibus, illosque in Electione erciscunda, hæreditate sua impertiat: quamvis in die illa, secundum promissum datum Abrahamo, benedicatur gentibus omnibus in semine Abrahami: Iudæi tamen, qui sunt semen ipsum Abrahami, primo & ante gentiles benedictum; pars erunt potior hæreditatis Domini, & in hæreditatem Deo peculiarem reputabuntur. Separantur vero electiora à minus electis, quemadmodum vas electionis supra alios electos eximium D. Paulus, *separatum vel segregatum* se dixit in *Euangelium Dei*, capite 1. epistolæ ad Romanos.

Accommodantur porro hæ prophetiæ Isaiæ, necnon explicantur per illam capite 19. *In die illa erit Israel tertius Ægyptio & Assyrio; benedictio in medio terræ cui benedixit Deus. Benedictus populus meus Ægypti, & opus manuum mearum Assyrius. Hæreditas autem mea Israel.* Vbi nota, Ægyptium trans Nilum & finum Arabicum, Assyrium trans Euphratem; Positos hinc & inde Israeli conterminos. Israellem vero tertium, inter Ægyptium & Assyrium, & intra limites suos fluviales, interjectum: Nilum scilicet & Euphratem. Nota, inquam, Israëllem positum tertium, & medium inter Ægyptios & Assyrios; nec non *benedictionem in medio terræ*, illius sanctæ, cui benedixisse hic dicitur Deus. Ægyptios ergo & Assyrios cernere erit, hinc & inde *constitutos juxta numerum filiorum Israel*, & propter ripas tribuum Iudaicarum collocatos. Filios vero Adam, sive Iudæos ipsos, se-

paratos ab Ægyptiis & Assyriis : quos inter nimirum positi, Nilò & Euphrate dividunt. Synopsi vero illud perspicua exhibetur in Tabula chorographica Terræ sanctæ, capiti tertio hujus libri inserta, quam vide pag. 69. Separati igitur Mosis cantico filii Adam, Iudæi sunt. Divisæ autem gentes à Iudæis interjectis, & constituti juxta numerum filiorum Israel populi, Ægyptii & Assyrii gentiles intelliguntur.

Dicti sunt Iudæi, Adam filii, relatione eadem qua Adamus dictus est Iudæorum pater, Isai. 43. Increpitans Deus Israelem capite illo, propter peccatum suum, hæc illi objiciebat, *Pater tuus primus peccavit*. Quæ de patre Iudæorum, neque vero gentilium, intellexit Prophetia. Alloquebatur enim Israelem tantum. Proinde vero, *Pater tuus*, ô Israel, dixit: Non pater idem & promiscue gentilium. Pater autem primus ille Iudæorum, non dubio Adamus est. Quia peccator non datur prior, neque posterior intelligendus est. Audiamus sed enim Oseam Isaïæ interpretem, capite sexto prophetiæ suæ; quo Deus probum hoc idem Iudæis iisdem oggerit. *Ipsi*, ait, *sicut Adam, transgressi sunt pactum meum*. Adam ergo ut Iudæorum pater primus, ita & peccati Iudaici prototypus; ad cujus exemplum Iudæi peccatores, & patre peccatore prognati, pactum Dei transgressi sunt. Et qua ratione Adam primus pater Iudæorum est; Iudæi vicissim omnes revera sunt filii Adam. Tum qua Adam filius Dei, & genus Dei est, Iudæi item, filii Dei & *Genus Dei* sunt. *Væ genti insurgenti contra genus meum*, canebat Iudith gentium victrix. Id est: Væ gentibus contra Iudæos insurgentibus.

Alienigenæ è contra dicti sunt gentiles, quibus

bus genus non est ab Adamo & Deo. Ad quos alienigenas & gentiles nefas erat Iudæis accedere. Actorum 10. *Abominandum Iudæo coniungi aut accedere ad alienigenam*: id est, ad gentilem. Peregrini præterea, hospites, & advenæ, Iudæis habiti sunt: ratione illa qua alienati non solum à gente & familia, sed etiam à civitate Israel; neque in fratres, neque in cives sanctorum, id est Iudæorum, reputabantur: Ephesiorum 2. *Ædificabunt filii peregrinorum muros tuos. Isai. 60. Tum cap. 61. Et stabunt alieni, & pascent pecora vestra: & filii peregrinorum, agricolæ & vinitores vestri erunt. Quæ de gentilibus, vel Iudæorum famulis, vel mercenariis intelligi debent. Quibus adde sexcenta ejusdem generis alia, quæ passim occurrunt, apud auctores sacros.*

Sed neque genere tantum, & significatione illa generis, distinxit Deus Iudæos à Gentilibus: sed etiam specie ipsa differre utrosque voluit. *Elegit nos hæreditatem suam, speciem Iacob, quam dilexit*: Psalmo 47. Vbi nota Iudæorum speciem distinctam à specie gentilium, quam neque dilexerat neque elegerat Deus in hæreditatem suam. Distincta certe est apud Philosophos hominum species à brutorum specie. Discreta vero est apud scriptores sacros, illosque Iudæos, Iudæorum species à specie gentilium: quos passim confusos legas cum brutis animantibus, & bestias æstimatos, respectu ad Iudæos habito; qui vel *homines* per excellentiam; vel excellentiori titulo, *homines Dei* indignantur. Iudæorum speciem sibi ipsi à Domino peculiariter effectam, & formatam deprehendas in Adamo. Gentilium speciem gregatim creatam cernas cum animantibus; uno eodemque neque

distincto creationis die: quod diligenter notandum est. Nimirum, ut non distingueret creationis dies, quos natura creationis non distinguebat.

Iudæi proprie, & seorsim à rebus omnibus creatis, secundæ creationis plasmata & figmenta fuere in Adamo. Gentiles proprie, & promiscue cum rebus omnibus creatis, creationis primæ fuere genimina: & terræ ejusdem progenies, quæ cæteras germinaverat animantes. Itaque gentes conclamabat Propheta Rex his verbis, Psalmo 49. *Audite hæc omnes Gentes. Auribus percipite omnes qui habitatis terram. Quique Terrigenæ, & filii hominum, &c.* Gentiles autem, filios hominum, & terrarum habitatores omnium, manifesto alloquebatur David: quos & *Terrigenas* vocavit: ad differentiam Iudæorum, qui non Terrigenæ, vel terra geniti, ut gentiles, à principio rerum creati; sed terra formati fuere in Adamo. Gentiles porro illos jumentis insipientibus psalmo hoc comparatos, similes illis factos aiebat Psaltes. Vtpote qui jumentorum more, morti devoti essent: morti inquam æternæ, à qua non resurgerent in vitam. *Sepulchra eorum, domus eorum in æternum*: inquit Psalmus. Nec non ibidem. *Vsque in æternum non videbunt lumen.* Ab illis præterea distinctos habuit Iudæos David idem Psalmo eodem: quos nempe hortatus est ne Terrigenas & bestias illas timerent. In quorum scilicet greges Iudæorum olim futurum esset imperium. *Dominabuntur eorum iusti in matutino.* Iusti, Iudæi sunt; de quibus supra. Dominatio porro illa Iudæorum in gentes, nec non *matutinum* illud, explicabuntur suo loco. Rationem reddidit hanc Psalmus idem, quare gentiles terrigenas,

&c

& primæ creationis homines, non timere deberent Iudæi, verbis seriatim sequentibus. *Auxilium*, inquit, *eorum veterascet in inferno à gloria eorum. Verum tamen Deus redimet animam meam de manu inferni; cum acceperit me.* Animam suam cum Iudæorum animabus, confundebat Iudæorum Propheta & Rex David. Nullus, aiebat ille, gentilium animas redimet. Iudæorum animas redimet Deus, cum Iudæos acceperit: vel quo tempore Iudæos ejectos receperit. Resurgent gentiles in mortem æternam: vel quod idem est, morientur in æternum; creationis suæ fato. Resurgent Iudæi in vitam æternam: vel quod idem est, vivent in æternum; recreationis & electionis suæ prærogativa. Parvi igitur pendant Iudæi vita æterna donandi, gentiles morti æternæ ascriptos.

Tanta vero intercapedine cognationis & generis distabant Iudæi à gentilibus, ut qua ratione plures dantur regionibus incognitis animantium incognitæ itidem species; plures etiam datæ fuerint gentes Iudæis ignoratæ: in regionibus puta illis quas Iudæi ipsi ignoraverunt. Neque tantum Iudæis ignoratæ gentes illæ, sed & illorum patribus incognitæ. Patribus, inquam, numeratis ab Adamo. Quo respiciens Deus hæc interminabatur Iudæis, Deuteronomii 28. *Ducet te Dominus, & Regem tuum in gentem quam ignoras, tu, & Patres tui.* Patres indeterminate dixit. Quo nomine Adamus ipse venit; primus pater, & primus Iudæorum limus. Ergo non omnes gentes ab Adamo, & posteris Adami Iudæorum patribus, cognitæ: imo fuere illis omnino ignoratæ, Mose ipso teste. Atqui non ignorant homines suas progenies. Neque ignoratæ Iudæis fuissent, eorumque patribus, gen-
tes

tes illæ; si ab illis, vel eorum patribus, progenitæ fuissent. Gentes vero illæ Iudæis & Iudæorum patribus incognitæ fuere verisimiliter, Americanæ, Australes, Groenlandicæ: & ceteræ ad quas neque dum vel Iudæis, vel Christianis gentilibus, penetrare licuit. Adnecte his quæ de Rege Iudæorum scripta sunt, psalmo 18. *Populus quem ignoro serviet mihi.* Et de Psalmo eadem interpretare & conjice, quæ de Deuteronomio.

Atque ut vero verissimo vincam; Gentiles, genere, & prima sui origine, diversos à Iudæis: attende cogitate ad illa quæ edicebat Deus Abrahamo, quo tempore circumcisionem illi, & toti domui ejus indicebat, Geneseos 17. *Circumcideretur, inquit, vernaculus & emptitius, & quodcumque non fuerit de stirpe vestra.* Id est, quodcumque non fuerit de genere Adamico. Adam enim STIRPS & origo prima fuit Abrahami. De quo Genesis: & de quo Euangelium D. Lucæ est. Empticii ergo illi de quibus loquebatur Deus Abrahamo, qui non erant de stirpe Abrahami; neque erant de genere Adami, quæ STIRPS Abrahami erat. Alienigenæ erant: ab alio, quam Adamo & stirpe Abrahami, oriundi. Neve frustra hic contendas, per *stirpem* Abrahami, Abrahamum ipsum intelligendum, quatenus pater Iudæorum, & pater Iudæorum primus intelligitur, ratione habita ad Promissiones, primo Iudæorum factas Abrahamo: quo etiam intellectu ponitur primus, & tanquam stirps Iudæorum statuitur capite 1. D. Matthæi, quæ est Genealogia Christi. Nec non ut tibi constet, & tute ipse fateare, *stirpem* hoc loco Abrahami, ad Adamum patrem Abrahami ipsius revocandam: lege quæ scripta sunt in fine capituli

pitis ejusdem 17 Geneſeos. *Et omnes viri domus illius* (id eſt Abrahami) *tam vernaculi quam emptitii, & alienigenæ, pariter circumciſi ſunt.* Habuit ergo Abrahamus ipſe domeſticos populares, vernaculos, & eodem genere Adamico, atque ille, oriundos: Tum vero emptitios, & *Alienigenas*; id eſt qui erant generis alieni & ſtirpis alienæ, à genere & ſtirpe Abrahami: qui originem ſuam non ducebant ab Adamo, ſtirpe Abrahami: vel quod idem eſt, qui non erant Adamitæ. Quos tamen circumciſiſſe hic dicitur Abrahamus, *pariter*, id eſt, æque atque ſi fuiſſent Adamitæ, & de ſtirpe Abrahami.

Gentilium & populorum omnium ſtirps & origo prima, confuſa & incognita hac de cauſa eſt; quod à principio incognito, & à ſeculis innumerabilibus Aborigines creati in terris omnibus, increſcente propagationis luxurie, qua alii ſuper alios truſi & retruſi ſunt; nec non multiplici compoſitione, qua invicem permixti & concreti ſunt; ortus ſui primi notiſſimas conturbaverunt. At, quid tale Judæis non accidit. Illorum etenim propria & certa conſtituitur origo, & ſtirps, in Adamo, à principio cognito, neque uſque adeo longe petito; continua itidem à gentilibus ſeparationis ſerie ad hæc uſque tempora derivato. Veritatis hujus vadem habemus Joſephum Judæum, & rerum Judaicarum ſcriptorem accuratiſſimum: ubi contra Appionem, propriam ſuæ genti aſſeruit originem, quam ille eo loci vocavit *Ἰουδαίων*: quamque idem in antiquitatibus ſuis Judaicis deduxit ab Adamo.

Gentiles qui ex mea hypotheſi Aborigines creati à principio in terris omnibus, *Filii hominum,*

minum, ubique fere semper vocati sunt: propter hoc ipsum, quod stirpes & origines suas primas duxerunt, non ab uno homine, sed ab innumeris creationis primæ hominibus. *Filius vero hominis* simpliciter dictus, Iudæus est: qui & *filius Adam*, & *filius Isch*, promiscue vocatus est. Filius nempe Adam patris primi Iudæorum, & gentis Iudaicæ auctoris unicus: nec non illius hominis filius, qui *Isch*, id est *Vir*, per excellentiam appellatus est; & cujus uxor *Ischa*, id est *Virago* nuncupata legitur Genesios 2.

Vulgata opinio est, gentiles oriundos esse ex hominibus illis Iudæis, qui à Iudæis in gentes abierant. Verbi gratia; ex filiis Caini, qui se ipsum familia patris sui Adami abdicaverat: ex filiis Cham, cui Noe maledixerat: ex filiis Ismael nothi: nec non ex filiis Esau reprobi. Sed omnibus notum esse debet, generis hujus Iudæos, nusquam in alienigenas & gentiles; sed in Iudæos, & in fratres Iudæorum reputatos. Cujus rei locuples testis Moses est Deuteronomii capite 23: ubi agit de his qui ascribi in civitatem Iudæorum idonei essent. *Non abominaberis*, inquit, *Idumæum, quia frater tuus est: neque Ægyptium, quia advena fuisti in terra ejus*. Nota hic diligenter, Idumæos secessione sua à filiis Abrahami, capite minutos, restitui in cives Iudæorum, tanquam fratres Iudæorum, & ejusdem generis Iudaici. Ægyptios vero in cives eorundem adscitos, tanquam hospites, tanquam alienigenas, & generis gentilitii. Fratres Iudæorum credidit Idumæos Moses idem: quando misit nuntios ad Regem Edom, qui dicerent, *Hæc mandat frater tuus Israel*. Numerorum capite 20.

Annu-

Annumerantur & inter fratres Judæorum, Ismaelitæ: qua ratione semen Abrahæ dicuntur, Geneseos capite 21. *Filium ancillæ faciam in gentem magnam, quia semen tuum est.* Eadem argue de Ammonitis, & de Moabitibus; quatenus sunt semen Lothi, eodem patre oriundi quo Abrahamus natus erat: Thare nimirum, patris Abrahami. Eadem reputa de filiis Cain, & de filiis Cham: & reliquis quibus secessus fuit à Judæorum civitate alienus: utpote eadem stirpe, & eodem Adamo ortis quo Abrahamus ortus erat.

Dicti sunt Fratres, Judæi omnes: quia ejusdem generis Adamici, & patre uno Adamo sati sunt omnes. Gentiles autem neque fratres omnes inter se, & invicem, neque fratres Judæorum reputati sunt. Non fratres inter se & invicem omnes: quia invicem fere omnes diversis omnino patribus, ex innumera primorum hominum creatione progenerati sunt: quapropter & *Filii hominum* vocari meruerunt, ad differentiam Judæorum, qui omnes patre uno Adamo claruerunt; atque eapropter *Filii hominis* insigniti fuerunt. Non numerati sunt gentiles inter fratres Judæorum: quia enim alterius generis, & diversi à genere Adamico, alienigenæ, advenæ, & peregrini; nusquam vero fratres Judæorum habiti sunt. *Non poteris alterius generis hominem Regem facere, qui non sit frater tuus*: edicebat Deus Judæis, Deuteronomii 17. Id est, non poteris gentilem qui non est frater tuus, quia alterius generis est, constituere tibi in Regem. Sed eum tibi constitues, *Quem Dominus Deus tuus elegerit de numero fratrum tuorum*: id est, Judæorum. Quod ibidem scriptum est.

Gen-

Gentiles ergo statuamus genere & stirpe diversos, à genere & stirpe Judæorum. Quod probandum mihi incubuerat.

SYSTEMATIS
THEOLOGICI
LIBER TERTIVS.

CAPVT I.

Probatur ex Genesi origo gentilium diversa ab origine Iudæorum. Gentiles creati fuerunt creatione illa quæ enarratur capite I Geneseos. Creati animalia omnia, & creati omnes homines, masculus & femina, sexta creationis die; sicut & plantæ & arbores & volatilia, suis diebus; per uniuersum terrarum orbem. Quare die illa non fuerit creatus unus homo & solus, in terris omnibus, à quo omnes homines nascerentur.

AGe vero, ut nihil intentatum relinquam, quod ad celeberrimæ disputationis elucidationem conducere & conferre valuerit; demonstrabo, Gentiles genere diversos à Judæis, ex Genesi ipsa. Cujus scilicet lectione bene intellecta, Sole clarius appareat, primæ creationis homines longissime creatos ante formatum Adamum: quem ex mea hypothefi stirpis Judaicæ auctorem statui.

Verum enimvero, legere id quod vel opinione inductus, vel superstitione præoccupatus, neque velis neque audeas intelligere, nec legere

legere est. Fidem ego hic quæ adhibetur mysteriis sacris interpello: sed fidem illam quæ bonæ mentis soror est, quæque rectam rationem amat. Faceffant ergo hinc Miracula incomposita, & male conciliata, quæ sibi illi fingunt, qui ad fidem otiosam recurrunt, & non necessariam Dei omnipotentiam, si quando ratione minus possunt. Hoc illi proficiunt, ut cum omnia sine delectu credant, nihil illis credatur. Vbi enim ratio tota enervatur, ibi cadit tota fides. Præcipue in illis quæ naturalem, rationalem, & historicam seriem continent. Qualia sunt quæ enarrantur capitibus primis Geneseos, de creatione primorum hominum, de formatione Adami & ædificatione Evæ uxoris suæ, nec non de Caino & Abelō fratribus. Quorum omnium summos hic tantum apices attingam.

Constat ergo ab initio Geneseos; sexto die illo, quo terra produxit animantia omnia, Deum eodem die *fecisse hominem; & creavisse illos masculum & foeminam. Fecit hominem;* loquitur Genesis de homine in specie. *Creavit illos;* enarrat individua. *Masculum & foeminam;* declarat, unicuique homini masculo, creatam fuisse suam foeminam. Masculus enim & foemina eo loci, pro uno homine sumuntur. Declarat etiam, non abrupta serie, sed uno actu, eodemque tenore creationis, productos à Deo fuisse homines, masculum & foeminam; quippe qui duo, unus homo erant. Vocavit autem Genesis, hominem illum masculum & foeminam, Adam. Nam si quando, vel hominem indistincte, vel genus ipsum hominum designare opus habet Scriptura, proprio & innato Adami nomine, omnes ex æquo significare consuevit.

Porro;

Porro; qua ratione creationis Terra germinaverat herbam, qua ratione prodierant arbores; qua ratione animata fuerant animantia omnia; qua ratione inquam producta hæc omnia fuerant, secundum species suas; per suos dies; una eademque progressionem creationis, super omnem terram, sive notam atavis nostris, seu novissime, sive nondum cognitam: inducendum est, eadem analogia creationis, formatos à Deo fuisse homines, masculos & fœminas, uno die, una eademque nec intermissa creatione, & ubicunque terrarum: neque regionem ullam fuisse in terris, quæ germinavisset herbam, quæ produxisset arbores & jumenta; quæ intra sextum & ultimum absolutæ creationis diem non habuisset suos homines & suos dominos. Ad hoc certe creata illa fuerant, ut servirent homini suo domino, loquendo in specie; vel hominibus suis dominis, enarrando individua. Deus autem fecisse quid frustra videretur, & quid non conveniens; si eo ipso die quo destinaverat illa ut servirent homini; nec creavisset eodem tempore homines, qui vel eis usi fuissent, vel uti potuissent, ubicunque terrarum & illa producta fuerant.

At, si ponimus Adamum, primum & unicum hominem, à quo deductæ & effusæ deinceps fuerunt per totum orbem coloniarum omnes hominum: ad quid per illud immensissimum spatium temporis, quo potuit universus orbis, per unam & solam hanc prosapiam, habere suos colonos & suos dominos: ad quid, inquam, regiones Mesopotamiæ antipodes, germinavissent herbas & olera? quibus dominis pendissent fructus arborum natarum in terris illis? quos juvissent earum jumenta, sic creata & nunc
cupa;

cupata ut juvarent homines? Vel enim per illud longissimum tempus, si non frustra, certe ad alium usum ad quem non destinaverat ea Deus, fuisse creata illa; vel fatendum est, ibidem creatos fuisse homines eodem tempore, qui eis dominarentur, qui eis uterentur.

Creatus fuerat Mundus in principio, undecunque perfecte ornatus, undecunque perfecte bonus, atque adeo undecunque perfecte pulcher. Creatus vero mundus fuisset in principio, undecunque inornatus, undecunque imperfecte pulcher, atque adeo imperfecte bonus, quod nefas esset cogitavisse; si quotquot sunt terræ in mundo caruissent in principio suis hominibus. Deformes nempe fuissent terræ omnes, si caruissent in principio suo gramine, suis arboribus, & suis animantibus: sed informes omnino evasissent, si caruissent in principio decore & ornatu suo præcipuo & suis hominibus; propter quos terræ ipsæ omnes creatæ erant, & quicquid in terris nascitur. Tum & si defuissent terris ipsis manus, cultum poscentibus.

Quale autem fuerit super hoc Dei consilium in creatione mundi; deprehenditur ex Dei ipsius consilio, in conservatione & regimine mundi ejusdem. Scriptum est Exodi 23, Deum, quo tempore educebat Israelem suum ex Ægypto, ut illum ad terram Chanaan intromitteret, hæc illi cavisse. *Non ejiciam populos terræ Chanaan a facie tua anno uno, ne terra in solitudinem redigatur, & crescant contra te bestię. Paulatim expellam eos de conspectu tuo, donec augearis & possideas terram.* Scriptum illud idem est Deut. 7. his verbis: *Consumet Deus nationes has in conspectu tuo, paulatim, atque per partes. Non poteris eas delere pariter, ne forte multiplicentur contra te bestię terræ.*

Du-

Duplex ibi cernitur cautio, quare noller Deus ex intervallo anni unius, neque uno omnes impetu ejicere nationes terræ Chanaan, quarum in locum sufficiebat populum suum Iudaicum. Prima erat; quia nolebat terram illam cui benedicebat, informem & indecorem solitudine evadere: horror enim, non decor est in solitudine; imo nota est maledictionis solitudo. Proinde lamentabatur Propheta super Jerusalem maledicta. *Quare sedet sola civitas plena populo?* Et inferius idem. *Egressus est à filia Sion omnis decor ejus. Abierunt ejus Principes, abierunt ejus virgines & juvenes ejus in captivitatem.* Tum Isaias capite 64. *Civitas sancti tui facta est deserta. Ierusalem desolata est.* Secunda cautio erat: ne crescerent & multiplicarentur bestię terræ Chanaan contra populum Dei. Prima cautio decoris erat: secunda securitatis. Nolebat Deus nutu & momento, quod potuerat, nationes terræ Chanaan delere: sed eas paulatim expellere, donec augeretur populus Iudaicus, & plenus esset numerus terræ illius suorum hominum & suorum habitatorum: qui foret terræ decor. Volebat dominus augeri populum suum ad numerum illum sufficientem & plenum habitatorum; quo potis esset vindicare se à bestiis terræ Chanaan: quæ foret populi sui securitas.

At si duplex fuit illa Domini cautio, eaque diligens, super terræ tantum Chanaan decore, & securitate populi sui Iudaici: quamvis numero abundarent Judæi, & tunc temporis ad multa centena millium excrevissent: Quid non cavisse Deum putabimus in creatione mundi, super decore, non terræ tantum unius, sed terrarum omnium quotquot sunt in mundo, ne in solitu-

litudin
pio,
nam,
minus
rum, b
mile e
& foen
Certe,
sent be
lia mul
ni cre
bestiæ
Evam,

Form
bus
neg
non
tio
Eva
form

E
dum
est se
rat de
plius
segreg
bus:
lus pe
ram
mio,
dæus
nem

litudinem redigerentur, si creavisset in principio, vel creare instituisset hominem & foeminam, solos in terris omnibus? Et si noluit Dominus exponere multa centena millium Judæorum, bestiis terræ sive regionis unius: an verisimile existimabimus, Deum exposuisse hominem & foeminam solos, bestiis terrarum omnium? Certe, si nimium crevissent & multiplicatæ fuissent bestię terræ Chanaan, contra centena millia multa Judæorum qui illam habitarent: quidni crevissent nimium & multiplicatæ fuissent bestię terrarum omnium, contra Adamum & Evam, solos in terris omnibus?

CAPUT II.

Formatus fuit Adamus seorsim à primis hominibus, formatione illa quæ enarratur capite 2 Geneseos. Adamus primus, & pater Judæorum, non omnium hominum. Diversa omnino formatio Adami, à creatione primorum hominum. Evam non potuit edificari eadem die qua Adam formatus est.

EXpeditis & perfectis capite primo diebus creationis sex, qui numerorum primus est perfectus: incipit auctor Geneseos secundum caput à sanctificatione Sabbati, qui dies est septimus, & resumat quæ primo capite dixerat de creatione universi, cui nihil deesset amplius enarrandum. Quia vero Judæorum gens segregata erat ab aliis & universis terræ gentibus: quia elegerat illam Deus, ut esset ei populus peculiaris de cunctis populis qui sunt super terram: quod reposuimus supra ex Deuteronomio, capite 7: Auctor idcirco Pentateuchi, Judæus & ipse, cujus institutum erat scribere originem, propaginem, leges & chronologiam gen-

tis suæ : seorsim à creatione universali totius mundi & gentium omnium , incepit formationem particularem primi hominis Iudæi , à quo gens illa peculiaris & electa derivata est. Nimirum, ex qua gente salus oriretur gentibus omnibus in Christo, quemadmodum ex eadem perditio emerferat gentibus omnibus in Adamo.

Et formavit Deus hominem, Geneseos 2. *Hominem*, id est, Adamum. Sed enim, quia narratio hæc per E T incipit , creditur vulgo formationem hanc Adami patris primi Iudæorum, specialiolem fuisse explanationem creationis illius hominis in specie , de qua egerat Moyses capite 1. ubi dixit, *Faciamus hominem*, &c. Sed non advertunt qui hæc autumant , particulam E T, principium fuisse rei novæ apud Hebræos, non seriem ante actæ : qualia frequentissime reperias narrationum principia apud omnes auctores sacros. Imo & liberos per E T incipientes. Prophetiæ Ezechielis principium hoc est. E T *factum est anno trigesimo*. Item Ionæ. E T *factum est verbum Domini ad Ionam*.

Formationem hanc Adami patris primi Iudæorum , de qua agimus, non fuisse primam illam creationem hominis, de qua mentio fit superiori capite Geneseos : Hanc inquam formationem Adami secundam, & secundi capitis Geneseos ; non fuisse primam illam, & primi capitis creationem; hinc maxime præsumitur: Quod pro indubitato & confesso sit , primam illam creationem & primi capitis, quæ ex mea hypotheli primorum hominum creatio est , confectam fuisse uno illo sexto & ultimo creationis die ; qualis describitur capite illo primo. Impossibile sed enim est, transacta fuisse illa omnia quæ narrantur capite secundo , ab Adamo formato

mato usque ad Evam ædificatam, per id temporis quod potuit adhiberi à vespere ad mane unius diei: Ergo multo minus per dimidium diei illius sexti, quo Deus creavit primum animalia omnia, deinde hominem. Numeremus certe momenta singula, quibus declarare Deus voluit facta fuisse illa omnia cum tempore, quamvis potuisset agere sine tempore: nihil tale reperimus in prima creatione hominum: non acta intercisâ creationum masculi & foeminae, qualia sunt longo tempore interrupta ab Adamo usque ad Evam.

✧ Dicitur primo, Deum formavisse Adamum *de limo terræ*. Vbi nota, Deum qui primo capite hominem creaverat, non ex terra simpliciter, sed ex eadem illa prima materia qua terram ipsam creaverat; in hoc secundo capite formavisse Adamum de limo terræ. Nota, inquam, Deum qui se in primo capite creatorem primorum hominum præstiterat; in hoc secundo capite plastem Adami se exhibuisse. Quocirca & plastes Iudæorum dictus est Deus, Isai. 45. *Hec dicit Dominus sanctus Israel, plastes ejus*. Plastes Israel, quia plastes Adam patris primi Israel. Sed de illis supra satis superque egimus.

Dicitur secundo: *Deum inspiravisse in faciem Adami spiraculum vitæ*. Tertio: *Tulisse eum in Paradisum*. Attende serio ad illa verba Geneleos. *Plantaverat autem Dominus Paradisum voluptatus à PRINCIPIO; in quo posuit hominem*. Principium vero illud intellige, non de tempore illo quo Deus formavit Adamum: sed de Principio illo retro longissimo, de quo scriptum est ad aperturam capitis primi Geneleos, *In principio creavit Deus cælum & terram*: quo etiam creavit hominem in specie, id est homines

primæ creationis omnes, qui terram à principio creatam illo coluerunt. Certe, si Adamus hic fuisset homo ille creatus *in principio*: & triduo post terram creatam; non dixisset Genesis super hoc Adamo quem tulit Deus in Paradisum, *Plantaverat Dominus Paradisum à principio*: imo vero illud: *plantaverat nudus quartus* Paradisum. Tertio etenim creationis die apparuit Arida, & plantatus fuit Paradisus: die autem sexto creatus est homo ille in specie.

Scriptum est quarto: Deum dedisse Adamo huic leges: præcepisse illi quid comederet, quid non comederet: quid faceret, quid vitaret. Nota vero hic curiose, nullam legem datam primæ creationis hominibus, quæ enarratur capite 1. Geneseos: nullamque hominibus illis interminatam arborem. *Dixitque Deus; Ecce dedi vobis omnem herbam afferentem semen super terram, & universa ligna, quæ habent in semet ipsis sementem generis sui: ut sit vobis in escam.* Interminata est arbor scientiæ boni & mali, secundæ creationis homini Adamo, quæ enarratur capite 2. Præcepitque ei Deus; *Ex omni ligno Paradisi comedas. De ligno autem scientiæ boni & mali ne comedas. In quocumque enim die comederis ex eo, morte morieris.* Illa autem, ut diversa instituta, ita manifesto diversa tempora arguunt.

Quinto: balbutiens nobiscum Scriptura, demonstrare voluit, Deum didicisse quasi experimento, & per quoddam tempus elapsum, Adamum solum sine adiutorio, nec coluisse, nec custodiisse commodè Paradisum. Proinde vero dixisse Dominum; *Non est bonum, hominem esse solum. Faciamus illi adiutorium simile sui.*

Sexto: *Adduxit Deus ad Adamum omnia animalia terre, & universa volatilia cæli.* Quæ non veri-

verifim
diei. E
moti
tus & g
inum
bus, h
bus tar
dum er
nirent,
Septi
dit. Id
qualibe
exercui
& temp
est, Ad
anima
mina
accom
ste pro
intra b
Octo
cumqu
dum p
de coff
No
que ve
tam fu
die que
Adam
primo
cunda
retulu
clima
futavi
diffito
ficatan

verisimile est convenisse per dimidium unius diei. Eo quippe venturi erant Elephanti, ex remotis Indiæ & Africæ regionibus, quibus lentus & gravis incessus est. Quid porro dicam de innumeris fere animalium & volatilium speciebus, hemisphærio huic nostro incognitis; quibus tantum maris tranandum, & terræ metiendum erat, ut ex America in Mesopotamiam venirent, & suum ibi nomen sortirentur?

Septimo: *Vidit Adamus quid vocaret ea. Vidit.* Id est, ut apposite quæque nominaret, in qualibet appellatione ratiocinatus est: Id est, exercuit mentis operationes illas quæ discursu & tempore distinguuntur. Neque illud possibile est, Adamum intra diei unius dimidium, vidisse animalia & volatilia cœli omnia, tum vero nomina illis omnibus convenientia ratiocinando accommodavisse: qui neque nomina illa distincte pronunciando, & continua serie enarrando, intra breve adeo tempus enuntiare potuisset.

Octavo: *Immisit Deus soporem in Adamum: cumque obdormisset:* id est, longum & profundum præ sopore dormiisset Adamus: *tulit unam de costis ejus Deus, & replevit carnem pro ea.*

Nono: *Ædificavit costam in mulierem.* Neque vero crediderunt Judæi Hellenistæ, ædificatam fuisse costam Adami in mulierem eodem die quo Adamus formatus est. Asseserant enim, Adamum formatum fuisse prima Luna; id est, primo die Lunæ: Evam autem ædificatam secunda Luna; id est, secundo die Lunæ. Quod retulit illustrissimus SALMASIVS in annis suis climactericis; superstitionemque Judæorum refutavit: Mentem vero eorundem aperuit, qua diffito diei intervallo Evam post Adamum ædificatam fuisse crediderunt.

Decimo: *Adduxit Evam Deus ad Adamum.* Horum vero omnium si rite fiat summa; non dicam dimidium diei, sed non dies solidus, non hebdomas, non mensis, dimidio horum suffecerit.

Neque illud prætereundum est, quod Adamus vocavit mulierem illam *Viraginem*, quia ex Viro sumpta erat, nec vocavit eam *Hominem*, quem admodum in prima creatione vocatæ fuerant foeminae hominum: *Creavit hominem masculum & foeminam.* Vir quippe hic secundo formatus, tantum excellebat super alios homines primo creatos, & deinceps progenitos: quo nomine primus & pater futurus erat gentis Iudaicæ Deo electissimæ; nec non quo Dei consilio vicem exhibebat totius generis humani: Ut suum adiutorium non invenerit *Vir* ille inter hominum foeminas; sed viro illi ædificanda fuerit *Virago*, ceteris foeminis excellentior. Atque hinc in posterum tam rigide interdicta matrimonia Iudæorum cum foeminis gentium: prohibita nuptiæ filiorum Dei cum filiabus hominum. Ne scilicet contaminaretur populus sanctus & electus, cum gentibus profanis & gregatim creatis.

CAPUT III.

De mirabili formatione Adami. De mirabilibus Isaaci & Christi conceptionibus. Adamus typus Christi factus fuit in omnibus similis Christo, excepta iustitia Christi. Eva sponsa Adami, figura & ipsa Ecclesiæ sponsæ Christi.

Qui sedulam navant operam lectioni sacrorum codicum, & serio illis incumbunt; deprehendunt tres homines peculiari & mirabili formatione productos. Primus est, Adamus. Secundus, Isaacus. Tertius, Iesus Christi.

Christus. Primus, Adamus; cui terra mater, Deus pater fuit. Secundus, Isaacus; cui Abrahamus pater, Deus mater fuit: *deserant enim Sara fieri muliebria*, Geneseos 18. Quo respiciens Deus, Isaïæ 46, & Judæos Isaaci filios alloquens, ait se *illos portavisse in utero suo, & gestavisse in vulva sua*. Tertius est, Jesus Christus; cui Virgo mater, Deus pater fuit. Vtrisque, Adamo & Christo, qui totum orbem sub imputationes suas mitterent, Deus pater fuit. Filius Dei fuit Adamus: filius Dei fuit Christus, & Filius Deus. Peccator fuit Adamus: Justus fuit Christus. Cetera similes fuerunt Adamus & Christus. Fuit Adamus, typus Christi, & terminus Christo oppositus. Fuit Isaacus, medius inter Adamum & Christum, & figura Christi. Fuit Christus, Isaaci prototypus, & Adam antitypus.

Vulgata opinio censuit, Adamum fuisse formatum à Deo grandem, ad perfectam staturam hominis: & quo die natus est, attingisse annos triginta tres, quibus Christus mortuus est. Facilius sane induceret ut crederem, Adamum fuisse *in omnibus* similem Christo, excepta justitia Christi: qua ratione Christus factus est *in omnibus* similis Adamo, excepto peccato Adami: atque adeo Adamum, non illico, & primo die; sed ex intervallo, successive & per ætates suas, provectum fuisse ab infantia & adolescentia, ad virilem statum; iisdem gradibus & annis, quibus Christus pervenit ad eandem ætatem; quibus Isaacus illam attingit, mirabili & ipse conceptione effectus, quibus denique ceteri homines consueto modo geniti, provehuntur ab infantibus ad viros.

Imo & hoc verisimillimum comperiet, qui seriam contemplationem injiciet super historiam

ipsam Adami, à formatione ejus, usque ad ædificationem Evæ, uxoris suæ. Formavit enim Deus Adamum extra Paradisum: quem deinde tulit in Paradisum, *ut operaretur illum*, ait Genesis. Formatum fuisse Adamum *Infantem* extra Paradisum, hinc conjicio; quia delatum doceor in Paradisum, *ut operaretur illum*. Eo igitur pubertatis & ætatis suæ anno, quo potuit operari culturæ Paradisi.

Paradisum rursus illum conjicio regionem fuisse illam terræ sanctæ, quæ Arabia felix est. Terminatur enim cap. 2. Genes. Tigride & Euphrate fluminibus, quæ junctis confluentibus, qua Arabiam respiciunt, in sinum Persicum exonerantur. Arabia item felix intelligi videtur, *Paradisus Domini*, loco illo Geneseos 12. Vbi Lot elevatis oculis vidit omnem circa regionem Jordanis, quæ universa rigabatur, *sicut Paradisus Domini, & sicut Ægyptus venientibus in Segor*. Comparavisse enim & junxisse credibile est Genesim Arabiam felicem & Ægyptum, regiones vicinas, & omnium amoenissimas.

Delatum conjicio Adamum ad terram illam sanctam, ratione eadem qua manu correptum à Deo Abrahamum comperio, & deductum ad terram eandem. Nempe, ut terræ illius naturalem possessionem iniret primus, & pater Judæorum omnium, Adamus: quamque deinceps, strictiori quodam jure, & peculiari magis pacto, promitteret & daret Deus Abrahamo, Judæisque ejus posteris: semini quippe Adami & suo.

Adolescente Adamo, & operante culturæ Paradisi, cogitavit Deus de adjungenda ci Vxore: Et tanquam incertus quam illi propriam dicaret, *Adduxit ad eum cuncta animantia terræ, & universa volatilia celi, ut videret quid vocaret*

caret ea. Omne enim quod vocavit Adamus animæ viventis, ipsum est nomen ejus.

Duo hic conjicio. Primum: ex eo quod scriptum est, *Vt videret Adam quid vocaret ea.* Tò *videret*, denotat, Adamum usum fuisse rationatione sua, in nominibus propriis & signatis, quæ dedit animantibus & volatilibus omnibus. Atque hinc conjicio, Adamum ephebum apprimè edoctum fuisse naturalem omnem historiam animantium & volatiliū. Quale notum est de Mose exposito, quem legimus cura filix Pharaonis eruditum in omni Ægyptiorum sapientia. Quin & Rabbi Moses Ben-Maymon refert libros antecessorum suorum, qui mentionem faciunt Præceptoris ipsius Adami, quem dicunt fuisse nomine *Somboscer*. Et quamvis parum credam Rabbiorum fabulis: nihil tamen adeo fabulosum est, quod non antiquam redoleat veritatem.

Deinde; ex eo quod scriptum est, *omne quod vocavit Adamus animæ viventis, ipsum est nomen ejus*; conjicio, Adamum, quo tempore naturam animantium & volatiliū omnium concipiebat, eodem momento scriptis illam mandavisse; nec non in Commentaria redegisse nomenclaturas omnium. Quomodo enim fieri potuisset, ut omne quod vocavisset Adamus, ipsum fuisset nomen ejus, tempore Moſis; nisi Adamus eodem momento, quo suis nominibus vocabat animantia & volatilia omnia, Dictionaria illorum nominum composuisset, ad usum posteritatis, & ne exciderent memoria Adami ipsius multorum animantium & volatiliū nomina, quæ nunquam forte deinceps visurus erat? Non enim fert unaquæque tellus & regio omnia animantia & omnia volatilia.

Appellavit Adamus nominibus suis cuncta animalia & universa volatilia, & omnes bestias terræ. *Adæ vero*, ait Genesis, *non inveniebatur adjutor similis ejus*. Absurdum autem videretur, quæsitum fuisse adjutorem Adamo similem, inter bestias terræ & volatilia cœli. Quæ enim vel similitudo vel relatio est homini cum quadrupede & volucris? Verum advertendum est, annumeratos fuisse hoc loco gentiles, & primos illos quos posui creationis primæ homines, inter cetera viventia; ratione eadem qua illos indistincte cum bestiis vocatos legas, *Populum qui calcat terram*, Isaïæ 42. Imo & bestias à Iudæis habitos & traductos. Quod supra & plus satis demonstratum est. Illud ergo voluit Genesis, adjutorem non inventum fuisse Adamo, inter *animalium*, id est *gentilium illorum feminas*. Eximio nimirum homini illi Adamo, qui *Isch* erat, eximia uxor obtingere debuerat, quæ *Ischa* esset; neque vero generis gregarii & gentilitii foemina.

Adæ ergo ædificata fuit uxor. At non exsurgit neque absolvitur tam cito ædificium, ut habitari possit illo eodem die quo ædificari incipitur. Ita neque ædificatam concipio Evam eo perfectionis & ætatis provectæ, qua nubilus & habitabilis esse potuit, illo eodem die quo extracta fuit ex costa Adami.

Adde quod Eva sponsa Adami, figura fuit mystica Ecclesiæ sponsæ Christi; argumento eodem quo posuimus, Adamum, typum fuisse Christi ipsius. Imo & illud certissimum est, matrimonium ipsum Adami & Evæ, fuisse sacramentum & mysterium in primis significans conjunctionem illam unanimem, qua Deus adhæret Ecclesiæ suæ. Ædificatam rursus intelligimus

gimus Ecclesiam sponsam Christi, capite 16. D. Matthæi; quemadmodum ædificatam legimus, capite hoc Geneseos, Evam sponsam Adami. Quibus autem five gradibus, five ætatibus, five temporibus, creverit Ecclesia Dei, videre est apud Ezechielem capite 16; ubi Deus ipse Ecclesiam suam alloquitur his verbis. *Multiplicatam quasi germen agri dedi te. Multiplicata es & grandis effecta; & ingressa es, & pervenisti ad mundum muliebrem. Vbera tua intumuerunt, & pilus tuus germinavit. Et ecce, tempus tuum, tempus amantium.* Crevisse Evam sponsam Adami concipio, ab infantia ad adultam ætatem, paulatim: quemadmodum exsurgit ædificium; quemadmodum multiplicantur & crescunt arbores, quæ vocantur hic *agri germina*; à furculis puta ad ramorum luxuriam; & qua ratione crevisse hoc loco legimus Ecclesiam sponsam Dei.

Adduxit Evam Dominus ad Adamum. Evam autem conjicio puberem, & viri potentem factam, adductam fuisse ad Adamum, tempore illo quo Adamus & ipse vir plenæ maturitatis effectus est; annum circiter ætatis suæ trigessimum tertium. Ut peccavisse putetur Adamus eodem anno, quo creditur mortuus Christus pro peccato Adami.

Quæ omnia si ita se habeant; qualis amabo differentia fuit, inter formationem Adami & ædificationem Evæ, quæ recensentur capite 2. Geneseos: & creationem hominum, quos creavit Deus masculum & foeminam, à principio rerum, sexto & ultimo creationis die; quæ recensetur capite 1. Mosis ejusdem?

CAPVT IV.

Cain agricola. Abel pastor & custos ovium. Cain, occiso Abelo, timet. Fugit pœnam fratricidii. Fugit, more reorum omnium, ad orientalem plagam Edeni. Vxorem ducit, generat filium, & in plaga eadem orientali civitatem ædificat. Adam genuisse dicitur filios & filias, à Setho nato usque ad mortem Adami ipsius. Non scriptum est genuisse illos vel illas, ab Abelo occiso usque ad Sethum natum.

NON dubio ita est. Excepta formatione Adami, qui factus est de limo terræ, & excepta ædificatione Evæ, quæeducta fuit ex costa Adami: probabile est Adamum & Evam crevisse & vixisse in reliquis omnibus, eadem ratione qua homines à longissimis temporibus creatos, crevisse & vixisse notum est. Imo qua ratione Christum, & ipsam Adami antitypum, & modo mirabilius conceptum, crevisse & vixisse perspicuum est. Quod ut clarius per Genesin ipsam intelligatur, persequamur quod superest historiæ Adamicæ. Postquam peccavit Adamus, *timuit; eo quod nudus erat. Fecitque Dominus Deus Adæ, & uxori ejus, tunicas pellicas, & induit eas.* Tunicas, nempe ex pellibus occisarum animantium: qualibus indui consuevisse homines illius temporis credibile est. At enim vero, quis non inde conjiciat fuisse tempore eodem coriarios, alutarios, & pelliciones?

Cognovit Adam uxorem suam Evam, quæ concepit & peperit Cainum primogenitum; deinde Abelum natu minorem. Divisitque Adamus bona sua filiis suis adultis. Quod fieri solet inter homi-

homines civili jure utentes. Terras scilicet arandas dedit Caino Adamus; oves pascendas Abelo. Erat ergo tunc temporis, *Meum, & Tuum*. Quale fuit & est in societate hominum, à longissimis temporibus bene & legitime instituta. Patrimonia sua & fundos suos habuit Cainus primogenitus, quos coleret. Suum peculium & suas oves Abelus natu minor, quas pasceret & custodiret. Qualis partitio usu fit apud bonos omnes & æquos Patres familias.

Fuit Cainus agricola. Abelus pastor ovium. Qui dicit Aratoriam artem, multas alias supponit artes: & qui dicit Agricolam, innumeros fere præsupponit artifices. At si nulli præter Cainum agricolam fuere tunc temporis artifices: maximus sane fuit ardelio Cainus. Ergo sibi solus fodit ferrarias; fornaces excitavit; sibi incudem & malleos fabricavit, & alia ferramenta quibus vomerem cuderet & procuderet; secures sibi acuit, quibus cæsæ arbores formas acciperent vel aratri, vel rastro, vel plaustrum, vel ceteri id genus. Tum si ex farre quod messuerat, panem, ut credibile est, confecit: sibi solus ergo cavavit lapicidas Cainus, unde molas erueret: vel si tunc temporis nullus erat molendinorum usus, eo deductus fuit ubi fient nequam homines qui polentam pinsint, & sibi pistrinum construxit ubi panes torreret. Fuit ergo Cainus solus, arator, messor, & pistor: Eas ergo Cainus artes solus exercuit, ad quas innumeri pene & servi & artifices requirebantur: quæ non nisi longa meditatione, & longissimo usu reperiri potuerunt. Parva illa sunt. Nobilissimus omnium hominum, qui referebat Deum avum, & Terram aviam, deputatus fuit ad ferrarias & lapicidas, vel in pistrinum ad tundendas

segetes; quo damnati ad metalla, vel servi poenæ deportabantur.

Veniamus ad Abelum. Scriptum est, fuisse pastorem ovium. Atqui Pastor ovium, idem est qui custos ovium. Pascebat & custodiebat Abelus oves suas. Sed quare custodiebat illas Abelus? Quos fures timere debuerat, præter patrem, matrem, & fratrem, si nulli præterea fuissent homines in terris? Ab lupis autem & feris rapacibus, quæ gregem suum invasisent, plus Abelo ipsi, quam ovibus suis, timendum fuisset: ne in illum scilicet, neglectis ovibus, insurrexissent.

Verisimile porro est, Adamum degisse tunc temporis, vel in pago circumsepto, vel in oppido muris cincto. Postquam enim certum fixumque fuit in animo Caini, infandum illud quod meditabatur facinus; *Dixit ad Abelum fratrem suum; Egrediamur foras. Cumque essent in agro, consurrexit Cain adversus fratrem suum, & interfecit eum.* Illud, *Egrediamur foras*, denotat Cainum & Abelum conclusos fuisse, vel intra septa vici cujusdam, vel intra muros cujusdam oppidi. Intra quæ septa, vel intra quos muros, timuit Cain apprehendi, & obtorto collo rapi in carcerem, si palam & in conspectu vel paganorum vel civium, occidisset fratrem suum. Interfecitque eum cum essent in *Agro*; qui opponitur *Vibi*. Quod nota. Interfecit eum cum essent in solitudine, clam arbitris. Quod facere solent grassatores & facinorosi homines, qui flagitia, & homicidia maxime perpetrant. Præmia autem tempore illo benefactis decreta, & supplicia malefactoris, hinc apparet; quod Deus iratum & obstipito capite Cainum alloquens, quia potior illo Abel erat, hæc illi dixit. *Quare iratus*

tus

tus es, & cur concidit facies tua? Nonne, si bene egeris, recipies: sin autem male, statim in foribus peccatum aderit? In foribus, id est, in portis. Notum enim est locis quam plurimis scripturæ sacræ, judicia apud Orientales exerceri solita in portis. Imo etiam nunc apud eosdem, Porta eadem est quæ Curia. Significabat autem Deus Caino, si male ageret, rapiendum ad iudices, qui pœnas sceleris sui ab eo reposcerent. Quod doctè admodum animadvertit, & quo me liberaliter communicavit MICHAEL MAROLIVS, Abbas à Villelong, prosapia illustri, & multiplici eruditione nobilis.

Vrgeamus. A quibus latronibus acceperat Cainus ensẽ, quo verteret sanguinem Abeli fratris sui? Item, quos timuit Cainus postquam intellexit, palam esse quod patraverat fratricidium? cum dixit Deo: *Omnis qui invenerit me, occidet me.* Timuit enim vero iudices suos, & leges quibus capite plectendus erat. Effugit ergo jurisdictionem in qua occideret fratrem suum: atque adeo in qua sistendus erat iudicio. Et aufugit more reorum omnium, qui sciunt se rem malam meruisse, & pedibus illico perfugium pariunt: Aufugit, inquam, in aliam regionem. *Ad orientalem plagam Edeni*, ait Genesis. Notari vero digna sunt verba ipsa, quæ cum Deo habuit Cainus antequam fugeret. *Ejicis me hodie à facie terræ.* Terra autem illa intelligenda est sancta, à qua ejiciebatur Cain. *Et ero vagus & profugus in terra.* Terra rursus illa, intelligenda est peregrina & gentilitia; ad quam effugiebat, & in qua vagaretur, ut sedem in illa quæreretur. *Omnis igitur qui invenerit me.* Nota, in terra illa peregrina & gentilitia. *Occidet me.* Nimirum neque se bene tutum credebatur
terra

terra exera, sceleris sui conscius Cainus. Neve putemus illum timuisse incassum homines & Iudices sui temporis; cavit ei Dominus, dixitque eam ob rem duntaxat; *Omnis qui occiderit Cainum, septuplum punietur. Posuitque signum in Caino, ut non interficeret eum omnis qui invenisset eum.* Incassum autem timuisset Cainus, & in vanum posuisset Dominus signum in Caino, ne occideretur à quopiam homine, si vacuæ hominum fuissent terræ illæ ad quas Cainus confugisset.

Scitu digna sunt quæ ad hanc rem scripsit Iosephus, Iudæus ipse, & antiquitatis Iudaicæ vindex acerrimus: quique nihil scripsisse putandus est, quod non, vel fando longinqua traditione accepisset, vel inquirendo lectione accurata didicisset. Profugum refert in Oriente Edeni Cainum, non in melius vitam mutavisse, sed facultates domesticas per vim & rapinas accumulavisse: *Accitis*, ait ille, *undiquaque latrociniorum & nequitie sociis: nec non Magistrum illis ad facinorosam vitam effectum.* Monuit me Clarissimus, idemque doctissimus ISMAEL BVILLALDVS, se eadem fere legisse in Msc. Græco Bibliothecæ Regiæ, ex Chronico Hebræico translato: quæ latine reddita ita sonant. *Cum vero multum itineris confecisset Cain, in quendam locum Cainan appellatum venit, omniaque scelerum genera patravit; prætereuntes ex insidiis invadens & occidens: Ex quorum spoliis ingentem pecuniarum summam confluxit.*

At, qui genus amabo fuere homines & socii illi, quos ad partem prædarum suarum undiquaque accivisse Cainum memorat Iosephus? Num potius Caini nepotes vocavisset homines illos, si illos Caini nepotes Iosephus credidisset?

Sed

Sed enim quia non credidit Caini nepotes, simpliciter vocavit illos, *Caini socios vel comites*. Quales vocantur milites, à suis vel ducibus vel magistris. Item, contra quos accivit manum illam facinorosorum hominum Cainus? Anne armavisset nepotes suos contra suos itidem alios nepotes? Neque vero illam fuisse Iosephi mentem existimandum est. Ad quid vero armavisset nepotes suos contra nepotes suos? Nempe ut dominii sui fines extenderet? Sed neque illud verisimile esset in tanto terrarum vacuo, quale fuisse intelligendum foret, si Mundum & primos homines recens tunc temporis, vel creatos vel genitos supponeremus. Adde quod hoc loco Geneseos, quæ propria historia est Judæorum, nulli alii memorantur vel formati vel nati homines Judæi, præter Adamum, Evam, & Cainum: illosque Judæos, de quo non ambigitur. Neque dum enim foeminam ullam genuisse Adamum legimus; ex qua & fratre suo Caino prognatos conjiceremus homines illos quos quærimus.

Quam ergo uxorem duxisse Cainum dicemus, ex qua genuisse Henochum novimus, cum esset in orientali plaga Edeni? Certe, si non ex familia Adami patris sui & patris primi Judæorum; quod non potuit Cainus, quia nondum nata erat filia Adamo: Censendum est, duxisse uxorem illam ex filiabus gentium; oriundam ex prima creatione hominum, quæ enarratur capite 1. Geneseos. Impius scilicet fraticida ille degeneraverat à sancta sua origine, & profanis se gentibus immiscuerat.

Ad hanc orientalem plagam Edeni appulsus Cainus, ædificavit civitatem; vocavitque nomen ejus ex nomine filii sui, *Henoch*. Nimirum,

ut

ut distingueret illam ab aliis civitatibus orientalis plagæ Edeni, quæ sua utique habebant nomina. Sed quibus architectis & fabris Urbem illam posuit Cainus? Quibus civibus illam composuit? si non accersiti operarii, si non aliunde quam ex familia patris sui Adami deducta colonia, quæ urbem suam habitaret?

Orbus erat tunc temporis Adamus. Abelus occisus erat, Cainus effugerat. Et genuit deinceps Sethum Adamus, *annos natus triginta & centum*. Quem ut peperit Eva, dixit Adamus, *Posuit mihi Deus semen aliud, pro Abelo quem occidit Cainus*. Quibus verbis palam est, nullum aliud semen, nullam aliam propaginem susceptam fuisse Adamo in locum Abeli, nisi trigesimo & centesimo ætatis suæ anno. Quo tempore Cainus jam tum uxorem duxerat, & urbem ædificaverat. Addit Genesis; *Et facti sunt dies Adami postquam genuit Sethum, octingenti anni. Genuitque filios & filias*. Quod dixisset haud dubie de tempore illo quod interelapsum erat ab Abelo ad Sethum, si per illud tempus vel filios vel filias genuisset Adamus: Quia vero neque illos, neque illas, intra illud tempus genuit: idcirco dixit Adamus genito Setho; *Posuit mihi Deus semen aliud, pro Abelo quem occidit Cainus*. Id est, substitutus est mihi Sethus in locum Abeli mortui.

CAPUT V.

Probantur ex monumentis gentilium gentiles genere diversi à Iudæis; & à genere Iudæorum Adamico. Disputatio de æternitate mundi in duas classes ab antiquis distributa. De tempore. De annorum fasciculis quos sibi fecerant Chaldæi. De annis periodicis. De anno vertente & magno.

*gno. Anni significati per serpentes. De spelunca
ævi à Claudiano descripta. De seculorum seculo.*

Vidimus supra gentiles, genere, & affectione generis, ex adverso Judæis oppositos: stirpe alia quam stirpe Judæorum sotos: nec non alienigenas à Judæis ipsis dictos & habitos. Vidimus gentiles & primos homines, capite 1. Geneseos, creatos cum cælo & terra; cum Sole & Luna, temporum & seculorum patribus: in principio illo cujus nullum datur hominibus determinatum principium.

Vidimus parte alia Adamum, à quo gens Judaica est, capite secundo Geneseos, seorsim formatum à primis illis, primi capitis, & primæ creationis hominibus. Vidimus Evam Adami foeminam, discontinua serie, neque illo ipso die ædificatam, quo Adamus formatus est. Vidimus Cainum agricolam. Abelum pastorem ovium. Fratres duos, pensâ diversa, usu reperta & stabilita obeuntes munia. Abelum occisum à Caino, cum egressi essent foras: occisum in agro, clam hominibus, & hominum frequentia semotum. Vidimus Cainum perterritum, propter occisum fratrem suum; homines sui temporis, id est Judices suos pallentem: Patria sua profugum, & in Natione extera latronum ducem; uxorem ducentem, fundamenta urbis locantem: neque vero urbis sine nomine, sed cui nomen esset dedicationis egregium, à primogenito suo Henoc. Quod ut clarius aperiâ: Vidimus Adamum & Evam aliter formatos à Deo, atque creati fuerant gentiles, & primi creationis primæ homines. Vidimus Cainum domo patris sui Adami, & familia Dei extorrem, ad gentiles remotos & alienigenas transfugam.

Vidi-

Vidimus denique tum ex Genesi, tum ex locis aliis selectis utriusque testamenti, probationum strues, quibus abunde demonstratur, gentiles genere diversos ab Adamo, atque adeo à Judæis Adami posteris, constitutos. Quia vero fama est, juncta fortius ire argumenta; adnectere lubet his ratiociniis sacris, gentilium ipsorum monumenta, quæ in numerato sunt quamplurima, super creatione Mundi & primorum hominum: quos antiquissimi & melioris notæ Philosophi & Historici, non ab Adamo nupere formato, sed ab æterno, vel à seculis posuere innumerabilibus.

Et enim vero, in duas classes distributi fuere, qui de Mundo disputaverunt. Vna fuit asseverantium, Mundum ortus & interitus expertem, fuisse ab æterno; & futurum in æternum. Altera differentium, Mundum, & principium habuisse, & finem habiturum: utrumque autem, & principium & finem ejus, neque certum, neque cognitum. Qui Mundum posuere æternum, numen esse crediderunt; neque genitum, neque interiturum unquam. Imo Deum & Mundum voluere unum quid esse; & Deum, Mundum induisse. Iovem propterea Deorum summum, Mundum fuisse universum: animantem ex animantibus, & Deum ex diis, tanquam sui partibus, compositum. Mundi enim partes ipsas in Deorum æternorum numero reposuerunt. Deos quippe dari æternos. Inter quos, Sol & Luna, & reliqua cœli sydera, æterno & irrequieto ambitu circumagerentur; neque sui ortus principium haberent, neque unquam desitura essent. Æternum vero fuisse universum hoc, affirmavere hacpropter illi, quia si genitum esset, ex eo quod nusquam est, genitum fuisset.

fuiſſet. Nihil autem fieri ex nihilo, pro conſeſſio habebant. *Æternitatem quinetiam Mundi con-
jecere illi, per æternum tenorem illum, & per-
ſeverantem conſtantiam, qua Mundus perma-
ner, & qua ſemper fui ſimilis eſt. Quocirca &
immutabilem dixere illum: quia talis ſemper
fuerit, & talis ſemper futurus ſit, qualis nunc
eſt. Quo refer Eccleſiaſtæ illud, capite 1. *Quid
eſt quod fuit? ipſum quod futurum eſt. Nihil ſub
Sole novum. Nec valet quiſquam dicere; Ecce
hoc recens eſt. Iam enim præceſſit in ſeculis quæ
fuerunt ante nos. Et ſi Sol alius, idem tamen naſci-
tur. Nimirum, illud ipſum fuit; quod erant
adulteræ ante Helenam, quod erant duces ante
Idomeneum, & Sthenelum, & quod Troia capta
fuit ante Agamemnonem.**

Deus æternitatem: æternitas Mundum effecit:
aiebat Mercurius in Pimandro. Deus ergo ante
æternitatem: æternitas ante Mundum fuit. Ve-
rum ut Sol cauſa diei, non ante diem, ſed cum
die naſcitur: & ſicut Deus cauſa æternitatis;
non tam ante æternitatem, quam cum æterni-
tate ab æterno fuit: Similiter æternitas quæ
Mundum effecit, non tam ante Mundum fuit,
quam cum Mundo fuit ab æterno. Quare Pi-
mander idem volebat, æternitatem eſſe in Deo;
& Mundum in æternitate. Imo æternitatem a-
nimam eſſe Mundi; qua ratione Deum, animam
æternitatis conſtituebat. Mundum ergo opus
fuiſſe æternitatis aſſeverabat: factum non ali-
quando, ſed ſemper & ab æterno: cum vero nun-
quam ceſſet æternitas, nunquam etiam Mundum
ceſſaturum.

Actio porro in Deo, poteſtas ſemper fuit inſu-
perabilis: neque enim unquam otioſus fuit Deus.
Quod ex Mundo ipſo percipimus, qui imago
Dei

Dei est. Nullum quippe otium datur in nullis Mundi partibus. Mundus enim & semper prægnans est, & semper parturit; secundum loci & temporis cuiusque naturam. Mundum propterea non natum concipiemus, si Deum respiciamus: in quo ab æterno Mundus & creaturæ omnes erant, unde nasci debuerant: quarumque Deus voluntate sua semper & ab æterno prægnans fuit. At si Deum semper & ab æterno Mundum gestavisse in mente & voluntate sua credimus: credibile utique putabimus, Deum, potestate illa insuperabili, qua semper agit & semper parturit, Mundum ab æterno generavisse.

Qui parte alia, principium Mundo assignavere; exordia rebus fuisse, & illarum formas Universum hoc paulatim sumpsisse docuerunt. Tum vero tenerum Mundi concrevisse orbem, & primis prorepissee terris animalia; terrasque novo Sole illucescente stupuisse putaverunt. Sed & naturæ ipsius lanuginem eleganter expressit Porphyrius, ubi de primis & antiquissimis Ægyptiorum egit sacrificiis. *Infinitum*, inquit, *videtur fluxisse tempus, ex quo Ægyptii, genus hominum longe sapientissimum, ad focum domesticum, sacra diis cælestibus facere cæperunt: non myrrhæ, non cassiæ, thurisque cum cocco mistorum, primitiis; sed virentis herbæ: cuius sic, tanquam naturæ genitalis primævam quasi lanuginem, manibus sublatam efferebant.* *Infinitum*, dixit Porphyrius, non fluxisse tempus à principio rerum: sed *videri fluxisse.* Quod nota. Secundum opinionem eorum, qui mundum ab immenso ævo, perpetua commotione volvi statuebant: neque certo aliquo tempore generatum esse. Certo, id est, cognito. Quo sensu Sanchoniato, qui ante Trojanam cladem vixerat; Principia mundi infinita fuisse dixit.

dixerat : Mundumque, nullum, *nisi longo seculo-
rum intervallo*, terminum habiturum.

Perpetuam commotionem illam qua Mundus
volveretur, tempus volubile itidem, generavisse
censebant. Tempus, inquam, quod lapsus es-
set ab immenso ævo, & in ævum laberetur im-
mensum. Temporis porro illius partes consti-
tuerunt, momenta, horas, dies, menses, annos,
secula, seculorum secula : tum denique compo-
ni ex illis seculum seculorum; five Ævum illud,
quod extenditur à seculis in secula; quodque à
principio rerum ortum est, & fine earundem
desinet. Datæ præterea fuerunt, annorum heb-
domades, & menses, apud auctores sacros. Da-
ti etiam annorum anni : Chaldæorum dodecaë-
terides; & Græcorum tetraëterides, octaëterides,
enneadecaëterides, &c. Curiosa sunt & electa,
quæ stupendæ Vir eruditionis, CLAUDIUS
SALMASIUS, scripsit in Præfatione ad an-
nos suos climactericos. Chaldæos, ait ille, adeo
liberales & largos fuisse, in computandis Re-
gum suorum temporibus; ut non per annos ea
numerarent, sed per diversas summas ex multis
annis constantes. Tria, inquit, earum fuere ge-
nera & nomina. ΣάρϞ, ΝεϞϞ, & ΣώϞϞ. Ex
quibus, ΣάρϞ, ut reperit scriptum, sex millia an-
norum continebat. ΝεϞϞ, sexcentos annos.
ΣώϞϞ, sexaginta. Solenne itidem fuit Mexica-
nis & Peruanis, tales annorum strues congeffisse,
in digerendo ætatis Mundi computo : ætatem-
que illam per Soles numeravisse. Sol autem u-
nus, referente Gomara, octingentis & sexaginta
constabat annis. Et si quæ fides illis est; Sol ultim-
us apud eosdem, numerari debuit ab anno
Christi millesimo quadregesimo tertio. Quod
scriptum dedit in commentario suo regio Gar-
cil-

cillaffus à Vega, ex regia Incarum origine, Mexicanus ipse.

Dicuntur & anni, variæ stellarum, tum fixarum, tum errantium, periodi; quibus vel cursus suos peragunt, vel invicem conjunguntur. Annus enim, definiente Scaligero, circuitus est ejus periodi, cujus cognominis ipse est. Maxima omnium periodus putata illa est, quæ ad motum octavæ Sphæræ componitur; quæque absoluta sunt, cuncta redeunt sidera. Quem *Annum vertentem* Cicero appellavit. Cujus tempora cum numerare veller, substitit ipse, adeo multa deprehendit. *In illis*, ait ille, *non audeo dicere, quam multa hominum secula teneantur*. Magnum illum annum, *vertentem* idcirco vocavit Cicero, quia exactis immensis illis siderum omnium, tum curriculis, tum conjunctionibus, verteretur ille, iteraretque vices suas; ad instar singularium siderum, quæ vias & conjunctiones invicem suas, indefessis motibus, eunt redeuntque.

————— *Consumpto Magnus qui dicitur anno, Rursus in antiquum redeunt vaga sidera cursum,*

Qualia dispositi fuerant ab origine Mundi.

Quæ sunt elegantissimi poetæ Aufonii. Quo refer quæ de Ægyptiis post Herodotum scripsit Pomponius Mela. Ipsi, ait, mandatum literis servant, dum Ægyptii sunt, quater cursus suos vertisse sidera. Quod est quatuor magnos annos & vertentes elapsos, ex quo Ægyptii essent.

Magnum illum annum, qui, Cicerone judice, tam multa continet hominum secula, graphice descripsit Claudianus, Panegyrico Stiliconis 2.

Eft

*Est ignota procul, nostræque impervia menti,
Vix adeunda Diis, annorum squalida mater,
Immensæ spelunca ævi; quæ tempora vasto
Suppeditat revocatque sinu. Complectitur an-
trum,*

*Omnia qui placido consumit numine, Serpens:
Perpetuumque viret squamis; caudamque
reducto*

Ore vorat, tacito relegens exordia lapsu.

Tralaticium est, annos cujusvis generis signifi-
cari solitos per Serpentes, caudam in orbem ori
infertantes. Ratione scilicet figuræ circularis,
quæ in se ipsam perpetuo revolvitur & recurrit:
sicut anni omnes perpetuo in se ipsos revolvun-
tur & recurrunt. Immensum propterea Serpen-
tem assignavit Claudianus, immenso & magno
anno: nec non Speluncam illam suam, immen-
sæ ævi matrem annosam & squalidam, serpen-
tem illum complecti voluit: tum reducto ore
caudam suam vorare finxit; quia magnus ille
annus, cæterorum & minorum annorum more,
in se ipsum recurreret, inciperetque semper illic
ubi desineret. Imo quia, ut ipse loquitur, *vesti-
gia sua lapsu tacito relegeret.*

Neque vero annorum perennitas repræsenta-
batur per Serpentes, propter figuram tantum,
qua in rotundum inflectebantur: sed etiam pro-
pter naturam ipsam suam qua immortales quo-
dammodo esse, & longissimo confecto anno-
rum curriculo, in se ipsos resolvi putabantur:
quæ erat Phœnicum & Ægyptiorum fides. Ma-
gnus ille Serpens, qui speluncam magni anni
complectitur, *perpetuum virere squamis*, Clau-
diano dicitur: quia hoc genus animantis, pro-
pter vim & copiam spiritus quo abundat, non so-
lum exuto senio juvenescere, verum etiam ma-
jora

jora simul virium accipere incrementa creditur. Tum quia natura ejus ignea & vivida est. Quare Serpentes *sanguine & igne suffectos*, pinxit Virgilius. Quæ cum magno anno mire consentiunt. Senectus enim illi est cruda & viridis, quæ vastissimo sinu suo tempora indefinenter ducit & reducit, revocat suppeditatque.

Quæ diximus de Serpentibus caudas suas remordentibus, conveniunt annis illis periodicis, quibus certa & cognita principia, tum certi & cogniti fines deputantur: sive illi sint minores anni, sive ille sit magnus annus, quem periodicum, & terminis certis definitum statuimus. Non sic se habet cum Maximo illo anno, qui repetitas periodos annorum omnes, & magni, & minorum complectitur: quod seculum seculi dictum est, sive *Ævum* illud, à principio fluens, & in finem usque seculorum deducendum. *Ævum* enim hoc nulla certa & cognita periodo continetur. A principio pendet non intellecto. Et quamvis ad finem suum irrequieta volutione properet; nunquam tamen illum assequitur. *Ævo* propterea illi non Serpens Claudiani convenit, caudam suam vorans; sed vere magis *Vrfa* illa Lucani, quæ dentes in caudam retorquens, ut infixum tergo ferrum morsu extrahat, secum fugientem circuit neque apprehendit cuspidem. Apposite ad hanc rem Jamblichus. *Mens opifex*, inquit, *celeri rapacitate circulos cælestes convertens, suam ad se machinam flexit. Eamque volvi à principio ad finem absque fine precepit.*

Ævum illud, quod à principio rerum creatarum excurrit, & fine earundem hærebit: quod proprie Tempus solidum, & Systema ipsum est, præteritorum & futurorum omnium; *Corpus*

tem-

temporum, Tertulliano dicitur, Apologetici 26. *Seculum* vero *seculorum*; & *seculum*, simpliciter: tum, *Dies ævi*, & *Dies seculi*, auctoribus sacris appellatur. At si magnus & vertens Ciceronis annus, attonitum ejus percussit animum, in enumerandis illius seculis: si spelunca Claudiani, eadem quæ magnus Ciceronis annus, *ignota*, & *hominum menti impervia*; si *Diis ipsis vis ad-eunda*, Poëtæ illi dicta est: Qua numerorum caligine hebetari purabimus hominum mentes, in recensendis seculis illis omnibus; quæ *Ævum* ipsum componunt? *Ævum* inquam illud, quo secula præterita & futura omnia, in unam congeriem revocantur: Quodque speluncam ipsam Claudiani haurit, ut boletum gula voracior; nec non annum Ciceronis vertentem torquet, ut *figulus rotam* solet.

Nimirum illud fuit, quod de *Ævo* illo scripsit auctor Ecclesiastici, quod vocavit *seculum*, capite 1, à limine. *Arenam maris, & pluvie guttas, & dies seculi, quis dinumeraverit?* Tum capite 18, de die ævi. *Qualis gutta aquæ maris, & sicut calculus arenæ, sic exigui anni mille in die ævi.* Furiosos quocirca pronunciabat Socrates illos, qui de Mundi origine curiosius disputabant. * Ille se nihil in ea intelligere profitebatur; tantum illi contemplatio ipsa cœcitatatis offuderat. Scientia illa de origine mundi, quæ soli Deo competit, homines fallit, quia hominibus abscondita est: neque enim possumus tempora & fastos mundi evolvere. Et si filius Dei qua homo fuit, finem mundi nesciit; qui possumus homunciones, indagare mundi exordia? Eadem enim est præteriti quæ futuri ratio. *Ab omnipotente non sunt abscondita tempora;*

* Plato, dialogo de Animo.

Iob. 20. *Neque est nostrum novisse illa*; Actorum primo. Eapropter scriptum est Ecclesiastæ 1, *Priorum non est memoria*. Fuere fortes, aiebat Lyricus, ante Agamemnonem: sed omnes illachrymabiles, quia ignoti, longissima oblivii nocte urgentur.

CAPVT VI.

Ignorant homines primas suas historias & origines. De Chaldeis. De stupendo annorum numero, quem posuisse dicuntur Chaldaei, in componendis tabulis suis Astronomicis. De Aegyptiis. Et de annorum myriadibus per quas regnavisse dicuntur Aegyptiorum reges, Dii, Heroes, & Homines.

OPTIME Senex ille:
Ignaras hominum suspendunt numina mentes.

At, qui mos est Geographis, maria terris inducere quas ignorant: solent affines eorum Chronologi præterita obliterare quæ ignorant secula. Regiones illi ignotas submergunt: hi tempora incognita atroci stylo confodiunt, & negant quæ nesciunt. Divisere tempora Græci Chronologi, in ἀδελον, quod est absconditum: μυθικόν, & ἡρωικόν, quod fabulosum est: ἱστορικόν, quod pro vero & comperto habuerunt. Ἀδελον, & absconditum illis fuit, quod à conditu rerum ad diluvium fluxit: Quod tempus, sive habuit initium, sive semper fuit; certe quot annorum sit, non potest comprehendere: auctore post Varronem Censorino. μυθικόν, & ἡρωικόν, fabulosum fuit; quod à diluvio ad primam Olympiadem dimanavit: Incognitum itidem: neque enim plane scitur, quantum distet, vel

Ina-

Inachus ab Ogyge, vel Codrus ab Inacho. *Ἰσόμενος*, & compertum numeratur, quod à prima Olympiade commentariis relatum est.

Quæcunque autem sapimus in humanarum rerum notitia, Græcos sapimus tantum, & qui eas secuti sunt, auctores Latinos. At enim vero, nova apud Græcos omnia; & ante unum alterumve diem, aiebat ille, extitisse reperias urbium molitionem, excogitationem artium, legumque percriptionem. Omnium vero novissimi ad scribendam historiam sese contulerunt. *Ægyptiis* autem, *Chaldæis*, & *Phœnicibus*, vetustissimam atque constantissimam rerum suarum mansisse memoriam, Græci fatentur ipsi. Iidem sero admodum, vixque tandem, literarum naturam didicerunt à *Phœnicibus*, & Cadmo *Phœnice* illos eas docente. Dubitatumque proinde est, utrum literis uterentur Græci, *Trojanæ* expeditionis tempore. Quod *Josephus* contra *Appionem* scripsit. Sed qui res suas vix à prima Olympiade pro veris habuerunt Græci; neque pro compertis potuerunt dare ceteras, quæ primam Olympiadem prævertunt. Fando tamen & legendo ad illos pervenerant, quæ de *Chaldæis*, *Ægyptiis*, *Phœnicibus*, & *Scythiis*, nobilissimis populis, jactata & scripta fuerant. Sed per satyram, & confuse adeo vulgata, ut quæ ab antecessoribus turbata acceperant, turbata decessoribus eadem tradiderint. Et si singula, figillatim spectata, parvam faciant fidem; juncta nihilominus evincant, gentes illas à retroantiquissimis seculis regnatas fuisse, & belli & pacis artibus longe claruisse.

Diodorus Siculus, vir clarissimus habitus, & opinionem doctrinæ magnam apud omnes literatos consecutus: legendo, percunctando

& peregrinando, Europam, Asiam, & Africam, per quadraginta annos peragravit; Bibliothecamque suam, pluribus & vetustissimis, nec non exquisitoribus bibliothecis instruxit. Hæc ille de Chaldæis refert: Mundi illos naturam ab antiquissimis temporibus credidisse sempiternam; quæ neque principii sui ortum haberet, neque corruptionem ullam deinceps tempore admitteret. Genusque hominum fuisse ab æterno, sine ullo generationis principio. Sydera credidisse æterna. Tum ex longa & diuturna syderum illorum æternorum observatione, nec non exacta motuum atque virium cujusque cognitione, qua universos præstabant mortales, multa hominibus eventura prædixisse. *Numerum autem annorum, quibus Chaldaeorum collegium asseverabat se vacavisse considerationi mundi, haud facile credideris, ait Diodorus. Nam usque ad expeditionem Alexandri in Asiam, quadringenta & septuaginta annorum millia numerabant, ex quo sydera observare cœpissent.* Difficile illud creditu, sed non impossibile factu, putavit Diodorus: quippe qui motum æterni circuitus crederet ipse, lege æterna, stellis & syderibus esse definitum. Nempe illud fuit quod Cicero, in cujus ætatem Diodorus incidit, hæc eadem fere scripsit, quæ Diodorus, de Chaldæis, quos Babylonios dixit, 2 de Divinatione. *Nam quod aiunt, inquit, quadringenta & septuaginta millia annorum, in periclitandis experiundisque pueris, quicumque nati essent, Babylonios posuisse, fallunt. Si enim esset factum, non esset desitum. Neminem autem habemus auctorem, qui aut fieri dicat, aut factum sciat.* Refutavit loco illo Cicero, non annorum computum, quod non impossibile putavit, alioquin per impossibile ipsum refutavisset: sed

sed nugæ divinationis Babylonice, pericula & experimenta illa usque adeo anxia, & per tot millia annorum continua serie tradita, in digerendis puerorum genituris; quæ non probabilia Ciceroni visa sunt. Quare enim, ait ille, desinissent Babylonii, tales & continuas ætate sua ponere Geneses? Stupendus porro annorum numerus ille, quem referunt Diodorus & Cicero Chaldæos impendisse, vel in observationibus syderum, vel in geniturarum diathematibus, non aberrat à fasciculis temporum illis, quibus usos fuisse Chaldæos superiori capite ostendi, in computandis Regum suorum fastis. Nimirum tantus erat temporum illorum numerus, & tantum in præterita secula recurrebat, ut non per annos, sed per plura annorum millia; non per secula, sed per multiplices seculorum summas, Regum suorum annales numerarent.

Ægyptii, Chaldæorum in Astrologicis æmuli, credidere, motum æternum stellis, & syderibus omnibus, tum universis, tum singulis, ab æterno fuisse deputatum. Motuum vero illorum descriptiones, per incredibilem annorum numerum custodiisse eos, asseruit idem ille Diodorus. Sed & Regum suorum historias, per incredibilem itidem annorum seriem, servavisse compertum est. Quos scilicet habuere, & Reges Deos, & Reges heroas, & Reges homines. De quorum antiquissimis dynastiis, mira sunt quæ narrantur ab Herodoto & variis rerum Ægyptiarum scriptoribus. Græcorum & Romanorum doctissimus SALMASIUS, vetustissimi auctoris meminit, qui triginta dynastias Ægyptiorum regum posuit; easque per annorum *Myriadas tres* duravisse scripsit. *Myriadas* vero illas exposuit, millies decies millia, cum tri-

bus annorum millibus. Sunt qui periisse dicant apud Ægyptios tempora Vulcani Dei, regis sui: quem per infinita seculorum spatia in Ægypto regnavisse contendunt, Solem vero Vulcani filium, imperium Ægypti tenuisse, post patrem suum, per annos sexcenta millia sexcentos septuaginta sex: numerum referente, indagatore rerum acerrimo, præfatione ad annos climactericos, CLAUDIO SALMASIO.

Neque est quod Herodoti, vel aliorum de rebus Ægyptiacis scriptorum, sugillemus fidem; eo quod Diodorus scripserit: *Portenta illos narrationum pro veritate amplexos*. Diodori enim verba hæc alio referenda sunt, quam ad rationes illas temporum pene infinitas. In se enim ipsum portenta illa convertisset Diodorus ipse: qui non dubitavit, difficilia itidem creditu, quadringenta & septuaginta retulisse annorum Chaldaicorum millia. Probabile certe est, Herodotum scriptorem elegantissimum, & in pluribus accuratissimum; nec non alios historicos diligentes; sicut & Diodorum ipsum, veritatis historicæ assertorem, nihil de rationibus illis exposuisse; quod non vel audivissent, vel à Sacerdotibus Ægyptiis in commentarios relatum legissent, pensiculate examinavissent, imo & vidissent in Ægypto. Quod nimirum de se religiose professi sunt, tum Herodotus, tum Diodorus. Quin & Diodorus ipse de Ægyptiis hoc retulit, neque portentum credidit, secunda parte libri I. Bibliothecæ suæ, *Reges indigenas, ultra quatuor mille & septingentos, Ægyptum gubernavisse*. Quorum scilicet tempora, sexaginta annorum millia superavisse comperimus, si reputamus, exactos esse mille ducentos &

& ultra annos, nondum exactis sexaginta quinque Regibus Francicis.

Sed enim dicere, millia annorum illa, nec non myriadas quas retuli annorum illas, intelligendas esse de annis lunaribus; vel de tertia parte anni; qua annum, vere, æstate, & autumnò divisum quondam aiunt; objectionis operam ludere est. Præcipue cum Diodorus ipse de Chaldæis hæc affirmet: *Dicere illos, Solem, & Lunam, per duodecim signa curitare. Solem, anno; Lunam, mensis spatio orbis sui iter emetiri.* Tum Herodotus de Ægyptiis diserte hæc ait. Didicisse ex Heliopolitanis, qui Ægyptiorum omnium solertissimi habebantur: *Ægyptios primos hominum omnium annos comperisse, & distinxisse in duodecim menses.* Partitionem illam annorum & mensium, intellexit caput primum Geneseos, ubi de creatione Solis, & Lunæ, hæc ait. *Fiant luminaria in Firmamento cæli, & dividant diem ac noctem: Et sint in signa & tempora, & dies & annos.* Dies enim hoc loci sunt menses, qui dividuntur in 30 dies: anni autem, qui 12 componuntur mensibus. Sol nimirum luminare majus, majorem, id est annorum partem sortitus est: Luna vero, luminare minus, minorem, id est mensium divisionem consequuta est. Partitio ergo illa annorum & mensium, creatione & natura, Soli & Lunæ, à Deo ipso indita est: neque ulla alia obtinuit apud Chaldæos & Ægyptios, hominum omnium in cognitione syderum experientissimos & peritissimos.

Sed tantum abest ut Chaldæi annos suos (quos Solares semper posuerunt) ad augendos temporum suorum numeros, in menses, & lunares, ut vocant, annos fregerint: Quin è contra, ex annis ipsis Solaribus, fasciculos annorum com-

posuerunt, quibus usi sunt ad commoditatem
computi, & facilius multo compendium. Abeant
ergo hinc, cum suis annorum minutiis & quis-
quiliis, quicunque tales annorum strues, vel ma-
nipulos, neque noverunt, neque novisse huc
uique sategerunt. Ut ut erit, si ad myriadas,
quas notavi, annorum illas diligentius spectes:
pro comperto semper habebitur, vel minutissi-
mam rationum illarum, longissime excessuram
principium creationis, quod vulgo statuitur in
Adamo.

CAPVT VII.

*De Regibus Ægyptiis hominibus. Laudatur Plato
in Timæo super bellatoribus Insule Atlanticæ.
Filii huius seculi prudentiores filii lucis. De pro-
digiosa Sinensium periodo secundum Scaligerum.*

Ero sane! oscitaverit in multis, & indili-
gens fuerit Herodotus: odio & favore scri-
pserit: fabulas tradiderit, atque illas Cice-
ro 1. de legibus posuerit innumerabiles: Adeo-
ne illum præterea veteratorem, & subleste fidei
putabimus; quem Cicero idem *Patrem histo-
riæ* vocavit; ut neque ei credamus de illis, in
quibus nihil sua interfuit; quæque auritus & o-
culatus testis, testibus aliis adhibitis, & proba-
ris indiciis, memoriæ tradere instituit? Narra-
vit ille in Euterpe, Introductum se à Sacerdoti-
bus Ægyptiis in grande cœnaculum: vidisse
hinc, trecentos quadraginta unum Colossos li-
gneos; quos enumerando Sacerdotes illi de-
monstrabant imagines prætulisse totidem *Re-
gum hominum*, qui regnavissent in Ægypto: Pa-
rem & inde numerum Colossorum è ligno, qui
totidem representavissent Pontifices Ægyptios.
Cum-

Cumque inter loquendum Hecataeus quidam originem suam recenseret, illamque ad sextumdecimum Deum referret, occurrisse è diverso, progenies itidem suas recensentes, & in enumeratione non admittentes quod ab Hecataeo diceretur, *hominem progenerari à Deo*. Conveniebant ceterum in repetenda Regum illorum hominum progenie; quod dicerent; unicuique Colossorum regum, fuisse *Piromin* patrem; id est, honestum & bonum; ex alio *Piromi*, id est honesto & bono patre genitum. *Piromis* enim apud Ægyptios, honestus & bonus fuit. Eos itaque Reges homines, quorum Colossi illi imagines erant, demonstrabant, Sacerdotes, tales omnes exstitisse; sed multum à Regibus diis distantes. Stabant parte alia Pontifices sub imagine, vita qua quisque vixerat. Enumerantes igitur Sacerdotes, imagines eorum singulas gradatim percensendo, donec omnes exposuissent; *ostendebant mihi*, ait Herodotus, *unumquemque eorum fuisse filium defuncti Sacerdotis*. Tempus autem per quod homines Reges illi regnavissent, numerabant Sacerdotes, *decem millia trecentos & quadraginta annos*. Intra quod tempus negabant ullum Deum forma humana extitisse Regem in Ægypto. At vero in his & similibus recensendis computis, sibi ipsi curiose, & hunc in modum, præcavit Herodotus, Euterpe eadem. *Et hæc*, inquit, *Ægyptii pro compertis asseverant; seque scire, assidue supputando, semperque annos describendo*. Quibus verbis patet, quam religiosi & bonæ fidei fuerint Ægyptii, rerum suarum Chronologi: Quam religiosus itidem & bonæ fidei rerum Ægyptiarum scriptor & ipse Herodotus extiterit; qui in illis referendis cautiones has diligenter adhibuerit.

Esto etiam, attexuerit Plato, cognomento licet *Divinus*, quamplurimas Philosophiæ suæ fabulas. Historiamne propterea & illam; quæ non est opinionis, sed facti, in fabulam reputabimus, quam enarrabat apud illum Critias, Dialogo qui Timæus inscribitur? Quamque probabili omni ratione veram & certam demonstrationis serie didicisset; ille à patre suo; pater ab avo Critia; Critias avus à proavo suo Dropida; Dropidas & ipse à Solone familiari suo. Narrabat ille, Sacerdotem Ægyptium, grandem natu, ludibrio exceperisse Solonem, qui illi narraverat antiquissima Atheniensium suorum gesta; Phoronei & Niobes, ante diluvium; Deucalionis & Pyrrhæ, à diluvio. Risisse, inquam, pueriles nugas illas, quas Solon vetustissimas credebat & recensebat historias. Primo, quod unius tantum inundationis meminisset; cum multæ aliæ præcessissent. Secundo, quod genus majorum suorum clarissimum & optimum ignorasset. Quod ignorasset, Athenas alias, vere suas, & vetustissimas, extitisse, ante exitialem illam quam retulisset terræ illuvionem: neque pervenissent ad ejus aures instituta, & præclara facinora, quæ gessissent inclyti cives illi Athenienses, per tempus quod rotundabat, *decem retro mille annorum, ante diluvium*. A quibus, vis innumera una collecta bellatorum Insulæ Atlanticæ acerrimorum, Ægyptum & Græciam, & quicquid inter Columnas Herculis continebatur, invaserat. Et contra quos omnes, solius civitatis Atheniensis virtus, inter omnes gentes, tunc temporis enituerat. Laudatur, neque refellitur, historia hæc eadem, apud

Arno-

Arno
Christ
git. N
rum m
lantic
erump
delere
Rec
narran
bitavit
illis in
in font
fidei:
bant i
ciis,
mi m
ca O
Cred
me r
lunii
quam
rum
trans
riebe
Græc
joco
lum,
sue P
fuisse
lium
quan
nas
& o
audi
hon
tam

Arnobium, excelsi scriptorem spiritus; ubi pro Christianis adversus gentes, his verbis insurgit. *Nos, inquit, fuimus in causa, ut ante annorum millia decem, ab Insula quæ perhibetur Atlantica Neptuni, ut Plato demonstrat, magna erumperet vis hominum, ut innumeras funditus deleret atque extingueret civitates.*

Redeamus ad Solonem. Miratus est Solon narrantem Sacerdotem Ægyptium; neque dubitavit de illis quæ audiverat; quippe quia de illis inquirere ei datum fuisset, serio & sedulo, in fontibus ipsis, in Ægyptiorum historiis plenis fidei: quas scilicet tam religiose conditas servabant in Templis suis; in divinis illis Myrothecis, & sacris Bibliothecis, quas vocabant *animi medicamentum*; ut erat inscripta Bibliotheca Ofimandii, vetustissimi Ægyptiorum regis. Crediderat Solon, antiquissimam, & à longissime retroactis seculis petitam, Deucalionis diluvii historiam; neque putaverat cogniti quicquam fuisse ante illam. Miratus est Ægyptiorum historias, quas retro longissime grassatas, trans & ultra diluvii illius memoriam, comperebat. Neque vero amolitus est Solon ille, cui Græcia palmam septem Sapientum concesserat, jocosam Sacerdotis Ægyptii fannam; qua illum, & Græcos omnes, in cognitione historię suæ *Pueros* vocitaverat: quippe cui compertum fuisset, neque Solonem, neque quemquam alium Græcorum, de vera antiquitate quicquam unquam cognovisse. Vbi enim Athenas revenit Solon, in errore suo convictus, & omnino persuasus de illis quæ in Ægypto audierat & didicerat; versus meditatus est in honorem Heroum illorum Atheniensium, qui tam præclara peregissent facinora, decem retro

mille annis, ante vetustissimum Deucalionis diluvium.

Summæ certe dementiæ esset, asserere gentiles ullam unquam Dei veri cognitionem assequutos, præter illam, quæ per visibilia creationis, in medio posita, obviam esse potuit. Invisibilia Dei illius veri, revelata fuere primis hominum Iudæis; quibus Deus ille se notum dedit & confessus est: Adamo primum, & ceteris deinceps Iudæorum patribus. Gentilibus vero, absconditus & incognitus fuit Deus idem. Qualis ara fuit apud Athenienses, Deo incognito dicata Cœcutierunt ergo gentiles in cognitione veri Dei. Sed quis eos cœcutiisse dicere audeat, in cognitione mundi, & rerum quæ in orbe terrarum gerebantur! Fuere illi in rebus divinis cœci & Thamyra: sed quis eos fuisse in rerum humanarum notitia non fateatur argutos & lynceos? *Filii huius seculi, prudentiores sunt filiis lucis, in generatione sua*, aiebat Dominus ipse, Lucæ 16. *Quo loci, filii seculi*, gentiles sunt; *filiis lucis*, Iudæi intelliguntur. Qua significatione vidimus supra, vocatum Israël, *Lumen eorum qui essent in tenebris*; Roman. 2. *Ægyptiorum* porro *sapientiam* commendavit D. Stephanus, Actuum 7. Neque fabulam idcirco putavit omnem illorum humanam scientiam. Prudentiores ergo fuere, sapientiores, & perspicaciores, filii seculi & gentiles, filii lucis & Iudæis: non in cognitione Dei; sed in *generatione sua*, ait Dominus. Id est, in rebus illis quæ genus gentiliam, originem, & creationem suam, spectabant, quæ historiam terrarum orbis, quæ naturam hominum, quæ scientias humanas, quæ res ab hominibus gestas, & inventas, pure sapiebant.

Solon

Solon ille, sapientum sui temporis sapientissimus & doctissimus habitus; cujus ætas media fere interciderat à nobis ad Adamum, quamque à nostris temporibus non usque adeo diffitam numeramus: qui historias plurimum annorum millium, ut credibile est, Sacerdoti Ægyptio recitabat; ignoravissetne principium mundi, si fuisset ab Adamo; à quo usque ad Solonem, tria nondum exacta erant annorum millia? Nonne refutavisset argumento illo invictissimo, Ægyptiorum nugæ & fabulas, quæ temporæ memoriæ Solonis vetustissima, decem retro mille annis transcendebant?

Sacerdotes porro Ægyptios, iudicio vel ipso D. Stephani, *Sapientes* sancitos; adeone rerum imperitos fuisse putabimus, ut tam recens mundi principium ignoravissent, quale statuitur ab Adamo? vel adeone sycophantas, ut quas pro compertis habuissent fabulas, pro compertis historiis obtrudere voluissent; si quid tale de principio illo vel novissent, vel dubitavissent? Quid præterea dicam de tot viris egregiis, & tanti nominis Philosophis, non minus prudentia, quam eruditione præstantibus; qui ad Sacerdotes illos confluebant, ut Ægyptiorum mores, doctrinæque genus cognoscerent, cum tanta opinione religionis & sapientiæ Ægyptiacæ? Philosophosne illos existimabimus fuisse adeo lapides, ut non persensissent tam inepta & absurda sibi dari verba, de historiis ab annorum myriadibus petitis; si illis vel tantisper suboluisset, mundum ab Adami temporibus usque adeo noviter conditum?

Adde his quæ de Scytharum gente scripta sunt, antiquissima semper credita: nec non contentionem diu habitam, de generis vetustate, in-

ter

ter Scythas & Ægyptios. Adjunge & illis, quæ de Phœnicum vetustissima tradita sunt prosapia. Galli autem, tanta seculorum caligine obductam reputabant suam originem, ut se omnes à Nocte ipsa, vel à Dite (quod idem est) prognatos prædicarent. *Obeam causam, spatia omnia temporis, non numero dierum, sed noctium finiebant: Et dies natales, annorum & mensium initia, sic observabant, ut noctem dies subsequeretur.* Quod Cæsar super illis notavit diligenter. Prodigiola insuper visa est Scaligero Sinarum periodus: *Iuxta quam, ait ille, hic annus Christi 1594. (quo emendationem temporum scribebat) est, à conditu rerum, octingentes octagies millesimus septuagesimus tertius.* In secula itidem innumera recurrit Americanorum de origine mundi computum: Atque innumera dubio procul deprehenderemus tempora, de eadem origine, apud Australes homines, si terra eorum nobis esset cognita. Nempe in illis seculorum millibus, quibus numerantur rerum initia, mirus est consensus populorum nuper cognitorum, cum Chaldæis, Ægyptiis, Scythis, Phœnicibus, Gallis, &c. populis ab antiquis temporibus perlustratis, & cognitis.

CAPVT VIII.

Probatur antiquissima mundi creatio, ex progressu Astronomiæ, Astrologiæ, Theologiæ, & Magiæ gentilium. Tractatur hoc capite de constructione Sphæræ.

Certum est, Chaldæorum scientias; Astronomiam puta, quæ siderum motus notaverat; Astrologiam, quæ illorum apotelesmata definiverat, & Magiam, quæ rerum sympathias,

pathias
rat;
mus ipsi
lertissim
tur, qu
porro l
Actoru
eadem
circa A
præcipu
loco pe
dæis, q
habuer
per illu
naturu
Judæi
le non
etiam
Ægypt
las Mo
spatiu
dum à
Helle
quadr
fuit.
Sci
lueru
notiti
hendi
exper
rarum
hos, f
non
noct
& u
que

pathias, cœlestium cum terrestribus, exploraverat; floruisse tempore Abrahami. Imo Abrahamus ipse, in disciplinis iisdem ab Hebræis suis solertissimus datus, Ægyptios docuisse illas dicitur, quo tempore ad illos permeavit. Eruditus porro legitur Moses *omni Ægyptiorum sapientia*, Actorum 7. Ægyptiorum sed enim sapientia illa, eadem quæ Chaldæorum erat: Versabatur enim circa Astronomiam, Astrologiam, & Magiam præcipue. Operæ precium erit discutere hoc loco pensiculate; Vtrum possibile fuerit Chaldæis, disciplinarum illarum exactam, qualem habuerunt tempore Abrahami, peritiam assequi; per illud tempus quod ab Adamo formato ad natum Abrahamum intercipitur: quodque ex Judæis Hellenistis Scaliger posuit, annorum mille nongentorum quadraginta octo. Vtrum quintetiam (quod eadem fidelia dealbabo) valuerint Ægyptii disciplinas easdem, amussitata, qua illas Moysis seculo callebant, opera, per annorum spatium illud adipisci, quod ab Adamo ad Exodum à Mose procuratam numeratur: quodque Hellenistis iisdem auctoribus, duorum millium quadringentorum quinquaginta trium annorum fuit.

Sciunt, non dicam qui se Astronomia tota proluerunt, sed qui summotenus illam attigerunt; notitiam cœli nullo alio pacto potuisse deprehendi, quam per notitiam terræ. Variis siquidem experimentis observavere primi homines, Terrarum incolas diversis regionibus sitos, calidas hos, frigidas illos, temperatas alios habitare: nec non pro illa situs diversitate, varietates dierum, noctium, & tempestatum, illis contingere. Tum & umbras aliter his atque illis cadere. Neque vero confectæ observationes hæc perfun-

ctorie

ctorie & casu; sed longis per totum orbem terrarum, & multoties repetitis peregrinationibus, à permultis, & sagacibus veritatum illarum indagatoribus, conquistæ. Quas ubi tandem longæva & comprobata experientia pro indubitatis & certis habuere; à terra ad cælum conversi, causas ex Sole petierunt, mutationum, & varietatum omnium, quæ in terris fierent, dierum atque noctium, æstatum atque hiemum. Observavere illi, Solem ab Æquatore quem appellavere, & cæli medio, circumscriptis hinc & inde, quos Tropicos dixere, circulis, evehi & revehi, per circulum quem nominavere Zodiacum, Tropicos duos attingentem; & Æquatorem bifariam, sed oblique, secantem. Quas vero terræ plagas, Tropicos inter positas, sol accenderet, directis illas ferire radiis: at obliquis magis ac magis eas, quæ à Tropiciis longius recederent, & ad cæli axes, quos Polos esse voluerunt, propius accederent. Tum vero cogitata & distinctæ Zonæ quinque. Torrida, quæ Tropicos inter Soli ardenti subjaceret. Temperatæ duæ, quæ à Tropiciis ad polares circulos collocatæ, Sole mitiori gauderent. Frigidæ duæ, quæ à circulis polaribus, ad Polos ipsos circumflexæ, nive & gelu rigerent. Intellecti porro Coluri, solstitiorum unus; alter æquinoctiorum, Sphæræ duo fulcimina. Meridianus his additus: intra quem immotum dum ceteri moverentur, fieret ille instar plurium; & singulis gentibus sui cuique Meridiani assignarentur.

Inventa & constructa hac ratione Sphæra; nec non, pro illius situ, aptata Horizonti, observavere triplicem; rectam, parallelam, & obliquam. In recta Sphæra posuere illos, qui directe
sub

sub Æqu
recte fl
in locis,
interject
tantibus
qua aliq
oriri, see
qua nun
re Horiz
que occi
infra Ho
percurr
dimidio
sta poli
parallela
contin
In obli
ctium,
versus,
to hoc
dierum
cus, cu
num &
liquere
obliqu
ctium,
vitate
mem.
Add
dem æq
ridiani
versis
æstates
versis,
ad ean
accept

sub Æquatore habitarent. In parallela, qui directe sub polis essent. In obliqua, qui degerent in locis, inter Æquatorem & alterutrum Polum, interjectis. Observavere, in recta Sphæra habitantibus omnia astra oriri & occidere. In obliqua aliqua oriri & occidere: aliqua nunquam oriri, sed sub Horizonte semper delitescere: aliqua nunquam occidere, sed perpetuo imminere Horizonti. In parallela, nulla neque oriri neque occidere: sed partem semper supra, partem infra Horizontem positam: nisi quæ Zodiacum percurrentia, dimidio decursus sui conspicua, dimidio inconspicua evaderent. In Sphæra recta positis perpetuum esse æquinoctium. In parallela, diem perseverare totos sex menses continuos; & noctem itidem continuos sex. In obliqua inæqualitates esse dierum, & noctium, secundum Sphæra, alterutrum polum versus, elevationem. Mirabili semper observato hoc tenore & temperamento in partitione dierum & noctium; ut nullus foret in terra locus, cui non esset intra annum integrum, diurnum & nocturnum tempus, sex mensium. Quod liqueret in Sphæra recta, & parallela, fitis: in obliqua vero, prolixitas dierum, & brevitates noctium, per æstatem; compensaretur cum brevitate dierum, & prolixitate noctium, per hiemem.

Adde his, animadversos Perioecos, sub eodem æquatori parallelo circulo, & diversis Meridianis habitantes; quibus dies & noctes, diversis temporibus contingerent; iisdem vero, æstates atque hiemes. Antœcos, sub parallelis diversis, cis & ultra Æquatorem æque distitis, sed ad eandem partem Meridiani ejusdem utrinque acceptis, degentes: quibus dies & noctes temporibus

ribus iisdem accederent; diversis autem æstates atque hiemes. Antipodes, sive Antichthones, sub æquidistantibus hinc & inde ab Æquatore partibus, sed ad partes Meridiani ejusdem oppositas, sitos: quibus essent diversis omnino temporibus, dies & noctes, æstates atque hiemes. Notatos denique Amphiscios, qui haberent utramque umbram, dextram & sinistram. Heteroscios, quibus altera umbrarum tantum, dextra iret vel sinistra. Periscios, quibus umbra per omnes Horizontis plagas circumverteretur.

Taceo permulta, atque illa pene innumera, quæ ad Sphæræ observationes spectant; cujus hic brevissimos tantum, & notissimos apices, percurrendo tetigi. Quæque omnia jam pridem nota, ac veluti in trivio posita, quia scitu facilia sunt, inventu proinde, neque usque adeo longa, neque operosa fuisse, incogitantibus putabuntur. Sed si rem diligentius attendimus; quorum omnium quæ vel minima & minutissima videbuntur, non nisi exacta, repetita, & longissima disquisitione, deprehensa, & cognita fuerunt. Quinimo, ut concatenatæ sunt disciplinæ omnes; quæ non nisi perfecta in primis Arithmeticæ & Geometriæ cognitione, ab exquisitissimis scientiarum illarum, & plurimum seculorum magistris, demonstrari potuerunt. *Plurimum seculorum* addidi; quia non omnes omnia potuere omnibus seculis Mathematici, quantumvis eximii: neque enucleata, qualem habuere Chaldaei & Aegyptii, Sphæræ demonstratio elici potuit; nisi successivis, & diuturno tempore, per totum orbem terrarum quæsitis, tum experimentis, tum observationum collationibus.

CAPVT IX.

De antiquitate Astronomiæ.

QVæcunque vero Sphæræ sunt, initia-
 ta fuere tantum Astronomiæ, & sapien-
 tiæ illius, quæ apud Chaldæos, & Ægy-
 ptios maxime viguit. His nimirum principiis,
 tenera adhuc fideralis scientiæ concrevit noti-
 tia. Primi etenim Astronomiæ conditores, ubi
 diligentius fiderum situs, ex Sphæræ cogniti-
 one, & stellarum motibus conjecerunt: observa-
 vere Planetas septem, alios aliis superpositos: rum
 fixas & inerrantes stellas innumeras, errantibus
 septem elatiores, ad Boream & Austrum, variis
 constellationum figuris distinctas. Notavere &
 illi, fidera omnia varie oriri & occidere: astro-
 nomice, poëtice, cosinice, acronyce, & helia-
 ce. Circa planetas, illos nunc istis, nunc illis
 Horizontis locis, oriri & occidere: & sub Me-
 ridianum, nunc altius in Boream, nunc humi-
 lius in Austrum attolli: ac utrumque certas
 inter metas. Incedere omnes nunc ocius, nunc
 segnius: aliquando majores, aliquando mino-
 res apparere. Quamplura etiam observata cir-
 ca Solem & Lunam. Solem Zodiacum percur-
 rere, qua illum media in longum interstingue-
 ret linea, quam dixere Eclipticam; quæque
 cælum in duo hemisphæria, boreale, & austra-
 le, divideret. Solem illam solum semper infi-
 stere. Planetas ceteros, obliquos ad hanc lineam
 cursus instituere: & ab illa, qua Zodiaci latitu-
 do esset, nunc in boream; nunc in austrum de-
 flectere. Lunam variis, crescendo & decrescen-
 do, apparere phasibus: tum laborare & defice-
 cere, cum soli opposita, Ecclipticam oblique
 inter-

intersecaret, in alterutro oppositorum punctorum, quos nodos appellavere; caput Draconis unum, caudam Draconis alterum. Mercurium & Venerem, Solem circumvolvi, & Solis affectus dici. Martem porro, Iovem, & Saturnum, non ita soli alligatos; sed illi quoque interdum oppositos. Ferri illos aliquando concentricos, aliquando excentricos: vel in Apogæis elatos, vel in Epigæis depresso. Per Epicyclos fieri quandoque directos, quandoque retrogrados, quandoque stationarios. At stellas fixas, non tenere semper eandem à punctis æquinoctialibus distantiam; sed tendere quoque lentissime in consequentia.

Salvandis & explicandis phænomenis illis, excogitata variæ hypotheses, & ventilatæ disputationes; dicentium, cœlum moveri, terra immota; dejerantium ex adverso, terram moveri, cœlo immoto. Asserentium, astra moveri liberrimis spatiis, quibus solus motus simplex competeret, ab ortu ad occasum: atque illa apparere moveri in ortum, quæ ferrentur segnius in occasum. Affirmantium è contra, astra illigata, & Sphæris solidis implantata, ad quarum motum circumferrentur, & una cum ipsis, à primo mobili ab ortu ad occasum abriperentur: dum eadem secundo motu, & sensim, ab occasu ad ortum graderentur. Atque ut paucis absolvam, secundum varias illas hypothesès, assignatæ suæ, cuique planetæ, theoriæ; innumerabilibus, tum observationibus, tum experimentis, deprehensæ: quæque non nisi longissimo ævo, acquiri & confirmari potuere. Notavere & illi stellarum motus varios, vias illarum varias, varios discursus, varias periodos, & cœtus multiformes. Innumeris & miris modis configurari plane-

planetas
donec
porro ly
Saturni
nongent
tum un
filius su
dem qua
quæ ne
omitto.
viter &
gentibus
nectam f
reputab
minotill
tione di
gni non
que vitæ
apices in
ut Rex &
que prim
præclari
talem me
curam &
nomicas
cis item
nisi diut
gioribus
conquiri

V
p
te

planetas inter se, tum etiam cum stellis fixis, & donec quidem conjungerentur. Conjunctiones porro syderum multiplices. Minores prætereo. Saturni & Iovis observavere illi annorum fuisse nongentorum. De maxima, qua ad idem punctum unde profecta sunt cuncta redeunt sydera, fufius supra actum est. Taceo argumenti ejusdem quamplurima, in quibus non est numerus; quæ ne odium pariam, & compendii causa omitto. Quæque omnia, quia jam vulgata, breviter & nullo negotio exhiberi posse non fatigentibus videbuntur: sed quæ non ita breviter, nec tam facili negotio, observata & demonstrata reputabit; qui bene perpenderit, in illorum vel minutissimis particulis, speculatione & observatione diuturna indagandis, vetustissimos & magni nominis Astronomos, per totum plerumque vitæ suæ tempus, super excelsos montium apices invigilavisse. Attende & illud: quod sicut Rex & Poëta non quotannis nascitur, ita neque primis temporibus nascebantur quotannis præclari Astronomi, qui in illis deprehendendis, talem meditando & pernoctando, impenderent curam & sollicitudinem. Constat ergo, Astronomicas cognitiones, vastas & diffusas, Sphæricis item longe ampliores, & projectiores, non nisi diuturnis mage etiam temporibus, & longioribus multo seculorum intervallis, parari & conquiri potuisse.

CAPUT X.

De antiquitate Astrologiæ.

Verum enimvero, quamvis necesse sit, permulta, illaque innumera pene fuisse tempora, quæ in Sphærica & Astronomi-

ca contemplatione impenderint primi illarum indagatores : parva & exigui momenti putanda sunt, præut illa non dubio fuere, quibus fiderum affectiones & conditiones indagatæ & collectæ; quibusque stellarum vires, tum in cendis aeris mutationibus, tum in moderandis hominum fortunis, plurimum valuisse demonstratæ sunt; vel certe demonstratæ creditæ sunt. Erexerant primi Astronomi vultus suos à terra ad cælum, ut siderum positus & motus consequerentur. Reflexerunt qui illos securi sunt Astrologi, oculos suos à cælo ad terram; ut quid posset stellarum vires & influxus, tum in aërem, tum in homines, defixa & attenta consideratione aucuparentur. Stellæ enim putavere illi longos habere stimulos, qui de cælo nos pungerent: atque adeo ingenerari qualitates hominibus, prout illos sua ferirent sidera.

Deprehendere illi multiplici & longa experientia; siderum quædam esse ignea, calida & cholericæ; quædam terrea, sicca, & melancholica; quædam aërea, humida & sanguinea; quædam aquea, frigida & phlegmatica. Assignatos credere suos cuique Planetæ ventos: nec non tempora præmonstrare siderum cursus & recursus, circuitus & transitus. Stellarum, alias esse benevolas, alias malevolas: benevolas, quæ felicitatis insignia hominibus decernerent: malevolas, quæ periculum facerent, hominesque pessundarent. Mixtas & temperatas, quæ interdum commodam & felicem efficerent vitam hominum, interdum incommodam & inprosperam. Sidera alia dari masculina, alia foemina: quædam homogenea, quædam heterogenea. Diurna esse & nocturna stellarum gaudia. Occursantium stellarum, quasdam præsentia & testimonio occurrere,

quasdam

quasdam radiatione & aspectu. Bonum aut malum perhibere, si bona vel mala præsentia, bona vel mala radiatione respicerent. Stellas dari anæreticas, quæ occurſu vitam inciderent. Climactericas alias, quæ vitæ curriculum interturbarent. Leviores & graviores notatos climacteres: tum & stellæ malevolæ occurſu lethiferos. Climacteres facere; non vim numeri ſeptenarii, & novenarii: ſed ſtellarum decretum & apotelesma. Planetis idcirco ſingulis, ſingulas assignatas periodos, ad ſignandos climactericos, tota vita eodem tenore recurrentes. Aspectus præterea dari trigonos, tetragonos, hexagonos, & diametros. Trigona, tetragona, & hexagona, alia poni dextra, alia ſiniſtra: dextra, quæ fierent per radiationem & aspectum: ſiniſtra, per præſentiam, & teſtimonium. Climacteres hebdomadicos fieri in diametro; Enneadicos, in tetragono: ſed optima quæque portendere, trigonum & hexagonum. Signa ut loca eſſe climacterica. Stellas beneficas vim ſyderis vel loci climacterici emollire, & inſectere: quin & ſigni naturam quandoque mutare ſtellæ aspectum. Obſervare illi, ſuas eſſe partes Zodiaci, masculinas & ſcemininas. Et qua ratione diſſere Aſtronomi Zodiacum, in duodecim ſigna & partes; diſſere Aſtrologi unumquodque ſignum Zodiaci in tres Decanos, & novem munifices, ſive Liturgos: qui duodecimam partem Zodiaci in duodecim partes dividerent: quibusque virtutes ſignorum duodecim impreſſæ eſſent, & nomina indita: dodecatemoria ſcilicet in dodecatemorio: ſigna in ſignis dominantia. Variis præterea coloribus pinxere antiqui Decanos illos, Planetas ſeptem, & duodecim Zodiaci aſteriſmos: floridioribus hos,

& clarioribus; saturationibus illos, & obscurioribus. Saturno, verbi gratia, dedere nigrum: Jovi, candentem, qui λαμπρὸς est: Marti, rubrum: Soli, lucidum: Veneri, varium: Mercurio, luteum: Lunæ, ærium. Obtundi claram stellam à fusco sydere: & vicissim, liquefcere fuscum sy-
 dus à clara stella irradiatum: tum sydera, syde-
 rum aliorum mixtura, mille invicem & non suos
 colores trahere.

Decanis porro illis attribuere antiqui Gene-
 thliaci ducatum Astrologicæ omnis divinationis
 quæ ex themate genituræ fieret. Quin & illis
 tantum posse Decanos visum est; ut totidem
 instituta populorum, legesque universales esse
 censuerint, quot Decani essent. Collectæ hinc
 Geneses, non solum urbium; sed & Mundi
 ipsius tentata genitura est. In ponendis sed
 enim hominum genesibus, accuratiores fuere
 Chaldæi, & Ægyptii, qui in dodecatropi constru-
 ctione, & horoscopi diathemate, omni sollicitu-
 dinis intentione, quæ vivere primo horoscopum
 ipsum; quem genituræ dominum, principem
 & datorem vitæ indigitaverunt. Chronocrato-
 rem deinde, sive Aphetem venati sunt, tempo-
 rum & fortunæ datorem. Loca posuere illi
 duodecim, felicia & infauista, in diathemate ho-
 roscopi; quæ uti significarent, ita decernerent.
 Totidem fecere illi commoda & adversa, for-
 tunæ dodecatropo; quæ duodecim fortunæ
 ἑθλῶν appellavere: quæque litteratorum prin-
 cept Salmasius, non labores, ut vulgo solent,
 sed fortunæ præmia, bonâ & malâ, interpreta-
 tus est. Ex positu & constructione diathema-
 tis, ordinavere illi sydera, quæ vires suas ab ho-
 roscopo sumerent, quæque genesim cujusque
 moderarentur. Et quamvis propriis quæque
 virtu-

virtutibus pollerent, ob varios tamen aspectus & configurationes innumeras, quibus invicem quasi contemperarentur; vel amitterent virtutes illas suas, vel alios influxus sibi adsciscerent: posuere illi ratione platica horoscopum, eundem quem Decanum: sed ratione partili, & ex *astrologia*, secundum quam digestæ fuere generes, apud Chaldæos, & Ægyptios; indagata illis fuere dodecatemoria ipsa stellæ horoscopuses: neque solum in qua parte duodecima horoscopus versaretur; sed etiam in qua parte duodecima duodecimæ: imo ecqua tandem in ejusdem sexagesima: Addidere qui rem accuratius expenderunt, quam in illius sexagesimæ sexagesima. Bene autem vel male dispositæ stellæ videbantur, cum planetæ in bonis vel malis signis, bonis vel malis partibus erant constituti. Climacteres porro varios fecere, pro ratione decanorum & horoscoporum. Atque ut singulis decanis suos planetas assignaverant, diversos etiam fecere climacteres, pro ordine planetarum qui in singulis genibus disponerentur. Imo neque solum in inveniendis climacteribus rationes habuere Decanorum & planetarum: sed etiam ascensiones syderum considerare, & temporis terminos omnes scrutati sunt. Quæ omnia disquisitione partili & exacta, ab antiquis Genethliacis fuere cogitata, explorata, & Apotelesmaticæ suæ religiose accommodata.

Chronocratoras præterea, five Aphetas, observavere illi generales & catholicos, qui è carceribus vitæ emissi, ad finem usque fortunas, & actus hominum perducerent: Qui tempora, annos, menses, dies, & horas, sequentibus astris traderent: astra vero sequentia, ordine succeden-

tibus. Chronocratoras catholicos à nullo accipere tempora, sed à se ipso: dividere autem aphetis specialibus & sequentibus: sequentes & speciales aphetas, quæ accepissent tempora à catholicis, dare illa aphetis succedentibus: ita ut stellæ quæque chronocratorias suas ordine fortirentur. Chronocratoribus porro generalibus darentur specialiores, suis quasi scaphidiis & capsulis inserti, chronocratores annui, menstrui, diarii & horarii. In quibus supputandis, & ordine suo digerendis, non dici potest quam exactam veteres Judicarii adhibuerint diligentiam: præcipue in datione & acceptione temporum, quæ inter se mutuitabant aliæ aliis substitutæ stellæ. Notavere illi, variare & alternare vices sydera, in bono atque malo: neque ab uno chronocratore bona & mala conferri, sed à multis. Et cum bona & mala eodem tempore uni homini contigissent; non potuisse ex uno aphetâ contraria illa prædixisse, sed ex alio atque alio. Ut enim permiscerentur in cœlis syderum aspectus, discursus, circuitus, & congressus; ita permixtas fluxisse in terris actiones & fortunas hominum.

Innumera de genere hoc prætereo observata, quæ vulgo prostant apud artis illius magistros. Tum & alia quamplura, vetustate & malignitate ævi, cum libris Chaldæorum & Ægyptiorum erepta & perdita. De quibus, si extarent, diceremus eadem fortassean, quæ Psellus reposuit de libris Teucris Babylonii. *Ex illis, inquit, qui hauserit, mirabilia multa deprehendet, de signis cœlestibus, & syderibus quæ cum iis oriuntur, & de Decanis: quæ ad diversas vitæ actiones & eventus faciunt.*

Fateor, illa omnia, & Genethliacam totam,

con-

constitisse principiis vagis, fufis, & arbitrariis: fed quæ multiplicibus & repetitis, quia dubia & incerta, propter hoc ipsum, educenda fuere, observatis & experimentis. Quæque proinde longiore multo repetenda fuerunt temporum & feculorum ferie. Quorum hacpropter longæva & veneranda traditio, tanti fuerit apud antiquos, illosque excelsissimi & acutissimi ingenii Philosophos; ut maximi nominis assertores habuerit, Deos, Reges, & Heroas: Mercurium, Æsculapium, Anubium, Petosirum, Necepsorem, Orpheum, & alios quamplures; qui de stellarum apotelesmatibus Aphorismos conscribere: quique quas nos credimus nugæ, putavere fuisse aliquid; nec non fumo illi pondus dedere.

Quæ quoties apud me reputo: nulla me amplius tenet admiratio tot millium annorum, quæ posuisse Chaldaeos tradidit Cicero, in periclitandis experiundisque pueris. Hinc etenim scrupulosa illa quæ antiquos habuit Genethliacos anxietas, in disquirendo partili horoscopo, in Chronocratoriis stellarum dispertiendis, & Climacteribus indagandis. Quæ plurima seculo huic neoterico incognita, mirum in modum subtiliter, docte, & enucleate, detexit singularis & eximius Salmasius; recondita qua pollet in omni scibili lectione. Deditque idem, quod mirer, doctas & subtiles fabulas, tum ingeniosissimis positas inventis, quas ille putavit & refutavit nænias. Verum uno hoc nænias illas jam volo, ut vincant, non temere & aliud agendo, sed composito repertas; & longissimo illo usu, qui artes omnes extudit, attentissime & diutissime meditando, fuisse exsculptas.

CAPVT XI.

De antiquitate Theologiæ & Magiæ gentilium.

Theologiam gentilium accessionem fuisse vetustioris & primæ Astrologiæ, nemo est qui inficias eat. Erravere scilicet primi homines diutissime in terris, antequam ad cælum converterentur, & cœli mansiones ex terræ mansionibus assequerentur, Sphæramque detexerent. Erravere diutissime in cœlo, qui illis succedere Astronomi, ut syderum leges, stellarumque cursus deprehenderent. Despexere diutissime terras jacentes, qui illos secuti sunt Astrologi; ut quid possent sydera in terras, defixa consideratione haurirent. Reflexere oculos à terra ad cælum Theologi, Astrologorum discipuli: atque ubi observavere, cœlestes ignes, in agmine veluti & acie ordinatos, radiis, tanquam sagittis, terrestria ferire corpora; quocirca & *militiam cœli* appellavere illos sacri Codices: Deos esse voluerunt omnipotentes, quibus omnia parerent, quique omnibus dominarentur, & omnia ad se converterent. Tum nomina illis imposuerunt: vel à potestate, quam in terrestria quæque exercerent, cogitata; vel ab effectu peculiari indita, quem in singulis genituris ostenderent.

Attribuere mundo ipsi Deum suum & genium: quem Deorum inferiorum principem, & primæ creationis spiritum fuisse, supra & multis demonstravi. Dixere illum Pana: & fistulam ei dedere septem cicutis compactam; ad cujus sonum Saryri & panes alii omnes saltarent: ut significarent, spiritum, & Deum illum universalem, Spiritus & Deos omnes alios movere & mode-

moderari, septem planetarum concentu & consensu. Sui deinceps, regionibus, urbibus, locis, populis, laribus, & hominibus singulis, assignati dii & genii. Quos omnes, quia plurimi sunt, & proletariis cogniti, ut brevis fiam, prætereo.

At enimvero! quia plerique principia & causas rerum, non ad cœlestia tantum sydera; sed ad supercœlestes etiam intelligentias, & mundum ipsum referebant Archetypum: varia item de diis, eorumque ordinibus jactata fuere. Quas lites ut componeret Mercurius Ægyptius, cognomento Trismegistus, Deus & ipse Ægyptiis habitus; mira sunt quæ de illo retulit Firmicus. *Mercurius Ægyptius*, ait ille, *conscripserat viginti millia voluminum, de variis substantiis, & principiis, & potestatum ordinibus cœlestium: quæ aliæ atque aliæ traditæ fuerant. In quibus Astrologia & Theologia Ægyptiorum explicabantur. Quas artes docuerat Esculapium & Anubium.* Quod ut plurimum auctoritate confirmetur; hæc de libris illis Mercurialibus retulit Iamblichus. *Mercurius*, inquit, *composuit libros viginti mille: ut Menetius recensuit, tricies mille, item sexies mille, quingentos & vigintiquinque. Composuit libros centum de diis empyreis; totidem de ætheriis; mille de cœlestibus.* Conjicere hinc datur, quam antiquissima fuerit Theologia gentilium; tum ex antiquitate Mercurii ipsius, tum ex primis Theologiæ ipsius gentilitiæ auctoribus; inter quos, longe ante Mercurium, de diis suis non conveniebat. Hinc etiam liquet, Theologiam gentilitiam, ex syderali scientia manavisse; quod quascunque commenti essent gentiles de diis suis fabulas, intelligerentur de syderum errantium affectionibus, aspectibus, & eo-

rundem conjunctionibus. Finxere idcirco Saturnum morosum, & crudelem; quia cœlum maligno & noxio sydere contristaret. Jovem amatorium; eo ipso quod animos hominum, spiritu benevolo & benigno hilararet. Trucem & ferum Martem, visu suæ Veneris malacissari. Illorum congressus à Sole intercipi. Et cetera, quæ odiosus essem si omnia recenserem.

Theologia porro gentilium, eorundem Magiam peperit: & qui Deorum Sacerdotes, Magi itidem apud illos habiti sunt. Credidere antiqui, rebus omnibus terrestribus, vires inesse occultas: vel à cœlo irradiatas, per virtutes disponentes: vel ab intelligentiis infusas, per rationes medias: vel ab archetypo impressas, per Ideas & formas exemplares. Omnia scilicet in omnibus esse voluerunt. Cœlestia, intellectuاليا, & archetypa, rebus inesse terrestribus, modo terrestri & composito. Terrestria rursus cœlo inesse, modo cœlesti & defæcato: in intelligentiis, ratione intellectuali, & mage simplici: in archetypo, Idearum more purissimo. Tum vero omnia per divinas illices, & symbolicas illecebras reciprocari: nec non spiramentis occultis sese mutuo quasi fugere. Cœlestia & supercœlestia suis influxibus terrestria ad se convertere. Terrestria vicissim suis hiatibus, cœlestia & supercœlestia ad se allicere. Nullam propterea vel herbam esse in terris, quin haberet suam stellam; cujus spiritu, & vitam, & vires, facultatesque quibus esset prædita, possideret. Taceo lapides, metalla, gemmas, arbores, bruta, & homines, quibus sua itidem sydera deputaverunt. Materiis itaque potentibus, mirabilia operari crediti sunt, tum ad Lunam, tum ad stellam, tum ad syderis aspectum quæsitis

fitis & præparatis. Sicut enim virtus opifex ex occultis manifesta produceret: ita Magi manifesta assumendo, occulta attrahere videbantur, per stellarum radios, & res naturales cœlestibus congruas. Influxus autem cœlestes potentius naturalibus commixtos illos esse qui exhiberent in terris effectus mirabiles, quorum causæ in cœlo essent.

Hinc nimirum excantatas & devocatas syderum Deorumque imagines, cœlo in terras descendisse, & vim factam diis ipsis tradunt; sacrificiis, consecrationibus, suffitibus, invocationibus, & imprecationibus. Deorum & siderum imagines illas, *Personas, & Facies*, appellavere; quales Decani fuerunt. Decan enim Chaldaice, & Persice, Illustrissimo Salmasio auctore, *Persona fuit, & Facies*. Personæ autem, vel facies, apparebant diræ, vel placidæ.

Apparent diræ Facies, inimicaque Trojæ

Numina magna Deum.

Inter sacrificandum vero plerumque vel amicæ, vel hostiles occurrebant. Ad depellendas hostiles, instituta fuere Romanorum purpurea capitis velamina: qualia præceperat Æneæ Trojanus Helenus: Æneidos 3.

Purpureo velare comas adopertus amictu;

Ne qua inter sanctos ignes, in honore Deorum,

Hostilis facies occurrat, & omina turbet.

Hunc socii morem sacrorum, hunc ipse teneto:

Hac casti maneant in religione nepotes.

Orta ex his incantamentis veneficia & philtira illa, quibus homines fascinati, vel in odium, vel in amorem inducerentur; tum vel ægri vel sani evaderent. Adde his impressas virtutes bonas, vel malas, imaginibus quas vulgo *Talismannicas* vocant: per characteres, per adjurationes,

per lumina, per sonos, per numeros, per verba, & nomina. Naturam enim rationes occultas in apparentibus formis, quasi symbolis, exprimere; Deosque veritatem Idearum per manifestas imagines explicare putabant. Tum vero antiqui Sacerdotes ex multis componendo, unum conficiebant; assimilabantque ipsi uni, quod est super multa. Vnum inquam ex materiis multis permistum. Quarum quidem materiarum divisio unamquamque debilitaret: mistio vero per vires exemplares ideam restitueret. Decanos referunt in Talismanicis figuris illis pingi solitos; alios cum securi, alios cum telo, alios cum capite viri, aut foeminae, radiato: illorumque imagines annulorum gemmis insculptas, ut essent pro amuletis. Telesmatibus porro illis efficaciam imprimi eximiam, si consecrationibus Chaldaice vel Aegyptiace conscriptis inciderentur, quia sacrarum gentium linguæ essent.

Quid memorem, verba carminis Magici, rebus cantatis inhalata, aptavisse illas ad suscipiendam quaecunque voluissent Magi virtutem, præter solitum ordinem? & retrograde prolata, ad insolitos movisse affectus? Nonne & illa vulgata; Magico susurramine, tonuisse Iove inscio, amnes reversos, colligata maria, Solem inhibatum, Lunam despumatam, stellas evulsas, ruptas viperarum fauces, & capita aspidum incantata dissiluisse nœnia? Quid referam Acherontem imis avernis refusum, manes sepulchris erutos, hominum formas mutatas, cessavisse rerum vires, & Mundum ipsum torpuisse?

Innumera præterea fuere ex Astrologicis, & Magicis inventis, divinationum genera, per Physiognomiam, per Metoposcopiam, per Chiromantiam, per Geomantiam, per Hydromantiam, per

per Aëromantiam, per Pyromantiam, per Haruspicinam, per tonitrua, per fulgura & fulmina: per somnia dormiendo, per phantasmata ex vigiliarum reliquiis: per furores & manias, vigilando. Et quæ putavere antiqui, in omnibus abscondita fuisse futurorum oracula.

Non hoc vero jam agimus, ut concilietur fides his omnibus quæcunque enarravi. Verum ut demonstretur, vel minimis tum Magiæ, cum divinationis partibus, artes suas positas; multiplici observationum experimento, usuque longissimo inventas. Neque vero ludicras & vanas artes, sed tanti momenti & ponderis, ut divinis etiam miraculis ad similitudinem accedere valuerint. Qualia fuere, virgas in dracones vertere: aquam fluminis mutare in sanguinem; & ranas lacubus educere. Quæ non simpliciter fuere Dæmonum præstigiæ; sed stupenda artis Magicæ ostenta. Quam scilicet Magicam artem, *Sapientiam* vocavit D. Stephanus, Actorum 7: quamque in primis Moses sapuit, Hebræis ipsis auctoribus: neque illam solam, sed omnem *Ægyptiorum sapientiam*, addidit sanctus Martyr, eo loci: quatenus nempe Apotelesmatica, Astronomica, & Sphærica constitit; à quibus Magia omnis ortum duxit. Sed enim, si in Magica tantum valere Ægyptii, teste vel ipsa historia sacra; nec non Chaldæi, quorum Ægyptii fuere æmuli: Quid non valuisse utrosque putabimus, in Apotelesmatica, in Astronomica, & Sphærica? Imo, si plurima, seculo huic nostro incognita, calluere illi in Magicis; quidni eosdem plurima, itidem seculo huic nostro incognita, calluisse putabimus, in Apotelesmaticis, Astronomicis, & Sphæricis? Tum si plus eis accessit cognitionis in disciplinis illis; quid-

ni in iisdem conquirendis plus illis etiam accessisse temporis existimabimus?

Advocentur etiam huc cumulo, innumera alia sive artes, sive disciplinae; quibus haec omnes abnexae, & concatenatae sunt: quasque scivisse oportuit, qui has calluisse putati sunt. Reputemus tandem sedulo, quod erat instituti nostri ostendere: utrum Chaldaei & Aegyptii, disciplinas & artes illas omnes potuerint consequi intra illud tempus quod numeratur, ab Adamo, usque vel ad Abrahamum Chaldaeum, vel ad Moysen Aegyptium. Certe, si res haec bona mente, & bona fide peragitur, nemo erit qui non censeat, tempus illud angustissimum, vel ad minimarum & trivialium artium deprehendenda experimenta; ne dicam scientiarum altissimarum, qualia fuere Astronomiae, Astrologiae, & Magiae, curiosa observata, expendenda & demonstranda.



SYSTEMATIS THEOLOGICI

LIBER QVARTVS.

CAPVT I.

Adamus quantumvis perfectus formatus, non potuit momento illo quo formatus est, callere Sphæram, Astronomiam & Astrologiam. Sed illarum cognitionem progressu temporis assequi potuit. De Bibliis sacris. Sunt pleraque apographa, non autographa.



INDICANDIS nodis illis, prodit miraculum è machina. Afferunt qui volunt mundum creatum fuisse cum Adamo formato; Adamum, momento illo quo vitam & lucem hausit, scientias, artes, & disciplinas omnes calluisse: Quas deinde sine labore & experimento, nullo itidem gradu temporis testudineo, posteros suos docuerit. Ignoscant viri summi, si dixero, non recordari serio quæ dicant, qui hæc dicunt. Adamus enim, quod supra ostendimus, qua homo perfectus formatus est, perfecti quidem humani nihil à se alienum habuit: sed nihil propterea perfectione sua adeptus est, quod perfectum humanum & suum superaret. Excessisset vero Adamus extra perfectum humanum & suum, si momento illo quo formatus est, scientias, artes, & disciplinas omnes calluisset. Non ergo illas calluit. Ponamus certe Mundum cum Adamo conditum: at non ideo sequeretur, scientias, artes, & disciplinas omnes, cum Adamo itidem conditas. Erant

quidem in principio, & ante rerum principium, summæ scientiarum omnium rationes & causæ in Deo: sed illarum semina tantum jacta fuere in Adamo, quo tempore formatus est: quæ non nisi cogitatione & ratiocinio, cultura & tempore, ex Adami potentia educi potuerunt. Potuit Adamus scientias, artes, & disciplinas omnes assequi; sed non eas idcirco affecutus est, momento illo quo formatus est. Dei etenim fuit, non hominis, rerum quæ nondum extiterant causas cognovisse. Adde quod nihil intelligere de prioribus, vel præsumere de futuris & posterioribus, valuit Adamus, quatenus homo vel perfectissimus, nisi cognitione, aut potius conjectura illa, quæ elici potuit ex consideratione rerum præsentium; quæque in suos sensus prius incurrisset: secundum illud vulgatum, *Quo* nihil esse potuit in intellectu, hominis vel perfectissimi, quod non prius fuisset in illius sensu.

Non ergo potuit verbi gratia Adamus vel perfectissimus, cæli regiones, quæ Sphæræ cognitio est, animo describere, quin terrarum regiones prius deprehendisset: neque rursus terrarum regiones deprehendere potuit, quin terras prius omnes peragravisset, & undequaque lustravisset. Illa autem non nisi diutim pererrando, videndo, & meditando, perfici potuere: juxta illud Psalmi 19: *Dies diei eructat verbum: & nox nocti indicat scientiam: Quo* loci, *Dies*, rerum notat apprehensionem, quæ fit per visum, sensuum nobilissimum: *Nox* vero, ratiocinium, quod de rebus apprehensis, consultando & meditando colligitur.

Sed enim, si Adamus, quatenus homo; imo perfectione formationis suæ integra, vel ante peccatum (quod idem est;) non potuit nisi paulatim,

latim, &
disciplin
vallo co
suum,
qui vol
nebris
betatur
tam bre
Adami,
tuerit A
rit: id e
quo dif
sumun
Sole
addict
discip
mum
illa tan
gitur a
mento
tum na
menta
contin
Infi
vel q
codici
tatem
mea se
hæc se
miter
scire b
Mun
vel d
Quæ
confi
genti

latum, & succeſſione temporis, ſcientias, artes, & diſciplinās apīſci: longiore ſane temporis intervallo comparare illas, poſt lapſum & peccatum ſuum, valuit: Ex illorum præſertim hypotheſi, qui volunt, animum Adami, poſt peccatum, tenebris fuiſſe obductum, & rerum ignorantia hebetatum. Adjunge his, quod ſecundum eoſdem, tam breve ſtatuitur ſpatium, inter formationem Adami, & peccatum ejus; ut nihil fere ſcire potuerit Adamus, quod non illi magno conſtiterit: id eſt, labore & temporis diſpendio eodem, quo diſciplinæ omnes peccatoribus vendi præſumuntur hominibus.

Solent omnes qui libris Moſaicis ſcrupuloſe addicti ſunt, inventiones ſcientiarum, artium, diſciplinarum, & rerum omnium, vel ad Adamum, vel ad Adami referre poſteros. Ratione illa tantum, quia nullus homo prior Adamo legitur apud Moſem. Hoc illi autumant, argumento eodem quo putant, antiquiſſima omnia, tum naturalis, tum humanæ hiſtoriæ, monumenta, libris ſacris, præcipue verò Moſaicis, contineri.

Inſtituti mei non eſt, neque iſtud Deus ſinat, vel quicquam imminuere de fide quæ ſanctis codicibus præſtanda eſt, vel eorundem auctoritatem defugere. Dicam ingenue quæ ſit de illis mea ſententia. At ſi quid falſo, ita fallar. Opinio hæc ſemper mihi ſedit, quam inconcuſſe & firmiter teneo: Bibliis Sacris contineri quicquid ſcire hominibus conceſſit Deus, vel de origine Mundi, vel de hiſtoria ſacra, vel de Prophetiis, vel de Myſteriis divinis, vel de ſalute noſtra. Quæ ad ſalutem noſtram unice ſpectant, paucis conſtant. Et in illis tantum curæ, tantum diligentia, & tantum lucis adhibuit Spiritus ſanctus,

quan-

quantum captui humano convenit. Pluribus mandata sunt quæ de aliis tractant. Et de illis aperiam, quod omnes sentiunt, quodque plerique mussant dicere. Tanta scilicet incuria, & caligine tanta scripta fuisse; ut nihil plerumque intricatius, nihil obscurius legi possit.

Petenti apud me causam hujus rei: hoc mihi ipsi, ratione illa quæ homini cuivis præsto est, responsum dedi. Deum, qui se nosci ab hominibus voluit, tenebris latuisse; neque se plene manifestum dedisse. Illud enim de se ipso profitebatur, *habitaturum in nebula*. Itaque neque se nomine uno Iudæis confessus est sub veteri foedere. Sub Euangelio autem, discipulos suos, & dæmones comprimebat; ne, quis esset, evulgarent. Quicquid præterea dicebat, parabola erat: & variis sermonum ambagibus suos ut plurimum circumagebat auditores. Quodsi coram loquendo cum hominibus, perplexe & ænigmatice locutus est Deus; non absimili vero conjectura existimandum erit, scriptis eadem tradita, perplexius & nodiosius ad posteros transmitti voluisse. Hinc inusitatæ illæ & insolentes cœlestium species, quas divinis scriptoribus oblatas legimus; inusitatis & insolentibus loquendi formulis descriptæ & expressæ. Ludos dicas fere omnes schematis enthei, quos nobiscum balbutiens Deus, miris modis fecerit hominibus.

At enim vero! quis asserere audeat, divinorum Auctorum autographa ipsa, perplexe quamvis & ænigmatice ab illis scripta, ad nos eadem transmissa, qualia dictante Deo ipso, voluminibus sacris commissa sunt? Negari certe non potest, quin sint apographa quæ leguntur in libris Iosue, Regum, & Paralipomenon. Remque ipsam auctorem dabo. Miraculum Iosue, quo incre-

pante

pante Se
phum
illius. S
tur se G
libro Iu
libro Ju
diceban
inquam
alio (for
hil vero.
Ecce scri
libris G
gum Isra
filii Han
Isaiam p
lumine
guntur
ctanea
Iehu, H
ta, suo fi
sime de
Nesci
pertum
autogra
probatu
quinq
ptos &
in illis
Moses s
addidit
nomi.
pius, c
tur, qu
chum.
Leg
quæ lo

pante Sol & Luna steterunt, manifesto apographum est. Scriptum enim legas capite 10. libri illius. *Steteruntque Sol & Luna, donec ulcisceretur se Gens de inimicis suis. Nonne scriptum est in libro Iustorum?* Exceptum ergo miraculum, ex libro Iustorum: id est, ex libro Judæorum, qui dicebantur *Iussi*, quod notavi supra. Exceptum, inquam, ex libro illo Iustorum, qui ex libro alio (fortassean autographo) exceptus fuerat. Nihil vero frequentius occurrit in aliis tractatibus, *Ecce scripta sunt, vel in libris Nathan, vel in libris Gad, vel in libris sermonum dierum, regum Israel, & regum Iuda: vel in verbis Iehu, filii Hanani; vel in sermonibus Hosai; vel apud Isaiam prophetam*, suo illo historiarum libro qui lumine cassus est: &c. Quæcunque scilicet leguntur vel apud Reges, vel in Chronicis, collectanea sunt, deprompta ex libris Nathan, Gad, Iehu, Hosai, Isaiæ; &c. unde hausta & compilata, suo sibi auctorum ipsorum indicio, evidentissime deprehenduntur.

Nescio vero, quo auctore satis idoneo, compertum sit; Pentateuchum, Mosis ipsius fuisse autographum. Vulgo dicitur, sed non omnibus probatur. Hæ causæ me movent, quare libros quinque illos, non Mosis archetypos, sed excerptos & exscriptos ab alio credam. In primis quod in illis legitur Moses mortuus. Qui enim potuit Moses scribere post mortem suam? Iosue aiunt addidisse mortem Mosis, capiti ultimo Deuteronomii. Verum, quis addidit mortem Josuæ ipsius, capiti ultimo libri illius qui Josuæ inscribitur; quique à Josue ipso conscriptus, ut Pentateuchum à Mose, reputatur?

Legitur porro Deuter. cap. 1. *Hæc sunt verba quæ locutus est Moses trans Iordanem. Quæ si*
scri-

scripſiſſet Moſes, repoſuiſſet, *cis Iordanem*. Non enim tranſliverat Moſes Iordanem. Immo neque illum vadavit unquam. Dixit autem, *trans Iordanem*, qui Deuteronomium congeſſit, quia in Terra ſancta erat: cuique adeo locus ille in caſtrobis Moab, ubi Moſes Judæos extremum allocutus eſt, trans Jordanem erat. Illud autem, *trans Iordanem*, repetitum multoties à Moſe reperiatur, Deuteronomio eodem. Quod revera illi fuerat, *cis Iordanem*.

Laudatur quinetiam Numerorum capite 21, parœmia ſumpta ex libro, cui titulus erat *Bellorum Domini*. Verba Numerorum hæc ſunt. *Vnde dicitur in libro bellorum Domini. Sicut fecit in mari rubro, ſic faciet in torrentibus Arnon*. Laudari autem non potuit à Moſe liber ille bellorum Domini, in quo facta fuiſſet mentio eorum quæ in Arnon, & in ipſa arena, à Moſe ipſo gerebantur: Quia enim neque conſcriptus erat liber ille, neque potuerat. Crediderim certe, diurnos commentarios Moſem confeſſiſſe, rerum omnium mirabilium quæ Deus in gratiam Judæorum, Moſe eorum ductore, faciebat. Ex quibus ſcilicet commentariis, longo poſt Moſem tempore, conſari potuerit liber ille bellorum Domini. A quo deinceps Numerorum liber exceptus fuerit. Quique proinde, non autographum; neque dum vero apographum ex autographo ipſo exſcriptum: ſed vere & reapſe apographum apographi reputari debuerit.

Indicant vero longiſſime poſt Moſem ſcripta, quæ leguntur Deuteronomii cap. 3. *Iair filius Manaſſe poſſedit omnem regionem Argob, vocaturque ex nomine ſuo, Baſan hanoch Iair, id eſt, villa Iair, uſque in præſentem diem*. Non dixiſſet Moſes, *uſque in præſentem diem*, ſi hæc ſcripſiſſet.

ſet. Vix
ſuam, qu
cens. Ar
teronom
giſſima &
tur: dec
ad ſua uſ
ſe, vocat
præſente
Tale
eodem t
de ſtirpe
qui eſt in
enim att
ſtrari le
filiorum
tis illius
rat, Jud
derent;
ſua, vid
proſtratu
fuerit cr
fidem ad
mentior
jus tem
adhibui
licet im
illo vici
locum n
Ammon
Legu
In Ser
ſis atq
cit Iſr
minus
filii EG

fet. Vix enim possidebat Iair ipse villam illam suam, quo tempore introducitur Moses hæc dicens. Arguiturq; hinc manifesto, loci illius Deuteronomici auctorem ostendere voluisse, à longissima & prima origine, unde villa Iair diceretur: deducendo causam nominis illius à Mose, ad sua usque tempora. Proindeque apposite dixisse, vocari villam Iair, ex veteri illo Iair, usque in præsentem diem.

Tale est Deuteronomii ejusdem illud, capite eodem tertio. *Solus Og Rex Basan superfuera de stirpe Gigantum. Monstratur lectus ejus ferreus, qui est in Rabbath filiorum Ammon.* Quorsum enim attinuisset, Mosem dixisse Judæis, monstrari lectum ferreum Regis Basan, in Rabbath filiorum Ammon, unde magnitudinem Gigantis illius discerent? Quorsum, inquam, opus erat, Judæos alio mittere, ut lectum Gigantis viderent; qui Gigantem ipsum, coram, in terra sua, viderant, vicerant, & campis Basan ipsis prostratum, vulgo mensi erant? Satiùs multo fuerit credidisse, historiæ illius Scriptorem, quo fidem acquireret de Rege & Gigante Og, cujus mentionem moverat, quique longissime ante ejus tempora extinctus erat, testem certissimum adhibuisse lectum ejus ferreum: horrendas scilicet immanis Gigantis exuvias; quæ tempore illo viserentur, non in Basan, ubi jacebat Og; sed locum mutantibus seculis, in Rabbath filiorum Ammon.

Leguntur etiam hæc Deuteronomii capite 2. *In Seir prius habitaverunt Horræi: quibus expulsis atque deletis, habitaverunt filii Esau: sicut fecit Israel, in terra possessionis, quam dedit ei Dominus.* Significatur his verbis; Idumæos, qui sunt filii Esau, habitavisse montem Seir, expulsis atque

que deletis Horraeis, prioribus montis illius ac-
colis. Judæosque deinceps, montem eundem
Seir habitavisse; nec non Idumæam sibi à Deo in
possessionem concessam asseruisse, expulsis vi-
cissim, atque deletis Idumæis. Atqui certum est,
neque Mose auctore, neque Mosis seculo, expul-
sos & deletos fuisse Idumæos à Judæis: assertore
Deuteronomio ipso capite eodem 2. *Dixitque
Dominus ad me, inquit Moses, Transibitis per ter-
minos fratrum vestrorum filios Esau, qui habitant
in Seir, & timebunt vos. Videte ergo diligenter,
ne moveamini contra eos. Neque enim dabo vobis
de terra eorum, quantum potest unius pedis calcare
vestigium: quia in possessionem Esau dedi montem
Seir.* Non ergo in diebus Mosis, concessa fuit
Idumæa Judæis, sed longissimo post Mosem in-
tervallo: Davide prophetante, psalm. 108. *In
Idumæam extendam calceamentum meum.* Hoc
est, in Idumæam extendam possessionem meam.
Capitur enim possessio, per pedis immisionem.
Et calceamentum hoc loco, pes est: continens
pro contento. Quin & David ipse prophetiam
suam ratam fecit, ut scriptum est Paralipome-
non 1. cap. 18. ubi legitur, Davidem Deo con-
secravisse argentum & aurum. *Quod tulerat ex
universis gentibus, tum de Idumæa, Moab, & filiis
Ammon.* Additur eo loci. *Abisai vero filius Sar-
viæ percussit Edom in valle Salinarum, decem &
octo millia. Et constituit in Edom præsidium: ut ser-
viret Idumæa David.* Tempore ergo Davidis,
non Mosis, redacta est Idumæa in terram posses-
sionis quam promisso dederat Deus Israeli: ut-
pote quæ in sortem & in partem terræ sanctæ
veniebat. Atque hinc evincitur, scripta hæc Deu-
teronomii fuisse post Davidis tempora: dissitissi-
mo scilicet post Mosem interstitio.

Ni-

Nihil vero est, quod pluribus lectorem atteram exemplis, ut lucem Soli fænerem, & probem rem per se clarissimam: Non esse archetypos qui reputantur Mosis libri, bibliorum quinque principes. Neque erit quare mirari quisquam posthac debeat, cum animadverterit, tam multa in illis legi obscura, confusa, inordinata, trunca & mutila, sæpius repetita, omissa plurima, extra locum & seriem posita: quoties reputabit congestam illos esse apographorum farraginem. Trunca sunt quæ leguntur de Lamecho. cap. 4. *Geneseos. Quoniam occidi virum in vulnus meum, & adolescentulum in livorem meum.* Nusquam enim apparet vir ille adolescentulus quem Lamechus occidit. Mutila est historia quæ recensetur capite 4. Exodi, de circumcisione filii Mosis. Et mutila eo ipso deprehenditur, quia qualis esse debuisset, clare conjicitur. Transpositum est caput 20 Geneseos, de peregrinatione Abrahami ad Abimelech, Regem Geraræ. Non enim vero simile reputabitur, Regem illum voluisse Saram vetulam; cui desierant fieri muliebria, quæque non poterat voluptati operam dare. Eadem reputa de Rebecca, cap. 26. Geneseos ejusdem; quæ inciderat in eundem, vel alium regem Geraræ Abimelech. Neque enim credibile est Regem illum cupivisse Rebeccam, *propter pulchritudinem suam*, ut scriptum est: quia tum senuerat, grandibus jam & adultis, Esau & Jacob, filiis ejus.

Extra vero locum & tempus positum est, quod legitur Deuteronomii cap. 10. *Filii Israel moverunt castra ex Beroth, filiorum Iacan in Mosera, ubi Aaron mortuus est.* Deinde ibidem, *mox. Eo tempore separavit tribum Levi, ut portaret arcam fæderis.* Atqui longe ante Aaronem mor-

mortuum, separati fuerant Levitæ ad officium curandi tabernaculi, & portandæ arcæ; secundum Dei præceptum, sæpius, & longe ante mortem Aaronis repetitum; tum in Levitico, tum in Numeris. Imo Aarone ipso in vivis degente, & ex quo perfectum fuit tabernaculum; quoties castra moverant filii Israel, toties Arcam portaverant Levitæ. At, siquidem operam dabit lector, veloci percurrat precor oculo caput hoc decimum Deuteronomii. Et mortem Aaronis narrationi insertam præpostere comperiet, in qua locus ad mortem illam nullus erat utilis; neque quicquam ad eam rem attinebat. Imo, contra rationem temporum scriptam eo loci deprehendet, ubi agebatur de lege lata in Sinai: longe ante Aaronem mortuum.

Extra locum itidem & tempus scriptum cernas Exodi illud capite 18. *Venit Iethro cognatus Mosi, & filii ejus, & uxor ejus, ad Mosem in desertum, ubi erat castra metatus juxta montem Domini.* Quæ ratione enim potuit venire Iethro ad Mosem generum suum, post Judæorum exodum, cum uxore Mosi, & filiis ejus: si Moses ipse, cum abiret à Iethro socero suo, & reverteretur in Ægyptum, ante eandem exodum, atque ut illam faceret, dicatur diserte, *tulisse uxorem suam & filios suos?* Exodi ejusdem cap. 4.

Plura id genus notabit in libris iisdem, qui vel perfunctorie illos legerit, tum, quæ omitto recensere, obscura, confusa, & turbata passim pleaque: imo quædam invicem pugnancia, ut frigida calidis, & sicca humentibus. At vos, qui in illis conciliandis, responsiones & solutiones, undeunde eruere, & extricare satagitis: frustra omnes operam teritis, nisi nodos illos animadversione hac rescinditis, & diversis modis scrip-

pta reputatis; quia ex diversis auctoribus excr-
pta & translata sunt.

CAPUT II.

*Deus se obscure notum dedit hominibus. Deus in
nebula. De bibliis apographis. Fuere scriptores
ante Moſem. Non omnia potuit ſcribere Geneſis.
Non ſcripſit hitoriam primorum hominum, ſed
primorum Iudæorum. Arca non fuit prima na-
vium. Vineæ plantatæ à Noe, non fuit prima
vinearum plantatarum. Quæ ratione Melchi-
ſedec intelligi debeat, ſine patre, ſine matre, ſine
genealogia, &c.*

Quare autem noluerit Deus, ſe, qualis ef-
ſet, manuſcriptum dare hominibus. Qua-
re itidem perplexe & obſcure cum illis
locutus ſit. Quare perplexius & obſcurius dicta
ſua ſcriptis mandari curaverit. Quare tandem
autographa ipſa quamplurima, quæ divini ſcri-
ptores à Deo ipſo hauſerant, perire ſiverit: ne-
que eorundem ad nos, niſi obſcuriora multo,
& turbatiora manaviſſe apographa, voluerit. In-
quirant ſagaciores. At mihi lateat, ut voluit
Deus. Nihil ad me iſtud, Quare Deus voluit:
dum mihi conſtet, Deum voluiſſe. Nebulam in
qua Deus habitat, penetrare oculis meis non da-
tur; ut Deum videam, qualis eſt. Deum certe
habitare in nebula intelligo. Deumque in ne-
bula veneror. Quæ obſcura ſunt in ſacris, quas
manibus verſamus, paginis, elucidare; confuſa
in illis & turbata digerere; omiſſa revocare; man-
ca & mutila reſtituere; pugnantia conciliare;
perſpicacitati meæ (ſi qua mihi eſt) non conce-
ditur: tum neque plenam, ex illarum lectione, de
origine Mundi notitiam habere; neque hitoriarum
ſacræ

facræ seriem totam callere; neque Prophetias clare intelligere; neque vim myſteriorum effi-
 cacem perfectè cognoscere. Quicquid præter-
 ea, in iisdem ſacris paginis, vel obſcuri, vel
 confuſi & turbati, vel omiſſi, vel manci & mu-
 tili, vel diverſi & alieni eſt: Spiritum ſanctum,
 qui Deus eſt, in illis nihilo ſecius degere ſcio. Vel
 enim, illarum autographa à Spiritu ſancto divi-
 nis ſcriptoribus dictata, certe teneo: vel earun-
 dem apographa, ex ſacroſanctis autographis
 hauſta & derivata, conſtanter mihi perſuadeo. Ac
 veluti in nube, quam tempeſtas atra glomerat;
 qui ejus caliginem tranſadigunt radii, Solem te-
 ſtantur qui nube occultatur. Haud aliter, in ob-
 ſcuris & denſis apographorum nimbis, ignea,
 quæ illos percurrit, Spiritus ſancti rimula, Deum
 prodit, quem nimbi eripiunt.

Neque vero me latet, lappas, & tribulos, ni-
 tidis Domini cultis ſuccreſcere: farreamque in-
 ter ejus ſementem, lolium infelix, & ſteriles aven-
 nas, dominari. Scio, in meſſe Domini, paleæ &
 aceris majorem copiam, cum tritici granis con-
 fundi. Scio, auro & argento, ligno & lapide,
 ſceno & ſtipula, confuſe permiſtis & interſtru-
 ctis, educi ædificium Chriſti. Scio, utique, divi-
 nis ſcriptis eadem illa interſtrui, confundi, in-
 terſeri, & ſuccreſcere. Imo, inquires, facile di-
 gnoſcitur lolium à tritico, palea à granis, aurum
 & argentum à ſceno & ſtipula. Sed quis tam acri
 judicio erit, ut divinum autographum, ab hu-
 mano apographo, ſeparare queat? Apographum,
 inquàm, adeo cognatum autographo; ut te ipſo
 conſistente, ludat utrumque in verborum ſtro-
 phis & antiſtrophis. Atqui ſane non ita difficul-
 ter ſecernere erit apographum ex autographo;
 ubi auctor apographi ſe ipſum prodit, & in-
 genue

genue⁹ fatetur, ex quibus libris librum suum composuerit. Difficultas in eo est, nosse in apographo, quæ sunt excipientis, & quæ autographi, à quo ille hausit qui excepit. Atque ut id quod est dicam; Impossibile esse aio, novisse & decrevisse omnia illa. Multa certe sunt, in quibus attente meditando, dignosci valeant quæ sunt autographi ab illis quæ sunt apographi. Et si canis venaticus, qui feram requirit; ubi plurima videt & consula in pulvere vestigia, odora qua pollet sagacitate, illa excernit, & stringit quæ sunt feræ cui superinsistit: Quidni ratio nostra, ubi ponderibus & modulis suis utitur; divino præcipue adjuncta auxilio; divina ab humanis excernere poterit? Tum si pater Isaac cæcus, distinxit vocem Jacob, à manibus Esau: Quidni mens nostra cœlesti lumine irradiata, distinguere poterit vocem Dei, à manibus hominum?

Non ea, vis dicamne vel imbecillitas, animo meo est; ut me in illis dignoscendis, excernendis, & distinguendis, cœlitus adflatum præsumam. Illud certe effari liceat; inesse mihi illam divinæ auræ particulam, quæ homini cuilibet ratio est: nec non Spiritum Christi eundem, qui de plebe Christianum quemque informat; & sine quo, nullus Christi affecla dici potest. *Si quis enim Spiritum Christi non habet, is non est Christi.* Romanorum 8. Hujus ego divini Spiritus auxilio fretus: tum & illo, qui nobis est tactus divinitatis melior quam notitia, instinctu emotus; audeo quædam in quibusdam Bibliorum locis conjicere; neque enim possumus omnes omnia. Illa autem feliciter audere mihi videor: quia enim nihil audeo quod non rationis & fidei trutinâ curiose appendam & castigate librem.

Fatum idem quod exemplaria profana, illaque innumera, abstulit, autographa sacra absumsisse quamplurima, meo mihi sum conscius & promus pectori. Nullus certe dubito, quin Moses Judæorum exitum ex Ægypto; tum legem Dei latam in monte Sinai; tum cæremonias lege illa præscriptas; tum historiam quadraginta annorum, quibus coërraverunt Judæi in deserto; tum denique memorandum Deuteronomii mysterium, scriptis accuraverit. Credo utique, Prophetam incomparabilem, recondita illa qua præstabat, rerum Judaicarum sapientia, Judæorum suorum fastos, à prima origine, & Adamo sanguinis Judaici auctore, ad sua usque derivavisse tempora. Tum etiam rerum omnium Genesim, ante Adamum conditum, scripsisse, mihi facile persuadeo. Illa autem, & prima Judæorum monimenta, & rerum creationem primam, didicisse Mosem censeo, & lectura vetustiorum codicum, & divini, quo madebat, Spiritus monitu. Quamvis enim nullus nobis sit scriptor cognitus Mose antiquior; Scriptores tamen Mose antiquiores fuisse, negare quis audeat? Imo priores illo fuisse clare apparet, eo ipso quod historias suæ gentis, ante & post diluvium, intra bis mille & quingentos annos, vel circiter, scriptis mandaverit. Quasque secundum rerum naturam, earumque ordinem & seriem, & quod notandum, nullo hinc oriente incommodo, didicisse conjicere est; vel ex libris tempore suo extantibus; vel ex longissimis traditionibus, ad sua usque secula fideliter deductis. Litterarum sane usum fuisse apud Phœnices longe ante Mosem, compertum est: nec non Phœnices eadem locutos constat, quæ Hebræi loquebantur. Cujus nimirum rei specimen eximium dede-

dederunt viri doctissimi, Samuel Petitus in Miscellaneis, & Clarissimus Bouchardus in suo Phaleg. At, si ab Hebræis loqui didicerunt Phœnices: quidni scribere didicisse ab iisdem putabimus? Scripserunt ergo Hebræi ante Mosē. Quid vero rectius, & melius scripsissent Hebræi, quam historias suas? Ab illis autem excepisse Mosē, quos scripsit rerum Judaicarum fastos, credidisse quid prohibet?

Mosē certe, qui totus præcipue erat in digerenda sua, & sui temporis historia; carptim scripsisse existimo, quæ sua præverterant secula: raptim vero maxime, quæ Vniuersi genesin comprehendebant. At qui Mosē secuti sunt apographorum concinnatores, breviores multo creationis universæ, & primorum Judæorum apices, tetigisse existimo. Atque hinc factum conjicio, quod Mundi creatio, capite primo, & unico, Geneseos, brevissime absolvatur. Quod dehinc, Adæ formatio, Evæ ædificatio, & peccatum Adæ, capitibus secundo & tertio curiosius paulo describantur. Quod denique capitibus quarto & quinto, quæ à Caino ad Noachum extenduntur, totius antediluviani temporis percurratur historia. Viderit autem, quicumque fuerit tutæ mentis; utrum capitibus illis, quarto & quinto, brevibus admodum & genealogiarum fere plenis, comprehendi potuerunt, quæcunque toto orbe terrarum, vel acta, vel inventa sunt, per spatium mille sexcentorum annorum, & ultra. Vtrum etiam, ratione incolumi, negare possimus, quæcunque, salvis fidei mysteriis, naturali & recta argumentandi via, fieri potuisse demonstrantur: propter hoc ipsum tantum, quod duo illa compendiosissima capita nullam eorum mentionem expressam faciant.

Hæc ego apud me serio reputans, & diligenter expendens omnia illa, quæ de retro antiquissimis temporibus supra & fuscè recensui; tam ex profana, quam sacra ipsa historia: tum quæ à me inferius dicuntur, de *Ævo* illo æterno, à quo Mundus conditus Prophetis & Apostolis perhibetur: non dubitavi primorum hominum creationem, à principio rerum, longissime ante Adami revocare tempora. Neque enim me movere debuit, quod illorum hominum *Genesis* expressim non meminerit. Imo eo ipso mihi fieri fatis putavi, quod homines illos expressim non negaverit. At vero interea; etsi usque adeo breviter, ut nihil brevius, rerum originem perstrinxerit *Genesis*: conjicere nihilominus ex libro eodem datur, quod demonstravi superius, longe diversam fuisse creationem primorum hominum, quæ deliberatur capite primo; à formatione Adami primi Judæorum patris, quæ parcius minus enarratur capite secundo.

Vulgo argumentantur. Nulli homines nominatim leguntur ante Adamum in *Genesis*. Ergo nulli fuerunt ante Adamum. Atqui negatur sequi illud; nullos fuisse ante Adamum homines, quia nulli ante Adamum nominatim leguntur in *Genesis*. Constat enim, neque omnia scripsisse *Genesis*; neque omnia negari debuisse, quæ suppressit *Genesis*; cujus scilicet institutum erat scribere, non historiam primorum hominum, sed primorum duntaxat Judæorum. Simili ratiocinio dejerant, Arcam Noe, primam fuisse navium omnium, quia prior non legitur in *Genesis*. Quasi vero Adamus, qui secundum vulgatam hypothesim, formatione sua artes omnes edoctus est, Nauticam ignoravisset; artium omnium tum mage egregiam, tum societati hominum

minum mage necessariam; tum naturali & quotidiano usu natandi, deprehensu mage facilem. Tale est quod de eodem Noe jactant; plantavisse primam vineam: *Quia* nulla prior legitur plantata apud Mosem. *Quasi* vero terra, quæ arbores peperit omnigenas, quando creata est, in ipsa mundi juventute, & hilaritudine, vitem non protulisset, hilaritudinis datricem, & juventutis instauratricem: Adamus autem insignis agricola, plantationem vineæ neglexisset, agricolationis partem suaviorem, & vinum deseruisset, quod Scriptura ipsa teste *lætificat Deum & homines.*

Prodigium sed enim hominis, non hominem faciunt; qui Melchisedek revera fuisse putant, sine patre, sine matre, sine genealogia, neque initium dierum, neque vitæ finem habentem: eo solo, quod Moses nullibi meminerit, vel parentum, vel liberorum, vel natalium, vel mortis Melchisedeci. Non illi reputant, quod subtiliter admodum animadvertit doctissimus, & acutissimi ingenii Theologus, Ioannes Camero. Mystice hæc prætermissa fuisse à Mose, & mystice notata ab Apostolo, ut significaretur, Melchisedeci sacerdotium fuisse æternum, ad similitudinem sacerdotii Christi: non temporale ad instar legalis & Mosæici: quod patribus ortum Sacerdotibus, liberos genuit Sacerdotes: & à Mose inceptum, Christo desit. Melchisedeci autem Sacerdotium, neque à patribus derivatum Sacerdotibus, neque in filios deductum Sacerdotes: at neque principium cognitum habuisse, neque finem cognitam habiturum. Hæc vero sic intelligi debuisse ratio & fides suadent: ne silentii mysterium naturæ evertat ordinem: secundum quem Melchisedek, patre & matre naturaliter genitus, gignere potuit naturaliter

liberos: nec non ortum & interitum naturaliter & revera habere debuit. At, inquit; hæc non scripsit Genesis ita se habuisse. Ergo non sunt. Verum è contra aio ego. Hæc eadem non scripsit Genesis vera non fuisse: hæc eadem Genesi non adversantur: hæc eadem rationi & fidei congruunt: hæc eadem Genesim produnt mysteria scripsisse, non monstra. Hæc eadem ergo ita sunt, quia ita intelligenda sunt.

Eadem prorsus oscitatione creditur, nullos homines extitisse ante Adamum, quia nullus prior legitur apud Mosem. Neque advertitur, institutum Mosi fuisse in Adamo describendo, memoravisse, non auctorem generis humani, sed primum Judæorum patrem: quorum scilicet peculiarem, non gentium omnium, scripturus esset historiam. Incipit certe apud Mosem Judæum, atque apud Josephum Judæum, & rerum Judaicarum scriptorem, Judæorum origo ab Adamo. Postquam nimirum enarravit Moses idem, ab initio Geneseos, hominum & gentilium omnium originem, ab ipsa Mundi origine. Atque adeo gentiles origine & stirpe distantes ab origine & stirpe Judæorum constituit. Gentiles, inquam, creationis divinæ foeturas, à principio: Judæos autem, formationis divinæ filios, in Adamo.

CAPUT III.

Erratur, quoties generalius accipitur quod specialius debuit intelligi. Tenebræ in morte Domini, factæ fuerunt super totam terram Iudæorum: non super universum terrarum orbem. Steu: quæ apparuit Magis, sacula fuit in aere; non stella in cælo.

PEccatur non raro in lectione sacrorum codicum, quoties generalius accipitur, quod specialius

cialius
quem
quem
minun
Eju
bris ill
Illas e
totum
gelitæ
super q
vel & d
interpr
deorum
mine
ro sine
rat, q
ptior
lii Isra
morie
libus:
terra,
Acc
nativ
tium
fuisse
gum
homi
mos H
expre
Atqui
des.
exqu
Pater
nequ
exist
ticula

cialius debuit intelligi. Quale est de Adamo, quem Moses primum Judæorum patrem fecit : quemque *πρῶτος πατριάρχης*, primum omnium hominum parentem vulgo statuimus.

Ejusdem abollæ est, quod creditur de tenebris illis, quæ factæ fuerunt in morte Domini. Illas enim Theologorum turba fuisse putat per totum terrarum orbem diffusas : eo quod Evangelistæ tres uno ore consentiant, factas fuisse super omnem, & *universam terram* : ἐπὶ πᾶσαν, vel ὅλην τὴν γῆν. Quod meliores tamen notæ interpretes vertere, *super universam terram Iudæorum*. More Hebræorum, inquiunt, qui nomine Terræ, Palæstinam intelligunt. Neque vero sine mysterio miraculum. Tempus enim fuerat, quo, jubente Mose, nox atra universæ Ægyptiorum terræ incubuerat : ubicunque autem filii Israel habitarent, lux esset. Dies venerat, qua, moriente Christo, lux Evangelii oriretur gentilibus : tenebris vero incredulitatis Judæorum terra, & Judæi ipsi obducerentur.

Accedat huc stella illa, quæ Magis apparuit in nativitate Domini ; quamque, vulgare & tralatitium est, cælo inter alias posuisse. Quod nusquam fuisse, & nusquam fieri potuisse, vincitur his argumentis. Vidissent nempe illam in cælo ceteri homines præter Magos. Vidisset illam inter primos Herodes, turbatus hoc nuntio ; quem scilicet expressius phænomenon hoc petere videbatur. Atqui, neque viderat, neque videbat illam Herodes. *Clam enim vocatis Magis*, ait Evangelista, *exquisivit ab eis quo tempore stella apparuisset*. Patet ergo, stellam illam neque fuisse in cælo, neque in conspectu omnium positam, ut vulgo existimatur. Sed *τὸν ἄστρα*, ignem illum, particulariter tantum Magis illuxisse, quo duce

Bethlemam devenirent; quemque præeuntem Magi sequerentur, stellæ, sive facis ad instar; ut adoratum irent Regem Judæorum; neque Herodi, neque ceteris apparuisse. Talis fuerat exercitus ille igneus, ad auxilium Elisæi, de cœlo missus; quem videbat Propheta, neque videbat juxta Prophetam minister ejus. Simile, quamvis dissimili specie, miraculum. Non enim videbat unus homo innumeros ignes quos videbat Elisæus. Videbant Magi tres stellam unam, quam non videbant innumeri homines.

Probaturo, stellam illam non fuisse in cœlo positam, ex Evangelio ipso, his verbis. *Ecce stella præibat eis, donec venit, stetitque super locum in quo erat puerulus.* At si stella illa fuisset in cœlo posita, qua ratione potuisset stare super locum illum in quo erat puerulus? Qua ratione item potuissent Magi deducere perpendiculararem lineam, à puncto stellæ illius, ad locum in quo erat puerulus, quem perpendicularis illa distincte notavisset, ut scriptum est? Potuissent certe Magi illi exquisitissima inspectione decernere, cui regioni terrarum respondiisset cœli plaga, in qua stella illa sita esset. Sed loculum illum, præsepe ipsum in quo jacebat puerulus, inspectione vel ratione ulla, deprehendere; non erat solertię Magorum, non sagacitatis humani ingenii. Constat ergo, stellam illam, sive igniculum, sive faculam illam vocitem; sicut scriptum est Apocalypseos 8, *Cecidit è cœlo stella ardens sicut lampas;* constat, inquam, stellam illam Magis prælucentem missam fuisse de cœlo, ad particularem tantum Magorum usum: qua præeunte Magi ambularent: qua stante supra locum in quo erat puerulus, starent & ipsi; ut inventum adorarent quem quærebant Jesum Christum.

Quod-

Quod li
ponere
mna, di
præbat
nullus a
superio
Judæor
culum fa
larem nu
stabant
credend
Tum
affixa, p
bus facu
Quod
Magis.
sus alia
picum
sequi ta
stella h
morum
berim
notave
Evi
omne
putant
nibus
tum: t
inquant
in cœlo
pade
ruit.

Quod si licet stellæ illi parvæ majus lumen componere: Talis erat nubes illa ad speciem columnæ, die albicantis, & nocte ignicantis, quæ præibat Hebræo populo in deserto: quamque nullus asseruerit, Phænomenon fuisse toti hemisphærio conspicuum. Particulariter enim castris Judæorum incubabat: particulariter Tabernaculum sanctum operiebat: ad motum particularem nubis illius proficiscebantur; stante illa, stabant Israelitæ. Quale de Magis, & de stella sua, credendum est.

Tum, si stella illa, cœlo inter ceteras fuisset affixa, præiisset ut Magis, ita & ceteris hominibus facientibus iter ab oriente in occidentem. Quod non scriptum est: imo tantum, præiisse *Magis*. Cucurrisset porro illa ad numeros & cursus aliarum stellarum, quæ ferebantur juxta Tropicum, ab ortu ad occasum: At, quis potuisset sequi tanta celeritate præeuntem? Si demum, stella hæc fuisset in conspectu hominum omnium posita, meminissent ejus historici celeberrimi, qui memoranda seculi & temporis illius, notaverunt: quod nullus tamen fecit.

Eviçtum ergo abunde est; allucinari, non omnes & prudentiores Interpretes; sed eos qui putant stellam illam apparuisse omnibus hominibus in cœlo: quæ revera illuxerit Magis tantum: tribus, ut fides est, hominibus. Allucinati, inquam, eo quod generaliter acceperint stellam in cœlo; quæ specialiter debuit intelligi de lampade vel facula ardente, quæ Magis solis apparuit.

CAPVT IV.

*In miraculo Ezechiae aegrotantis, non retrocessit
Sol in caelo, sed in horologio Achas.*

Vulgata minus, & paulo maiora sunt, quae dicam de miraculo quod fecit Deus, in sanando Rege Ezechiae aegroto: quale extat apud Reges, libro 2, capite 20. *Signum datum Isaias Propheta, à Domino, Regi Ezechiae aegrotanti, sanatum eum iri, & ascensurum die tertia templum Domini; invocavit Dominum. Et reduxit Dominus umbram per lineas, quibus iam descenderat in horologio Achas, retrorsum decem gradibus.* Quod scriptum est apud Isaiam, capite 38, his verbis. *Ecce ego reverti faciam umbram linearum, per quas descenderat in horologio Achas, in Sole. Et reversus est Sol decem lineis, per gradus quos descenderat.*

Vulgo receptum est; miraculo hoc, Solem retrocessisse in caelo. Ponitur scilicet in Sole, & caelo miraculum, quod fuit in horologio Achas. At quia reducta fuit umbra retrorsum in horologio, oportuit Solem retrocessisse in caelo? nec potuit Deus facere miraculum in horologio Achas, quin violenta commotione caelum totum averterit, & retro abierit generalissimus ordo rerum? Hoc est sane, ludere bonam mentem ludo illo, quo aliquis postularet focum & caminum removeri, qui se igni propius admovisset. Recedat ipse, ne amburatur: stabit autem focus suo loco, nec fatiscet domus propter amotum caminum. Ponatur miraculum in horologio ipso, in horologio Achas, ut vult Scriptura: stabit miraculum suo loco: stabit natura suo ordine, nec fascinetur intellectus praefigiis

figiis inanibus. Qualis enim est, Deus bone!
larva hæc, quæ plures & celebres lusit homines
imaginibus usque adeo vanis, ut putaverint, ex
hac lectione intelligendum, Solem ipsum retro-
cessisse?

Si retrocessit Sol, vel retrocessit solus in Zo-
diaco: vel immoto gradu illo Ecclipticæ, quem
die illo peragebat, retroiit primum mobile, &
cum primo mobili, versæ itidem fuere retro
Sphæræ inferiores omnes; inter quas Sol etiam
versus retro abierit. Alterutrum ponere, incidere
est in absurdissima. Si ponimus Solem retrocef-
sisse solum in Zodiaco, & dextante Zodiaci; ea-
dem proportionem, qua retroiisse dicitur dextan-
te horologii, in horologio Achas: oportuit So-
lem plura signiferi Zodia, quæ anno eodem e-
mensus fuerat, remensum; præteritos menses,
imo & tempestates anni elapías, horæ momento
reduxisse. Quod monstrum confusionis & ab-
surditatis esset horrendum. Quam vero abiire
ipsi retrorsum, non dicam à vero, sed à tota veri
conjectura, qui retro abiisse volunt cælos o-
mnes, ut retrocederet umbra in horologiolo?
Illud sane inturbare fuit naturam universam:
inconciliare rerum ordinem & seriem: contur-
bare ortus & interitus syderum: evertere Ephe-
meridas, & tabulas Astronomicas: & confunde-
re Astronomiam totam. At, quis unquam tur-
barum tantarum, quis inversionis, quis confu-
sionis hujus meminit? quis tale unquam rerum
omnium, ut ita dicam, petaurum notavit? Extat
enim rerum gestarum memoria apud gentiles,
tempore Ezechix.

Ad quid porro censendum est majus miracu-
lum in morbo Ezechix, quam fuit in morte
Christi? Tenebræ factæ fuerint per regionem

tantum Hierosolymitanam, in morte Domini, Sol plus solito illuxerit toti Mundo in morbo Ezechia! Christus moriebatur; Ezechias ægrotabat tantum! Christus moriendo peragebat redemptionem totius Mundi; Ezechias ægrotabat, sibi, & suo populo! Quam male se habent quæ sic comparantur! Ponatur vero miraculum, ut debet, in horologio Achas, non in cœlo: quadrabunt apprimè omnia cum horologio illo. Comparatur enim recte, vita hominis, umbræ: imo umbræ horologii. Ultima periodus vitæ, & horologii, vocatur hora ultima. Comparatur rursus apposite vita Regis, horologio regio. Retrocessit umbra quæ cadebat in horologio quod fecerat Achas: Retrocessit vita quæ cadebat in Ezechia quem genuerat Achas. Neque ullum potuit convenientius augurium dari de sanitate Ezechia, miraculo hoc. Quod eapropter signum peculiare datum fuerat Ezechia: juxta illud Paralipomenon 2, capite 32. *Ægrotavit Ezechias usque ad mortem; Et dedit ei Deus signum.* Dedit ei, non omnibus. Accidit autem signum hoc super terram Iudaicam, non super alias terras. Quod notandum est, & vincitur per eundem locum Paralipomenon, ubi legitur: *Missos fuisse principes Babylonios Legatos: Qui interrogarent de portento quod acciderat super terram.* Non in cœlo, quod nota, sed super terram. Terram vero intellige illam, Iudaicam. Nil enim tale Babylone acciderat. Neque necesse fuisset Babyloniis, interrogare Iudæos de portento, si vel Babylone accidisset, vel si Sol in cœlo retrocessisset. Vidissent quippe illud & ipsi portentum.

Reducendum ergo est miraculum ad horologium Achas. Imo illud ipsum evidentissime voluit,

voluit,
utroque
loci nite
sunt. R
bus jam
sum de
miracul
Et reve
descend
sio Solis
bra, qui
ti Sol,
quod d
tibus.
rum, p
Sole:
mitur
effund
ditur i
in hor
porro i
Reges
horolo
ex an
vero i
quæ t
indica
rendo
beret
rarum
Prom
cis, V
comp
& Sol
nium
gitud

voluit, & expressim significavit, Scriptura sacra, utroque loco, Regum & Isaïæ: si verba utriusque loci rite, ut par est, trutinentur. Verba Regum sunt. *Reduxit Dominus umbram, per lineas quibus jam descenderat in horologio Ahas, retrorsum decem gradibus.* Nota hic, signari expressim miraculum, in horologio Ahas. Verba Isaïæ sunt. *Et reversus est Sol decem lineis, per gradus quos descenderat.* His locis, *reductio umbræ, & reversio Solis*, idem sunt: quia non potuit reduci umbra, quin Sol reversus sit: neque vicissim reverti Sol, quin umbra reducta fuerit. Et hoc est quod dixerat Isaïas verbis proxime antecedentibus. *Ecce ego reverti faciam umbram linearum, per quas descenderat in horologio Ahas, in Sole: vel cum Sole.* quod idem est. Sol, ibi sumitur, non pro Sole ipso; sed pro lumine quod effundit in superficie quæ feritur. Quale effunditur in horologia omnia: & quale effusum fuisse in horologium Ahas credendum est. Lineæ porro illæ, quarum meminere his locis, tum Reges, tum Isaïas; descriptæ erant super area horologii, ab umbra styli, qui secundum artem, ex area ipsa horologii excitabatur. Linearum vero illarum præcipue notatæ erant duodecim; quæ totidem horologii, sive gradus, sive horas indicarent, cum interim umbra styli, percurrendo aream totam horologii, innumeras describeret alias lineas, quibus minutissima & ipsa horarum, sive graduum, momenta signarentur. Promiscue sed enim vocantur lineæ illæ his locis, *Umbra, & Sol*: quia revera describuntur; & componuntur in horologiis omnibus, ex umbra, & Sole: salvis Geometrarum principiis, qui definiunt suas lineas, puras; non compositas longitudoines. Neque illas utique lineas, præcise

umbram; nec præcise Solem; sed verius, extremitates & distinctiones individuas Solis & umbræ, nominaverim. In illis enim; ultima pars Solis, prima est umbræ; nec non, ultima pars umbræ, prima est Solis. At, quis unquam Mathematicus tales sibi finxit lineas in cælo; si verba Regum & Isaïæ sumantur his locis, pro Sole ipso, non autem pro lumine quod effundebat in horologium Achas?

Adverte autem, Isaïam vocavisse promiscue, umbram & solem; quod Reges simpliciter & semper eo loci, *umbram*, nusquam vero *Solem*, appellavere. *Vis ut ascendat umbra decem lineis, an ut revertatur totidem gradibus? Et ait Ezechias. Facile est umbram crescere decem lineis: nec hoc volo ut fiat; sed ut revertatur retrorsum decem lineis. Invocavit itaque Isaïas Prophetam Dominum; & reduxit umbram per lineas, quibus jam descenderat in horologio Achas, retrorsum decem gradibus.* Versabatur, ut videre est, totum miraculi hujus negotium, in area horologii Achas. Facile autem factu, dicebat Ezechias, si cresceret umbra horologii. Non quod revera facile foret, umbram crescere horæ momento decem gradibus, qui non nisi decem horis exactis confici poterant. Sed quia facilius apparebat, umbram currere, quam recurrere, in horologio; petiit, quod minus facile, & miraculum majus videbatur; ut reverteretur retrorsum decem lineis. Miraculi certe hujus vis tota erat in horologio Achas: secundum mentem ipsam Ezechiae agrotantis, & Isaïæ precantis. Petierat enim Isaïas. *Vis ut ascendat umbra, an ut revertatur? Revertatur*, inquit Ezechias. *Et reducta est umbra in horologio Achas.* Non agebatur hic secundum mentem Ezechiae, & preces

preces Isaïæ, de reversione Solis in cœlo, sed de reversione umbræ in horologio. Factumque revera est miraculum, volente rege, & precante Propheta, non in cœlo, sed in horologio. Neque vero retro versâ fuisset miraculo umbra in horologio, si retro versus fuisset Sol in cœlo. Sequitur enim umbra in horologio motum Solis in cœlo; natura, non miraculo.

Adeo quinetiam certum est; splendorem Solis qui feriebat horologium Achas, sumi debuisse pro Sole ipso: ut Strato Sydonius, Rex salutatus & renuntiatus sine controversia fuerit, qui fulgorem Solis, non Solem ipsum, primus Sydoniorum, summo civitatis fastigio, orientem contra, ostendisset, & *Solis ortum in occidente invenisset*. Expectantibus frustra aliis, orientem versus, ut Solem ipsum aspicerent. Quod ex Trogo Pompeio Iustinus retulit, lib. 18.

Militant ergo recta ratio, & probata auctoritas, cum his locis, & verbis sacris; ut intelligatur miraculum hoc de horologio tantum Achas. In quo, currente Sole, ut solet; stante horologio suo situ; & immoto horogii stylo; contra ordinem, & naturalem effectum Solis & umbræ; miraculo, & modo hominibus incognito, umbra reducta fuerit retrorsum decem gradibus. Decipi illos qui putant, cœlum, & Solem, retrocessisse. Decipi, inquam; eo quod miraculum hoc universale in cœlo, & sole, posuerint; quod particulare fuit, & specialiter de horologio Achas intelligi debuit.

CAPVT V.

Qua ratione in miraculo Iosue Sol steterit in Gabaon. Longa dies illa non debuit extendi extra regionem Gabaonitidem.

EXperiamur, numquid tale intelligi debeat de miraculo Iosue? *In cuius iracundia Sol impeditus est.* Ecclesiastici cap. 40. Nec non, *stetit, & voci hominis paruit.* Iosue 10. Conturbaverat Deus Amorrhæos à facie Israel: qui fusi ab excelsis Gabaon, in declivia Bethoron, effugium quærebant in vallibus. Decreverat autem delere illos Iosue ad internecionem. Quos ne ferro & ultioni ejus nox subtraheret: dixit ille in conspectu filiorum Israel. *Sol, contra Gabaon ne movearis, & Luna contra vallem Ajalon. Steteruntque Sol & Luna, donec ulcisceretur se gens de inimicis suis.* Et ibidem. *Stetit itaque Sol in medio cæli. Et non festinavit occumbere, spatium unius diei.*

Nemo est quin primo intuitu hæc legens, asseveret solem ipsum stetisse in cælo. Verum, si quis attentius vim miraculi expendat, & miraculum ipsum intra fines suos contineat; facile apprehendet, lumen & fulgorem solis, non solem ipsum, hoc loco intelligendum esse: sicut in miraculo Ezechie demonstratum est. Auctoritatem & confidentiam conjecturæ adjicit, quod scriptum est, *Solem stetisse in medio cæli.* Sol enim occiduus cælo præcipitabat, quando illum Iosue stare iussit. Neque Sol stare tunc poterat in medio cæli in quo non erat. Distat enim occasus, toto cæli quadrante, à medio cæli. Accipiendum ergo ita est miraculum hoc: ut cum Sol ipse revera occumberet; neque cessaret interea celestis.

lestis & naturalis rerum ordo, fulgor Solis, sine Sole ipso, & miraculo maximo, superesset in Atmosphæra, vel regione vaporum illa, quæ civitati Gabaonicæ, cœli & aeris medio, incubabat; Solis vero fulgor, civitatem Gabaonicam, & montem Gabaon verberaret: ita ut reverberati ex fulgore illo radii, jacentes undequaque convalles illustrarent, at enim fusi & fugati Amorrhæi imminentem illis Josue effugere non possent: quæ miraculi causa erat.

Incidit in hanc cogitationem, cum in valle amœnissima, mediis Cadurcorum montibus, olim degerem: Vnde cœli spatium breve patens, Solem conspicuum, per diei horas circiter sex, mensibus æstivis, in valle eadem admitteret. At vero interea Sol, qui mihi temporius occiderat, per hiatus & intervalla montium, excelsum & oppositum valli montem feriebat: quo fulgore vallis tota accendebatur; donec Sol sub horizontem ipsum cecidisset. Videbam ergo in monte opposito solem sine sole, per plures horas: quod mihi instar miraculi erat. Toties autem subibat miraculi Josuæ recordatio. Potuisset nempe Deum retinere splendorem solis, sine sole, in Gabaon: miraculo majore, quo videre mihi datum erat solem sine sole, in monte mihi opposito.

Quantum vero meum erat ratiocinium, evasisse ad conjecturam mihi videbar: quia scriptum erat, *Sol contra Gabaon, ne movearis*. Sol enim occiduus, oppositum montem Gabaon, ut conjicere est, illuminabat; neque omnes proinde horizontis plagas: quas haud dubie conspexisset, si vere sol in medio cœli steterisset. Retinuit ergo Deus in monte Gabaon, non in locis omnibus horizontis, miraculo memorando,

ful-

fulgorem eundem, quo Sol occiduus in monte illo, & locis adjacentibus, rutilabat. Sive illud fatius fuerit credidisse, ratione Atmosphæræ, & refractionum quæ in illa fiunt: solis occidui speciem, super horizontem apparuisse, postquam sol occidisset. Argumento eodem; quo Hollandi in nova Zembla, post noctem continuam duorum mensium & semissis, solem recuperavisse memorant, aliquot diebus maturius, quam merito illum expectarent. Quia nimirum Atmosphæra, solis speciem, ante solem ipsum, e-
vexisset. Atque illis propterea, solis species aliquot diebus pro sole ipso illuxisset. Quod retulit & signate animadvertit Vir summus, PETRUS GASSENDUS, & fama super orbem Philosophicum notissimus, libro 1, capite 19, Institutionis suæ Astronomicae.

Scriptum est porro in Iosue. *Et non festinavit Sol occumbere, spatio unius diei.* Quod explicatur Ecclesiastici capite 46. *Et una dies facta est quasi duo.* Spatium ergo unius diei, quod notavit Iosue, non integrum, sed quasi integrum, intelligendum est. Evanuit scilicet paulatim fulgor Solaris ille, qui in monte Gabaon rutilabat: Et splendor Lunari similis, in valle Ajalon, Solari successit; donec inimicos suos omnes ultioni mactavissent Israelitæ. Quo sensu capienda sunt Iosue illa. *Luna contra vallem Ajalon ne movearis.*

Additur loco eodem Iosue. *Non fuit antea, nec postea erit, tam longa dies.* Et vere. Dies enim illa una, facta est quasi duo. Brevis erit mora, neque non moræ pretium erit; si hoc loco narravero certamen magnum quod erat Mathematicus egregius, cum Theologo minorum profeucharum. Demonstrabat Mathematicus, dies

dies d
obliqu
sub par
ba Th
canden
asserer
fuit in
quasi d
set, Na
dies. Q
rebat.
aiebat
horren
Mathem
perator
interd
dit Th
pietas
ratio M
se ante
diem,
cipient
raculu
tra Ga
est, n
bus p
ras die
stinavi
unius
quasi d
lo hab
sed re
ultra.
bat M
debat
rever

dies dari plurium dierum, secundum Sphæræ obliquitatem: imo sex mensium perpetuum, sub parallela degentibus. Excanduit ad hæc verba Theologus: impium clamitans, & lamina candente qua hæretici ustulantur, expiandum; asserere, potuisse dari majores dies, die illa quæ fuit in miraculo Josuæ, quæque una facta fuit quasi duo. Præsertim, cum diserte scriptum esset, *Non fuit antea, nec erit postea tam longa dies.* Quo nihil expressius, nihil clarius apparebat. Manifestas autem mendacii teneremus, aiebat ille, Scripturas sacras (cogitatu nefas, & horrendum) si vera essent quæ demonstraret Mathematicus. Ac proinde optime cavisse Imperatores, qui Mathematicos cœlo Christiano interdixissent. Ne sævi, parve Sacerdos; respondit Theologo Mathematicus. *Fallit te incautum pietas tua.* Nam & verbum Dei verum est: & ratio Matheseos vera est. Verum est, neque fuisse antea, neque futuram postea tam longam diem, in regione Gabaonitide; qualis fuit præcipiente miraculum Josue. Sed non extendit miraculum illud, & longitudinem diei illam, extra Gabaonem, ad regiones alias. Verum enim est, neque illò verius dari potest: in regionibus polaribus, longiores multo fuisse & futuras dies, die illa, qua jubente Josue, Sol non festinavit occumbere subter Gabaonem, spatio unius diei, quæque una dies facta est tantum quasi duo. Dantur enim manifestissime sub polo habitantibus, dies, non quasi duarum dierum; sed revera, centum octuaginta duo dierum, & ultra. Quod argumentis ineluctabilibus evincebat Mathematicus. Victus vero frustra contendebat Theologus. Sed & unde digressa est, illuc revertatur oratio; Ponendum reapse est miraculum

culum Solis retenti à Josue non in cœlo, sed in terra. Neque vero in terris omnibus: sed in regione sola Gabaonitide. In qua, neque fuit antea, neque erit postea, tam longa dies. Ultra enim, citraque, nequiret illud asseri.

Non deerunt malignæ opinionis homines: qui vel me suspitione impleant, de miraculorum fide male sentientis; vel qui me lymphatum prædicent; meamque dicant integram audaciam: quod tam longe lateque à vulgata opinione recedam, fixum ratumque habentium, Solem, dicto Josuæ, substituisse in cœlo; ut revera credunt retrorsum abiisse in morbo Ezechix. Obrectabunt scilicet conjecturis meis; atque illas tanquam male natas infamabunt; quæ nebulas verbis sacris spargere prætendant, ubi tam clare, & sine ambage loquuntur: Solem, edicente Josue, *stetisse in medio cæli*: nec non Isaia precante, *reversum decem lineis*. Nimirum illi sunt, quibus religiosum & divinum in primis est, quicquid non creditur: Et quo magis incredibilia, hoc sanctiora apud illos reputantur miracula: tum (quod & ipsum monstrum est) quo magis superant fidem, hoc magis fidem illis adhibent. Fateor autem ingenue, me nomen non profiteri meum inter abnormes miraculorum assertores, qui rationem omnem denormant. Rationalis sum, & rationi conveniens nihil à me alienum puto. Miracula illa Josuæ & Isaia credo; Deumque in illis maxime veneror. Sed non illa credo, majora veris, & rationi congruis. Continui ergo illa intra limites suos. Et suspendat oro mentem suam Lector benevolus, in meditatione eorum quæ scripsi super his. Scripsi autem, ambitione procul: non ut vulgatos errores triumpharem, sed ut de illis amore veritatis in-

inquirerem. Et judicent de animadversionibus meis, quibus rationis & veri benigna vena erit.

CAPVT VI.

Vbi sit miraculum de non attritis Iudæorum vestimentis in deserto: Et de calceamentis eorum vetustate non consumptis.

Eiusdem notæ est, portentum, non miraculum; quod intelligitur Deuteronomii capite 29. Vbi Moses commemorat. *Adduxit vos*, inquit, *Dominus quadraginta annis per desertum. Non sunt attrita vestimenta vestra, nec calceamenta pedum vestrorum vetustate consumpta sunt.* Itur vulgo in hanc sententiam; Vestimenta Israelitarum non ideo fuisse attrita in deserto: quia Deus virtutem incorruptam pannis indidisset, ut nunquam atterentur: nec non latentis incrementi facultatem; ut quas primum induiti fuissent vestes Israelitarum filii, crescentibus his, crescerent illæ. Quod de calceamentis eorum itidem dejerant: Nulla unquam vetustate fuisse consumpta: Atque adeo, ubi primum induxissent calceos infantibus; crescentibus infantum pedibus, crevisse eorum calceos.

Hæc illi opinantur, quia non cogitant, vim miraculi hujus sitam fuisse, non in futilibus illis, & puerorum næniis: sed in mirabili providentia, qua Israelitas Deus adduxerat, quadraginta annis, per deserta omnium egena; quibus tamen omnium copia tanta suppetiisset, ut nulla eis materia defuisset, qua vestibus & calceis induerentur. Non attritas fuisse eorum vestes, quia mutatorias habuissent quamplures: nec calceamenta

menta pedum suorum vetustate consumpta, quia vetera & laxa novis mutavissent. Mille illos pecudum greges pavisse in deserto: quorum lanis pannos texuissent, & vestimenta sarcissent: tum pellibus eorum, & coriis, calceamenta consueverunt. Neque illis præterea, vel textores, vel sartores, vel coriarii, vel futores, defuissent.

Addidit Deus Israelitis eo loci. *Panem non comedistis. Vinum & siceram non bibistis in deserto, ut sciretis quia ego sum Dominus Deus vester.* Pluerat Israelitis manna de cœlo: fluxerat eis aqua de saxo: utrumque miraculo Dei, ut manna & aquam, vice panis, vini, & siceræ, ederent & biberent. Miraculo etiam Dei factum fuerat; ut & greges eorum invenissent, quo pascerentur, & biberent in deserto sterili & sicco. Nimirum, ut quibus esus & potus satias fuisset; vestium utique & calceorum copia redundavisset; & nihil Deus illis, in solitudine arenosa & infertili, per quadraginta annos defieri passus esset.

Vim igitur totam miraculi hujus posuit Moses; ut ostenderet, nihil defuisse Judæis in deserto per quadraginta annos: Quod variis loquendi figuris, sed eodem semper significato, expressit. Explicavit apertius mentem suam Deuteronomii capite 2. *Novit Dominus iter tuum, quomodo transferis solitudinem hanc magnam, per quadraginta annos, habitans tecum Deus. Et nihil tibi defuit.* Quo intellectu accipe Deuteronomii ejusdem caput 8. *Vestimentum tuum quo operiebaris, nequaquam vetustate defecit: & pes tuus non est subtritus. En quadragesimus annus est.* Potuit scilicet inveterascere vestimentum Israelitarum, sed non deficere vetustate: Deo non sinente, ut deficeret illis vestimentum novum, quod veteri substitueretur. Potuit itidem

laxus

laxus eorum calceus hiare; sed non pes eorum atteri; quia corii illis abunde fuisset in deserto, ut neque laxo, neque pittaciis confuto calceo attererentur.

Simili modo intellige, quod de Judæis iisdem legitur, Isaïæ 48, *Non sitivisse in deserto*. Potuerunt siquidem Judi sitire in deserto: sed aqua eis non defuit, qua sitim suam sedarent. Imo, quicquid sonent verba Isaïæ, sitiverint necesse est Judæi in deserto: alioqui non bibissent in deserto. Nullus enim nisi sitiens, aquam potat.

Flumine vicino sultus sitit.

Id est, sitim patitur. Eodem ergo sensu dixit Isaïas, non sitivisse Judæos in deserto, quo dixerat Moyses, vestimenta eorum non fuisse attrita, neque calcamenta vetustate consumpta: quia enim suppeditaverat eis Deus, & quo sitim explere, & quo vestes & calceos mutare possent. Potuerat revera Deus, quibus pollet miraculis, præstare illa; neve esurirent, neve sitirent Judæi, neve attererentur eorum vestes, neve consumerentur vetustate eorum calcei in deserto. Atque hæc miracula opus fuissent, si & cibo & potu caruissent Judæi, si neque lanis & coriis abundavissent. Sed nihil horum illis deficebat. Neque adeo miracula illa opus erant. Imo defectum vestium & calceorum, quo laboravissent Judæi, manifesto arguisset miraculum; si vestium & calceorum penuria, & virtute miraculi, easdem semper induti fuissent vestes, quæ non attererentur, & eosdem semper gustavissent calceos, qui non vetustate consumerentur. Copiam è contra, qua superfluebant Judæi, vestium & calceorum, indicavit manifestissime, quod neque vestes, neque eorum calcei inveteraverunt; quia utrosque creberrime mutaverunt.

Refer

Refer etiam ad providam illam curam Domini, qua suppetebant quæ necessaria erant Iudæis in deserto; quod eos per regiones quandoque amœnas, & fertiles circumduxit: à quorum habitatoribus (*Deuteronomii 2, & alibi passim*) *cibos emebant pecunia, & comedebant: nec non aquam emptam hauriebant, & bibebant.* Quam nimirum gratiam habuerunt Israelitæ Idumæis, & Moabitis. Atque illo rerum usu prohibente eos Rege Schon, percusserunt eum cum omni populo suo, cunctasque urbes ejus: *Et prædam, & spolia urbium ceperunt.* Deuteronom. cap. 2. Deleverunt quin etiam, capite 3. Og, regem Basan. *Tuleruntque in illo tempore terram de manu duorum Regum Amorrhæorum, qui erant trans Iordanem.* Dixisset Moses ipse, *cis Iordanem*: quod nota. Atqui inter prædam & spolia duorum illorum Regum & vestes & calceos inventos, tum materiæ plus satis, qua vestes & calceos conficerent, quis dubitabit? Eadem conjice de Amalecitis, victis à Iudæis, cap. 17. Exodi, ante legem latam in Sinai. Adjunge his: quod per plures annos circuiverunt Iudæi montem Seir, Idumæis habitatum, à quibus cibos & aquam emerunt; quod dudum demonstravi: & à quorum urbibus, vestes & calceos pretio redimere potuerunt.

CAPVT VII.

Diluvium Noaicum non fuisse effusum super universum terrarum orbem, sed super terram Iudæorum. Ut Iudæos perderet, non ut omnes homines obrueret.

EXtremum hoc concedatur discussisse miraculum, de cataclysmo Noæ: qui terrarum plagas omnes, pluviis undique effusissimis, ob-

obruisse creditur: quemque Palæstinam & Judæorum terram tantum inundavisse, verisimilius multo existimaverim. Conjecturam præcipue movent causæ ipsæ diluvii illius: quas hic ab alto petam.

Demonstravi supra; Judæos formatos in Adamo, & *filios Dei* peculiariter habitos, separatos fuisse ab aliis gentibus, quas Deus in principio creaverat. Gentes vero illas, *Filios hominum*, codicibus sacris indigitatas, pluribus ostendi. Separaverat quin etiam Deus Judæos à gentibus, quo tempore illos collocaverat in terra sancta & sua, tanquam in horto concluso, cujus aditus non pateret gentibus: ad quas utique gentes nefas esset Judæis accedere: Judæos ergo vetuerat Deus mixturam ullam facere cum gentibus. Maxime vero averfatus erat, filios suos matrimonio contaminari cum filiabus hominum. Contra Dei vetitum, admiserant Judæi ad terram suam gentiles homines: *Qui cum cepissent multiplicari*, ait Genesis, *super terram*, (intellige Palæstinam) & *filias procreavissent; videntes filii Dei filias hominum, quod essent pulchræ*: vel quod idem est: videntes filii Adam, qui deinceps Judæi dicti sunt, filias gentilium esse pulchras; *acceperunt sibi uxores ex omnibus quas elegerant*. Concubitu porro illo prognati sunt Gigantes. Etenim cum vegetes & fortes Judæi, à recenti formatione, qua Deus optime habitos compegerat; *ingressi essent ad filias hominum*: ratione illa qua fortes creantur fortibus; & divinum humano commistum, heroas generat; creaverunt filii Dei, filiabus hominum commisti, Gigantes; id est, heroas, & viros fortes: quales explicantur loco eodem, *per potentes & viros fama seculo suo illustres*.

Iratum vero Deum propter Judæorum nefas, poenituit fecisse hominem, & terram perdepſuisse quæ Adamum formaverat: unde Judæi nati essent, lutulentum & corruptum hominum genus: *quorum cuncta cogitatio cordis intenta esset ad malum, omni tempore*, ait Genesis. *Omni tempore*; id est, à prima sui origine: tum in Adamo, primo eorum patre, qui Dei pactum transgressus erat: tum in se ipsis, qui fœdus utique divinum ruperant.

Delebo, adjecit Deus eo loci, *hominem quem creavi, à facie terræ: ab homine usque ad animantia: à reptili usque ad volucres cæli*. Pœnitet enim *me fecisse eos*. Adverte hic, terræ nomine, Palæstinam intelligi: more Hebræorum, qui nomine terræ simpliciter dictæ, Palæstinam intelligunt. Quale supra adnotavi, de tenebris in morte Domini factis. Hominem igitur quem creaverat, decernit Deus delere à facie terræ illius. Per *hominem quem creaverat*, intellige Judæos Adami filios: Adami inquam illius, quem Deus creaverat; id est formaverat. Idem enim est hoc loci creaverat, quod, formaverat. Per *animantia* vero gentiles etiam intellige, Judæis permistos, & peccati Judæorum causas: secundum illa quæ fufius supra enarrata sunt; ubi demonstravi, Judæos, *homines* simpliciter dici, quæ gentilibus comparantur; gentiles è contra, Judæis hominibus collatos, *animantes* dictos, & *populum non populum* habitos, apud auctores sacros. Certe, neque homines tantum, Judæos & gentiles, delere decrevit Deus: sed, quæ ejus fuit ira qua excanduit, hominibus omnibus terræ illius delendis animantia revera ipsa omnia terræ ejusdem, à reptili usque ad volucere, addere voluit. Noë Judæo excepto, qui

Ar-

Arcam
evade
Rup
quit C
facta e
& qu
super n
caver
enim in
perficie
terrani
univer
super n
mnis c
crum,
lum o
& cu
mortu
erat f
reptili
terra.
erant
ca, &
nefis
terra
na to
spect
utru
illo f
No
Rup
tara
ma
Pal
nob
laft

Arcam mandato Dei texuit; qua salvus ab aquis evaderet.

Rupti ergo sunt omnes fontes abyssi magnæ, inquit Genesis; & cataraclæ cæli apertæ sunt, & facta est pluvia super terram, quadraginta diebus, & quadraginta noctibus. Factumque est diluvium super terram: & multiplicatæ sunt aquæ: & elevarunt Arcam in sublime à terra: vehementer enim inundaverunt; & omnia repleverunt in superficie terræ. Et aquæ prævaluerunt nimis super terram. Opertique sunt omnes montes excelsi, sub universo cælo. Quindecim cubitis altior fuit aqua super montes quos operuerat. Consumptaque est omnis caro, quæ movebatur super terram, volucrum, animantium, bestiarum, omniumque reptilium quæ reptant super terram. Universi homines, & cuncta in quibus spiraculum vitæ est in terrâ, mortua sunt. Et delevit omnem substantiam quæ erat super terram, ab homine usque ad pecus, tam reptilia, quam volucres cæli; & deleta sunt de terra. Remansit autem solus Noë, & qui cum eo erant in Arca. Quæ omnia oratione prophetica, & dicendi genere entheo, exaggeravit Genesis; ut significaret, homines & bestias omnes terræ Judaicæ periisse diluvio illo, quo Palæstina tota immersa est. Quæque, si ad verba sola spectes, sonare videntur; Terras omnes, quæ Sol utrumque respicit hemisphærium, cataclysmo illo fuisse involutas.

Neque vero me movet quod scriptum est; Ruptos fuisse omnes fontes Abyssi magnæ; & Cataraclæ cæli apertas. Abyssus enim magna illa, mare ipsum Palæstinorum fuit; à quo fontes Palæstinæ omnes scaturiunt. Quos ruptos hic nobis exhibuit Genesis; ut repræsentaret, Palæstinam totam in aquas liquefactam, exsudavisse

se quicquid humorum habuisset in venis. At enimvero, qui mos est vim addere hyperbolice dictis & scriptis: sunt qui *Cataractas cæli apertas*, interpretentur Cælum ipsum aqueum, in terras undequaque effusum. Quæ sunt gerræ maximæ. Hæc enim luxuriante stylo scripta fuerunt; ut exprimerent vim pluviae, qua Judæorum terra diluvio illo inundata est. *Operti vero montes excelsi omnes, sub universo cælo*: intelligi debent de montibus Palæstinorum excelsis omnibus. Nec non *universum cælum* hoc loco dictum est, quod Palæstinis patuit. Tralatitium enim est, cælum suum regioni cuique assignari. Sensu eodem accipe caput Deuteronomii 2, ubi Deus metum incutiens populis omnibus terræ sanctæ, ad quam Israelem suum intromittebat, hortabatur illum his verbis. *Hodie incipiam mittere metum atque formidinem tuam in populos qui habitant sub omni cælo*. Omne cælum hoc loco intelligendum, quod imminabat terræ sanctæ. Neque enim terrorem Judaici nominis immittebat Deus tunc temporis in populos qui habitabant sub cælo, vel Sinenfi, vel Americano, vel Australi, vel Groenlandico.

Quod si non ad verba sola, sed ad rem ipsam diligentius attendimus: Diluvium illud, Judæorum terræ, non toti Mundo, ingruisse, manifestum erit. Tum ex causis diluvii ipsius, quas dudum attigi, quasque peccata fuisse Judæorum ostendi. Tum ex Noë Judæo, & filiis ejus, Judæorum reliquiis. Tum denique ex loco ipso in quo Arca stetit, corrivatis aquis diluvii: *Super montes Armeniæ*, ait Genesis. Qui scilicet montes Armeniæ, qua Palæstinam respiciunt, partem Syriæ constituunt, Palæstinæ conterminam.

At,

At,
rum f
pione
cense
Berol
ca; in
Non d
tus est
princep
dais: q
Judæu
diluvio
rum sti
Quibu
Judaic
tas sui
repara
ne cat

Probat
lum
tur

F
quam
Portan
foliis
bus fo
lumb
obru
de ob
ta, li
go cri

At, certe diluvium illud peculiare Judæorum fuisse, intellexit Josephus, ubi contra Apionem libro 2, auctores omnes gentilitios recenset, qui Judæorum meminissent: inter quos Berosum laudat. *Berosus*, ait ille, *scripsit de Arca; in qua generis nostri Princeps servatus est.* Non dixit, *In qua generis humani Princeps servatus est:* sed *in qua generis nostri*, id est Judaici, *princeps servatus est.* Agitur enim eo loci de Judæis: quos *suos*, & *genus suum*, vocavit Josephus, Judæus ipse. Princeps, inquam, populi Judaici à diluvio: cum Josephus idem primam Judæorum stirpem traxerit ab Adamo, ante diluvium. Quibus Sole meridiano lucidus patet; generis Judaici reliquias tantum, Josepho auctore, servatas fuisse in Arca: Et genus itidem Judaicum reparatum fuisse à Noë: secundo, à restauratione cataclysmi, Judæorum principe.

CAPUT VIII.

Probatum idem quod in superiori capite, per columbam à Noë emissam, & per aquarum naturalem decursum.

F Idem facit, diluvium hoc peculiare Judæorum fuisse, non universale gentium omnium; quod scriptum est de Columba, quam Noë emisit, & vespere ad illum rediit: *Portans*, ait Genesis, *ramum olivæ, virentibus foliis, in ore suo.* Nimirum ramus ille virentibus foliis, quem matre sua avulsam retulit Columba, non erat ex Oleis illis, quas diluvium obruerat, & per annum emensum limosa palude obdlexerat: quarum idcirco folia, limo gravata, limi rubigine emarcuerant. Probabilius ergo erit dixisse: Columbam è montibus Armeniæ

emissam, aquas diluvii omnes transvolavisse; & in campis superioris Asiæ elatioribus, legisse ex Olea quadam, cataclysmi & limi pura, ramum illum virentibus foliis; quo virentem nec marcidam salutis spem Noë ostentaret.

Quod ut clarius percipiamus, retractemus animo, & recogitemus apud nos impetum illum, quo diluvii imbres, immensis aquarum agminibus, eruperint; & terram totam, per quadraginta dies, & quadraginta noctes, nec mora, nec requie, verberaverint. Reputemus, quot & quantas cœnosas aquas præcipitati montibus torrentes in valles devolverint. Tum vero diluvium ipsum, torrentibus illis concitatum, & conflatum, nil nisi aquam fuisse, limo, & cœno, delibutam. Quæ deinde cum per annum liquatur, quo montibus altioribus incubuit, & quindecim cubitis supra fuit; sæx limi in fundum decidens, ramis arborum subsedit, foliisque hæsit super omnibus. Docemur nempe hoc quotidiano experimento; ubi torrentes turbidi, & superflui, ripas suas inundaverunt. Exsistis enim postmodum aquis, cernimus & arundines, & arbores, quibus ripæ illæ consistæ sunt, limi pondere marginibus suis pessum pressas, & cœno immundissimo turpatas. Quale exemplar fuerat Olearum omnium diluvio Noatice immerfarum. Oleas quinetiam ipsas, per annum solidum, quo diluvium illas obruisse legitur, nullo Sole eas vegetante, cœnosis aquis omnino corruptas, & interfectas, putruisse tandem credibile est.

Campos vero superioris Asiæ, montibus Armeniæ, quos diluvium operuerat, elatiores, hoc pacto concipio. Quod terrarum omnium depressiores illas puto, quæcunque ad oras mariti-

mas

mas jacent. Elatiores autem, quæ à mari longius abscedentes, altius itidem in superum & convexum terræ globum assurgunt. Quod in oculos nostros incurrit, quoties videmus nominatos, & rapidos fluvios, per longissimos terrarum tractus in mare devolvi: ratione illa, qua de supero in declive terræ convexum deferuntur. Neque vero me pigebit, hoc loco retulisse, quæ mihi olim experientissimus geometra memorabat: Exploravisse se declivitatem qua fluvius Garumna ab agro Tholosano, per agrum Burdigalensem, in Oceanum influit: Et centum perticis emensis, perticam unam declivitatis ab illo multoties fuisse interceptam. Propter hanc scilicet terræ ad mare inclinationem, mihi persuadebam, *rapidum Garumnæ* insigniri ab Ausonio, in Mosella:

Lenis Arar, Rhodanusque celer, rapidusque Garumna.

Quodsi tam prona non admittitur inclinatio, qua Geometra ille Garumnæ in Oceanum rapi voluerat: ponatur Danubius, famosissimus & rapidus fluvius, qui per sexcenta declivis terræ convexi milliaria, à fonte suo in Pontum Euxinum delabitur. Deturque explorata ejus declivitas, non centum, sed sexcentis perticis emensis; pertica una declivitatis intercepta: nec non sexcentis milliariibus emensis, milliare unum declivitatis interceptum. Qua ratione Danubii fons, Ponti Euxini ora, milliari uno excelsior deprehendatur. Constituatur porro declivitas illa, nullis montibus interrupta, & nullis obicibus salebrosa, per æquor continuum deduci, quale cernitur in globo, vel ex metallo, vel ex ebore, apprime æquato, & expolito: ita ut nihil valeat aquas, per læve illud fluentes, morari.

Fingatur demum, Ponti Euxini ora diluvio tanto immersa; ut profunda ejus aquæ vis, à terra in altum, milliari uno perpendiculariter exciteretur. Quæ altitudo duplo superet altiorum montium altitudinem. His positis: ratione illa, qua, ut dixi, Danubii fons ponti Euxini ora milliari uno excelsior datus est: compertum foret, diluvium illud, quod ab ora Euxina, in superum & læve illud convexum assurgeret, fontem Danubii libaturum tantum; neque terras illas prætergressurum, quæ cis fontem illum positæ, aquis intactæ, & sicco suo illibatæ perstarent.

Idem judicium esto de diluvio Noë. De cujus aquis facile colligeretur, quantum agri Asiatici emensæ essent, supra montes Armenios, si comperta foret altitudo montis Ararat, qui inter altiores numeratur; & in cujus vertice arca subsederat. Tum quos montes, quos gibbos & obices, convexus terræ illius Asiaticæ globus effusus desuper aquis objectavisset. Desuper; id est, quindecim cubitis, quibus aqua, secundum Genesim, altior fuerat super montes quos operuerat.

Facile certe mihi persuaderem, aquas diluvii Noacici, centum vel circiter milliariibus in superum Asiæ convexum fuisse evectas, hac ratione: quod globi illius convexitas salebrosa, & verrucosa, imo ad Taurinos tractus dorsis immanibus exsurgens, cursus aquarum, ut credibile est, fregerit; & rupibus interjectis, ne longius & latius vagarentur, valide obstiterit.

Centum vero, vel circiter milliaria, emensam, & remensam die uno Columbam; ut virentem ramum oleæ rostro legeret & referret, hinc maxime conjicio; quod emissâ mane revenit vespere. Conjicio, inquam, longius avolvavisse; tum
ex

ex per
rapi
te Dec
Deus
vero,
marci
re illi
inum

Probat
Noë
fuere
obru
Hiss
mus

Q
minun
Et si v
rum d
ex ill
re vid
ras o
tur ve
parati
ducit
iisdem
divisa
Noë
regio
scrib
ctæ,
Nem

ex pernitate alarum, qua, innata celeritate, rapitur Columba: tum quod ducente & ferente Deo, quæsitum ierat pacis tesseram; qua Deus, in Noë, Iudaicæ genti conciliabatur. At vero, non ita longe volatum destinavisset; si marcidum, & turpatum limo termitem, carpere illi satis fuisset: prostabant enim juxta arcam innumeri.

CAPUT IX.

Probatum idem, per historiam filiorum & nepotum Noë. Per Eusebium in Chronico. Particulares fuisse cataclysmi. Ægyptus nunquam diluvio obruta. Referuntur; Strabo, de Turdetanis Hispanis; Scaliger & Servius de Frojanis. Solinus de Indis. Sanchoniato, Iombal.

Qua ratione creditur, genus hominum omne diluvio Noacico fuisse immersum: convenienter etiam statuitur, genus hominum omne à filiis Noë fuisse reparatum. Et si vere constaret ex historia Geneseos, terrarum omnium populos, à Noaci filiis, diluvio ex illo, fuisse propagatos: nihil causæ esset, quare victas non dederem manus opinantibus, terras omnes diluvio eodem fuisse obrutas. Legatur vero diligenter caput 10 Geneseos; unde reparatio illa hominum omnium ex filiis Noë deducitur; nec non divisio terrarum omnium ab iisdem facta inducitur: Et luce clarius patebit, divisas & possessas fuisse post diluvium, à filiis Noë; non terrarum omnium plagas omnes, sed regiones tantum terræ sanctæ: quales eo loci describuntur, vel revera regiones ipsæ terræ sanctæ, vel terræ illi conterminæ. Principium regni Nemrod, capite illo, Babylon fuit. Assur vero

ædificavit Niniven. Nihil autem, præter Babylonem & Niniven, memoratur toto capite, aut divisum, aut possessum à filiis Noë, vel ultra Euphratem, vel ultra fluvium Ægypti, vel ultra mare rubrum, vel ultra mare Palæstinorum: quos posui supra limites terræ sanctæ, quique illam undequaque concludunt.

Imo verò, prognatos legas capite illo ex filiis Cham, Philistæos, Hethæos, Jebusæos, Amorrhæos, Gergesæos, Hevæos, Sinæos, Aradidos, Samaræos, & Amathæos: populos omnes terræ sanctæ. Quod perspicue apparet ex locis, & ex terræ ejusdem itineribus. Scriptum enim ibidem est. *Faciuntque sunt termini Chanaan* (filii Cham) *venientibus à Sydone Geraram, usque Gazam; donec ingrediaris Sodomam & Gomorrharam, & Adamam & Seboim, usque Leza.* Quæ sunt vel urbes; vel regiones terræ sanctæ. Additur vero seriatim. *Post hæc disseminati sunt Chanaanæi.* At de illis non dubitatur, quin fuerint notissimi & præcipui terræ electæ populi. Deinde hinc scriptum legas. *Hi sunt filii Cham, in cognationibus, & linguis, & generationibus, terrisque, & gentibus suis.* Quæ si incautius legas, imaginoso te impleant; linguas, generationes, terras, & gentes illas, tertiam terrarum omnium partem complexas. Adverte autem nomina illa grandia; linguas, generationes, terras, & gentes, filiorum Cham, intelligendas omnes, suas sibi regione terræ sanctæ, quales illo cap. 10. describuntur, divisas & concessas habitantes. Nota etiam obiter, *linguas*, locis omnibus hujus capituli, præpostero ordine scriptas. Erat enim tunc temporis *Terra labii unius & sermonum eorundem*, atque adeo linguæ ejusdem: ut scriptum est capite 11, & sequenti, *Geneseos*. Neque dum enim facta

facta fuerat linguarum confusio, quæ sequitur capite eodem 11. in ædificatione turris Babel. Enumerantur filii Sem: qui pater fuit filiorum Heber. *Natique sunt Heber*, ait Genesis, *filii duo. Nomen uni Phaleg: eo quod in diebus ejus divisa fuerit terra. Et nomen fratris ejus Iectan.* Terra autem divisa illa, terra sancta intelligenda est. Additur enim de fratribus illis. *Et facta est habitatio eorum, de Messar pergentibus, usque Sephar montem Orientalem.* Quod terræ sanctæ itinerarium merum est. Habetur pro coronide, capite eodem 10. *Hæ familie Noæ, juxta populos, & nationes suas. Ab his divisa sunt gentes in terra, post diluvium.* Id est, ab his divisa sunt provinciæ terræ sanctæ. Vel, ab his divisi sunt incolæ regionum terræ sanctæ. Terram enim simpliciter dictam, interpretantur Hebræi, terram suam. Quod supra, & plus una vice monui. Intelligatur vero hoc loci, totus terrarum orbis, per terram in diebus Phaleg divisam: Possibile vel factum, vel creditum erit; tantam suppetiisse hominum copiam, intra quintam generationem filiorum Noæ, (quintus enim numeratur Phaleg, à Sem, generis sui auctore) ut & Sinam, & Americam & terram Australem, & Groenlandiam, & quicquid inter illas undequaque interjacet, dividere & habitare potuerint? Restringendum ergo erit, hoc loci, terræ nomen, ad terram solam electam. Quæ, si res ipsa curiosius attenditur; ne vix quidem intra decimam generationem, justo habitatorum suorum numero, filiorum Noæ propagine, impleri, & dividi potis fuit.

Conjicitur autem, & incaute conjicitur; Terrarum omnium plagas omnes, à filiis Noæ fuisse divisas & habitatas; ex opinione, ut prædixi,

illa, quæ omnium fere animos prior occupavit; homines terrarum omnes diluvii aquis Noacici fuisse demersos. Tum etiam ex nominibus quæ gesserunt quidam ex filiis Noæ: quæque nomina, conjecturis alii minus invitis, plerique, invitis omnino, ad similitudinem nominum quorundam, quibus vel noti sunt hodierni populi, vel noti fuere antiqui, obtorto veluti collo inflexerunt: populosque illos omnes, à filiis Noæ, propter nominum suorum imaginem imaginosis scilicet conjecturis oriundos statuerunt.

Ecce aliæ suspensiones. Scriptum aiunt, capite illo 10 Geneseos, de filiis Iaphet. *Ab his divise sunt Insulæ gentium, in regionibus suis. unusquisque secundum linguam suam, & familias suas, in nationibus suis.* Insulas nempe illas gentium quidam interpretantur, sparsas per æquor omne, tum Mediterraneum, tum Ægeum; tum quas Oceanus circumalluit, Britanniam, Hiberniam, Hebridas, Orcadas, Thulen ultimam; & quæ super sunt, cognitæ vel incognitæ. Tanta scilicet hominum propagine luxuriavisse volunt filios Noæ, in diebus nepotum Iaphet; ut non se capientibus, in continenti terrarum omni, habitatoribus; effusi fuerint in Insulas omnes, adjacentes, & semotas, Insulasque illas ipsas, trudentibus se coloniarum copiis, *in regionibus suis*, ut hoc loci scriptum est, diviserint, & habitaverint. Quod an fieri potuerit, intra tertiam generationem filiorum Iaphet, viderit cui pectus sapit. Sunt qui insularum, eo loci, nomine, Terras omnes intelligant, quæ sunt ultra Palæstinum mare positiæ: qualemque Europam speciatim, insulam nomine dictam volunt, Hebræis auctoribus. At si filios Iaphet conjiciunt Europam transfretavisse,

avisse, & immensissimos terrarum tractus, quos illa pars Mundi celeberrima vastissimo ambitu complectitur, sibi divisisse, intra tertiam generationem filiorum Iaphet, quod nota; recensetur enim hic tertius tantum ascendendo, à filiis illis suis Iaphet: Imo si conjiciunt, filios illos tertiæ generationis Iaphet, non solum Europam insulam sibi assignavisse; sed etiam insulas omnes alias, & gentium omnium divisisse; propter hoc ipsum solum, quia Europa Hebræis insula nuncupata est; tum quia scriptum est hoc loci, *insulas gentium ab his filiis Iaphet fuisse divisas, in regionibus suis, secundum linguas suas & familias suas, in nationibus suis*: quam amabo parum certam fidem struunt illi, super conjecturis adeo incertis. In primis autem super more loquendi Hebraico, qui tam variæ & multiplicis significationis, nec non insolens usque adeo est, ut nihil fere ubique nisi tropos loquatur.

At, si quæ fides conjecturis est, crediderim verisimilius multo; insulas gentium illas in regionibus suis, à filiis Iaphet divisas, *unoquoque*, ut scriptum est, *secundum linguam suam, & familias suas, in nationibus suis*, Regionem ipsas fuisse terræ sanctæ, quas sibi filii Iaphet, secundum gentes, linguas, & familias suas, in nationibus suis diviserunt. Quia enim eadem intelligenda sunt, eo loci, de filiis Iaphet, quæ dicuntur infra de filiis Cham, & de quibus supra egimus. *Hi sunt filii Cham, in cognationibus, & linguis, & generationibus, terrisque, & gentibus suis*. Filios siquidem Iaphet opinandum est sedes suas in regionibus terræ sanctæ posuisse, quales pedem fixisse in terra eadem filios Cham, notum est. Etenim vero! si filii Cham reprobi, sortes suas acceperunt in terra sancta, quæ terra Domini erat:

quid nisi filios Iaphet, partes suas in terra eadem Domini sortitos fuisse crederemus? quorum scilicet patrem electum, & sibi dilectum, Dominus habuisset. Funes certe filiorum Sem, ut & filiorum Cham, cecidisse in terra eadem, supra demonstratum est. Quare ergo soli filiorum Noë, filii Iaphet, exhæredes se fecissent terra sancta & sua? aut quo elogio exhæredes terra illa renunciati fuissent à fratribus suis? Attende autem serio ad verba illa de filiis Iaphet. *Ab his divise sunt insule gentium in regionibus suis.* Inducerer enim ut crederem, *insulas & regiones*, idem significavisse hoc loci. Et regiones singulis gentibus habitatas, *insulas* dictas; quia conterminis gentibus circumfluuntur: quæ ratione insulas domorum appellant, quæ vicis conterminis circumambiuntur. Quid vero prohibuit insulas gentium concessisse, si concedimus insulas domorum jure optimo usurpatas?

Non levis causa est cur mihi persuadeam, diluvium Noacicum peculiare Iudæorum fuisse. Eusebius in Chronico: ubi ad tempora nascentis Abrahami hæc ait. *In hujus Nini imperii quadragesimo tertio anno, apud Hebræos natus est Abrahamus. Apud Egyptios autem, decima sexta potestas erat, quam vocant Dynastiam. Quo tempore regnabant Thebei, qui præfuerunt Egyptiis, annis 190.* Atqui secundum Iudæos Hellenistas, nondum erant exacti trecenti anni, à diluvio Noë, ad natum Abraham. Quomodo ergo fieri potuit, ut intra annos trecentos, nobilissimum sub Nino Assyriorum imperium, statutum fuerit, & stabilitum per quadraginta tres annos? Nini, inquam, cuius origo tam alte petita fuit, ut non solum ad fabulosa, sed & inco-

gnita

gnita recurrerit tempora. Nino autem antiquiores posuit Iustinus, libro 1, regnatorem Ægypti Vexorem; & Scythiæ regem Tanaum. Qua ratione etiam ordinari & instaurari potis fuit per idem tempus Thebanorum regum perfectura illa in Ægyptios: quam tempore illo, nonaginta & centum annis invaluisse retulit hoc loco Eusebius? At, quod magis mirabere; credibile ne est, intra annos trecentos (tempus adeo breve) elapas fuisse dynastias quindecim, & inchoatam decimam sextam apud reges Ægyptios: si reputamus, tres tantum numerari dynastias apud reges Francos, ab origine regni Francici, per ducentos, plus minus, supra mille annos? Notum porro est ex historia ipsa Geneseos, quæ plurimum favet Eusebio, Abraham Ægyptum petiisse, sub Pharaonum dynastia: quæ vivebat item Iosephi tempore Abrahami pronepotis; quæque viguit quadringentis post Iosephum annis, tempore Moïsis: cujus Pharao novus ignorabat Iosephum, quem Pharao vetus tam bene noverat. Imo quæ Pharaonum dynastia, Cæsarum dynastiæ duratione æquiparanda, Salomonis claruit seculo: *affinitate enim conjunctus est Pharaoni regi Ægypti Salomon; duxitque filiam ejus uxorem*, Regum 1, capite 3.

Particulares porro datos fuisse regionum cataclysmos, testatur Ogygæ diluvium, quod Bœotiam totam inundavit: nec non Deucalionæ illuvio, quæ Thessaliam totam hausit; quamque plures alias, illasque particulares, præcessisse retulit Plato, ex Sacerdote Ægyptio, in Timæo. Cataclysmum quin etiam suum jactant Sinenses, suum Americani: utrumque vero, ex eorundem computo, à Noacici diluvii temporibus longe distantem. Quidni autem & suam
par-

particularem concedemus Palæstinæ illuvionem?

Imo negant & pernegant Ægyptii, Palæstinorum ipsorum contermini, diluvio unquam ullo labefactatam fuisse Ægyptum. Alluisse quidem Nilum, & fœcundavisse quotannis terram suam: nusquam vero obruisse illam asseverant diluvium. Quod validissimis argumentis, & probatissimis historiarum suarum monumentis demonstrabat Sacerdos Ægyptius, supra laudatus, apud eundem Platonem, Timæo eodem.

Non erit incommodum, Platoni Strabonem attexere, libro 3 Geographiæ suæ; ubi hæc de Turdetanis Bæticæ Hispaniæ incolis. *Hi omnium, inquit, Hispanorum doctissimi judicantur: utunturque Grammatica, & antiquitatis monumenta habent conscripta: ac pœmata, & metris inclusas leges, à sex millibus ut aiunt annorum.* Habuere ergo Turdetani leges suas, longe ante diluvii Noacici tempora; si Strabonis seculo, à sex annorum millibus habuere conscriptas. Quas scilicet diluvio illo intactas, intacti & ipsi, per totos sex mille annos ex ordine tenuerunt; illisque jugi observantia assueverunt.

Celebratam quinetiam refert Scaliger Olympiadem primam, anno mundi 3074. Troiæ vero excidium, quadringentis octo vel circiter annis fuisse ante primam Olympiadem. Atqui notavit Servius ad illud Virgilii de Troia;

Urbs antiqua ruit, multos dominata per annos. Antiqua, inquit, vel nobilis: vel quia duobus millibus octingentis annis regnavisse dicitur. Ponendum ergo erit regni Trojani principium ante ipsam mundi originem. Et si regnata fuit Troia, continua serie, per duo mille & octingentos annos; statuenda erit Phrygia, ut Bætica, dilu-

vio

vio Noacico intemerata. Eadem conjice de India, quam Liber pater primus ingressus est. *Ab hoc*, inquit Solinus capite 52, *usque ad Alexandrum Magnum, numerantur annorum sex millia quadringenti quinquaginta unus; additis & amplius tribus mensibus: habita per Reges computatione, qui centum quinquaginta tres tenuisse medium ævum deprehenduntur.* Reponit hunc numerum apud Plinium, Plinii restitutor in Solino, mendorumque Averruncus Salmasius.¹

Semiramidem porro mille annis excidium Troiæ antecessisse, auctor est idem Scaliger; illamque intra seculum diluvii primum locavit. Sanchoniatonem vero tempore Semiramidis vixisse, idem voluit. Sanchoniatone autem vetustiore posuit Iombalem: nec non ab illo multa accepisse Sanchoniatonem, retulit ex Porphyrio. Tum etiam Eusebius Sanchoniatonem eundem memorat in arcana quædam Ammonæorum volumina incidisse, quæ ex interioribus templorum penetralibus, ubi antea jacuerant, eduxerat. At qua ratione aptari illa potuerunt diluvii Noacici temporibus? Adjunge his: quod neq; Sanchoniato, neq; Sanchoniatone vetustior Iombal, numerantur inter filios Noæ. Et extra Arcam jacuerint & conservata fuerint, necesse fit, volumina Ammonæorum illa, in quæ Sanchoniatonem incidisse, testatus est Eusebius.

Huc demum refer quæ notavi supra enucleatius: incongruum omnino statutum fuisse tempus; quod numeratur ab Adamo, vel ad Abrahamum Chaldæum, vel ad Mosem Ægyptium; quodque sufficiens incogitanter putatum est, ad assequendas disciplinarum illarum notitias, quas Abrahamus & Moses ad amussim calculerunt. Incongruum sedenim supra incongruum

gruum assignaretur spatium à diluvio Noacico, ad eisdem vel Abrahamum vel Mosem, si crassiore negligentia, competens existimaretur, ad easdem disciplinas conquirendas. Præcipue vero Astrologiam, Theologiam, & Magiam Chaldæorum. Quas floruisse tempore Abrahami celebri indicio est, quod Vr Chaldæorum quam habitabat Abrahamus, *Camarina* dicta fuit Eusebio. Camarina autem urbs eadem est quæ Astrologorum civitas. Et Camarini dicti sunt Chaldæi; iidem qui Astrologi & Magi. Chaldæorum enim nomen, gentis & artis fuit. De Camarinis porro Magis scriptum est Job capite 41, *suscitare illos Leviathan*: qui Dæmon est. Leviathan autem terrestrem & aqueum dari constat: vel quod idem est, Dæmones dari terrestres & aqueos. A quibus scilicet derivatos subtilissime censuit doctissimus idemque linguæ Hebraicæ peritissimus, PHILIPPVS CODURCVS, Commentario super Iob, Spiritus illos quos vernacule appellamus *Luthons* vel *Luthins*. Theoremata vero Magiæ, nec non horrenda Deoque exosa carmina illa, quibus suscitabant Magi spiritus, nefas esset cogitavisse condita fuisse in Arca, ne diluvio immergerentur. At enimvero dixisse, inventam artem, vel de integro reparatam, à diluvio ad Abrahamum; impossibile esset probare, juxta cum mage impossibilibus.

CAPVT X.

De æterno ante æternum. De æterno ab æterno.

Allucinantur in dispensatione & assignatione rerum gestarum à diluvio Noacico, qui autumant, diluvium ipsum Noacicum universale fuisse gentium omnium. Longissime

giffime & illi falluntur in dispensatione & assignatione rerum gestarum à Mundo condito, qui Mundum conditum statuunt cum Adamo formato. Tum vero, qui Mundum nupere natum, mox etiam moriturum arguunt. Principium illi & finem rerum tam angustis hinc atque hinc coarctavere temporum spatiis, ut nullo modo ad cancellos illos quadrare possint, quæ de Mundo creato ab æterno, & de Mundo in æternum duraturo, leguntur, non dicam apud Historicos & Philosophos gentiles, sed apud Prophetas & Apostolos. At enimvero! spatiis illis iniquis, quæ tempora illa duo æterna, præteritum & futurum, tam anguste & incommode amplexantur, quam bene convenit quod de Pallio brevi, sub quo duo jacebant, memorat Isaias, cap. 28. *Pallium breve, inquit, utrumque operire non potest.*

Scriptum est, quod profiteor, *Deum creavisse cælum & terram* IN PRINCIPIO. Illud certe audacter asseveraverim, nos non novisse Principium illud. Suus est, fateor, ergo determinatus numerus stellarum in firmamento. Suus est, fateor, ergo determinatus numerus calculorum arenæ in littoribus. Suus est, fateor, ergo determinatus numerus seculorum, quæ computantur ab illo principio usque ad nos. At enim, stellarum firmamenti omnium, calculorum arenæ omnium, seculorum quæ fuere à principio omnium, summam conficere; non existimo talem unquam numerationem competiisse Arithmeticæ nostræ, vel humano computo. In numeris illis neque est numerus, neque refert illos numero comprehendere. Satis sit, Deum novisse nomen & numerum stellarum omnium quas creavit. *Ab omnipotente non sunt abscondita tempora, ait Iob.* cap. 20.

Duas

Duas porro significationes Aeternitatis comperio in lectione sacrorum codicum. Primam, qua Deus dicitur æternus, ante secula, & ante res omnes creatas. Alteram, qua æternitas designatur à seculis, & rerum creatarum principio. Significationes æternitatis hæc jugiter comprehenduntur loco illo Proverbiorum, quo introducit Sapientia loquens his verbis. *Deus possedit me ab initio viarum suarum, antequam quicquam faceret. Ordinata sum, vel secundum alios, Principatum habui ab æterno, à capite, ab initiiis terræ; sive, à creatione Mundi.*

Duplex ibi cernitur initium, sive principium. Vnum, ante secula, ante terram creatam. Alterum, à seculis, ab initiiis terræ, sive à creatione mundi. Distinguitur primum à secundo: quod in primo dicitur Deus simpliciter possedisse Sapientiam: in secundo, ordinavisse sive inauguravisse illam, ut principatum obtineret super res omnes creatas. Vtrumque ergo principium, æternum: sed antiquius primum secundo. Primum principium, æternum per se: æternum ante æternum. Secundum principium, æternum ab æterno: æternum respectu nostri; quatenus intellectus noster non potest assequi illius numerum.

Docuit nos illud clarissime Paulus Apostolus, capite ultimo epistolæ ad Romanos: tum capite 3 epistolæ ad Ephesios; nec non capite 1 epistolæ ad Colossenses: quando vocavit locis illis Evangelium, *Patefactionem mysterii, quod tacitum & absconditum fuerat, à seculis, & temporibus æternis.* Epistola vero prima ad Corinthios, cap. 2. definiverat illud, *Sapientiam Dei occultam, quam præfignierat Deus ante secula.* Secunda item ad Timotheum, cap. 1. *Gratiam*
que

que nobis
terna. T
ne quan
D. Petru
prima,
fuisse an
cis depr
ternitatu
dici, an
cundo, a
bus æter
ternitate
eandem
mundi fu
jactis m
æternis
à tempo
nostri:
gnitis: f
tur dete
mundi,
vel imit
pio. De
intra se
est, æte

De æter
ternum

Q
minus
Canti
ficare

quæ nobis data fuerat in Christo, ante tempora æterna. Tum epistola ad Titum. *Spem vitæ æternæ quam promiserat Deus ante tempora æterna.* D. Petrus eadem referens, epistola sua catholica prima, capite 1, dixit. *Christum præcognitum fuisse ante jacta mundi fundamenta.* Quibus locis deprehenditur evidenter differentia illa Æternitatum quam notavi. Primo, æternitatem dici, ante secula, & ante tempora æterna. Secundo, æternitatem dici, à seculis, & à temporibus æternis. Æternitatem illam quæ est ante æternitatem, ante secula, & ante tempora æterna; eandem esse quam vocavit D. Petrus, *ante jacta mundi fundamenta.* Ergo, idem esse æternum à jactis mundi fundamentis; quod à temporibus æternis. Ergo, fundamenta mundi jacta fuisse à temporibus æternis, vel ab æterno, respectu nostri: vel à temporibus & seculis nobis incognitis: sive à principio illo cujus nulla nobis datur determinata scientia. Æternitas vero hæc mundi, non divina illa, sed divinæ illius imago, vel imitatio est: juxta Mercurii illud in Asclepio. *Deus æternus, ait ille, mundum non natum intra se habuit. At quatenus mundus Dei imago est, æternitatis etiam imitator est.*

CAPUT XI.

De æterno ultra æternum. De æterno usque in æternum. Regnum Messie qua ratione æternum.

Qua ratione dictus est Deus, æternus ante æternum; dictus idem est, æternus post æternum, & ultra æternum. *Regnabit Dominus in æternum, & ultra;* dicebat Moses in Cantico. Quoties autem Scriptura sacra significare vult quid semper duraturum: non æter-

æternitate illa qua Deus durat; sed æternitate illa qua mundus permanet: exponere illud solet per æternitatem Solis, & ordinem Lunæ & stellarum sempiternum. Tale illud est de pacto æterno, quo Deus Judæos in populum suum sibi in æternum elegerat, Jeremiæ 31. *Hæc dicit Dominus, qui dat Solem in lumine diei, & ordinem Lunæ & Stellarum in lumine noctis. Si defecerint leges illarum coram me; tunc & semen Israel deficiet, ut non sit gens coram me.* Fœdus autem illud cum Judæis pactum, vocatur *fœdus sempiternum*. Geneseos 17. Isaïæ 55. Jerem. 32. Ezechielis 37. & aliis locis innumeris. Sempiternum, inquam, & æternum; quod idem est. Sol ergo, & Luna, & stellæ, ponentur cum Israele, in sempiternum & æternum. Æternum vero illud accipe, non ultra æternum; sed usque in æternum. Quo sensu intelligendus est Ecclesiastes. *Terra autem in æternum stat.*

Regnum Messiae in æternum duraturum vincit Deus hoc argumento, Jeremiæ 33. *Si irritum, inquit, potest fieri pactum meum cum die, & pactum meum cum nocte, ut non sit dies & nox in tempore suo: & pactum meum irritum esse poterit cum David servo meo.* Quod non verbis iisdem, sed intellectu eodem reposuerat Psalmus 72. *Et permanebit cum Sole & Luna in generatione & generatione.* Vbi nota, Solem & Lunam respondere diei & nocti Jeremiæ. Explicatur Psalmi illud 72. *in generatione & generatione*: Psalmi 88. *Semel juravi in sancto meo, si David mentiar. Semen ejus in æternum manebit: & thronus ejus sicut Sol in conspectu meo; & sicut Luna perfecta in æternum; testis in cælo fidelis.* Vbi testis fidelis, idem est qui permanens & æternus. Palam illud idem elocutus est Psalmus 10. *Dominus regna-*

regnabit
lipomene
num. T
bitur. E
illud fui
cap. 12.
Messiæ se
buit omni
sanctam
regni, inc
Atqui
nos illud
capite 15
gnum De
autem il
sub pedi
cum po
ejus. A
laudatis
secundo
neque u
finis nor
dem, p
pium fi
Regi
& qual
ex capi
ex loco
Sapien
Prover
viarum
princip
cepta
nec di
colles
rat,

regnabit in æternum. Juxta illud capitis 6 Paralipomenon 1, *Firmabo solium ejus usque in æternum.* Tum Danielis 6, *Regnum ejus non dissipabitur. Et potestas ejus usque in æternum.* Nempe illud fuit, quod scriptum est Evangelii Joannis cap. 12. *Christus manet in æternum.* Sed regnum Messiasæ sempiternum & æternum futurum, exhibuit omnium expressissime Angelus, Virginem sanctam super Filio suo & Christo alloquens. *Et regni, inquit, ejus non erit finis.*

Atqui revera finis erit regno Messiasæ. Docente nos illud inconcusse D. Paulo, Corinthiorum 1, capite 15. *Deinde finis, inquit, cum tradiderit regnum Deo & Patri.* Tum paullo post: *Oportet autem illum regnare, donec ponat omnes inimicos sub pedibus ejus.* Cessabit igitur regnare Messias, cum posuerit Deus omnes inimicos sub pedibus ejus. Æternitas ergo regni Messiasæ, locis supra laudatis omnibus intelligi debet illa tantum, quæ secundo modo accepta, usque in æternum erit, neque ultra æternum durabit. Cujus æterni, finis non erit, respectu nostri: sicut respectu eodem, principii æterni nullum itidem principium fuit.

Regnum illud Messiasæ æternum, quale fuerit, & quale futurum sit, synopsi clara percipiemus ex capite Proverbiorum supra laudato, nec non ex loco hoc Corinthiorum D. Pauli. Hæc dicit Sapientia patris, quæ Messias & Christus est, Proverbiorum 8. *Dominus possedit me ab initio viarum suarum, antequam quicquam faceret à principio. Nondum abyssi erant, & ego jam concepta eram: nec dum fontes aquarum eruperant: nec dum montes gravi mole constiterant. Ante colles ego parturiebar. Adhuc terram non fecerat, & flumina, & cardines orbis terræ.* Quæ
de

de æternitate Christi ante æternitatem, intelligenda sunt. De æternitate inquam illa, quæ erat ante secula, ante tempora æterna, & ante jacta mundi fundamenta. *Ab initio ordinata sum*, ait ibidem eadem illa; sive, *principatum habui, à capite, ab initiis terræ. Quando præparabat cælos, aderam: quando certa lege & gyro vallabat abyssos: quando æthera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transilirent fines suos: quando appendebat fundamenta terræ. Cum eo eram cuncta componens.*

Quæ de æternitate Christi, per quem omnia facta sunt, omnia itidem moderantis, & regnantis super omnia, intelligenda sunt. De æternitate inquam illa, quæ à seculis fuit, à temporibus æternis, & à jactis mundi fundamentis. Regnum ergo Messie incepit à creatione mundi, à jactis mundi fundamentis, & à temporibus æternis. A principio illo fuit quod sine principio est. Desinet regnum idem sine illo æterno, qui sine fine erit: quo mundus qui principium habuit à seculis & temporibus æternis, in temporibus itidem æternis, & seculorum fine, haurietur. *Deinde finis*, ait D. Paulus, *cum tradiderit regnum Deo & Patri.* Fuit regnum Christi à seculo & æterno. Desinet idem in seculum & æternum. *Facta fuere* hac propter *per Christum secula.* Hebræorum 1. Et *Rex seculorum* dictus est Christus, Timothei 1, capite 1. Imo & regnum Christi, *Regnum omnium seculorum* claruit; Psal. 144. Qua ratione vocavit D. Paulus Christum, *Benedictum in secula super omnia.* Regnabat Deus-pater ante secula, ante tempora æterna, antequam ordinavisset Sapientiam, & Principatum illi dedisset super omnia. Regnabit Deus-

Deus-p
tia, qu
diderit
ante æ
gnavit
in æter
A secul
quæ Da
cap. 16.
que in a

Eternu
ration
De te
Æte

Æ

quod D
gerat; u
tissimas
verbis.
ne, &
Israhel
terit f
Dei irr
Vtraque
tuntur
sæ: ne
dierum
pulan
mod
Deo:
Lunæ

Deus-pater, idem post secula; postquam Sapien-
tia, quæ & Christus-filius est, regnum Patri tra-
diderit in fine seculorum. Regnabat Deus-pater
ante æternum, & regnabit ultra æternum. Re-
gnavit Deus-filius ab æterno, & regnabit usque
in æternum. Quo sensu accipe psalmi illud 90.
A seculo & usque in seculum tu es, Deus. Nec non
quæ David idem canebat Paralipomenon 4.
cap. 16. *Benedictus Dominus Deus ab æterno us-
que in æternum.*

CAPVT XII.

*Æternum significari solet in sacris literis per du-
rationem Solis & Lunæ & Mundi. De Ævo.
De temporibus æternis. D. Paulus explicatus.
Æternum indeterminatum est.*

Æternitatem legis & federis illius quo
Deus Judæos in æternum sibi assum-
pserat; nec non æternitatem pacti illius
quod Deus cum David seruo suo & Messia pepi-
gerat; ut significaret Jeremias, per res indubita-
tissimas, utique & notissimas; expressit illam his
verbis. Si, inquit, *defecerint leges Solis, & Lu-
næ, & stellarum, coram Domino; tunc & semen
Israel deficiet coram eo.* Et rursus. Si irritum po-
terit fieri pactum Dei cum die & nocte; *Pactum
Dei irritum esse poterit cum David seruo ejus.*
Vtraque igitur indubitata & immota consti-
tuuntur: æternitas seminis Israel, & regni Mes-
sæ: nec non æternitas Solis & Lunæ, stellarum,
dierum & noctium. Atque ut convenienter co-
pulantur, convertuntur etiam convenienter hoc
modo. Nunquam deficiet semen Israël coram
Deo: nunquam etiam deficient leges Solis &
Lunæ, & stellarum, coram eo. Impossibile

est pactum Dei irritum unquam futurum quod pepigit cum David seruo ejus; futurum nempe illum, & permanfurum ufque in æternum: im-
 poffibile etiam eft, irritum unquam futurum pactum quod Deus pepigit cum die & nocte, futuros nempe illos in æternum, & perenniter ufque duraturos. Impossibile illud legis Dei unquam interitura, nec non pacti ejus in irritum unquam abituri, intellexit Dominus ipse capite 6 Evangelii fecundum Lucam, ubi ait, *Facilius effe cælum & terram præterire, quam legis unum apicem decidere.* Legis, id eft, federis quod Deus cum Israele & Messia fuo pepigit. Mundus autem totus per cælum & terram hoc loco intelligitur. Impossibile autem hoc, per illud æque impossibile demonstravit. Nunquam scilicet decidet legis divinæ apex vel minimus: neque unquam præteribit mundus. Ejusdem momenti & illud est quod legitur Psalmo 72. *Permanebit Messias cum Sole & Luna in æternum.* Quod ita convertere in promptu erit. Permanebunt etiam Sol & Luna cum Messia in æternum.

Scriptum est Geneseos 1, *Faciamus luminaria in firmamento cæli, & dividant diem & noctem, & sint in signa & tempora, & dies & annos.* Quod auctor Ecclesiastici retulit his verbis, capite 43. *Sol & Luna ostendunt tempus, & signant ævum.* Componuntur scilicet tempora, diebus & noctibus, mensibus, annis, & sæculis; quæ Sol & Luna dividunt, dispensant, & mensuram eorum constituunt. Præcipue vero Sol, qui per excellentiam, seculorum genitor, & pater temporis, ab antiquis insignitus est. Qua de causa & sancti codices æternitatem seculi cum Sole metiuntur.

Vul-

Vulgare est apud auctores sacros, numerari annorum hebdomadas, dari annorum menses, annorum annos & fasciculos. Cumulantur & apud eosdem creberrime seculorum secula, quæ innumeras annorum myriadas amplectuntur, quibus ævum constat. *Ævum*, inquam, idem quod æviternum & æternum. Quem magnum annum, & annum mundi, vere vocaveris. Cujus tempora & secula innumerabilia putata sunt. Quod non mirabere, si reputaveris ex Scriptura ipsa sacra, diem dierum, annum annorum, seculum seculi, & secula seculorum omnia, à temporibus æternis manavisse, & in tempora usque æterna duratura. *Cogitavi dies antiquos, & annos æternos in mente habui. Supputavi dies qui fuerunt à principio.* dicebat David, psalmo 76. Cogitavit & supputavit dies illos, sed illorum computum assequi nequivit Propheta-*rex. Nulla enim est priorum memoria.* Ecclesiastæ capite 1. Et vere. Memoria enim hominum finita & caduca, extendi nullo modo potest ad cognitionem priorum illorum. quæ infinito constant, & ab annis æternis derivantur.

Quasi vero D. Paulus, locis illis quos superiori capite laudavi; ubi dixit, mysterium Euangelii absconditum fuisse à seculis & temporibus æternis: ut rem retro longissime abstrusam significaret, voluisset absconditam fuisse à mundo nato tantum cum Adamo. A quo, usque ad Apostolum, intercedebant anni plus minus quatuor mille. Fuisset hoc certe immittere quatuor guttas aquæ mare in medium, vel in ejus littus quatuor calculos arenæ: secundum illud quod scriptum est Ecclesiastici capite 18. *Qualis gutta aquæ maris, & sicut calculus arenæ; sic exigui anni mille in die ævi.* Voluit nimirum auctor

Ecclesiastici eo loco, ut quæ proportio datur guttæ ad totum mare, nec non calculi arenæ ad totum litus; eadem esset. mille annorum ad diem ævi; qui principium & finem rerum omnium creaturarum, æternis annorum voluminibus amplectitur. Ævum enim hoc loco sumitur, pro æternitate illa secundo modo accepta, quæ à temporibus æternis est, & persistabit usque in tempora æterna. Quæ scilicet tempora æterna componuntur seculis, quæ secula computantur annis.

Neve putes, ævum hic intelligendum esse de æternitate illa prima & pura, quæ nullam annorum distinctionem admittit, nullam recipit compositionem; nullam utique comparisonem, cum æternitate hac secunda, seculari, & composita. Quamvis enim auctor Ecclesiastici sumpsisse hoc videatur ex Psalmo 89; ubi dicitur; Mille anni ante oculos tuos tanquam dies hesternæ quæ præterit: Notandum tamen est, Psalmistam eo loci voluisse, nullam constitui posse proportionem, five comparisonem, inter mille annos & æternitatem Domini. Quos scilicet mille annos comparavit cum die quæ præterit, cum eo quod non est. Non entis enim ad ens nulla datur proportio. Sed hoc loco auctor Ecclesiastici posuit absolutam proportionem inter mille annos & diem ævi; cum gutta aquæ, & toto mari; cum calculo, & tota arena. Sunt enim homogenea, gutta aquæ & totum mare, calculus & tota arena, mille anni & dies ævi; quia annorum corpus & compositum homogeneum est. Comparantur quinetiam hæc invicem secundum illam habitudinem numeri & mensuræ qua referuntur inter se. At nulla potest constitui proportio inter mille annos & æternitatem

tatem Domini, quia sunt diverſi generis. Heterogenea ſunt, mille anni, & æternitas illa pura, quæ nullis annis conſtat, nullis ſeculis & temporibus componitur. Tum neque inter ſe comparari poſſunt, ſecundum ſuas habitudines & meſuras, quia nullas habent inter ſe.

Tot & tantis testimoniis ſacris de principio rerum, & de Mundo creato à ſeculis & temporibus æternis, optime conveniunt quæ libro ſuperiore ex Diodoro Siculo repoſui. Antiquos tum Phyſiologos tum hiſtoricos ſtatuiffe Mundum æternum, nec non hominum genus affirmaviſſe ab æterno. Quod Diodorus idem, de Chaldæis loquens, ita explicavit. Mundi naturam ſempiternam credidiſſe illos, quæ *non certum* principii ſui ortum haberet. Non enim negavere illi principium Mundi, ſed incertum & incognitum exiſtimavere, juxta Eccleſiaſtæ illud, *Priorum non eſt memoria.*

Æternitas illa, incerta, & indeterminata fuit. Quapropter & in Bibliis, æternum perſæpe indeterminatum eſt. Tale illud quod legitur Geneſeos 6. *Non permanebit Spiritus meus in homine in æternum.* Æternum eo loci, longinquum indeterminatum eſt. Quod ex ſequentibus patet. *Eruntque dies ejus, centum & viginti annorum.* Fixit ſcilicet Deus in centum & viginti annis ætatem hominum, quæ antea longior multo & indeterminata fuerat. Intelligendum idem eſt de Servo illo, cui Dominus ſubula aurem perforaverat, Deuteronomii 15. *Serviet tibi uſque in æternum.* Id eſt, indeterminate, & quam diu vivet. Innumeros ejuſdem argumenti locos alios prætereo.

Conſtet ergo, creationem Mundi quæ à ſeculis & temporibus æternis fuiſſe traditur, ab

utriusque fœderis auctoribus nullo modo defini potuisse ab Adamo formato, secundum utramque æternitatis significationem. Sive æternum à seculis & temporibus innumerabilibus petatur. Sive illud pro indefinito & indeterminato accipiat. Compertum enim est, tempora non esse innumerabilia quæ à nobis ad Adamum usque computantur. At neque indefinita & indeterminata in illo sunt. Definiuntur enim & determinantur tempora in Adamo, noto seculorum computo. Differentia porro maxima est inter priora quæ fuerunt ab Adamo, & priora quæ fuere à principio rerum. Priorum horum nulla neque datur memoria neque notitia. Priorum ab Adamo, memoria & notitia certissima est.

CAPUT XIII.

De etatibus animantium descriptis ab Hesiodo & Ausonio. Quare ignorata historia primorum hominum. Ex Platone. Ex mutatione epocharum. Terrarum Aborigines ignorantur.

SÆpenumero miratus sum ætates animantium illas, quas Hesiodus recensuit. Ætatem justam hominum, annorum esse nonaginta sex. Cornicum, octingentorum sexaginta quatuor. Cervorum, trium millium quadringentorum quinquaginta sex. Corvorum, decem millium trecentorum sexaginta octo. Phœnicis, nonaginta trium millium, trecentorum & duodecim. Nympharum, nongentorum triginta trium millium centum & viginti. Ætates nempe illas versibus Græcis incluserat Hesiodus, ex traditione Hesiodo antiquiore multo, ut conjicere est, quam erat antiquus Hesiodus

Auso-

Aufonio ; qui ex illo ætates easdem versibus latinis longo post tempore comprehendit. Fabulosa sed enim credidit Plinius , quæ de Phœnice & Nymphis scripsit Hesiodus. Esto , fabulosa fuerint. Sed & illa eadem ex fabulosa , id est retroantiquissima traditione hausisse Hesiodum evincunt. Traditione scilicet illa , quæ ætates cornicum , cervorum , & corvorum , de quibus non dubitavere antiqui , tam justis & definitis spatiis discluserat. Quasque non nisi pluribus , & multoties vel repetitis vel auditis experimentis , circumscribere potuerat. Neque vero tam ineptas nœnias versibus eximiis describere dignati essent ; tum Hesiodus , senex doctissimus & elegantissimus ; tum Aufonius , poeta venustissimus & acutissimus ; si putavisset uterque , rerum principium deducendum fuisse ab Adamo : à quo usque ad Hesiodum , neque dum elapsa erat Cervi unius ætas.

Has ætates , & hos fines , cohibere fata animantium voluere Vates illi. Cæteras vero ætates ; Mundi puta , cœli , & syderum , novisse Deum Ævi arbitrum. Ævi , inquam , quod *secretum* eo loci vocavit Aufonius , utpote Deo solo notum. Seculorum scilicet æternorum quæ fuere à principio , notitia abscondita fuit hominibus , consilio Dei illo , quo non omnia posse & scire homines voluit. Quoque in primis , occasiones & dispensationes temporum ignorare illos , sapientiæ suæ conducibile putavit . Secundum illud Domini ipsius ad cœlum jam jam ascensuri. *Non est vestrum novisse tempora quæ Pater posuit in sua potestate.* Actorum capite 1.

Causas inscitæ illius referebant Ægyptii , auctore Platone , ad varia hominum exitia , quorum maxima igni & aqua fiebant , minora vero

innumeris modis aliis. Eorum quæ circa terram & in cœlo volverentur, emanare aiebant illi, longorum temporum curriculo, commutationes quasdam atque evariationes. Vnde vel regiones excelsiores nimio igni inflammatae consumerentur, vel depressoires nimia imbrum effusione immergerentur. *Ægyptios* autem conflagrationum & inundationum exortes esse, *Nilo* eos à conflagratione servante. Atque illam esse regionis suæ temperiem, ut nullus imber desuper effusus, vel illos unquam irrigaret, vel unquam irrigavisset. Neque illos alia unquam aqua perlui, quam illa quæ vel è *Nilo* superflueret, vel è terræ visceribus scaturiret. Proinde, cum neque incendio ingenti flagrant, neque aqua nimia obruerentur; apud illos, licet alias pauciores, alias plures, semper tamen homines servarentur, neque eorum vastities tota esset. *Quamobrem* apud illos antiquissima rerum monumenta servari. Tumque sua & aliarum nationum gesta, si quæ audivissent memoratu digna, diligenter in templis suis fuisse descripta & curiose recondita. *Græcos* autem & ceteros populos, lue cœlitus immissa, vel aqua vel igni consumptos, certis temporum curriculis, & literis & cognitione rerum orbatos, tanquam à primis rerum elementis repuerascere, neque scire quid vel apud se, vel apud externos gestum sit, nisi per nebulam aut fabulam. Ab illo itaque principio quod notitiæ suæ principium est, caput rerum manavisse putant; illudque transdere posteris unice satagunt. Hactenus *Plato*.

Adde his longinquam ævi vetustatem, quæ omnia mutat & consumit: à cuius ingluvie neque se *Ægyptii* vindicare potuerunt. *Quamvis* enim plurima illi ostentarent rerum suarum & ex-

extera
rum
illos te
filii ej
ni æv
que ali
fata, ig
rerum
ferat, &
gnas he
rundan
quo us
quadrin
se Regu
vum p
tur. V
autem
sua Sin
fisse ed
folis Me
calamit
ginta ar
ratos su
mo illa
ratione
mutavi
nibus f
ces: Al
Actiaca
Veteres
suorum
victori
facilita
tempo
Vt v
runt to

exterarum monumenta, à permultis retro annorum millibus conscripta: perierant tamen apud illos tempora Vulcani Dei, Regis sui; tum Solis filii ejus. Adjunge diluviis, incendiis, & helluoni ævo, crassam illam ignorantiam; quæ aliis atque aliis seculis per totum terrarum orbem graffata, ignibus, aquis, & tempore ipso potentius, rerum anteaclarum memoriam deleverat, hauserat, & consumpserat. Huc etiam revoca malignas hominum mentes, & diras Regum quorundam libidines. Nabonassari puta Chaldæi, à quo usque ad mortem Alexandri, anni fuere quadringenti viginti quatuor. Ille omnium ante se Regum facta curaverat abolenda: ut à se novum principium rerum & regnantium duceretur. Vnde & Nabonassari æra ducta est. Retulit autem Alvarez à Semedo Lusitanus in historia sua Sinensi, Regem quendam nomine *Tein*, jussisse edicto comburi Sinensium libros omnes, folis Medicorum libris exceptis. Imo & tantam calamitatem tam anxie procuravisse per quadraginta annos quibus regnavit, ut & literas & literatos sui seculi omnes penitus everterit. Quinimo illa fuit victorum Principum ambitio, quæ rationem temporum maxime inturbavit; cum mutaverunt epochas, temporum titulos nominibus suis notari voluerunt. Hinc noti illi indices: Alexandri, à morte ejus: Augusti, à clade Actiaca: & quæ Diocletiani Epocha dicta est. Veteres vero Ægyptii renovabant annorum suorum intervalla, quoties à novis Regibus & victoribus legem accipiebant. Quod eos sæpius fecitasse asserit Scaliger libro 3. de emendatione temporum.

Vt variis & multiplicibus ruinis oppressæ fuerunt terrarum plagæ omnes: successive tamen &

alternis, quod statuendum est, neque uno omnes impete & tempore. Vt homines in his regionibus perditos, sarcire illis oportuit, qui in terris aliis generationis luxurie redundaverant. Vt variis fortunis & casibus hinc atque hinc disiectum fuit hominum genus, neque semper nativis suis solis stare potuerunt terrarum incolæ. Accidit hinc quod neque terrarum ulla suis se Aboriginibus veris iactare possit: id est, natis ex primis illis hominibus, qui à principio rerum & creationis germine, hac & illac undequaque prodierant. Atque hinc fit quod nullam fidem adhibeam, vel Ægyptiis, vel Æthiopibus, vel Scythis, ubi se vel Aborigines, vel populorum antiquissimos glorientur.

Christiani patres qui primis à Christo seculis vixerunt, quos & *Filios lucis* appellare fas est: ut neque prudentiores fuerunt filiis seculi in generationibus suis, ita neque illis in generationibus iisdem disquirendis sagaciores & perspicaciores fuerunt. Sapuere illi scilicet quæ cœli erant & creationis secundæ: neglexere quæ terræ erant & creationis primæ. Atque ut lectioni sacrorum codicum mordicus adhæserunt, fabulas generationum gentilium, qui se Aborigines putabant, optime utique rejecerunt. Sed parte alia, negligenter nimis, pace illorum dixerim, in Adamo solo morati sunt; eumque primum hominum omnium parentem censuerunt, eo solo quod Adamum primum hominum legērunt apud Mosē.

Negligentia quæ primos occupavit, sequentes habuit Christianos Antistites, qui non alios noverunt quam Adamo genitos homines. Quin & hæreticos pronunciavere illos, qui Adamo genitis hominibus opposuerant antichthones, &

& adversipedes : non alio argumento quam quod ex alio quam Adamo credendi essent oriundi. Vellem vero viverent D. Augustinus & Lactantius, qui Antipodas & vulgaram de illis opinionem ludibriis infectati sunt. Miseresce-
ret eos non dubio sui ipsius, si viderent vel au-
dirent quæ de Americanis & Australibus, secu-
lo hoc oculatiore, detecta & cognita fuerunt:
tum & terras plures incognitas, hominibus ple-
nas, ad quas nulla fama est Adami nepotes un-
quam permeavisse.

CAPUT XIV.

*Falluntur qui origines omnium hominum dedu-
cunt à Noaci nepotibus. Refellitur Grotius de
origine Gentium Americanarum.*

OMnibus hic mos est qui origines Gen-
tium exquirunt, deducere illas à dilu-
vio ex Noaci nepotibus, qui fuere ne-
potes Adami. Illud autem studio tanto solici-
tant Viri magni, (quos & maximi facio, & hono-
re meo semper celebros) ut nihil intentatum re-
linquant, quo origines suas omnes ex stipite illo
exsculpant. Atque ut ex antiquis monumentis,
vel ex traditione vetusta, vel ex nominis cujus-
dam obsoleti, & intorti similitudine, vel ex ali-
qua alia conjectura, quosdam imaginantur, qui
ad has vel illas terrarum partes appulisse credun-
tur; eosdem illicet conditores, genitores, & pa-
tres gentium illarum statuunt. Quasi vero Ita-
lus, verbi gratia, qui in Italiam aufugit, & nomen
Provinciæ dedit, genitor & pater habitatorum
omnium Italiæ fuerit: neque ante Italiam ho-
mines suos terra illa habuerit. Quasi vero Fran-
ci, auctores & primi patres totius gentis Gallicæ

putandi sint, neque ante Francos Galli fuerint; quia Franci Galliam occupaverunt; & nomen Provinciæ mutaverunt, Franciamque ex Gallia fecerunt. Quasi vero denique Peruani è Sinensibus orti existimandi sint; quia fragmentum cimbulae, Sinensium cimbis simile, in ripis Peruanorum repertum est. Qui talia conjiciunt, similes mihi videntur diobolari Medico illi, qui ægrotum quem curabat, comedisse asinum conjiciebat: nimirum, quia clitellas asini subter lecto ægroti deprehenderat.

HYGO GROTIUS dissertationem ornaverat de origine gentium Americanarum, quas ducebat à Norvagus; qui abhinc annis circiter octingentis in Islandiam traducti fuerant; ab Islandia vero in Groenlandiam trajecerant: quosque ex Groenlandia per adjacentes terræ illi insulas ad Americam septentrionalem tranavisse conjectabat. Refutaverat conjecturam Grotii Latus. Vindicavit se à Latio Grotius: & quæ refutaverat Latus, redintegrare hoc (quod putavit) absurdo nisus est. *Quodsi, inquit, Americani Germanici non sunt: (Germanici & Norvagici, perinde illi fuerunt) jam à nulla gente orti erunt. Cui consequens est ut credantur; aut ab æterno fuisse, cum Aristotele; aut ex terris orti, ut de Spartanis fabula est; aut ex Oceano, ut voluit Homerus; aut aliquos ante Adamum fuisse conditos homines, ut ruper aliquis in Gallia somniavit. Si hæc credantur, pergit ille, magnum vi-*deo periculum pietati.

Legerat paulo ante Grotius Exercitatiounculam de Præ-Adamitis, indigestam & palimpsesto relatum, quam ille, benevoli animi specie, per amicum interpretem à me petierat; quaque illum communicaveram, benigne & liberaliter, non
ut

ut me contumeliose traduceret. Neque vero meum est hostire, & sepultis manibus inclementer dicere. Ille suam secum habeat contumeliam, servetque sepulchro. Hoc satago, ne tanti viri imago, quæ graditur super terras, cum magna opinione multiplicis & reconditæ scientiæ, plures deludat qua pollet eloquii illecebra, & verisimilis phalera conjecturæ.

Argumentum tale instituerat Grotius. Appulere Norvagi ad Groenlandiam. Itur porro ex Groenlandia in Americam. Fuere igitur Norvagi, auctores & patres gentium Americanarum. Concedamus Grotio, rectam eum argumentandi rationem inivisse, & recte processisse quæcumque super illo præstructo construxit. Certe, si propaganda fuerat America ex semine hominum Groenlandico, quod foret indidem Norvagicum: Probandum illi erat ex professo, & ante omnia; Norvagos, qui Groenlandiam primi tetigerunt, reperisse illam mutam & vacuam, & solos ventos desertis terræ illius frondibus adspiravisse: ut inde conclusionem hanc eliceret; primos hominum Norvagos Groenlandiam hominibus consēvisse; qui deinde effusi per oras finitimas, plantaria hominum eadem per Americam disseminavisse crederentur. Atque hinc Americanos utique, & Groenlandos, à Norvagus revera oriundos. Probare inquam debuerat, Groenlandos ortum duxisse à Norvagus; priusquam conjicere institueret, Americanos à Groenlandis propagatos, originem eandem retulisse Norvagicam.

Certum vero & comprobatum est; Norvagos, qui arena Groenlandica primo potiti sunt, in partibus ad Orientem sitis, desertis & asperis, quas Norvagi vocabant Ostrebug, ubi partes

occidentis cultiores explorare voluerunt, quas illi Westrebug dicebant, invenisse illas armentis & quadrupedibus omnigenis foetas; tum hominibus plagæ illius incolis refertas, quos *Schlegringos* nuncupabant, quique irruentes Norvagos finibus suis non sine clade repulerunt. Cujus rei vera & sincera exponitur narratio in Chronico Groenlandico Danice conscripto, quod penes illustrissimum GAVMINVM est, in omnibus linguis omniscium: quodque ipse apud Danos ipsos didici. Adventores igitur, non-parentes Groenlandorum, fuere Norvagi. Multo minus ergo Americanarum gentium conditores.

Phantasmata porro sunt Grotii, ad ostentationem reconditæ literaturæ concinnata, quæ retulit: multa reperiri apud Americanos vocabula cum Germanis congruentia: tum mores Americanorum quam plurimos Germanorum moribus, ut lac lacti est, simillimos. Quod variis nempe exemplis ambiciose demonstravit, ut ostenderet, Americanos mores illos habuisse à Norvagus, qui eosdem primo à Germanis hausserant. Missam vero faciamus primordiale catenam illam, qua Germanos Norvagus, Norvagos Groenlandis, Groenlandos Americanis, & gentem genti, propagationis nexu insertare voluit Grotius. Res vera est, & toti Hafniæ Danorum metropoli notissima, quamque ipse in urbe eadem à Danis ipsis accepi: degisse Hafniæ Groenlandos barbaros à Danis captos, abhinc triginta plus minus annis: imo duos per spatium duodecim annorum tanquam Danos habitos; qui Danicam tamen linguam nulla unquam ratione ediscere potuerunt; quippe nullam prorsus cum Norvagus, neque vocabulorum, neque morum, haberent communitatem. Illa autem pluribus

enar-

enarravi in relatione Groenlandica, quam Gallico sermone edidi. At, si nihil Groenlandis commune fuit cum Norvagus, vel in sermone vel in moribus, alio certe quam per Groenlandiam transfretavisse Norvagos in Americam oportuit, ut vocabula & mores Germanorum Americanis inderent.

Quid vero haberet quod diceret Grotius, si viveret, & legeret in Chronico Groenlandico, Schlegringos Groenlandiam habitavisse antequam Norvagi ad illam adventarent? Qui genus, unde domo, conjiceret homines illos? Statueretne; vel ab æterno fuisse, vel ex Groenlandia ipsa ortos, vel ab Oceano in terram illam ejectos, vel ab alio quam Adamo conditos? Si hæc crederentur, ait ille, *magnum video periculum pietati*. Periculum autem magnum illud quod vidit, in hoc præcipue fuit; quod inde putavit eversum iri funditus peccati Adamici rationem: quia, non nisi ex traduce Adami potuisse in omnes homines pervadere & omnibus hominibus imputari peccatum illud, vulgatus est Theologorum omnium consensus.

Hoc ergo jam agendum mihi est, & probandum unice incumbit; non opus fuisse Adamo genitore, & Adami traduce, ad imputationem & participationem peccati Adamici: ratione eadem qua non opus utique fuit Christo genitore, & Christi traduce, ad imputationem & participationem gratiæ quæ in morte Christi est. In his autem totus erit liber sequens; cujus principium à fine hujus erit.

SYSTEMATIS
THEOLOGICI
LIBER QUINTVS.

CAPVT I.

Mori debuerunt homines, qui immortales evadere debuerunt. Moriuntur homines in Christo. Debuerunt prius peccare & condemnari in Adamo. Moriuntur homines in Christo spiritualiter, & ratione mysterii. De fictionibus & mysteriis juris. De mysteriis divinis; quæ fuisse vel fictiones, vel parabole, vel similitudines mysticæ. Morimur spiritualiter ad similitudinem mortis Christi. Peccavimus spiritualiter ad similitudinem peccati Adamici.

REpetenda sunt quæ à principio Systematis hujus, & in antecessum, posui. In novam formam vertendi erant homines, qui secunda creatione reficiendi erant. Quod non nisi prioris formæ deletionem, & primæ creationis extinctione confici potuit. Idem scilicet hominibus corruptis & mortalibus contingere debuerat, quod decrepito & capulari Pelix, quem Medea occidit & in frustra secuit, ut ejus senectutem juventute mutaret. Mori debuerant corrupti & mortales homines; ut corruptionem incorruptione, & mortem immortalitate rependerent. Sed atrox visa est Deo strages illa; qua homines omnes tanquam in mortario pinsitaret, ut illos denuo effingeret. Medicare maluit quos tundere noluit. Et mysterio perfecit, quod pistillo & duriori

riori manu conficere, non sibi conveniens existimavit. Mori homines decrevit in morte unius hominis, qui pro illis piacularis foret. Neque vero in morte unius hominis, simpliciter hominis, sed hominis-Dei. Dei scilicet & Spiritus illius, qui ex Deo est incorrupto & immortalis, incorruptus & immortalis ipse. Quique ad similitudinem carnis corruptæ & mortalis fieret; ut per hanc similitudinem, corruptos, & mortales homines, incorruptione & immortalitate donaret.

Decrevit Deus homines mori in morte hominis illius Dei, qui Christus est. Sed (quæ fuit ratio dispensationis divinæ & mysticæ, hominibus incognita) mortem hominum anteire debuit decretum mortis; quæ condemnatio mortis in illos esset. Condemnationem vero hominum præcessura erat condemnationis causa; quæ reatus ex peccato illorum fuit. Reos igitur fieri homines oportuit ex peccato suo; antequam peccati damnarentur, & capite ex peccati condemnatione plecterentur. Reatus autem ille est Apostolo, *condemnatio peccati in carne*; hoc est peccati illius naturalis, quod nullam imputationem & nullum reatum, atque adeo nullam condemnationem contraxerat ante legem. *Peccatum enim in carne* idem est, quod peccatum carnale, materiale, & naturale.

Iustus est, & juridice agit Deus cum hominibus. Nihil autem contra Deum peccaverant homines, cum fervor ille pectoris qui homines tentat, naturæ imperfectæ corruptela, rapuerat eos in præceptis à perfecto creationis, ad imperfectum materiæ suæ. Nullus utique censeri poterat reatus à Deo iudice, nulla legitima decerni damnatio, nulla mors juridice infligi hominibus, ex deflexu illo solo, quo homines sui juris ante legem,

legem & nullo mandato cohibiti, conversi fuerant à rectitudine creationis divinæ in prævum figmenti sui. Quo igitur decreto mystico voluit Deus homines omnes mori in uno homine Deo: eodem, mysterii ratione, constituit omnes peccare, reos fieri, & ex lege condemnari in uno homine: homine autem non Deo, sed simpliciter homine. Mori omnes voluit Deus in Christo: peccavisse omnes in Adamo.

Obumbravit virtus altissimi, qui Deus est, virginem intactam; & natus est Christus, in quo omnes homines morerentur. Victima pura ex Virgine pura, & genere fata Judaico. Nimirum, ut à Judæis, & Judæorum semine Christo, salus esset omnibus hominibus. Quæ fuit ratio Electionis mysticæ, apud Deum abscondita. Finxit Deus Adamum, Judæorum patrem, ex terra communi & immunda, corruptibilem & ipsum; cui daret legem suam: quam si violaret ille, omnes homines se in illo impiarent, rei in illo fierent, & ex lege in illo condemnarentur. Nimirum, ut à Judæis vicissim, & Judæorum patre Adamo, damnatio esset omnibus hominibus. Ceterum, neque nasci debuerant homines ex traduce Christi, ut in illo morerentur; neque itidem nasci necesse erat homines omnes ex Adami traduce, ut in illo peccarent. Totum illud mysterium, salutis & damnationis hominum, in Christo & Adamo, perfecit mysterium ipsum: Id est, spiritalis & divina ratio, quæ supra naturam fuit; quæque omnibus hominibus intellectu & mysterio, non natura, ingeneratur.

Facilis autem vim mysterii illius concipiet; quicumque intellexerit rationes fictionum juris, quæ juris fuere mysteria: quorum virtute, capite minuebantur homines, immutabantur & restitue-

tuebantur
bant pa
lis acq
runtur,
hæc on
turalen
nullis a
& melio
sunt leg
illis qua
ratione
qui ram
tellus, f
Qui
nes reg
perfice
ræque
nuosos
applica
ge ei sa
Mysteri
scrutari
steria il
similitu
capitis
tur Ila
cultro
licam.
idem r
nis Ch
mus in
pisse il
resurre
modu
stolus
Mo

tuebantur eorum status: quibus itidem rata fie-
bant pacta illorum conventa; & quorum formu-
lis acquirebantur olim, imo etiam nunc acqui-
runtur, pleraque rerum dominia. Poterant certe
hæc omnia fortiri suos effectus, & vim suam na-
turalem exerere, nudo pacto, & nudo consensu,
nullis adhibitis fictionibus. Sed vim majorem
& meliorem quasi indolem addidisse naturæ visi
sunt legumlatores, qui legitima suæ artis rebus
illis quæ naturaliter aguntur, inferuerunt. *Qua*
ratione solent generosiores surculi inolescere,
qui ramis agrestibus, & quos sponte sua creavit
tellus, secundum artem insiti sunt.

Qui degeneres creationis suæ perfectæ homi-
nes regenerare Deus instituit: noluit opus hoc
perficere directo illo & naturali ordine, quo ple-
ræque res geruntur apud homines: sed per si-
nuosos mysteriorum anfractus, per rationes, per
applicationes, & spiritales quasi insitiones, lon-
ge ei satius visum est rem illam totam absolvere.
Mysteriorum illorum causas adorare liceat, si
scrutari non licet. Vocaverim vero lubens my-
steria illa, vel *Fictiones sacras*, vel *Parabolas &*
similitudines. Quales vocavit Apostolus loco illo
capitis undecimi epistolæ ad Hebræos; ubi fingi-
tur Isaacus, figura Christi, animam posuisse sub
cultro patris sui: & post mortem illam parabo-
licam, sive assimilatam morti Christi, fingitur
idem resurrexisse ad similitudinem resurrectio-
nis Christi. Vbi fingitur, inquam, Abraha-
mus immolavisse filium suum; & rursus acce-
pisse illum, *ἐν ὁμοιωσει*, sive in similitudine
resurrectionis. Quod de industria, & mirum in
modum subtiliter, notavit loco illo divinus Apo-
stolus.

Mori homines in morte Christi ad parabolam
&

& similitudinem mortis ejus, docuit nos D. Paulus capite 6. epistolæ ad Romanos. Quo loco diserte demonstravit, ingenerari hominibus per baptismum, non solum similitudinem mortis Christi; sed etiam inolescere iisdem, sacramento eodem, similitudinem resurrectionis ejus. Εἰ γὰρ, ait ille, συμφύται γεγενῆσθαι τῷ ὁμοιώματι & θανάτῳ αὐτοῦ, ἀλλὰ καὶ ἀναστάσεως ἐσόμεθα. Atqui docuit nos Apostolus idem capite 5. ejusdem epistolæ, homines peccavisse, reos factos, & damnatos fuisse in Adamo, quicumque peccaverant ad similitudinem transgressionis ejus, ἐπὶ τῷ ὁμοιώματι & ᾧ ἡ ἁμαρτία ἦν τοῦ Αδάμ. Eadem ergo parabola & similitudo, non naturæ propagatio, intelligenda est, in eo quod homines omnes peccaverunt in Adamo: quæ intelligitur parabola & similitudo, non naturæ propagatio, in eo quod homines omnes mortui sunt in Christo. Quod ut plenius intelligatur, agendum est plenius de peccato ipso Adami: quod *peccatum originis* vulgo dicitur.

CAPVT II.

De peccato originali. Est inherens. Est imputatum. Quid sit imputare. Imputatur quod communionem quadam junctum est cum eo cui imputatur. De communionibus & conjunctionibus rerum, physicis, politicis & mysticis. Christus mysteriorum omnium finis. Reserri debuit Adamus ad Christum: non vice versa Christus ad Adamum. Imputari debuit Adamus hominibus, quæ ratione Christus imputatur hominibus: spiritually & mystice.

QUæ super peccato originis præstruam, adstipulatores habebunt Theologos omnes orthodoxos. Consideratur peccatum

tum illud dupliciter. Vel quatenus vitium est: vel quatenus reatus est. Quatenus vitium est, naturaliter inhæret hominibus. *Quatenus* reatus est, aliunde eisdem advenit; & ab Adamo in illos transit. Proprium illud hominum omnium: alienum & Adamicum hoc dicitur. Primum, materiale; secundum, formale peccati est. Peccatum materiale, proprium, & inhærens; definitur, *Morbis hereditarius, sive labes, in qua homines omnes concipiuntur & nascuntur.* Iuxta illud Psal- tis. *In peccato concepit me mater mea.* Peccatum formale, quod alienum & reatus est, *Inobedientia Adami est, quatenus omnibus hominibus imputata fuit.* Iuxta illud Apostoli. *Per inobedientiam unius, peccatores constituti sunt multi.* Materiale peccati, quod peccati lues & vitium est proprium & inhærens; propagatione fit, ex materia & natura hominum corruptioni dedita. Formale peccati, quod peccati reatus est alienus & transiens; imputatione ortum habuit, ex transgressione legis quam Adamus violavit.

Imputare alicui peccatum alterius, est, eundem eodem loco habere, ac si ipse peccatum illud commisisset. In quo requiritur, ut personarum altera peccatum illud actualiter non commiserit. Alioquin jam non alienum peccatum, sed suum sibi imputaretur. Imputatur porro peccatum personæ unius personæ alteri, quæ illi communione quadam juncta est: Ita ut habeat cum illa cujusdam corporis & societatis rationem & similitudinem. Qualis enim fumus igni admotus concipit flammam, propter similitudinem & aptitudinem quam habet fumus ad flammam: tales etiam communione & conjunctione inter se res affectæ, suscipiendis imputationibus

ido-

idoneæ sunt; propter similitudinem & aptitudinem quam illæ ad has habent.

Communiones & conjunctiones rerum, propter suam similitudinem imputationibus habiles, triplices sunt. Physicæ, Politicæ, & Mysticæ. Imputatur filiis patrum suorum crimen; propter communionem & similitudinem Physicam, qua filii patribus suis geniti, cum illis physice & naturaliter conjuncti sunt. Censentur scilicet filii peccavisse in lumbis patrum suorum, ratione eodem qua Levi decimatus dicitur in lumbis Abrahami. Hebræorum 7. Nec non argumento eodem quo Judæi omnes dicti sunt apprehensi à Deo, in manu Abrahami patris eorum. Isaïæ 41. Imputationum, propter communionem & similitudinem naturalem statutarum, leges extant, tum divinæ, tum humanæ. Divinæ sunt, quibus Deus *visitare dicitur iniquitates patrum in filios, in tertiam & quartam generationem.* Et secundum leges illas, *filiorum dentes obstupuisse dicuntur, quorum patres comedissent omphacem.* Humanæ leges sunt: quibus poenæ in ipsos perduellium filios ex patrum suorum reatu decretæ sunt. Exempla vero, tum divina, tum humana prostant, flagitiorum patrum filiis suis adscriptorum. Luculentum inter divina illud est, septem filiorum Saul: quos respondente & jubente Deo, David piaculares tradidit in manus Gabaonitarum; qui illos crucifixerunt in monte, *coram Domino*, ait Samuel; quia Saul pater eorum fidem olim sefellerat Gabaonitis, & plures eorum crudeli exemplo trucidaverat. Legitur vero Alexander, velut ultor publicæ securitatis, Tyro expugnata, cruci affixisse Tyrios omnes prælio superstitēs, proavis & mancipiis illis editos, qui longo ante tempore populum omnem Tyri

Tyri liberum, cum dominis, immaniter, & conspiratione facta, interfecerant.

Imputavit Deus populo Judaico numerationem quam jusserat David, & septuaginta eorum millia peste consumpsit, propter peccatum Regis sui: ratione illa communionis & conjunctionis Politicæ, qua Regnum totum res quædam unica & continens censetur; Animalis instar, cujus caput Rex est. Atque ut manu patratum homicidium, non imputatur soli manui, sed toti homini: sic in corpore politico, quod facit caput, quatenus caput, hoc toti corpori imputatur. *Iovis opus est*, inquit Hesiodus, *commune supplicium urbibus inferre, propter delicta Magistratum*. Ita propter violatum ab Agamemnone Sacerdotem Apollinis, totus fere Græcorum exercitus pestilentia exhaustus est. Et quicquid delirabant Reges, Achivi plecebantur. Neque solum quod facit civitatis caput, sed quod peccat corporis illius membrum aliud, populum omnem reatu obstringit. Quale de Achan legitur, qui de anathemate usurpaverat, & in cujus sacrilegio totus Israel peccavisse dicitur. Iosue 7. Nec non quod scriptum est Judicum 19, de concubina Levitæ, quam habitatores Gabaa de tribu Benjamin usque ad mortem moluerant. Quorumque flagitium toti Tribui ad rigorem adeo imputatum est; ut tota Tribus, propter illud nefas, extincta & deleta pene fuerit. Neque vero talem imputationis speciem ignoraverunt Ethnici. Testis Hesiodus. *Multoties*, inquit, *totâ civitas ob malum virum punitur*. Tum Horatius. *Sæpe Diespiter, Neglectus, incesto addidit integrum*.

Imputationum quæ propter alienum peccatum ex communione politica contrahuntur; aliæ sunt

sunt Iuris gentium, Iuris civilis aliæ. Imputatum fuit Iure gentium Iudæis omnibus Sedeciæ Regis sui perjurium; propter quod victi & dediti, Babylonem captivi ducti sunt. Iure eodem gentium imputatur Reipublicæ aut Regno, quicquid Legati eorum transegerunt: tum obsidibus, quicquid patratum ab eis qui eos dedere obsides. Imputatur Iure civili toti Populo, quicquid Syndicus egit pro populo: Mandatoribus, quicquid gessere Procuratores vel defensores eorum: Municipio & collegio, quicquid Actores municipii & collegii pro illis advocaverunt. Pupillis porro & Minoribus imputatur, quicquid Tutoribus & Curatoribus, suis auctoribus, in illos iudicatum est.

Sunt & corpora Mystica, quæ propter communionem & similitudinem Mysticam, suas sibi imputationes alliciunt. Tale illud est corpus mysticum, quo homines omnes propter suam cum Christo similitudinem, quodam veluti ferrumine mystico cum illo conjunguntur. Non enim Angelum, sed hominem Deus induit; ut per omnia similis fieret hominibus, absque peccato. Ut compati posset hominibus, & pro illis piacularis foret; Ratione illa communionis & societatis Mysticæ, qua mors ejus omnibus hominibus imputari valuit. Talis & illa est communio & societas Mystica, propter quam fides Abrahami imputata fuit fidelibus omnibus. Et filii Abrahami dicti sunt fideles omnes; non filii naturæ; sed filii adoptionis & similitudinis Mysticæ, quæ naturam imitata est. Secundum eandem omnino communionem & societatem Mysticam, imputatum fuit peccatum Adami omnibus hominibus. Quamvis enim formatus fuerit Adamus ipsissimis Dei manibus, formatione præter

ter alios
rat ta
luto, e
materie
nes sub
Adamu
Imo,
inheren
mnibus
lam con
nei fuer
transgre
Cred
mortu
fuerat
putant
peccat
Christi
Christi
buit Ad
omnia ad
Mysteri
Mysteri
proprie
Adami
Adami
ad suu
pus ad
catum A
ut mors
ret, & n
ta illis
putati
peccat
pocaly
di conj

ter alios homines peculiari & electa: compegerat tamen illum Deus, quod alias notavi, eodem luto, eadem terra communi, nec non eadem materia corruptioni obnoxia, qua ceteri homines subacti sunt. Et per omnia similis factus est Adamus omnibus hominibus cum peccato ipso. Imo, quatenus peccatum vitium fuit naturale inhærens & proprium Adamo ipsi, utique & omnibus hominibus. Tum quatenus propter illam communionem & societatem peccati, idonei fuere homines suscipiendæ imputationi, ex transgressione Adamica.

Creditur vulgo; imputatum fuisse Christum mortuum hominibus, quia eisdem imputatus fuerat Adamus peccator. Frustra sunt qui illud putant. Imo è contra; imputatus fuit Adamus peccator hominibus, ut eisdem imputaretur Christus mortuus. Non enim referri debuit Christus ad Adamum; sed vice versa, referri debuit Adamus ad Christum. Tendunt scilicet omnia ad finem suum propter quem sunt omnia. Mysteriorum vero omnium finis fuit Christus. Mystera ergo omnia fuere propter Christum proprie, neque Christus proprie propter illa. Adamus certe typus fuit Christi. Christus vero Adami fuit prototypus. Typus autem refertur ad suum prototypum; non è contra, prototypus ad suum typum. Neque alia de causa peccatum Adami imputatum fuit hominibus, quam ut mors Christi quæ hominum peccata procuraret, & recreationem eorundem faceret, imputata illis foret. Prima ergo fuit in consilio Dei imputationis ratio in morte Christi. Secunda in peccato Adami. Scriptum hacpropter legas Apocalypseos 13. *Christum agnum fuisse à Mundi constitutione occisum.* Imo & mysterium san-

guinis ejus effusi *præcognitum sive decretum fuisse ante ipsam Mundi constitutionem.* 1 Petr. capite 1. Quod de Adamo nusquam reperias. Propter illud scilicet; quod Adamus referri debuit ad Christum tanquam ad principale Dei decretum & primum suum typum.

At quæ prima fuere in decreto & consilio Dei, non ideo fuere prima in ordine quo decretum & consilium Dei ad suum finem perductum est. Hinc adeo contigit quod peccatum Adami antecessit mortem Christi. Atque hinc etiam factum est, quod imputatio peccati Adamici causa putata fuerit imputationis mortis Christi: licet revera propter imputationem mortis Christi, imputatum fuerit peccatum Adami. Imo quod proprie, & reapse, per peccatum Adami intraverit Deus viam ad foedus gratiæ quæ in Christo est. Primigenia igitur imputationum illarum ratio in morte Christi fuit: cujus naturam sequi debuit secundaria peccati Adamici imputatio. Et qua ratione imputatus fuit Christus, non natura, sed puro puto Dei mysterio: simili prorsus argumento imputari debuit Adamus hominibus, non natura, sed pura puta divini illius mysterii dispensatione.

CAPUT III.

De duobus imputationum mysticarum primoribus, Adamo & Christo. Medius inter illos intercessit Abrahamus. Itur à peccato Adami, ad justitiam Christi, per fidem Abrahami. Pœnæ inflicte ex imputationibus mysticis, mystice & spiritaliter intelligendæ sunt. Nullus, neque Adamus ipse, mortuus est pro peccato Adami. Solus Christus pro peccato illo mortuus est. Intel-
ligun-

liguntur homines omnes mortui in Christo, spiritaliter & mystice.

TYpi fuere sibi invicem Christus & Adamus. Vel potius antitypi, & per dissimilitudinem similes. Similes, quatenus una eademque fuit imputationis ratio, Christi & Adami. Per dissimilitudinem, quatenus Christus imputatus fuit propter justitiam. Adamus autem imputatus fuit propter peccatum. Iustitia vero & peccatum, dissimilia sunt; & diversa omnino abeunt.

Imputationum mysticarum primores fuere Christus & Adamus. Medius inter illos Abrahamus intercessit. Imputata fuit omnibus hominibus Adami noxa; ut imputaretur eisdem noxæ illius expiatio, quæ fuit in morte Christi. Imputaretur inquam eis per fidem in Deum, quæ in Christo est: qualem habuit Abrahamus; quæque illi primum imputata fuit ad justitiam. Non autem scriptum est propter ipsum Abrahamum tantum, reputatam ei fuisse fidem ad justitiam. *Sed & propter nos*, ait Apostolus. Id est, propter homines omnes; *Quibus reputabitur credentibus in eum qui suscitavit Iesum Christum è mortuis, qui traditus est propter delicta hominum, & resurrexit propter justificationem eorundem.* Romanorum capite 4. Imputationis scilicet fidei illius origo & caput, Abrahamus fuit. Ratione illa qua *Pater credentium* vocatus est, loco eodem Rom. 4.

Mysterium ergo omne regenerationis & recreationis hominum; quæ hominum redemptio, sanctificatio, & salus est; tribus his imputationibus Mysticis constituit. Imputatione peccati Adami. Imputatione expiationis peccati illius in morte Christi. Et imputatione fidei A-

brahami: quæ vel modus vel medium fuit, quo iretur à peccato Adamico ad iustitiam & sanctificationem illam, quæ à morte Christi, & in resurrectione ejusdem, hominibus ingeneratur. Vna igitur eademque constituta est imputationis series, à peccato Adami, ad mortem Christi, per fidem Abrahami. Et totum redemptionis humanæ mysterium perfectum est, in Adamo, Abrahamo, & Christo; tribus Judæorum capitibus. Ratione eadem qua *salus à Judæis est*, gentibus omnibus: secundum promissum in Abrahamo sancitum, *Benedicendas in eo, & semine ejus, gentes terrarum omnes.*

Fuit Adamus pater Abrahami secundum carnem, & secundum imputationem peccati: fuit idem pater Christi secundum carnem, absque iniquatione carnis. Fuit Abrahamus pater Christi secundum sanguinem, absque vitio sanguinis: fuit idem pater Adami ipsius, secundum imputationem fidei. Fuit Christus pater Abrahami & Adami, secundum redemptionem & expiationem peccati illius, quod ab Adamo fluxit, & Abrahamo imputatum est. In hoc autem conveniunt tria illa imputationum mysticarum capita: Quod tres illi Judæi, patres fuere gentium omnium, non secundum carnem, sed secundum suam quisque imputationis mysticæ rationem. At gentiles revera filii sunt, tum Adami, tum Abrahami, tum Christi; non natura; sed sua in Judæis insitione & adoptione mystica; secundum quam Adamus & Abrahamus Judæi, imputati fuere gentilibus; ut eisdem Judæus item imputaretur Christus.

Imputationes Mysticæ, imputationum physicarum & politicarum, species omnes participant. Communis est mysticis & physicis imputatio-

rationib
prop
putatio
similitu
tur. Ra
mystic
dicti su
munes
omnium
supposit
braham
homin
dem, A
scilicet
naturæ
mnes,
mo re
tota ho
bus illi
damo,
fidem.

Con
cum in
Abrah
dici, f
Vt qu
cio leg
in neg
homin
Ada
habuit
univer
popul
Synd
damu
ditiō

tationibus naturalis corporum conjunctio; quæ propagationis traduce generatur in phycis imputationibus: creationis autem & formationis similitudine, in mystica imputatione concipitur. Ratione illa communionis & conjunctionis mysticæ; Adamus & Abrahamus patres nostri dicti sunt, & generari dicimur in Christo. Communes enim quædam massæ fuerunt hominum omnium, homines illi tres, qui totam speciem supposuerunt. At, quo argumento Adamus, Abrahamus, & Christus, fuere omnes homines; homines itidem omnes fuere unus homo in eisdem, Adamo, Abrahamo, & Christo. Vnitatem scilicet similitudinis, & participatione ejusdem naturæ. Sicut apud Philosophos, homines omnes, participatione ejusdem speciei, unus homo reputantur. Quin & apud Theologos ipsos tota hominum species deposita creditur in tribus illis, Adamo, Abrahamo, & Christo. In Adamo, quoad peccatum. In Abrahamo, quoad fidem. In Christo, quoad redemptionem.

Commune habent imputationes mysticæ cum imputationibus politicis; quod Adamus, Abrahamus, & Christus, principes fuere, syndici, sponsores, & vades, totius generis humani. Ut quicquid tres illigerent; Adamus, in negotio legis; Abrahamus, in negotio fidei; Christus, in negotio redemptionis; id nomine omnium hominum ratum habendum foret.

Adamus certe, cujus hic sermo præcipuus est, habuit in negotio legis divinæ, rationem causæ universalis; qualem habent, vel Princeps pro populo, vel Legati pro regno & Republica, vel Syndici pro universitate. Et comparatus est Adamus totius generis humani caput, ea conditione; ut quamprimum à præcepto divino

deslecteret, non ipse tantum peccati sui reatu obstringeretur; sed & reos homines omnes efficeret. Non enim fuit peccatum Adami, *actus personalis*, ut loquuntur Theologi; sed *repræsentationis*. Hoc est, non fuit actus personæ unius; sed personæ personas alias repræsentantis: quatenus sustinuit personam universi generis humani.

Obligaverat Deus homines omnes stipulatione fœderis illius quod cum Adamo iniverat; tanquam sponfore, procuratore, & defensore hominum omnium: ut quod ille peccaret, id nomine omnium peccaret. Mandatum vero habuerat Adamus à Deo, non ab hominibus: quo fretus tantum sibi sumeret, ut nesciis etiam hominibus res hominum gereret. Rupit Adamus fœdus Dei. Et ratione pœnæ imputativæ quam Deus ex fœdisfragio illo hominibus omnibus constituerat, rupisse fœdus idem illud homines omnes in Adamo putati sunt. Fuit Adamus, & in illo fuere omnes homines. Peccavit Adamus, & in illo peccavere omnes. Fuit Adamus communis hominum massa. Peccaverunt homines in massæ illius unione, *communitè*, ut Schola loquitur. Et qua imputationis mysticæ forma Christus fuit Iustitia nostra, eadem omnino imputationis ratione Adamus fuit Peccatum nostrum.

Notum est, pœnas ex imputationibus physicis & politicis, non ipsos tantum homines tenuisse: sed in res etiam tum animatas, tum inanimatas, ex peccatis hominum quadantenus pervasisse. Non ut rebus illis imputaretur quod homines patravissent: verum ut ex rerum illarum detrimento, quæ prodesse hominibus, gravius eis imputaretur quod ipsi deliquissent. Ita propter delicta hominum, extinctam legimus

mus diluvio substantiam omnem quæ erat super terram, ab homine usque ad pecus, tam repulia quam volucres cœli. Adde his propter Sodomitarum nefas, tum Sodomitæ ipsos, tum ipsorum urbes incendio exustas. Quid dicam, propter Judæorum facinus, terram Judæorum ferream factam, cœlum in æs obriguisse, & accensos ignes qui consumerent omnem arborem, & viridem & aridam? Commune illud evasit cum imputatione mystica peccati Adamici. Maledicta enim fuit terra propter Adami contumaciam. Maledictus fuit Serpens, inter omnia animantia & bestias terræ: super pectus suum gradi iussus est, & terram comedere cunctis diebus vitæ suæ. Et quæ nulla communione naturali cum Adamo conjuncta erant, criminis illius condemnationem sustinuerunt.

Hoc interfuit inter pœnas inflictas ex imputationibus physicis & politicis; & pœnas decretas ex imputatione mystica peccati Adamici: Quod pœnæ illæ, physicæ & reales fuerunt; secundum naturam imputationum suarum, realem & physicam. Hæ vero, mysticæ, & spiritu intellectæ; ex imputatione spiritali & mystica noxæ Adamicæ. Peccatum certe Adami nihil addidit naturæ hominum peccatrici, præter merum reatum, qui mystice intelligi debuit. At neque pœnæ ex imputatione peccati illius fancitæ, hilum addiderunt corruptioni & sorti naturali omnium hominum, præter condemnationem mysticam quæ intellectu solo concipi potuit. Pœna decreta in serpentes, nihil addidit naturæ serpentum reptili, præter condemnationem mere spiritalem & mysticam. Sortito enim creationis & naturæ suæ reptilis serpentibus acciderat, gradi super pectus suum & terram com-

edere cunctis diebus vitæ suæ. Quod supra ostendi, & repetere hoc loco expedit. Poena decreta in terram; germinaturam spinas & tribulos; nihil addidit naturali terræ ingenio, præter purum putum condemnationis intellectum. Dicta enim est terra proprie & naturaliter, spinarum & tribulorum mater. Poena decreta in homines, esuros panem suum in sudore vultus sui, nihil addidit naturali hominum fato, præter nudum condemnationis mysterium. *Homo enim nascitur ad labores, & avis ad volatum.* Iob. 5. Et tam naturale est homini laborare, quam avi volare. Idem reputa de ærumnis, quibus naturaliter premuntur mulieres cum pariunt.

Neque vero condemnatio mortis vibrata in Adamum, & in omnes homines in Adamo, quicquam addidit morti naturali, qua Adamus & homines omnes, lege creationis & formationis suæ, mori debuerunt; præter condemnationem ipsam, quæ mysterio & spiritu constitit. Nimirum intellectus est mortuus Adamus, ex condemnatione illa: nec non intellecti fuere homines omnes mortui in Adamo; mysterio, & ratione imputationis illius mysticæ, qua mors Christi adscribi & applicari debuit, tum Adamo tum omnibus hominibus. Neque enim revera mortuus est Adamus, neque ullus unquam mortalium mortuus revera est: at neque ullus unquam mori revera debuit, ex decreto condemnationis illius. Vnus scilicet particularis Christus debuit & potuit illud, mori revera pro Adamo & pro omnibus hominibus: nec non morte sua condemnationem decretam in Adamum, & in homines omnes, refigere. *Quin* & Christus ille qui occisus est ante ipsam Mundi constitutionem; cuique Deus partes dederat sce-

scelus Ad-
mus pa-
nec noi-
mento e-
Et poen-
Adamo
debuera-
moment-
sunt mor-
enim po-
sed virtu-
sticæ; q-
Christi,

Non po-
quan-
Adan-
tali,
natu-
tim c-
Natu-
natu-
reat-
quan-

FV
logi
De
bili my-
quod v-
versa
extitit
quada-
dum e-
logi,

scelus Adami expiandi; momento illo quo Adamus peccavit, suffectus est in locum Adam; nec non in locum hominum omnium, qui momento eodem in Adamo peccavisse putati sunt. Et poenam mortis sustinuit Christus idem pro Adamo, & pro omnibus hominibus, qui mori debuerant propter peccatum Adami. Quique à momento illo quo Adamus peccavit, intellecti sunt mortui; non revera & actualiter, neque enim potuerant, quia neque dum adhuc erant: sed virtute mysterii, & imputationis illius mysticæ; quæ à morte Christi ante ipsam mortem Christi, & in non natos homines, invaluit.

CAPUT IV.

Non potest concipi alieni delicti imputatio; nisi quadam juris fictione. Imputatum est peccatum Adami omnibus hominibus, ratione mere spiritali, non propagatione naturali. Confundunt naturam & reatum Theologi, quæ separatim considerari debuerunt in peccato originali. Natura prior est reatu. Reatus non corrumpit naturam: imo e contra, natura corrupta effecit reatum. Quod probatur exemplo Adami ipsius, quando peccavit.

FVndatissimæ veritatis est, de qua Theologos inter orthodoxos non ambigitur: Deum occulta quadam ratione, & mirabili mysterio, hominibus omnibus imputavisse quod unus homo peccavit. Quodque universa natura generis humani in uno homine extitit; non vere & proprie, sed mystice, & quadam veluti juris divini fictione, intelligendum esse. Quæ sunt verba non vulgaris Theologi, *Universa*, inquit, *generis humani natura*,

in Adamo tanquam in capite extitit. Atque adeo omnes nos, non quidem vere & proprie; non enim vere & proprie per id tempus exiscebamus; sed potentia tantum & virtute; vel quadam quoque luris fictione, per Adamica pravaricationis actum, Dei legem perfregimus, & testamentum ejus, ut loquitur Scriptura, dissipavimus. Et certe, si rem ipsam diligentius attendimus; nulla erit imputatio ex alieno delicto, sive illa sit physica, sive illa sit politica, sive illa sit mystica; seu quæcunque alia detur; quæ modo ullo alio quam fictione existat: quæve possit ullo alio modo quam fictione concipi. Quod de mysticis imputationibus in primis existimandum est: quæ minus, ut ita dicam, corporeæ, & spiritales magis sunt: atque adeo fictionibus magis habiles.

Imputationis mysticæ est quod ait Apostolus, Romanorum 2, *Præputium legem observantibus reputari in circumcissionem.* At, qua ratione potuerunt præputio obvoluti, in recutitos & circumcisos reputari; nisi fictione illa, qua quod revera & corpore non est, spiritu & mente cogitatur? Factum fuit peccatum Adami peccatum omnium hominum, imputatione; & fictione eadem mysterii, qua intellecti sunt homines omnes, quotquot fuerunt, quotquot sunt, & quotquot erunt, fructum ipsum interminatæ arboris, propriis manibus decerpisse, momento eodem quo Adamus illum rapuit; nec non voravisse eundem omnes, momento eodem quo Adamus illum glutiit: quaque itidem fictione peccatum illud quod imputatur omnibus hominibus, idem fuisse numero reputatum est cum peccato unius Adami: in quo fuisse homines omnes putati sunt, ut in illo peccavisse idem omnes & mortem eandem contraxisse putarentur,

rentur. Neque vero fuere revera & actu in Adamo homines omnes, neque in illo peccavere omnes revera & actu; neque ex illo peccato mortem revera & actu contraxerunt: sed virtute mysteriorum, quod sæpius inculcavi, interpretative, & imputative, ut loquuntur Theologi: quod ex mera fictione fuit.

Atque ea cum ita sint indubitata & inconcusse credita; nihil video quod doctrinæ Christianæ incommodet, si dixerò, non opus fuisse Adamo patre naturali, & genitore omnium hominum, ut imputaretur peccatum Adami omnibus hominibus. Nihil enim attinuit confundere hic mysticum cum physico: & imputationem mere spiritalem cum propagatione mere naturali. Distincta quippe sunt, reatus imputatus qui est ex Adamo, & pravitas naturalis, quæ est ex traduce, & propagatione generatur.

Confundunt duo illa Theologi, qui peccatum originis, quatenus imputatur, & quatenus naturaliter propagatur, ab uno fonte & ab uno Adamo derivari aiunt. Agnoscunt illi distinctam & realem differentiam quæ est inter mysticum & physicum, inter imputatum & naturaliter inhærens. Naturaliter item fieri negant quod damnati sint homines omnes unius Adami culpa. Agnoscunt aliquid aliud; aliam scilicet communicationem quæ fit imputatione, mysterio, & consilio Dei; præter naturalem propagationis modum, unde peccatum inhæret hominibus. Neminem autem ad admirabile & inscrutabile Dei iudicium relaturum, quod morbosus morbosum generet: illud enim non miraculo, sed natura & via ordinaria fieri non ignorant. Vocant quinetiam illi peccatum Adami primum illud, quod imputatum fuit omni-

bus hominibus, defectionem, transgressionem, *παράνομον*, peccatum transiens, & actuale. Naturaliter vero inhærens peccatum hominibus, vocant ipsi corruptionem, luem, depravationem, peccatum ortum, permanens, internum, nativum, & habituale. Et quamvis duo peccata illa inter se distent quantum distat mysticum à physico, imputatum à naturaliter inhærente, externum & alienum ab interno & proprio, materiale & corporeum à formali & spiritali: quod toto cœlo distare est: Vnum tamen peccatum originis, ex duobus peccatis illis, conflant Theologi: quod duabus partibus constare asserunt, imputatione, & reali communicatione corruptionis. Nimirum, ex duobus totis, duas partes unius constituunt. Imputationem porro primi peccati Adæ, & ingentitam corruptionem, ita indivulse sociatas aiunt; ut non plura peccata, sed unum idemque peccatum efficiant, non plures reatus, sed unum eundemque reatum integrum: quem per propagationis traducem, ut loquuntur, ad universos homines pervenire statuunt.

At enimvero, probare in promptu erit ex Apostolo, Romanorum 5, Peccatum quod naturaliter inhæret, origine distitisse ab illo quod imputatum est. Atque adeo, non indivulse & semper sociata fuisse peccata duo illa, neque unum idemque fecisse peccatum originis. Ait Apostolus: *Usque ad legem peccatum erat in Mundo*. Si usque ad legem peccatum erat, erat & ante legem; nec non originem ante legem habuerat. Peccatum autem illud quod erat ante legem, non erat procul dubio peccatum imputatum: quia enim peccatum imputatum, non ante legem, sed à lege & post legem fuit: lex enim

enim sola imputationem peccato inducere potuit. Atqui duo tantum hic considerantur peccata. Imputatum, & naturaliter inhærens. Ergo si peccatum imputatum, non erat ante legem: fuerit ante legem necesse est naturaliter inhærens illud, quod non imputabatur non existente lege. Et si rursus, quod imputatum est peccatum, à lege originem duxit: quod naturaliter inhæret, non dubio antiquius imputato fuit; quia ante legem erat. Lex autem ab Adamo fuit, & cum Adamo formato lata est. Peccatum ergo naturaliter inhærens antiquius Adamo fuit: & antiquius peccato imputato, quod ab Adamo originem traxit.

Atqui ut vero verissimo vincam, & ineluctabili argumento demonstrem, peccatum quod naturaliter inhæret hominibus, ex vitio innato & corruptione ipsa hominum, antiquius fuisse peccato Adami, quod in Adamo omnibus hominibus imputatum fuit: enucleanda nobis est curiosius historia ipsa peccati Adamici. *Vidit mulier, ait Genesis, quod bonum esset lignum ad vescendum, & pulchrum oculis, aspectuque delectabile. Et tulit de fructu illius, & comedit. Deditque viro suo, qui comedit. Vbi vides manifeste, sensus Evæ & Adami fuisse corruptos, antequam comederet uterque, & peccaret. Deceptus fuit Adamus pulchritudine fructus, suavitate odoris, tactus mollitudine, eloquii uxoris suæ illecebra, & gustus delicio; priusquam fructum glutiret, & peccaret. Corruerunt scilicet Adamum sensus Adami corrupti; innato illo corruptionis vitio, quod Adami sensibus inhærebat. Ut vidit, ut periit. Peccavit visu Adamus, antequam peccaret gustu. Vidit fructum: atque ut illi jecur erat cupiditatibus idoneum, concu-*

pivit illum. Concupiscentia ipsa peccatum fuit. Et secundum dictum Christi domini, Qui concupiverat Adamus, peccaverat antequam peccaret. Peccaverat concupiscentia: quæ vocatur corruptio, D. Petri secunda, capite 1. ubi nos fugere hortatur *concupiscentiæ corruptionem*. Tum D. Iacobus capite 1. suæ epistolæ. *Vnusquisque, inquit, tentatur, à concupiscentiis suis abstractus & illectus. Deinde concupiscentia cum conceperit, parit peccatum: peccatum autem cum consummatum fuerit, generat mortem*. Vbi nota progressionem peccati naturalis, à prima corruptione concupiscentiæ, usque ad peccatum ipsum solidum, & consummatam corruptionem, quæ generat mortem. Corruperat ergo Adamum concupiscentia ejus, antequam corrumperetur peccato illo, quod ex transgressione legis, non ex corruptione naturæ, imputatum est.

Qui peccatum Adami allegorice interpretantur: Serpentem dicunt fuisse sensum; foeminam, rationem; virum, intellectum. Exsurdavit scilicet fervida sensus persuasio rationem: & occæcavit depravata ratio intellectum. Peccavit ergo corruptus Adami sensus, & peccavit distorta ejus ratio, priusquam peccaret alienatus ejus intellectus. Hinc videre est quam præposterere rerum ordinem invertant, qui volunt, depravatam idcirco fuisse rationem Adami, & corruptos ideo ejus sensus, quia Adamus fructum veritum manducaverat. Imo è contrariis peccavit Adamus manducando fructum veritum, quia corrupti prius fuerant sensus ejus, & quia depravata prius fuerat ejus ratio. Et bis peccavit Adamus, sensibus & ratione; antequam peccaret intellectu & voluntate, peccato illo unico, quod illi,

illi, & in illo hominibus omnibus imputatum est. Nota vero hic vim innatæ & inhærentis corruptionis in Adamo, antequam fructum libato ore attingeret. Cupiditas ejus neque Dei interdictum timuit, neque vitam illi interminatam veritus est. Imo, quæ fuit incensa & furiata ejus natura; mortem ille ipsam vel acuta cruce sustinuiſſet, ut vel orexin vel libidinem suam explere posset.

Fateor, sociatas fuisse in Adamo, postquam legem Dei violavit, imputationem peccati illius quod Adamus patravit, & ingenitam Adamo ipsi corruptionem. Sed non semper sociatæ illæ fuerunt in Adamo. Non erat inita societas illa ante legem Dei, & antequam legem Dei violaret Adamus. Solum sine imputatione inhærebat Adamo ante legem ingenitum & innatum Adamo vitium. Naturalis corruptio illa peccatum illud fuit, de quo Apostolus: *quod erat ante legem: quod non imputabatur; quia peccatum non imputatur cum non est lex.* Et præcessit in Adamo ingenita naturæ corruptio, imputationem peccati illius, quam deinceps transgressio legis fecit. Non ergo mater fuit imputatio peccati, ingenitæ corruptionis: sed vice versa, ingenita corruptio mater fuit peccati illius, quod imputationem ipsam peccati genuit. Prius vero & antiquius esse debuit peccatum naturaliter inhærens, peccato quod imputatum est: ratione illa, qua prior & antiquior fuit natura imputatione & mysterio.

Quo argumento peccatum naturaliter inhærens non imputabatur ex lege, non existente lege: nullus itidem contrahebatur reatus legalis ex peccato illo. Idem enim est reatus, quæ imputatio. Neque adeo dici potuit, societas indivulſe
sub

sub lege, imputationem legalem, & innatam corruptionem, unum ex duabus reatum effecisse. Sociatæ quidem fuerunt sub lege, imputatio legalis peccati Adamici, & innata corruptio. Sed non ita propterea indivulſe & individue sociatæ fuerunt; ut vel minimam fecerint mixturam & confuſionem reatum. Nullus enim unquam extitit reatus alieni peccati ex innata corruptione. Ex violata lege ab Adamo, prodiit imputatio legalis reatus Adamici, quæ pervasit in omnes alios homines. Ex innata corruptione prodiit peccatum naturaliter inhærens: non alienum, sed cuique homini suum sibi & naturale peccatum: quod non imputatur ex lege, & peccato Adami alieno; sed natura ipsa peccati inhærentis, & suo sibi innato vitio, hominibus naturaliter adſcribitur. Nimirum, ut mortem quæ secundum naturam est, ſubeant: neque immortalitatem quæ ſupra naturam est, conſequantur.

CAPVT V.

Qui volunt, imputationem peccati Adamici derivatam fuiſſe ex traduce Adami, ex illo putant, quod autumant, Adamum genuiſſe omnes homines. Apoſtolus diſtinxit, nec ſociavit peccatum naturaliter inhærens, cum eo quod imputatum eſt. Diſtinxit, nec ſociavit mortem naturalem cum ea quæ ex condemnatione legis inſlicta eſt. Mors ex peccato Adami, incepit ab Adamo, deſiit in Moſe & Chriſto. Peccatum naturale & mors naturalis fuerunt ante Adamum. Et erunt poſt Moſem & Chriſtum, in finem uſque ſeculorum.

Opinio ut ſolet ex opinione incidit. Qui opinantur, hominum originem fuiſſe ab
Ada-

Adamo;
conſtat
Adamo:
nem, &
ſociatas
paſto pe
homines
riginem
Et cuius
fuiſſe in
tatem ve
liter. Qu
tricare, ſ
Opini
ita eſt,
mo flux
mo om
eſt, qu
mnum
ſim non
pud Moſ
natura,
At, null
primus
dum per
peccato
homines
dem ne
quod D
tum fuiſ
legem; q
dialem
notæ T
utpote
dederit
tio pec

Adamo; eo ipso quod non opinione, sed revera constat, originem imputationis peccati fuisse ab Adamo: opinantur etiam, innatam corrupti-
onem, & imputationem peccati, adeo indivul-
sae sociatas fuisse in uno illo homine; ut nullo alio
pacto pervenire potuerit imputatio illa in omnes
homines, quam propagationis vehiculo, cujus o-
riginem ducunt ab Adamo, qui primus peccavit.
Et cujus peccati actum, ut loquuntur, dicunt,
fuisse in omnibus hominibus imputative: quali-
tatem vero peccati ex illo actu inhærentem, rea-
liter. Quod non enodare, sed innectere; non ex-
tricare, sed intricare fuit.

Opinio porro hæc, ab illa ut prædixi du-
cta est, qua omnium hominum origo ab Ada-
mo fluxisse creditur. Opinio vero hæc de Ada-
mo omnium hominum primo, ab illa derivata
est, qua putatur Moses statuisse Adamum o-
mnium hominum patrem, quia nullum expres-
sim nomen hominis Adamico prius legitur apud
Mosem. Quasi vero nihil extiterit in rerum
natura, cujus expressim Moses non meminerit.
At, nullibi itidem dixit Moses, quod D. Paulus
primus aperuit; Peccatum intravisse in Mun-
dum per peccatum Adami; & mortem ex illo
peccato, & in illo homine, pervasisse in omnes
homines. Et si nullibi hæc dixit, nullibi hæc ea-
dem negavit Moses. Nullibi etiam dixit ille
quod D. Paulus primus demonstravit: Pecca-
tum fuisse in Mundo usque ad legem, vel ante
legem; quod idem est. Legem inquam primor-
dialem & primigeniam quam vocant melioris
notæ Theologi; quæque hic intelligi debuit:
utpote quam primam suarum legum omnium
dederit Deus Adamo, & à qua fluxerit imputa-
tio peccati. Sed neque illud etiam negavit
Moses

Moses quod asseruit D. Paulus. Inducere igitur satius fuerat, ex Propheta non negante, & Apostolo innuente, primos homines extitisse ante Adamum.

Quemadmodum autem mens Apostoli nunquam illa fuit, statuisse omnium hominum originem ab Adamo: ita neque Apostolo venit unquam in mentem, indivulse sociavisse naturaliter inhærens peccatum cum illo quod imputatum est. Et certe, luce meridiana clarius patet, nullam peccatorum illorum mixturam fecisse Apostolum, loco illo Romanorum s, ubi tractationem ex professo instituit peccati quod in Adamo imputatum est. Ait ille, *per unum hominem peccatum intravit in Mundum*. Illud autem, *per unum hominem*: explicat infra D. Paulus idem; non per hominis illius traducem, & propagationem naturalem; sed per ejus inobedientiam, quæ moralis & spiritalis est. *Per inobedientiam*, inquit, *unius hominis, peccatores constituti sunt multi*. Non ergo sociavit quod morale & spiritale est, cum eo quod naturaliter & materialiter propagatur.

Homo vero ille per quem peccatum intravit in Mundum, non dubio Adamus est: cujus peccatum, peccatum fuit totius Mundi. Peccatum, inquam, quod ex transgressione legis toti Mundo imputatum est. Subjecit Apostolus tenore eodem ratiocinii. *Usque ad legem enim peccatum erat in Mundo*. Id est, usque ad hominem illum Adamum, peccatum erat in Mundo. Quo tempore igitur peccatum illud in legem intravit in Mundum per Adamum: peccatum aliud erat in Mundo, teste Apostolo, *Usque ad legem*. Vel ante legem & Adamum; quod idem fuit. Non peccatum quod imputatum est ex trans-

transgre-
raliter in
non erat
tum quo
origines
loqui in

Per u
Mundum
stolus co
loquitur
dam esse
nis depr
inhæren
mortem
piendam
talem &

Quo
quæ su
taliu
Adami
ne impu
omnes
peccavi
tui in C
ne eade
status a
ad Heb
lica, n
stolus:
cum, f
cet mor
& actu
mortal
Locutu
lo, no
sed de

transgressione legis: sed peccatum quod naturaliter inhærebat, neque imputabatur cum lex non erat. Neque vero sociavit Apostolus peccatum quod erat ante legem, cum illo quod à lege originem habuit: & de quo dumtaxat capite hoc loqui instituerat.

Per unum hominem peccatum intravit in Mundum. *Et per peccatum Mors*, addidit Apostolus eo loci. Vbi adverte, Mortem de qua hic loquitur Apostolus, non naturalem intelligendam esse; quæ ex vitio innato & primæ creationis depravatione, nec non ex peccato radicitus inhærente præcordiis hominum inhæsit. Sed mortem spiritalem & mysticam hoc loco accipiendam, quæ sequuta est imputationem spiritalem & mysticam peccati Adamici.

Quod ut clarius percipias, revoca in animum quæ superius notavi. Neminem unquam mortalium morti deditum fuisse propter peccatum Adami, præter unum Christum: in quo ratione imputationis Mysticæ, putati sunt homines omnes mortui; qua ratione putati sunt omnes peccavisse in Adamo. Putati sunt, inquam, mortui in Christo, similitudine, parabola, & fictione eadem Mystica; qua putatus est Isaacus constitutus à patre suo, de quo supra ex capite II. ad Hebræos. Mystica igitur, fictitia, & parabolica, mors illa fuit de qua hic locutus est Apostolus: quæ peccatum Adami secuta est Mysticum, fictitium, & parabolicum. Quam scilicet mortem nullus unquam mortalium revera & actu subiit in Christo; sicut nullus unquam mortalium revera & actu peccavit in Adamo. Locutus est hoc loco Apostolus de peccato illo, non quod naturaliter inhæsit hominibus; sed de illo tantum quod imputatione mysti-

ca transit à peccato Adami in omnes homines. Locutus est itidem hoc loco Apostolus de morte illa, non quæ corruptioni innatæ hominum naturaliter affixa est; sed de illa tantum quæ naturam peccati Adamici secuta est: quæque imputatione Mystica à morte Christi transit in omnes homines. Et dicta est mors Christi, mors transiens; sicut dictum est peccatum Adami, peccatum transiens. *In omnes homines mors pertransit*; ait Apostolus. Nimirum ut significaret, non sibi rem fuisse hoc loco cum morte illa, quæ ex corruptione hominum naturaliter & inhaerenter eis obvenit: sed de illa tantum quæ in expiatione peccati Adamici à morte Christi in illos transit.

Verum enimvero, ut major lux hebetiores feriat oculos; attende curiose ad illa quæ ibidem, & mox, sequuntur. *Regnavit mors ab Adamo*. Regnavit mors ab Adamo, quia peccatum imputatum fuit ab Adamo. Vides hic, peccati illius Mystici, nec non mortis illius Mysticæ, originem. Finem eorundem respice. *Regnavit mors ab Adamo usque ad Mosem*. Regnavit mors ab Adamo, & lege illa quam Adamus rupit: usque ad Mosem, & legem illam quæ à Mose viguit, usque ad Christum. Christus scilicet moriens legem omnem, & Adamicam & Mosaicam, extinxit. *Delens*, ait Apostolus Colossensium 2, *chirographum decreti quod adversus nos erat, quodque erat contrarium nobis: & ipsum tulit de medio, alligans illud cruci*. Chirographum decreti illud quod erat contrarium nobis, condemnatio mortis erat, decreta ex lege & chirographo illo in omnes homines ex peccato Adami. *Iudicium enim ex uno in condemnationem*, ut scriptum est Romanorum

rum

rum 5. Condemnatio quippe illa imminabat omnibus hominibus, & regnabat eis, ab Adamo usque ad Mosem; nec non homines omnes per illud tempus, quodam velut chirographo & juris vinculo, obligabat & constringebat. Neque enim proprie, ut monui supra, mors regnavit hominibus; quia nullus hominum mortuus proprie est ex peccato Adami: sed proprie, condemnatio mortis dominata eis est, ex chirographo decreti illo, quem Christus moriens delevit, sustulit, & cruci affixit.

Metas igitur cognitās, & tempora cognita, posuit Deus, Adamum & Mosem, peccato Adamico, & morti sive condemnationi mortis, quæ decreta erant ex peccato illo. Sed nullas metas, nulla tempora posuit Deus idem, vel peccato quod naturaliter inhæret, vel morti quæ ex naturali vitio hominibus infixā est. Peccatum naturaliter inhærens erat ante legem & Adamum, à creatione & principio illo rerum quod sine principio est. Mors naturalis regnavit post Mosem; sive post mortem legalem, Adamicā & Mosaicā. Imo regnat, & regnabit morseadem usque in finem seculorum, quæ numerari non possunt. Mortem nimirum illam naturalem intellexit D. Paulus idem, Corinthiorum prima, capite 15, ubi de fine ultimo rerum agit. *Ultima autem inimica*, ait ille, *destruetur mors*. Quæ de morte contracta ex peccato Adami intelligi non possunt: destructa enim est mors illa in Mosē destructo. *Regnavit mors ab Adamo usque ad Mosem*. Intelligi ergo debent de morte naturali, cujus destructionem Deus distulit in finem ultimum rerum. *Ultima inimica destruetur mors*. Neque dum enim destructa est mors naturalis & inhærens illa, quæ sequitur

tur naturam sui peccati naturalis & inhærentis. Vigent & vigeant indivulſe ſociata duo illa, peccatum naturale & mors naturalis, uſque in finem ſeculorum: neque deſtruentur niſi in deſtructione ipſa Mundi.

Non ergo ſociavit quæ non conjunctim traſtauit Apoſtolus, quæque rerum ordo penitus diſiſerat: peccatum imputatum, & peccatum naturaliter inhærens: mortem regnantem ex peccato imputato, & mortem peccatum naturaliter inhærens conſequentem. Traſtatio illa ſpiritualis & myſtica: hæc materialis & phyſica erat. Abſtraxit Apoſtolus traſtationem illam ſpiritalem & myſticam, ab hac materiali & phyſica: ut oſtenderet, non opus fuiſſe Adami traduce materiali & phyſica, ad imputationem mere ſpiritalem & myſticam peccati Adamici. Quod apertius patefecit capite eodem ad Romanos 5. ubi comparavit inobedientiam Adami cum obedientia Chriſti: & imputationem quæ abundavit ex delicto unius Adami, ad condemnationem mortis; cum imputatione gratiæ, quæ ſupereſuſa eſt in dono, ſive in oblatione, unius Chriſti ad juſtificationem vitæ. Quæ nullo modo materiale & phyſicum olent; ſed florem ſpiritus, & myſterium merum redolent. Etenimvero, ut comparatio Adami & Chriſti abſoluta ſit: imputari debuit Adamus hominibus eadem prorfus ratione Myſtica & ſpirituali, qua iſdem Chriſtus imputatus eſt.

Proſtitentur Theologorum anteſignani, D. Paulum proprie egſſe, capite illo 5 ad Romanos, de reatu & imputatione peccati Adamici: & conſideraviſſe peccatum, non quatenus fontem corruptionis humanæ; ſed quatenus Adamum, & in illo homines omnes reatu eodem involvit.

voltit.
nes ſu
caviſſe.
nem; n
ſe in A
ſed vir
ſtitutus
homin
appoſito
tione na
nes om
Adamo
fuiſſe ca
propter
catis il
ptus e
liter co
no deſ
quæ re
Adamo
ab Ada
puratio
Bellari
cari ho
Sorbo
le Ada
niſi im
Imp
lex, ve
bitualis
ræ pr
rum o
tor D
creato
potuit
qualer

volvit. Non enim scripsisse Apostolum, homines fuisse corruptos in Adamo, sed in illo peccavisse. Peccavisse in Adamo, per imputationem; non ex illo, per propagationem. Peccavisse in Adamo virtualiter: non virtute seminis, sed virtute imputationis. Adamus autem constitutus est loco eodem, tanquam caput omnium hominum: non naturale, sed mysticum. Et apposite ad hanc rem Theologus egregius. *Ratione naturali*, inquit, *constare non potest; homines omnes, imo neque dum natos, peccavisse in Adamo: nisi Adamus supponatur, in esse morali, fuisse caput totius humanæ naturæ.* Locutus est propterea Apostolus capite eodem; non de peccatis illis in quibus Adamus naturaliter corruptus est, & in quibus homines omnes naturaliter corrumpuntur: sed de una offensa, de uno delicto, & de una tantum inobedientia, quæ reatum Adamo, & omnibus hominibus in Adamo meruit: quæque non actu, sed reatu, ab Adamo in omnes homines transit per imputationem. *Qua ratione*, inquit Cardinalis Bellarminus, *inobedientia illa potuit communicari hominibus.* Tum celeberrimus Gamacheus Sorbonicus. *Concedimus, inquit, peccatum actuale Adami, quatenus actuale, non inesse hominibus, nisi imputative.*

Imputationem peccati illius actualis creavit lex, vel transgressio legis. Realem peccati habitualis inhærentiam genuit natura, quæ naturæ pravitas est. Natura autem, & lex, toto rerum ordine differunt. Naturam produxit creator Deus. Legem tulit recreator, vel secundus creator Deus idem. Et qua ratione natura non potuit reatum contrahere ex alieno delicto, qualem violata lex: ita neque reatus ex violata lege

lege, & alieno delicto, potuit corrumpere naturam. Causa nimirum moralis, qualis fuit inobedientia Adami, non potuit producere corruptionem naturalem. Ergo multo minus imputatio inobedientiæ illius potuit producere corruptionem illam. Imputatio, inquam, quæ est effectus mere spiritualis causæ illius moralis: & mysticum ex morali ortum. Non ergo disjuncta illa, & quibus non bene convenit, sociavit Apostolus; naturam & legem; vitium ex natura, & reatum ex lege; in tractatione quam instituerat hoc capite, peccati illius quod in Adami transgressione omnibus hominibus imputatum est. Imo nullibi gentium, vel apud D. Paulum, vel apud aliquem alium auctorem sacrum & biblicum, legere vel inducere erit, naturalem Adami traducem fuisse conducibilem, ne dicam necessariam, ad imputationem peccati Adamici.

CAPUT VI.

Qua ratione peccatum Adami salutem, non perditionem hominum fecit. Non imputatur à Christo mortuo peccatum alienum hominibus, sed sua quisque peccata patitur.

Implicata est, salebrosa, & dumis aspera, quaestio illa quam vulgo agitant de peccato originis; ex hypothesi qua statuunt, homines omnes ab Adamo progenitos. Illam ego ex mea hypothesi, si Deusnaverit, tractabilem, explicatam, & planam adeo reddam; ut nulla deinceps hareamus in salebra.

Sunt qui invidiam Deo faciunt, ex prima hypothesi; feritatis & crudelitatis plenam esse rationem illam legis suæ; qua quod patratum est pec-

peccatum ab Adamo, infciis, imo neque dum natis imputetur hominibus. Tum, quod poenæ tam crudeles, ex peccato illo inflictæ fuerint; ut tota hominum natura, malorum & pestium hydri pullulaverit. Nullos enim vero legibus humanis alieni criminis successores constitutos. *Parentum opprobria ne luant liberi*, edicebat Plato. Quin & atrox Senatui Romano, & perniciosum visum est exemplum; tollere filios Cassii, Cassio perduelli sublato: quique morem hunc instaurare aggressi sunt populi, visi sunt rem dignam hominum invidia, & Deorum indignatione fecisse. Sed & illud truculenti genus omne superare videtur: quod post vitam ærurnosam & cruciatibus infamem, præcipitati in stagna ardentia homines, propter idem illud peccatum Adami, iecur suum redivivum vermibus redivivis tundendum præbeant: ibique inter fletus & stridores dentium, mortem immortalem, in æternum & ultra, exigere credantur.

Quibus incommodis ut breviter & perspicue respondeam ex mea hypothese; atque ut obstruatur omne os inclementer de Deo loquens; Demonstratum supra abunde est; imputatio nem peccati Adamici nihil addidisse naturæ hominum corruptioni deditæ, præter imputationem ipsam, quæ mere mystica est, quæque spiritu solo concipitur. Nihil ergo novi portavit hominibus imputatio illa, quoad naturam. Expendendum est quale detrimentum ex illa homines ceperint, quoad mysterium. Statuendum vero in primis est, Paulum Apostolum, ubi dixit capite 10 ad Romanos: *Christum finem esse legis*: intellexisse Christum finem esse mysteriorum omnium, & quæ lege præcipiebant.

bantur, & quæ Prophetarum scriptis continebantur: qua significatione Lex, pro Bibliis sacris, ut plerumque solet, accipitur. *Sine modo*, aiebat Dominus Joanni, recusanti illum baptizare; *Sic enim decet nos implere omnem justitiam*. Justitia, eo loci, Mysterium est. Implevit enim Christus mysteria omnia; quæ perfecit, & ad finem suum perduxit. Vocatur porro mysterium, *Iustitia*, quoniam mysterium omne a Deo institutum, justitiam operatur. Neque enim mysterium nomen inane est, nudaque appellatio & fictio, sine re & specie. Ino rem omnium maximam conficit; qua justitiam, salutem, & immortalitatem hominum parit. Illud autem plenius suo loco discutietur.

Præcipuus vero finis fuit Christus mysterii illius; quo peccatum Adami imputatum est hominibus: nimirum, ut eisdem justitia Christi quæ mors Christi est imputaretur. Advertendum quinimo est, Christum *Iesum* esse; id est, Salvatorem: cui opponitur *Apollyon*, & perditior hominum *Anti-Christus*. Venit Iesus ut salvos faceret homines, non ut illos perderet. At, quo argumento institutus est Iesus finis ad salutem hominum: instituta fuerè media quæ ad finem illum perducunt, ad salutem eorundem. Imputatio ergo peccati Adamici quæ nos duxit ad finem illum; salutem hominum, non perditionem fecit. Benignitatis igitur & misericordiæ plena fuit, non feritatis & crudelitatis, ratio illa divinæ legis; qua hominibus vel insciis, imo neque dum natis, noxa Adami imputata est. Imputatum etenim fuit Adami peccatum hominibus insciis, ut illis etiam insciis acquireretur justitia Christi: quæ salus est Domini. Peccatum autem justitiam parit; miraculo eodem quo

quo tenebræ lucem exeruisse leguntur; & mors vitam suscitare creditur.

Falluntur vero magnopere qui autumant, mortem æternam consequutam esse condemnationem illam mortis quæ decreta fuerat ex peccato Adamico. Demonstratum enim esse plus satis arbitror, ex D. Paulo ad Romanos, quem ad hanc rem laudavi superiori capite: condemnationem illam mortis non æternam fuisse, sed finibus certis circumscriptam. Natam esse cum Adamo, periisse cum Mose. *Regnavit mors ab Adamo usque ad Moysen*: ait Apostolus. Sequuta est scilicet mors illa fatum peccati, & qui illam genuerat, patris sui. Regnare inceperat peccatum Adamicum à transgressione legis: quod idcirco peccatum legale nuncupo. Regnare itidem cœperat mors Adamica, à transgressione legis ejusdem quæ peccatum Adami fecerat: quamque idcirco mortem legalem nuncupo. Vixit peccatum legale, quam diu lex vixit: & lege extincta, extinctum est. Regnavit mors legalis illa, quamdiu regnavit lex: debuit & illa mori lege mortua. Æternum porro indefinitum est. Habuit autem mors legalis definitos terminos, Adamum & Moysen: quos ultra citraque nequivit consistere. Non ergo potuit mors illa conferre quam non habuit æternitatem hominibus.

Quid ergo? Peccabimus, quoniam non sumus sub lege? tum quoniam nulla condemnatio mortis ex lege restat, quæ peccandi libidinem coërceat? Absit, ait Apostolus. Atque ut objectioni illi plene fiat satis; operæ precium facturum me existimo, si totum hoc mysterium ordine detexero: & quæ de illo sparsim enarravi, collectim & contuitu uno pererranda exhibuero.

Comprobat auctoritas sacra, & naturalis ratio; corruptibile & mortale esse, quodcumque ex materia corruptibili & mortali creatum est. Hominesque adeo ex materia corruptibili & mortali compactos, corruptibiles & mortales fuisse creatos: neque potuisse, vi & virtute creationis illius suæ corruptibilis & mortalis, transcendere ad Deum incorruptibilem & immortalem, ut & ipsi incorruptibiles & immortales evaderent. Deus scilicet incorruptus: homines autem *de carne sua*, quæ materia sua est, *corruptionem metunt*. Galatarum 6. Deus immortalis est: *mors est quam sapit caro*. Romanorum 8. Deus bonum ipsum est: *bonum autem non habitat in carne hominum; malum è contra illi adjacet*. Rom. 7. Qui vero in carne sunt homines, Deo placere non possunt. Caro siquidem inimica Deo est. Legi divinæ non subjicitur: neque enim potest. Tum quæ sexcenta ejus generis leguntur apud auctores sacros. Quibus appareat, emendandum fuisse vitium carnis, materiæ, & creationis primæ hominum; & in novas creaturas transformandos homines, ut ex malis boni fierent, ex corruptibilibus incorruptibiles, ex mortalibus immortales; & regnum Dei possidere possent, *quod caro & sanguis, quæ corruptio mera est, possidere nequeunt*. Corinthiorum 1, capite 15.

Mori debuerant homines qui transformandi & denuo creandi erant; quod supra demonstratum est. Mori quinetiam decreverat Deus illos, in morte Christi sui, qui humanum corpus informaret; & morte sua succidanea homines in novas formas & in novas creaturas mutaret. Quod non nisi mysterio fieri potuit: cujus scilicet virtute & spiritu, censerentur mortui

in

in Christo, quos sanguis Christi imbueret. Atque ut infectores purpurarii, quas vestes murice aut cocco saturare instituunt, glasto illas prius maculant, macerant, & subigunt; ut idoneam sedem concilient colori rutilo, qui in substratum sibi glastum inditur. Oportuit homines imputatione prius peccati Adamici, tanquam glasto, & prima cortina, maculari, macerari, & subigi; ut sanguinem Christi saturatius combiberent, & de secunda cortina splendidius ruberent. Imputatio ergo peccati Adamici, præparatio fuit ad suscipiendam justitiam, quæ à sanguine Christi emanavit: qua præparatione sitientes homines justitiam illam avidius raperent, interiusque reconderent.

Ac veluti color purpureus, suffectis glasto lanis additus, glasti maculam haurit, & glastum ipsum extinguit: Simili argumento, sanguis Christi suffecto imputatione peccato Adamici inditus, imputationem peccati hausit, & peccatum ipsum Adamici extinxit: ita ut morte Christi nulla detur peccati illius imputatio. *Peccatum erat ante legem, sed non imputabatur non existente lege.* Romanorum 5. *Virtus enim peccati lex.* Corinthiorum prima, capite 15. Vim scilicet & virtutem addidit peccato lex, quæ peccatum duplicavit: & ex peccato simpliciter dicto, peccatum fecit ex lege imputatum. Sustulit imputationem illam ex lege Christus idem qui legem ipsam sustulit.

Memorat Apocalypsis bestiam multorum capitum; cujus caput unum vulneratum fuerat quasi ad mortem, reliquis capitibus superstitis: sed plaga ejus ad mortem curata est. Peccatum bestia fuit biceps; cujus caput unum ante legem erat, alterum à lege fuit. Amputavit

Christus moriens caput illud peccati quod à lege fuit; neque sanata est plaga ejus ad mortem: excisum enim est penitus, & avulsum collo suo caput illud. Superest à morte Christi caput alterum quod ante legem erat. Extinctum est in Christo mortuo peccatum illud, quod violata lege, Adamo & in illo hominibus omnibus imputatum est: quodque legale esse aio. Superest à Christo mortuo peccatum illud quod non imputabatur non existente lege; quod naturaliter ante legem inharebat hominibus: quodque naturale nuncupo.

Restituit ergo Christus homines in quem locum acceperat illos Adamus. In locum scilicet peccati non imputati ex lege. Et evaserunt homines, post legem extinctam in Christo, illud ipsum quod erant ante legem latam in Adamo. Non enim imputatur à Christo mortuo peccatum alienum hominibus: sed sua quisque peccata patitur. Non dicitur ultra sub Evangelio; *Patres comederunt omphaces, & dentes filiorum obstupuerunt: sed unusquisque in iniquitate sua moritur.* Ierem. 31. Non propter peccatum Adami, sed propter sua quisque peccata interit. *Unusquisque de se ipso rationem reddit Deo.* Romanorum 14. *De se ipso:* non de Adamo. De suo sibi peccato: non de peccato Adami alieno. Quod nota curiose. *Unusquisque proprium onus portat.* Galatarum 6. *Et unusquisque reportat quæ in corpore suo facit.* Corinthiorum 2, capite 5. *Iudicat Deus sub Evangelio occulta hominum.* Romanorum 2. *Occulta:* id est, propria, intima, sua sibi, neque imputata aliena peccata. Non imputat Deus à Christo mortuo peccata facta in legem: sed adscribit sua sibi peccata naturalia hominibus, quæ non in lege, sed in carne sunt; quæque natu-

natura
quæ m
habit
que no
corrup
bile &
est cum
galis n
homo
Christi
tionis
sanctifi
& recr
Quo t
mors.
opion
in hor
exting
At v
exercit
tura; u
carni n
sti in n
manor
ctifica
lida fia
loco A
ventila
peccati
mortis
mur, e
ritate
aditus
spectu
stra in
non ex

natura carnis corruptæ corruptionem metunt : quæ mortem sapiunt : in quibus bonum non habitat : sed è contrario malum adjacet : quæque non ratione legis, sed ratione naturæ ipsius corruptæ, & mortalis, regnum Dei incorruptibile & æternum possidere nequeunt. Crucifixus est cum Christo vetus Adam, & vetus homo legalis noster : Sed vivit adhuc in nobis vetus ille homo naturalis, vere noster, qui non in morte Christi extinctus est : Sed qui virtute resurrectionis ejus extinguetur olim, cum nos plena sanctificatione Deus induerit : quæ resurrectio, & recreatio nostra perfecta & plena futura est. Quo tempore & novissima inimica destruetur mors. Mors inquam naturalis, peccati naturalis opsonium ; quæ peccato naturali vigente, viget in hominibus ; quæque peccato eodem extincto, extinguitur & ipsa necesse est.

At vero interea, satagamus perpetuo pietatis exercitio, & indefessa sanctificationis nostræ cultura ; ut extinguitur vetus illud peccatum quod carni nostræ adhæret : & reveletur justitia Christi in nobis, *ex fide in fidem* ; ut scriptum est Romanorum 1 ; id est, ex sanctificatione in sanctificationem. Sanctificatio enim, vera & solida fides est in concreto, quam intellexit hoc loco Apostolus : non futilis & inanis illa, quam ventilant quidam in abstracto. Nolumus ergo peccare : non quod lege Adamica, aut pœna mortis ex lege Adami sancita, amplius teneamur, ex quo Christus mortuus est : sed quod veritate & rei ipsius natura, interclusus nobis est aditus ad vitam æternam, ad regnum, ad conspectum & gloriam Dei ; si materiæ & carni nostræ indulgemus, & peccatum nobis innatum non extinguiamus.

Nihil igitur feri & immanis, quoad legem Dei; nihil quoad sanctitatem hominum, male conciliati & diffoni oborietur animo; ex imputatione peccati legalis & Adamici, nec non ex morte legali & Adamica, quæ peccatum illud legale consequuta est: si totum hoc negotium, ex mea hypothesi, Mystice institutum accipiatur; ut idoneum solum cordibus hominum sterneret, suscipiendæ justitiæ Christi: quæ ipsissima sanctificatio & salus hominum est; tum denique summa eorundem felicitas. Statuatur siquidem ratione mysterii, ad salutem hominum comparati; quod feritatis in Deo, & crudelitatis invidioso obtentu, subruere videbatur.

CAPVT VII.

Quare Adamus qui tanquam caput peccavit, non tanquam caput pœnas dedit peccati sui. Peccatum Adami inobedientia fuit. Peccatum naturale, & legale, duplex fuit repagulum obiectum hominibus, quibus Paradiso interdiceretur. Solvit legale repagulum Christus moriens. Solvet naturale Christus idem resurgens, & nos plene sanctificans.

A Nimadvertere rigidius solent Quæsitores in criminum auctores, quam in eorundem, vel participes, vel confcios. Quod nos jura omnia docent, naturalia, gentium, & civilia. Neque probatione eget; quia probatione ipsa, adeo multa & circumfusa est, obnubilaretur. Jus illud in Adamo solo non obtinuit: qui tanquam caput peccavit, neque tanquam caput pœnas dedit peccati sui. Enimvero si peccata & flagitia omnia, si quicquid februm & pestium est; si mors ipsa æterna, ex peccato

Ada-

Adami, ut creditur, intravit in mundum, & pervasit in omnes homines: cur non ad omnia peccata & flagitia projectissimus fuit Adamus; peccatorum & flagitiorum omnium, propter peccatum illud suum, caput & causa? Cur non malorum omnium, pestium & febrium cohortibus impetitus est? Cur non denique morti æternæ, mortis illius auctor, devotus est? Imo, quare Adamus; si transgressionem & inobedientiam ejus excipimus; nullis aliis criminibus & peccatis claruit? Quare athleticè valuit? Quare vitam longævam duxit ad triginta & nongentos annos? Quare nullus Theologorum relegavit illum ad inferos? ut inter damnatorum & reproborum cruciatus, morte æterna plecteretur? Sin parte alia nullus unquam mortalium, vel particeps vel conscius, revera fuit peccati Adamici: imo si puriores fuere homines omnes peccati illius, quam sunt sceleris puri infantes; utpote qui neque dum nati erant quando Adamus peccavit: Quid causæ fuit, quare evaderent homines ex peccato illo, vel nequiores, vel morbosiores, vel damnatiores Adamo ipso? Constat enim, innumeros homines, peccatis & sceleribus Adamo ipso nominatiores ex peccato Adamici creditos, tum male habitos, vita brevi & ægra affectos, ad Tartara demum extremo rerum judicio adigendos, ut ibi mortem immortalem transigant.

Tenebras illas clarorem merum reddam ex mea hypothefi: si consideramus peccantem Adamum; vel adversus legem, quod peccatum legale fuit; velex vitio nature sue corruptioni obnoxie, quod peccatum naturale est. Si consideramus Adamum peccantem peccato legali, vel adversus legem, quod idem est: concipiemus indidem il-

lum, non respectu tantum habito ad se ipsum, sed respectu etiam habito ad omnes homines, & ad totum genus humanum quod repræsentabat: cujus repræsentationis vi & virtute, imputationem peccati illius, sibi, & toti generi humano meruit. Quemadmodum enim Legatus, qui deditioem totius populi, civitatis suæ nomine, ad victorem Principem facit: non se ipsum tantum, sed homines omnes totius civitatis quos Legatus repræsentat, deditiois lege obstringit: Sic Adamus nomine illo quo totum genus humanum repræsentabat; non se ipsum tantum, sed homines omnes lege decreta in peccatum suum obstrinxit; nec non eosdem, atque se ipsum, imputationis peccati illius reddidit participes. Ac veluti in negotio deditiois quam facit Legatus civitatis suæ nomine, omnes ex æquo deditiois leges subeunt, tam Legatus, quam homines civitatis suæ omnes: pari omnino ratione, in negotio peccati Adamici, totum ex æquo genus humanum imputationem peccati illius subiit; tam Adamus, quam homines omnes. Tum quo argumento deditio illa non recipit magis & minus, ut Schola loquitur; neque censetur ex dediticiis illis omnibus alter altero minus aut magis deditus: simili prorsus ratione, imputatio peccati Adamici, neque magis neque minus recepit: neque enim censeri potuit peccatum Adamicum, uni quam alteri omnium hominum, quotquot sunt, quotquot fuerunt, & quotquot erunt, magis aut minus imputatum. Et de illo peccato vere & apposite usurpari valuit Lucani illud: --- *Quos inquinat, æquat*. Imo & Adamus & homines omnes, quotquot sunt, quotquot fuerunt, & quotquot erunt; poenas ex æquo dederunt peccati illius. Omnes enim

enim e
tam i
putati
morte
catum
sequit
Iam
tem, e
quod p
illum r
ad cete
plus fil
natural
ipsi int
rem in
natura
gis aut
gis & n
& mala
turale
mus, pr
rupta p
suæ pra
nus eti
natura
dedit p
teri ho
idem il
Casti
etæ rati
verham
tum m
malem
illos vi
sibi ip
mi del

enim ex æquo condemnationem mortis decretam in peccatum illud sustinuerunt: nec non putati sunt homines illi omnes ex æquo mortui; morte illa legali, spiritali, & Mystica; quæ peccatum illud legale, spiritale, & Mysticum, consequuta est.

Iam vero, si consideramus Adamum peccantem, ex vitio naturæ suæ corruptioni deditæ, quod peccatum naturale est: tunc concipiemus illum respectu tantum habito ad se ipsum, non ad ceteros homines. Atque illo respectu, quo plus sibi ipsi peccavisset Adamus peccato illo naturali; plus etiam pœnæ & mali naturalis sibi ipsi intrivisset: atque adeo in mortem acerbiorẽ incidisset. Et enim vero quoniam peccatum naturale magis & minus recipit, secundum magis aut minus corruptam naturam: nec non magis & minus recipiunt pœnæ omnes naturales, & mala omnia naturalia, quæ peccatum illud naturale consequuntur. Qua vero ratione Adamus, præ ceteris hominibus, natura minus corrupta præditus fuit: nempe illud formationis suæ prærogativa, quam à Deo ipso habuit: minus etiam & ceteris hominibus peccavit peccato naturali. Atque adeo peccati illius sui minores dedit pœnas, & minora mala passus est, quam ceteri homines passi sunt: imo & quam propter idem illud peccatum etiam nunc patiuntur.

Castigemus examen hoc in æquatissima rectæ rationis trutina: ut extra omnem controversiam appareat, tum peccata hominum omnia, tum malorum omnium pestes quæ homines male mulcant, tum mortem eorum æternam quæ illos vita æterna interdicat, ex suo illo vitio quod sibi ipsis naturaliter inhæret, non ex alieno Adami delicto, dimanavisse. Vnde amabo sitis illa

sanguinis, qua homo homini fera est, & qua homo hominem trucidat? nonne ex bile atra qua jecur hominis tumer? Vnde incesta illa, & contra leges nuptia? unde & inverso usu concubitus? unde nefandæ Veneres illæ quibus homines ardent bestias? Nonne ex perversa & corrupta libidine, quæ perversæ & corruptæ naturæ impetigo est? Vnde & furta? ex innata rapiendi prurigne. *Vnde bella & lites in vobis?* aiebat D. Iacobus capite 4. suæ epistolæ: *Nonne hinc, ex concupiscentiis vestris?* Tum vero & hinc maxime constat, vitia illa naturæ & materiæ ipsi hominum addicta, & penitus affixa: quod cum eadem sit materies hominum quæ bestiarum; communia itidem vitia illa sint hominibus & bestiis. Hinc nimirum est quod homicidas, truces, & crudeles homines; vocare soleamus, tigres, ursos, leones: libidinosos, hircos: obrectatores, canes: furum manus, milvinas & aquilinas ungulas: ventri deditos; porcos, &c. Nisi forte putamus, imputatum & bestiis peccatum Adami, talia & ipsis vitia ingeneravisse. Quod vere esset peponem pro corde gerere.

Vnde porro vapidè se habent homines? unde liene tanquam zona cincti sunt? unde illos urget morbus regius? unde illis oculi herbei? hiræ dolent? radices cordis pereunt? unde illis febres continuæ, intervallatæ, & periodicæ? unde & multiplices arthritidis species? tum vel arena vel glareæ calculi, quæ stranguriam parit? unde & innumeræ malorum facies, quibuscumque tentantur humana corpora? nonne ex pravis humanorum corporum affectionibus? Quæ scilicet mala in ægris, tum intenduntur, tum remittuntur; ut in eisdem, vel intenduntur, vel remittuntur praviæ illorum affectiones. At certe, varietates pec-

peccat
malos
& vale
ne ind
& mat
est, va
corrun
legale
Vnicu
tentiu
enim
inde o
fecisse
mortis
mines
sam &
Ob
gressi
enim
liter n
quiunt
tum. A
li & M
ipsum
mine
Adam
cum
cont
tiisset
obedie
tenus
Form
unico
tum
mnib
riale

peccatorum & valetudinum, quæ homines vel malos vel morbosos faciunt: peccatorum itidem & valetudinum intentiones & remissiones plane indicant, vitia illa omnia deduci ex natura & materia ipsa hominum; quæ ut varie affecta est, variis itidem modis, tum magis & minus, vel corrumpitur vel agitur. Neque vero peccatum legale Adami tale quid unquam efficere valuit. Vnicum enim fuit, non varium: tum neque intentius & remissius homines invasit: Omnes enim ex æquo, ut prædixi, reos fecit. Ac proinde omnes ex æquo vel malos vel morbosos effecisset, imo & omnes eodem genere peccati & mortis affectos; si quod peccant & febriunt homines, ex peccato illo uno & unius generis, causam & originem traxisset.

Objicitur. Adamum, quando legem transgressus est, peccavisse naturaliter. Naturaliter enim concupivisse fructum vetitum, & naturaliter manducavisse illum. Naturale ergo, inquit, peccatum Adami fuit, non legale tantum. Atque adeo, neque sola imputatione spiritali & Mystica; sed & ratione naturæ & traducis ipsius ab Adamo deductæ, pervasit in omnes homines. Respondeo. Non propterea peccavisse Adamum, quod naturaliter concupivisset fructum, & naturaliter comedisset illum. Sed quod contra vetitum appetiisset, & contra legem glutiisset. Peccatum Adami vocavit Apostolus *Inobedientiam*: moralem, non naturalem: vel quatenus formale, non materiale, peccati illius fuit. Formale, inquam, morale, & mysticum, quod unice Adamo & omnibus hominibus imputatum est, propter quod unice mortem sibi & omnibus hominibus meruit. Naturale & materiale peccati illius, peccatum proprie non erat.

Nullum enim peccatum erat per se & naturaliter, concupivisse & manducavisse fructum, *qui erat pulcher oculis, & bonus ad vescendum.* ut de illo testatur Moses. Peccati illius virtus in sola transgressione & inobedientia Adami constitit: quæ peccati ejusdem morale & formale fuit.

Peccatum porro idem illud dupliciter Adamo imputatum fuit: quatenus legem Dei animo & voluntate corrupta transgressus est; vel quatenus eandem corpore & manducatione ipsa infregit. Quatenus legem Dei animo & voluntate corrupta violavit Adamus, quod morale & spiritale peccati ejus fuit; incidit in condemnationem decretam ex lege Dei, & morte mortuus est: morte inquam morali & spiritali, quam pro Adamo reapse & corpore passus est Christus. Quatenus corpore transgressus est Adamus, corpore ilicet Paradiso ejectus est: *ne forte*, ait Genesis, *manum suam mitteret, & sumeret de ligno vite, & viveret in æternum.*

Utrumque omnibus hominibus accidit ex transgressione Adami; mori, & Paradiso ejici: sed utrumque, significatione, parabola, & similitudine. Mortui sunt homines omnes ex peccato Adami, morte eadem spiritali, & mystica, qua Adamus mortuus est: Ejecti sunt omnes Paradiso, non actualiter & corpore, ut Adamus ejectus est, sed significante mysterio. Interdicebat scilicet homines omnes Paradiso Dei, & vita æterna quæ apud Deum est, sua sibi natura corruptioni & morti obnoxia. Interclusit bis aditum ad eundem Paradisum & ad eandem vitam æternam, lex data Adamo, quæ *virtutem addidit peccato*, ut loquitur epistola ad Corinthios secunda; quæque peccatum effecit *peccans regem* *ἡμεῖς ὅλων*, ut loquitur epistola ad Romanos. Atque

que adeo duplici repagulo oclusa erat via hominibus ad Paradisum, & ad vitam æternam: naturæ humanæ vitio, & rigore divinæ legis; quæ stricta fuit, quæque strictam aciem euntibus ad Paradisum obtulit. Natura ipsa hominum corruptioni & morti dedita, primum fuit & materiale repagulum; suum sibi innatum impedimentum, quod interclusit aditum hominibus ad immortalitatem. Violata lex ab Adamo, secundum fuit & spiritale repagulum; non innatum, sed alienum impedimentum, quod eisdem occlusit Paradisum: quodque non natura, neque Adami traduce; sed imputatione, spiritu, & fictione mera divini mysterii omnibus hominibus objectum est; ut ratione eadem vita æterna abdicarentur. Sustulit Christus moriens secundum repagulum spiritale & mysticum, ex transverso ab Adamo oppositum. Superest primum naturale & materiale, à Christo resurgente & sanctificante amovendum. Paradiso autem ejecti sunt, & vita æterna interdicti, mortales & mortui ex peccato Adami homines; mystice & parabolice: ut beneficio mortis & resurrectionis Christi, pateret eisdem aditus ad Paradisum eundem; & vita æterna fruerentur, non mystice & parabolice, sed vere & reapse, quibus datum foret electis.

CAPUT VIII.

Omnes homines peccaverunt ad similitudinem peccati Adamici. Infantes peccaverunt ad eandem similitudinem.

Scripsit Apostolus, Adamum fuisse typum Christi. Fuit ergo Christus Adami prototypus. A ratione similitudinis Adamicæ cum
Chri.

Christo prototypo suo: quo argumento Christus reficiens quos Adamus perdiderat, non fuit ultimus omnium hominum, ut præteritos tantum homines gratia & iustitia sua comprehenderet: ita neque fieri debuit Adamus primus hominum omnium, ut futuros tantum homines imputatione peccati sui involveret. Tum quo prototypo mors Christi imputata fuit hominibus omnibus, & Christi coætaneis, & natis ante Christum à temporibus æternis, & illis qui post Christum nati sunt, nec non in finem usque seculorum post illa nascuntur: eodem typo, vel eadem similitudine prototypi, peccatum Adami imputatum fuit hominibus omnibus; & Adami coætaneis, & natis ante Adamum à temporibus æternis, & illis qui post Adamum nati sunt, nec non in finem usque seculorum nascuntur: damnandosque pariter temporum homines omnium, unum Adami peccatum præstitit.

Nempe illud ipsum fuit quod verbis conceptissimis voluit Apostolus, loco eodem capituli 5 ad Romanos; ubi dixit: *Mortem regnavisse ab Adamo usque ad Moysen: In eos etiam qui non peccaverant ad similitudinem transgressionis Adami.* Εἰς τοὺς μὴ ἀπεργασάμενους: in eos qui non peccaverant. Quæ de hominibus natis ante Adamum procul dubio intelligenda sunt. Peccaverant scilicet ante Adamum nati homines. Peccaverunt post illum nati. Non peccaverant ad similitudinem transgressionis Adami ante Adamum nati homines. Peccaverunt ad similitudinem transgressionis ejus post Adamum geniti.

Quæ ut ordine aperiā; Notandum est, neminem unquam mortalium peccavisse actu quod Adamus peccavit: sed actu imputatum fuisse omni-

omnib
cavit ad
secum
dit mo
sublat
num, e
nullus
vir; &
cavit: f
dinem
peccat
ter ort
putare
eodem
comm
altera
rit: al
suum
se alien
bus, p
que est
bitos a
actuali
Adami
fuisse
omnes
non a
rerum
ritas re
Nulla
cto cre
loco h
ginem
cavisse
cavit
transg

omnibus. Nullus siquidem, ut prædixi, manducavit actu fructum scientiæ boni & mali: quem secundum vulgatam opinionem, neque ullus vidit mortalium, neque vidisse unquam potuit: sublata enim est arbor ipsa è conspectu hominum, ex quo Adamus Paradiso submotus est. At si nullus peccare potuit actu quod Adamus peccavit; & si omnes peccaverunt quod Adamus peccavit: superest ut peccaverint omnes ad similitudinem illius peccati; per imputationem scilicet peccati ejusdem. Convenit sane Theologos inter orthodoxos, quod supra notatum est: Imputare alicui peccatum alterius; esse, eundem eodem loco habere ac si ipse peccatum illud commisisset. In quo requiritur, ut personarum altera peccatum illud actualiter non commiserit: alioqui jam non alienum peccatum, sed suum sibi imputaretur. Imputatum autem fuisse alienum peccatum Adami hominibus omnibus, pro comperto est. Statuendum ergo utique est, homines omnes eodem loco fuisse habitos ac si ipsi peccatum illud patravissent: non actualiter; alioqui jam non alienum peccatum Adami, sed suum sibi hominibus imputatum fuisset. Restat igitur, ut patravissent homines omnes peccatum Adami, ad similitudinem, si non actu. Et enim vero: quoniam nihil est in rerum natura; quod non sit vel actus, quæ est veritas rei; vel similitudo, quæ est imago veritatis. Nulla porro legitima imputatio ex alieno delicto creari potuit, quam fictione illa qua is qui loco habetur peccantis, versus putatur in imaginem & similitudinem peccantis; nec non peccavisse ad similitudinem, quod peccator ipse peccavit actu. Nimirum, ut propter similitudinem transgressionis, similes poenæ infligantur personam

sonam ac similitudinem peccatoris induto, quæ peccatori ipsi constituuntur.

Hoc autem enixe voluit Apostolus accidisse omnibus hominibus: & idem peccavisse quod Adamus peccavit; & eandem pœnam mortis passos, quam Adamus passus est propter idem peccatum suum. *Per unum, inquit, hominem peccatum intravit in mundum; & per peccatum mors.* Voluit, inquam, homines omnes verfos fuisse in imaginem & similitudinem Adami, ut peccavisse censerentur omnes ad similitudinem transgressionis Adamicæ: & similis mors regnaret eisdem, quæ Adamo regnaverat, propter similitudinem transgressionis ejus. Atque ut nullos homines pœnæ illius mortis subduceret Apostolus, hæc addidit. *Mortem regnavisse ab Adamo, etiam in eos qui non peccaverant ad similitudinem transgressionis Adami.* Notum siquidem erat, peccatum Adami pervasisse in homines omnes qui ab Adamo formato nati essent, & post illa nascerentur: nec non mortem regnavisse ab illo in eosdem posteros. Verum ut homines omnes peccato Adami comprehenderet: homines inquam omnes; quorum radices tantum vergebant ab Adamo ad præterita & antecedentia Adamum secula; quantum illorum rami tendebant ab eodem ad futura & Adamum subsequenda tempora: voluit Apostolus peccatum Adami æque imputatum fuisse ab Adamo præteritis & futuris hominibus; nec non mortem regnavisse ab eodem in eosdem præteritos & futuros. Mirandum certe, sed non sine exemplo, mysterium. Ecce enim Abrahami fides imputata est mysterio eodem fidelibus omnibus, & natis ante Abrahamum à temporibus æternis; & qui post Abrahamum nati sunt, & nascentur in tempora

tempor
mus p
& futu
tatione
tem sci
post C
putatan
creatos
Atque
fieri po
suadet.
ctus; se
nes in v
bo coru
ne uno
Adam
ritus fi
supra
Adam
spiritus
tem pe
neque
docebi
ex eod
rant fi
causa
futuri
rendu
mum d
fuisse n
Pere
mus,
rum o
alios p
gressi
nati &

tempora usque æterna: quo intellectu Abrahamus pater credentium dictus est, præteritorum & futurorum omnium. Adde his quæ de imputatione mortis Christi dudum enarravi. Mortem scilicet Christi non solum imputatam fuisse post Christum natis hominibus; sed retro imputatam pervasisse in retro etiam ante Christum creatos & genitos.

Atque ut hæc ita fieri decuit, hæc utique ita fieri potuisse, ratio ipsa imputationis mysticæ suadet. Spiritu scilicet & ratione mera intellectus; secundum quam imputatio mystica homines invadere suevit. Quale enim fulgur de nimbo coruscans, quæ supra & quæ infra sunt lumine uno percurrit; talis imputatio ex peccato Adami erumpens, vibrata est una mysterii & spiritus fulgetra in omnes homines: & in illos qui supra Adamum nati erant; & in eos qui infra Adamum nati sunt & nascentur. Eadem certe spiritus & mysterii ratio, quæ nos docet, mortem pervasisse ex peccato Adami in homines neque dum natos infra Adamum longissime: docebit nos, eandem mortem regnare potuisse ex eodem peccato in illos homines qui nati erant supra Adamum longissime. Par nimirum causa est, in mysterio imputationis, præteriti, quæ futuri temporis. Neque novum miraculum querendum est, ut imputetur peccatum ante Adamum creatis hominibus; si creditur imputatum fuisse neque dum post Adamum genitis.

Pererremus autem, quantum animo valebimus, homines à principio usque ad finem rerum omnes. Et tandem fatendum erit, nullos alios potuisse peccare ad dissimilitudinem transgressionis Adami, præter illos qui ante Adamum nati & creati erant. Constat enim, homines omnes

omnes post Adamum genitos, & natos natum, & qui nascentur ab illis; peccavisse ad similitudinem transgressionis Adami. At si posteri Adami omnes peccaverunt ad similitudinem transgressionis ejus: quod amabo genus hominum potuit non peccavisse ad similitudinem transgressionis illius? Certe, illorum fit necesse est qui ante Adamum creati erant. Nimirum quos & ante Adamum, quia ante legem, peccavisse, manifesto voluit Apostolus, Romanorum 5. Tum quibus suum peccatum ante legem & Adamum non imputabatur: quia peccatum non imputatur non existente lege. Atque adeo, qui neque peccaverant, neque peccavisse potuerant ad similitudinem peccati Adamici. Ad differentiam posterorum Adami omnium, qui post legem, quia post Adamum, peccaverunt: quibus utique peccatum Adami imputatum est; quia peccatum imputari coepit ab lege & Adamo. Atque adeo, qui soli peccare potuerunt ad hanc veram transgressionis Adamicæ similitudinem; de qua hic agitur, & quam solam non dubie intellexit hoc loco Apostolus.

Ignoscant Viri summi qui D. Apostolum interpretati sunt, si dixerō; non sibi constare quæ ad hunc locum attulerunt de infantibus: quos idcirco noluerunt peccavisse ad similitudinem transgressionis Adami, quia, inquiunt, non peccaverunt actu quemadmodum Adamus peccavit. Imo si peccavissent actu, non peccavissent ad similitudinem: quoniam actus, veritas ipsa, non similitudo rei est. Atque eo ipso quod non actu peccaverunt infantes, quæ Adamus actu transgressus est; peccaverint necesse est ad similitudinem transgressionis ejus. Ceterum viros fefellit cele-

celeberrimos mixtura illa quam fecerunt peccatorum Adami naturalium, quæ Adamo inhæserunt, cum peccato legali, quod ab Adamo transiit in omnes homines. Voluerunt siquidem illi, infantes non peccavisse ad similitudinem transgressionis Adami, quia non actu peccaverunt quod Adamus actu peccavit. Verbi gratia: quia non occiderunt actu, quemadmodum Adamus actu, vel occidit, vel occidere potuit: quia non inœchati sunt actu, quemadmodum Adamus actu, vel inœchatus est, vel inœchari potuit: quia non furati sunt actu, quemadmodum Adamus actu, vel furatus est, vel furari potuit: & sic de ceteris peccatis Adami naturalibus. Atqui non agebatur hoc loco de similitudine peccatorum Adami omnium, sed de similitudine inobedientiæ Adami unicæ. quod serio notandum est. In quam inobedientiam nullus neque adultorum neque infantium incidere actu potuit. Non dixit Apostolus: *qui non peccaverant ad similitudinem peccatorum Adami.* Imo illud dumtaxat: *qui non peccaverant ad similitudinem transgressionis Adami.* Agebatur siquidem hic; non de peccatis Adami omnibus, & quæ sibi soli naturaliter peccavit Adamus: sed de una Adami transgressionem, quæ imputatione transiit in omnes homines. Omnes, inquam, infantes & adultos: quatenus omnes indistincte hominis nomine & specie veniunt: & quatenus omnes infantes & adulti, nec non omnium ætatum omnes, peccaverunt spiritu & mysterio, non natura & materia, ad similitudinem transgressionis illius Adamicæ. Quamvis enim similitudo intercedat hominibus omnibus peccatorum suorum naturalium, cum peccatis Adami naturalibus: non illam tamen similitudinem

nem naturalem & materialem intellexit hoc loco Apostolus: quippe quæ communionem habere potuit cum bestiis ipsis; ad quarum similitudinem peccant homines omnes naturaliter & materialiter, propter eandem naturæ & materiæ communionem. Illam tantum similitudinem spiritalem & mysticam tetigit D. Paulus, quæ hominibus solis competiit. Hominibus inquam illis qui communionem itidem habent spiritalem & mysticam cum Christo: ad cuius participationem nefas esset dixisse venire etiam bestias.

CAPVT IX.

Qua ratione retro acta fuerit imputatio peccati Adamici in antecessores Adami. Mystério scilicet ad salutem antecessorum eorundem comparato. Qua ratione potuerint salvi fieri antecessores Adami illi.

VErum inquirunt: Qui potuit imputatio transgressionis Adamicæ in antecessores Adami retro agi? Qui potuit itidem mors regnare in antecessores Adami, iisdem vita cassis? Neque vero mirum videbitur, imputationem peccati Adamici retro actam fuisse in antecessores Adami omnes mortuos & sepultos; reputantibus quæ supra & plus satis inculcavi: imputationem fidei Abrahamicæ, Theologorum ipsorum consensu, retro actam fuisse in antecessores Abrahami quantumvis mortuos: Christum autem imputatum fuisse tum suis tum Abrahami antecessoribus, mortuis utique & sepultis.

At certe mortem regnavisse in eosdem mortuos; & mortem ex imputatione peccati Adamici

mici sæv
vel pro
que habet
obvenire
pervasis
tale eva
peccavit
fingere,
pervasisse
cesserunt
est; Adam
tes. Ver
peccato
mysticam
que natu
mystice
est in ho
gotio. E
tem inva
homines
conciplin
re præter
præteriti
dem im
nati hon
potior in
teritorum
natorum.
men aliqu
me, præ
runt, ne
ri sint.
Apost
evaniss
quod ide
tem regn

mici se viisse in ipsos mortuos, prodigio simile, vel prodigium merum videbitur; fixum ratumque habentibus, nullam aliam mortem potuisse obvenire hominibus, præter illam quæ in eos pervasit ex semine Adami; quod, ut aiunt, mortale evasit, & mortem peperit ex quo Adamus peccavit. Hoc enim posito, impossibile est, sibi fingere, mortem ex peccato & semine Adami, pervasisse in homines illos qui Adamum antecesserunt: quia factu & conceptu impossibile est; Adamum suos unquam genuisse antecessores. Verum enimvero; si mortem illam quæ ex peccato Adami pervasit in homines omnes, mysticam & spiritalem intelligimus; quæ neque naturaliter, neque ex semine Adami, sed mystice & spiritualiter ab Adamo effusa & refusa est in homines omnes; nihil illo dilutius erit negotio. Etenim qua ratione concipimus, mortem invasisse Adamum, & in illo futuros omnes homines, momento illo quo peccavit; quidni concipiemus, mortem eandem potuisse invadere præteritos & futuros? Et si quid est quod de præteritis dici videatur impossibile; quidni eodem impossibilis gradu venient futuri & non nati homines cum præteritis & mortuis? Imo potior in hoc mysterio debuit haberi ratio præteritorum mortuorum, quam futurorum non natorum. Quia mortui qui non sunt, esse tamen aliquomodo putantur, qua fuerunt certissime, præ futuris & non natis, qui nunquam fuerunt, neque adeo certum est an unquam futuri sint.

Apostolus diserte nos docuit, regnum mortis evanuisse ab interitu legis Mosaicæ, vel à Christo; quod idem est. Nemo tamen est qui dubitet, mortem regnavisse in omnes itidem homines qui
à Chri-

à Christo usque ad nos geniti sunt, & in illos qui à nobis usque ad finem seculorum progignuntur. Quæstio est à quo tempore regnaverit mors in illos homines qui à Christo mortuo nati sunt, & nascentur. Certe non à Christo mortuo, ut dictum est: Christus enim moriens vitam & regnum morti abstulit. A tempore ergo illo quo regnum mortis vigit. Ab Adamo scilicet, & à tempore illo quo propter violatam legem mori meruit Adamus, & mori meruerunt homines omnes in Adamo: quique eleganter Cassiodoro dicti sunt; *Mortem contraxisse antequam vitam principia reperissent*. Regnavit ergo mors ab Adamo, in futuros & nondum natos homines. Quod an aliter fieri potuerit quam ratione mystica, & pura puta operatione intellectus, consulat quisque bonam suam mentem. Quid porro vetuit eadem statuissè de præteritis quæ de futuris hominibus? Mortem scilicet mystice regnavisse in illos, atque in hos mystice regnavisse concedimus.

Ratione itidem mystica, vel quod idem est, parabolica, & fictione ipsa juris; plus causæ erit, quare regnaverit mors præteritis mortuis, quam futuris non natis: si revocamus in animum quod usu fit apud animadversores scelerum, quibus non novum est mortem infligere mortuis: qui jubent cadavera nocentium stare iudicio; ut secundum pœnas legum morte illa civili afficiantur, quam morte naturali præverterunt. Quæ vero lex adeo crudelis tale quid statuit de futuris hominibus? & quæ non natos homines condemnatione mortis persequuta est? Cogitemus ergo, mortem spiritalem & mysticam regnavisse ex peccato Adami in præteritos homines Adami antecessores; eodem modo quo

quo jus
potuisse
Age
riti fun
centes
Sed qu
illi ante
Dei vio
tam bar
mortuo
nuo ne
mortem
erant,
autem u
Deo, &
unqua
Deum
isse de
& supra
de hom
est. Et
vertere
illud in
que fu
ferunt
mi, ut
ritum
fuerunt
fuisse n
periisse
ruit, &
mortuis
Christi
concep
Adami
qua in

quo jus civile finxit, morte naturali mortuos potuisse & morte civili insuper condemnari.

Age vero, insurget aliquis. Moriuntur ut meriti sunt, morte civili & sententia Judicis; nocentes illi mortui propter violatas leges civiles. Sed quid de Deo tam male meruerunt mortui illi ante Adamum homines, qui nullam legem Dei violaverant, quia nulla eis data erat? Et quæ tam barbara religio morem hunc permisit, ut & mortuos reatu obstringeret, ut & mortuos denuo necaret, ut in illos sæviret innocentes; & mortem legalem ex lege quam non transgressi erant, morti illorum naturali adderet? Absit autem ut quicquam vel injusti vel truculenti, de Deo, & de lege Dei, concipiamus. Absit ut tale unquam nefas in animum nostrum inducamus; Deum legibus & mysteriis suis quicquam statuisse de hominibus, in hominum perniciem: quod & supra refutavimus. Quicquid decrevit Deus de hominibus, in salutem hominum decretum est. Et si quid fuit quod alias minus illis bene vertere videretur, convertet Deus olim idem illud in melius. Consultum igitur exquisitumque fuit hominibus illis qui Adamum antecesserunt, mori ex transgressione & peccato Adami, ut resurgant olim ex mortuis secundum spiritum sanctificationis quæ est in Christo. Salvi fuerunt quia perierunt. Et damnum putatum fuisset mysterii, nisi qui resurgere potuissent, periissent. Perfici vero in illis utrumque potuit, & mori in Adamo & resurgere in Christo, mutuis & reciprocis imputationibus Adami & Christi, mystice & spiritualiter intellectis: si concipimus damnationem mortis ex peccato Adami eadem ratione in illos retro actam, qua intelligimus absolutionem de condemnatione

tione illa ex satisfactione & morte Christi, mystice etiam & spiritaliter retro effusam in eosdem.

Imo obijciunt. Qui potes erunt unquam antecessores Adami illi, sanctificari & resurgere ad vitam æternam in Christo, si vita æterna quæ salus hominum est, nullis conceditur nisi illis qui noverunt Deum patrem, & crediderunt in Christum filium quem misit Deus pater? At quomodo poruerunt vel nosse Deum patrem, vel credere in Christum filium, antecessores Adami illi; quibus nihil unquam de Patre, neque de Filio dictum est? Cognitio enim, & fides, ex auditu sunt. Ad hæc ut respondeam pro re & loco, sciendum est: homines bonos omnes, Adamum antecedentes; potuisse præsumere salutem suam, ipse & confidentia eadem qua patres Judæos omnes, ab Adamo ad Christum justos reputatos, salutem eandem concepisse credimus. Nam neque patres Judæi illi, Deum-patrem ut Patrem cognoverunt, neque in Christum-filium crediderunt: asserente Apostolo, Rom. capite ultimo: *Mysterium Dei-patris & Dei-filii tacitum fuisse & absconditum a seculis æternis, usque ad sua tempora.* Tacitum ergo, absconditum & incognitum Patribus illis sanctis Judæis, inter Adamum & Christum interjectis. Quod si quis laudet Christum ipsum profitentem; Abrahamum & Isaiam hausisse oculis sui pectoris diem adventus Christi, illique arrisisse; Respondebo, vidisse illos diem Christi adventantis, sed umbris & figuris involutum: qualis

Qui videt, aut vidisse putat per nubila Lunam. Arrisisse illos Christo, sed incognito: quales infantes arrident matribus suis; quasque risu cognoscere dicuntur, poetice magis quam vere:

in-

instinctus enim est potior in infantibus, quam cognitio.

Scriptum est porro Ephesiorum capite primo, Deum elegisse gentiles in adoptionem suorum sibi filiorum *ante creationem mundi*. Deus autem non sinat ut credamus, Electionem illam adeo otiosam & inutilem fuisse, à creatione illa mundi quam ante formationem Adami à temporibus æternis supponimus; usque ad Jesum Christum; ut nullus homo è gentilibus electus & vocatus fuerit ad participationem salutis quæ in Christo est, per totum illud tempus quod intercessit à mundi cunabulis usque ad tumultum Christi. Gentilis erat Melchisedech; neque enim ex generatione Judaica; quod signate notavit epistola ad Hebræos, capite 7, versu 6. *Et erat Sacerdos Dei summi*. Ergo & Electus. Imo vas electionis electissimæ: qui decimas accepit ab Abraham: & cujus sacerdotio æterno comparatum est æternum Christi sacerdotium. Creditur gentilis Job: vir simplex & rectus, ac timens Deum, & recedens à malo; servus Dei, atque adeo Electus: cuique, Deo ipso perhibente, similis non erat in terra. Gentilis erat Cornelius centurio ex legione Italica: vir pius & timens Deum cum tota domo sua, & sedulam navans operam bonis operibus. Taceo profelytos quamplurimos. Tum gentiles & illos, quos Achillis nostri Chirôn, MOTHANVS VAYERIVS, longo ordine enumerat in elegantissimo juxta & doctissimo Tractatu, quem Gallice conscripsit, & inscripsit, *De la vertu des Payens*. Viros, inquam, probos, spectatos, & sapientes illos taceo: quos omnes longe ante adventum Christi, non à fide abhorruisse, imo potius fidei consentaneum est credidisse, Electos à Domino, & vo-

catos fuisse ad Dominum. At quæ ratio est Electorum illorum gentilium qui fuerunt ab Adamo ad Christum; eandem statuo de electis illis gentilibus, quos tulit prior ætas, à mundo creato usque ad Adamum formatum.

Hacpropter vero gentiles illos omnes, ante & post Adamum genitos, viros frugi, mansuetos, & bonæ indolis, Christi electos crediderim; quia ex servitiis & mancipiis Christi fuisse illos existimaverim. *Si quis enim spiritum Christi habuit, is fuit Christi*: ex Apostolo Romanorum 8. Spiritum autem Christi habuisse illos autumo, quia tactos & animatos fuisse conjicio spiritu illo Christi, qui secretis cogitationibus salutem & vitam æternam apud illos operabatur. Inerat gentilibus illis spiritus Christi, sicut inest infantibus sua anima qua sentiunt; & quam sentiunt infantes, sed quam non agnoscunt. Inerat illis spiritus Christi, sicut inest ratio infantibus; quæ potentia in eis est, non actus. Vocatus idcirco Spiritus ille, *Potentia Dei ad salutem*, epistola ad Romanos capite 1. Inerat illis spiritus Christi, sicut inest grano frumenti virtus illa quæ potentia vegetativa est. *Germinat enim & increscit granum illud terræ commissum, dum nescit agricola qui seminavit illud*: quod notatum est Euangelio D. Marci, capite 4. Comparatus hac de causa spiritus Christi, quod regnum Dei est, grano illi frumenti. Germinat enim & increscit spiritus ille in Electis; dum nesciunt illum qui illum intra se habent Electi. Datus erat spiritus Christi gentilibus illis electis, nescientibus, oscitantibus, & dormientibus: arque illis optime conveniebat Psalmi illud 127. *Cum dederit dilectis suis somnum; Ecce, hæreditas Domini*. Hæreditas inquam Domini; quæ & regnum Dei,

Dei, & spiritus Christi, & vita æterna est. Inerat illis spiritus Christi, sed erat absconditus & incognitus, neque se eis confitebatur. Sentiebant & colebant Spiritum illum: sentiebant quem nesciebant; colebant quem ignorabant. Aras illi sacrabant quas Deo incognito nuncupabant, & quem Deum incognitum, Iesum Christum D. Paulus ipse nominatim interpretatus est Atheniensibus. Absconditus erat in illis Spiritus Christi. Quapropter & ipsi Electi in abscondito; quales vocavit D. Paulus *Iudæos in abscondito*; Romanorum 3. *Conclusi erant in eam fidem quæ revelanda eis erat.* Quod D. Paulus idem asseruit de Iudæis illis sanctis, qui degerunt sub lege, ab Adamo ad Christum: nec non accommodari potuit gentilibus illis justis, qui degerunt sub natura, ante legem & Adamum. Erant gentiles illi sicut *oves errantes quæ nesciebant quo Pastore ducerentur: sed quæ*, secundum D. Petrum Epistola sua 2, capite 2, potuerunt converti *ad Pastorem animarum suarum.* Absconditi erant cognitione & professione sua: atque eatenus cogniti, quatenus potuerunt cognosci ex eorum operibus: quæ vera & solida fuit Electionis suæ probatio. Edicente illud Domino ipso. *Ex operibus eorum cognoscetis illos.*

Plura de his dicam si Deus faverit; ubi agam ex professo de vocatione gentilium, quæ à rejectione Iudæorum invaluit. Ordinar autem partem secundam hujus Systematis à rejectione ipsa Iudæorum: Quia enim satis dixi de electione tum Iudæorum, tum gentilium in Iudæis electorum. Neque de illis faciam longius.

F I N I S.



SYNAGOGIS
IUDÆORVM
VNIVERSIS,

*Quotquot sunt per totum Terrarum
orbem sparsæ.*



ATIO sancta & electa ! filii A-
dam, qui fuit filius Dei: atque ad-
eo & ipsi filii Dei. Salutem ve-
stram vobis precatur, nescio quis:
atque utinam ex Vobis unus !

Magna sunt quæ de vobis dixi in Tractatu
hoc ; ubi egi de Electione vestra. Multo ma-
jora sunt quæ de vobis dicam in sequenti ; ubi
agam de Restauratione vestra. Quam futuram
esse certo scio. Et, si quid Deus agit secretis co-
gitationibus apud nos , quam brevi futuram
spero & confido.

Eripiet Deus caligantem nubem illam, quæ
nostros & vestros, Christianorum & Iudæorum
oculos hebetat. Videbitis Iudæi secundum Pro-
phetam vestrum , IESVM eundem nostrum
quem Patres vestri transfixerunt, venientem
vobis & nobis in nubibus. Et nos vicissim Chri-
stia-

ftiani, videbimus, fecundum Apostolum no-
strum, REDEMPTOREM vestrum, veni-
entem ex Sion; peccata vestra & nostra delen-
tem. Edixit enim aperte D. Paulus, cap. II.
ad Romanos. TOTVS ISRAEL *salvabitur:*
sicut scriptum est; VENIET REDEMTO-
R EX SION, *qui delebit iniquitates Iacob.* At,
qui delebit iniquitates vestras, delebit & no-
stras. Ergo: si edicente D. Paulo, VENIET
REDEMTO R VESTER: nondum venit,
sed venturus est. Venit certe gentilibus, gen-
tilium redemtor IESVS noster. Sed qui ve-
nit gentilibus, gentilium Salvator IESVS in
carne: veniet idem ille CHRISTVS, id est
MESSIAS, in spiritu; Salvator Iudæorum.
Genitus est IESVS qui dicitur CHRISTVS;
ut scriptum est in Euangelio D. Matthæi cap. I.
Id est: genitus est gentilium IESVS, qui di-
citur Iudæorum CHRISTVS.

Myfterium IESV domini nostri, qui venit
gentilibus in carne, vobis Iudæis incognitum
fuit: absconditum Patribus vestris; imo & taci-
tum toti mundo, à creatione mundi. Quod
scripsit D. Paulus Rom. cap. ultimo: ubi vo-
cavit Euangelium: *Patefactionem myfterii, quod*
tacitum & absconditum fuerat à seculis & tem-
poribus æternis. Vos sperabatis in eum qui re-
stituturus erat regnum Israel. At IESVS in
carne evertibat regnum Israel; ut in locum Is-
rael substitueret gentilem. Myfterio vobis &
seculis ipsis incognito. Quocirca, neque cre-
dide-

didistis in I E S V M , neque potuistis credere in illum. Quod notavit Euangelium D. Ioannis , cap. 12. Quia dixerat Isaias ; Excacavit oculos eorum, & induravit cor eorum: ne viderent oculis, & ne intelligerent corde: & convertantur, & sanem eos. Conversionem & sanitatem vestram distulerat Deus in aliud tempus. Obduravisse autem dicitur Dominus corda vestra, quando non illa spiritu suo emollivit, & inflexit ad cognitionem mysterii illius: Quod est virtus & potentia Dei, ad salutem cuiusvis credenti. Virtus vero & potentia illa, tota ex Deo erat, non ex hominibus: neque adeo ex vobis, quatenus homines eratis, non dii.

Nempe illud fuit, quod I E S V S ipse, quo momento crucifigebatur à patribus vestris, & adprime sciens, illos nescire eum, & peccare ignorantia, hæc animitus pro illis & pro vobis oravit Deum. Pater! ignosce illis: nesciunt enim quid faciunt. Quin & I E S V S idem ille à vobis crucifixus, se vobis de cælo exeret. Et qui regnum vestrum evertit, cum venit in carne: regnum ille idem vestrum vobis restituet, cum veniet in spiritu.

Stabitis attoniti ad tantum miraculum. Sed nolite commoveri. Auctius & melius vobis erit, quam Patribus vestris; qui fratrem suum Iosephum quem vendiderant, non noverant: à quo tamen & victum, & vitam accipiebant. Accedet ultro ad vos I E S V S ille, qui CHRISTVS & MESSIAS vester est; dicetque

vobis, quæ dicebat Ioseph fratribus suis.
Misit me Deus ante Vos in vivificationem;
& ad ponendum vobis residuum. Et nunc vos
non misistis me huc. Sed Deus posuit me pa-
trēm Pharaoni; id est, gentili. Et dominum
omni domui gentilitia. Et dominatorem in o-
mnī terra gentilitia. Perget ille. Felix culpa
fuit patris primi vestri Adami, quā me me-
ruit redemptorem. Felicior culpa fuit patrum
vestrorum; quā me morte mea, vestri & to-
tius generis humani redemptorem fecit. Oportuit
ut per crucem meam, quā vestra itidem fuit, in-
trarem in gloriam meam, quā vestra itidem
erit.

Neque vero illud tantum restituet vobis
regnum vestrum Deus, per Spiritum I E S U &
C H R I S T I sui, M E S S I Æ vestri; Sed etiam
exorietur (si non exortus est) vestris ex ossi-
bus & fratribus, ultor & R E X vester: qui
virtute Dei, & Spiritu C H R I S T I fretus;
gentes vobis inimicas conteret. Vosque in ma-
nu forti & brachio extento, patriæ vestræ &
Terræ sanctæ restituet: *ut illam, I N Æ T E R -*
N V M C O N F I D E N T E R, E T S O L I, ha-
bitetis. Quod vobis authentice promissum fuit.
Quod expressim notavi in hac parte mei Syste-
matis. Quodque expressius demonstrandum
mihi erit in sequenti.

Gestiunt mihi præcordia; quoties recor-
dor R E G E M illum vestrum: *Pulchrum præ fi-*
liis hominum. Sed pulchrum, quā virtus pul-
chra

chra est. Et qua Samson vester, qui Hercules gentilium fuit, pulcher erat.

Satus Hercule pulchro

Pulcher Aventinus.

Micat animus quoties animo recolo invictissimum Principem, & Regum primogenitum; enssem femori suo aptantem; fulmineum stringentem; hostibus vestris & suis fervide instantem; tingentem crura in sanguine; bibentem de torrente; triumphantem; & in montem Sion ascendentem; ibique Trophæa coram Domino de gentibus devictis erigentem.

Salit mihi cor, & nescio, quod insolitum gaudium pertentat tacitum meum pectus; quoties imago subit futuri illius reditus vestri: quo exciti omnes ex omnibus Terrarum omnium partibus, in quas dispersi estis, confluetis ad dulcē illam patriam vestram possidendam, pro qua tam diu est quod imo de pectore suspiria ducitis: ad Ierusalem illam vestram instaurandam, de qua tam præclara & tam gloriosa dicta sunt: & ad Templum illud vestrum restituendum, in quo erit requies Domini, & requies vestra. Totus exulto, quoties reputo semitas omnes undique ferventes in reditu illo vestro;

—— *Plenisque viis sic agmen abundans:*

Vt æstuosi cum flat Austri spiritus

Indignata suis cohiberi flumina ripis,

Vaga per agros murmurant licentia.

Quæ sunt psalmi 126, ex paraphrasi Georgii Buchanani, omnium exquisitissima.

Sed

Sed ad cœlos ipsos meditatione evehor; quod
ties in animum induco meum, reditum illum
vestrum, & restorationem illam vestram, PLE-
NITUDINEM fore gentium. Et vocatio-
nem nostram, inchoatam in IESU quando
venit in carne, perficiendam & cumulandam
in CHRISTO & MESSIA vestro, quan-
do veniet in spiritu. Et quo tempore, secundum
Prophetam vestrum, Spiritus ille qui ex Deo
est, PLENE effundetur super omnem carnem.
Quo tempore, inquam, laudabunt Dominum
omnes gentes cum populo ejus. Imo, quo tem-
pore Cœli enarrabunt gloriam Dei: Terra hy-
mnos concinet: Montes subsilient: Colles cla-
mabunt: Silvæ motabunt arborum suarum ca-
cumina: Mare gaudio æstuabit: Fluvii mani-
bus plaudent: & natura universa læta erit de re-
velatione FILIORVM DEI; quæ vestra
futura est. Ad cujus scilicet revelationis expe-
ctationem, Naturam eandem nobis exhibuit
D. Paulus, *anhelantem, enitentem & partu-
rientem*, cap. 8. epistolæ ad Romanos.

Sed quid ego hæc raptim commemoro? Quæ
per latum & effusum orationis campum ex-
plananda sunt. Et super quibus singulatim e-
narrandis hærendum nobis particulatim est.
Quod nimirum faciam in altera parte hujus
Systematis: si Deus idem, qui velle illud mihi
dedit, perficere dederit. Hoc mihi certe cum
Vobis commune est: quod vitam duco errati-
cam; quæque parum convenit cum otio me-
ditan-

ditantis & scribentis. At, si vivo vitam vestram; moriar morte vestra: & *Moriar morte Iustorum*; quæ vestra est.

Vos autem sospitet Deus. Vivite felices in spe vestra: quæ fortitudo vestra est.

Durate! & Vosmet rebus servate secundis.



re-
ports

es in

fe-

only

